

इतिहास रो साच

(अभिलेखां पर आधारित शोध-आलेख)

डॉ. गिरिजा शंकर शर्मा

आचार्य तुलसी राजस्थानी शोध-संस्थान
(आचार्य तुलसी शान्ति प्रतिष्ठान, गंगाशहर रो प्रकल्प)

आंशिक अर्थ-सहयोग :

राजस्थानी भाषा, साहित्य एवं संस्कृति अकादमी, बीकानेर

© डॉ. गिरिजा शंकर शर्मा

पहला संस्करण : 2002

मूल :	सामान्य संस्करण	30 रिपिया
	पुस्तकालय संस्करण	80 रिपिया

आवरण : शंकरमिह राजपुरोहित, छाया : दिनेश गहलोत

प्रकाशक : आचार्य तुलसी राजस्थानी शोध-संस्थान
आचार्य तुलसी समाधि-स्थल,

नंदा रोड, गंगाराहर-334401 (बीकानेर) ① 270396

मुद्रक : गन्धर्व प्रिंटर्स, माल गोदाम रोड, बीकानेर ① 526890

रजि. सं. : गंगार कम्प्यूटर आर्ट, बीकानेर ① 530571

Priced as such (First) by Dr. Girija Shankar Sharma Rs. 30.00 (P.B.), 80.00 (H.B.)

समर्पण

हेत-हिंवासा सूं हळाबाळ
अर

ममता रा मूरत
मा 'सा धनदेवीजी री
पावन-स्मृति में सादर समर्पित

आशीर्वचन

सिवाणची मालाणी केन्द्र
(बालोतरा)
20 मार्च, 2002

अहंम्

डा. गिरिजा शंकर शर्मा अभिलेखां रै आधार पर इतिहास रै साच नै सांमो ल्याया है। इतिहास री बहुत सारो बातों काळ री पोथी में ही छिपी रह ज्यावै। बोनै चांचगिया थोड़ा ही आदमी हुवै। डॉ. शर्मा बों काळ री पोथी रा कुछ पन्ना पढ़णै री चेष्टा करी। जिज्ञासु पाठकां रै वास्तै उपयोगी निवड़सी।

पं. विद्याधरजी शास्त्री तेरापथ धर्मसंघ, आचार्य तुलसी और म्हारै भी बहुत निकट रैया। उणारै ही सुपुत्र डॉ. गिरिजा शंकर शर्मा री पोथी आचार्य तुलसी राजस्थानी शोध-संस्थान छपावै, आ बहुत ही प्रासंगिक बात है। ई स्यू पाठकां नै बहुत सारी नई जाणकारियां मिलसी और इतिहास री साच बांल रै जन-जन रै सामनै आवैला।

मंगळ-भावना।

आचार्य महाप्रज्ञ

अंतस रा आखर

पच्चीस बरसां पैली म्हारै विभाग रा सैयोगी अर मातृभाषा रा हिमायती डॉ. सत्यनारायण स्वामी, राजस्थानी भाषा मांय लिखण सारू म्हनै प्रेरित कथ्यो। उण बगत म्है खालस राजस्थान रै सामाजिक अर आर्थिक इतिहास रो लेखन राजस्थान राज्य अभिलेखागार, बीकानेर मांय उपलब्ध दस्तावेजी स्रोतां रै आधार माथै कर रह्यो हो। आं दस्तावेजां मांय म्हनै जिकी घटनावां रोचक अर अछूती रह्योड़ी लागी, उणां पर बिना किणीं लाग-लपेट रै म्हारै घरां बोलीजण आळी राजस्थानी भाषा में लिखणो सरू करथ्यो। इण सारू अभिलेखागार रै शोध अर संदर्भ कक्ष सूं म्हनै मोकळी सामग्री मिली।

उणीं बगत म्हारो सम्पर्क राजस्थानी भाषा में छपण आळी मासिक पत्रिका 'माणक' रा उप-सम्पादक डॉ. नृसिंहजी राजपुरोहित सूं हुयो। राजपुरोहितजी म्हारी इसी पंदरैक रचनावां इण पत्रिका रै नियमित स्तंभ 'इतिहास रै झरोखै' में लगोलग छाप दीवी। इणसूं नों फगत राजस्थानी लिखण में म्है अभ्यस्त हुयो बल्कै इतिहास रा उपेक्षित पात्रां अर घटनावां नें उजास में लावण री म्हारी हूस भी बधती गयी। तापछै तो राजस्थानी भाषा री दूजी पत्र-पत्रिकावां भी म्हारा शोध विषयक आलेख छापणा सरू कर दिया।

आज आ बात म्है आछी तरयां जाणूं हूं कै अबार ताई राजस्थानी रा पाठक, राजस्थान रै इतिहास री शोधपरक रचनावां नें पढण मांय पूरी रुचि नों लेवै। पण आं ईज रचनावां रै हळकै-फुळकै सरूप नें बख-पड़्यां पढ ई लेवै है। इण बात नें दीठ में राखनै इण पोथी मांय म्है सगळी रचनावां रै शोध-संदर्भा नें हटाय लिया है। इण पछे भी आं रचनावां मांय भाषागत ऊंच-नीच तो रैय सकै है पण तथ्यगत चूक नों रै बरोबर रैवण रो म्हनै पूरो भरोसो है।

आं रचनावां नें पोथी रूप में छपावण सारू राजस्थानी भाषा रा हिमायती अर चावा समालोचक डॉ. किरणचन्द नाहटा खासै समै सूं जोर देय रह्या हा। संजोग सूं राजस्थानी अकादमी रा उपसचिव श्री पृथ्वीराज रतनू ई प्रकाशन सहयोग सारू म्हनै पाण्डुलिपि देवण रो कह्यो। इण भान्त पोथी नें छपावण में अकादमी कानों सूं जिको थोड़ो अर्थ-सैयोग मिल्यो है, उण सारू अकादमी रो घणो आभार मानूं। आचार्य तुलसी शान्ति प्रतिष्ठान, गंगाशहर रै प्रकल्प आचार्य तुलसी राजस्थानी शोध संस्थान सूं आ पोथी छपणी म्हारै सारू अंजस री बात है। इण सारू प्रतिष्ठान रा अध्यक्ष श्री मूळचन्द बोथरा अर मंत्री श्री सोहनलाल बैद रो घनैमान सूं आभार जका कै इण पोथी नें प्रतिष्ठान खातर अेक उपलब्धि मानै। इण मौकै म्हारा बडा भाईसा डॉ. दिवाकर शर्मा अर प्रोफेसर मकरध्वज शर्मा, जिणां रो आशीर्वाद म्हनै सिरजण री प्रेरणा देंवतो रह्यो है, उणांनै अर म्हारा सैंधा-अणसैंधा सगळा हिमायत्यां नें निवण !

गिरिजा शंकर शर्मा

प्रकाशकीय

आचार्य तुलसी राजस्थानी शोध-संस्थान रो उद्देश्य राजस्थानी भाषा, साहित्य अर संस्कृति री सांवठी ओळखाण करावण सारू किणी भी महताऊ विषय री पाण्डुलिपि नै उजास में लावणो है। इण दीठ सूं 'इतिहास रो साच' पोथी रो प्रकाशन संस्थान सारू अंक उपलब्धि मान्यो जाय सकै। ऐतिहासिक दस्तावेजां पर आधारित डॉ. गिरिजा शंकर शर्मा रै आलेखां रो औ संकलन राजस्थानी शोध-जगत सारू घणो महताऊ है। इण सूं पैलां शोध-संस्थान श्रीमद् जयाचार्यजी रै 'उपदेश-रत्न कथाकोश' रो पैलां खण्ड छाप चुक्यो है। अंक बरस रै बिचाळै संस्थान रो राजस्थानी ग्रंथमाला रो औ दूजां पुष्प आपरै हाथां सृपतां घणो हरख अर अंजस हुवै।

राजस्थान राज्य अभिलेखागार में उप निदेशक रै पद सूं सेवानिवृत्त शोध-अध्येता डॉ. गिरिजा शंकर शर्मा रै शोध-आलेखां रो औ दस्तावेजी संकलन राजस्थान रै इतिहास नै नूवी दीठ सूं समझण-परखण रो प्रयास है।

आज भारतीय इतिहास रै सरूप रो इतो ज्यादा विस्तार हुयग्यो हँ कै उण रो क्रमबद्ध अर विगतवार लेखन अबखो काम है। इतिहास रो औ विस्तारित सरूप समाज रै हरेक अंग नै आपरी परिधि मांय संवटण री खिमता राखै। इण दीठ सूं इणरै भावी विगसाव में क्षेत्रीय भाषावां रै साथै समाजू जनजीवण सूं जुड़्योड़ी बातां अर घटनावां रै दस्तावेजी सबूतां रै महत्त्व नै आख्यां अदीठ कोनीं कर सकां। 'इतिहास रो साच' रा महताऊ आलेख इण दीठ सूं घणा उपयोगी साबित हुवैला।

इण पोथी नै आचार्य तुलसी राजस्थानी शोध-संस्थान सूं छपावण री स्वीकृति सारू डॉ. गिरिजा शंकर शर्मा रो आभार मानां। म्हानै भरोसो है कै इण पोथी री रचनावां राजस्थानी रा सुधी पाठकां रो पसन्द पर खरी उतरसी।

सोहनलाल बैद
मंत्री

मूळचन्द बोधरा
अध्यक्ष

आचार्य तुलसी शान्ति प्रतिष्ठान, गंगाशहर

साख रा सबद

जठै ताई अकादमिक 'थर्स्ट' री बात है, भारतीय इतिहास-लेखन में मोकळा बदळाव आया है। आजादी री लड़ाई सूं लेयनै देस री आजादी मिलण रै पछै घणकरा चरसां रै लाबै आंतरै में इतिहासकार रो 'जनरल' इतिहास लिखण रो अेक खास चाव अर झुकाव रैयां है। इण रो औ अरथ नौं है कें क्षेत्रीय इतिहास सिरै सूं ई नौं लिखीज्यो, लिखीज्यो पण नमूनै भान्त। लारलै मोकळै बरसां सूं क्षेत्रीय इतिहास लिखण रो अेक सांतरो अर लगूलग 'ट्रेंड' बिगस्यो है जाणै 'जनरल' इतिहास री प्रतिक्रिया सरूप।

इतिहास-लेखन में अेक दूजो विगसाव भी सांमी आयो है जिकै नैं 'माइक्रो लेवलड' भणत कैयनै पुकारै जिका में स्थान अर थीम दोनूं भेळा है। इण तरै रै इतिहास री मूळ खाद हुवै दस्तावेज अर औ दस्तावेज ही हुवै इण इतिहास रो मूळ आधार। पण दस्तावेज खुदोखुद नौं बोले। वै तां भण्या अर अणभण्या खातर हुवै अेक कोरो कागद। उणमें बोलावण सारू जरूरी हुवै उणमें लिख्योड़ी लिपि रो ज्ञान अर अेक खास पारखी निजर। दस्तावेज उणसूं खुलनै बात करै। जिकै हाथ री परस नैं वै जाणै, उणरी सौरम नैं पिछाणै। दुजै सबदां में दस्तावेजां रो पारखी-तपस्वी ही उणां नैं गुदगुदा र मोकळी बातां कैवाय सकै।

अभिलेखागार, बीकानेर में अंवेखोड़ा लाखूलाख भान्त-भान्त रा दस्तावेज हुवो चावै सेठ-सादूकारां रा चसता-बुगचियां री बहियां अर चावै जैन मुनियां रा रच्योड़ा ग्रंथ हुवो, जे वै सगळा किणीं अेक हाथ री परस नैं पिछाणै तो वै है दस्तावेजी पारखी-तपस्वी डॉ. गिरिजा शंकर शर्मा रा हाथ। आ संजोग री बात है कैं औ सगळा ही दस्तावेज इतिहास रै बदळतै विगसाव रा मूळ अर महताऊ स्रोत है। खासकर बीकानेर अभिलेखागार में अेक लाबै समै तक उठै राजस्थान री विभिन्न रियासतां री मोकळी पुराणी बहियां अर तोजियां सूं बंतळ करतां शर्माजी नैं म्हैं खुद देख्या है। दस्तावेजां सूं लगूलग डायलॉग रो फळ है उणां रो इतिहास जगत रो नांमी ग्रंथ 'मारवाड़ी व्यापारी' जिकै इतिहास-लेखन में अेक नूवी लीक पाड़ी।

दस्तावेजां सूं शोधार्थियां री जाण-पिछाण करावणी डॉ. शर्मा री खास आदत रैयी है। बहियां सूं म्हारी मुलाकात भी उणां री मेहरबानी सूं ईज हुई। म्हारो ई नौं, जापानी इतिहासकार प्रो. मासानोरी सातो जिसा घणकरा देसी-विदेसी इतिहासकार दस्तावेज सूं आंमी-सांमी करावण सारू शर्माजी रा हमेस ई गुण गांवता रैवै। दस्तावेज खुदगर्ज अर अंतर्मुखी नौं हुवै। जिका लोग अर विद्वान उणां सूं साचै मन सूं भेळ-मिलाप राखै अर लगूलग बंतळ करता रैवै उणांरै सांमी बै आपरो सगळो अंतस खोलनै दिखाय देवै। डॉ. शर्मा इण दस्तावेजां रै अंतस री गैराई सूं रंग-बिरंगा मोती काढनै आपरी 'क्राफ्ट' रै सागै आपरी पोथी 'इतिहास रो साच' में आपांरै सांमी अंवेरनै राख दिया है। इण सूं पैलां इण भान्त री शोध सामग्री नैं उजास में लावण सारू डॉ.

शर्मा राष्ट्रीय अर अंतरराष्ट्रीय संमिनारों में राजस्थान रै विभिन्न पखों रै शोध-संदर्भा रै लेयनै कई पत्रवाचन करवा अर उर्णानै छपवाया। देस री नामी-गिरामी शोध-पत्रिकावां में आपरा अभिलेख सोतां माथै छप्योड़ा शोधपरक आलेख इतिहास जगत में खासो सम्मानित दीठ सू देख्या जावै है। राजस्थान रै आर्थिक, विशेष रूप सू व्यापारिक इतिहास रा तो आप अेक आधिकारिक अध्येता रैया ही है, राजस्थान रै स्वतंत्रता आन्दोलन रै शोध में भी आपरो सांतरो दखल रैयो है। साथै ही राजस्थानी भाषा सू भी आपरो सांतरो लगाव रैयो है। राजस्थान अभिलेखागार सू प्रकाशित 'देसदर्पण' (दयालदास) अर कूर्मविलास (कवि चन्द) जिंसा महताऊ अैतिहासिक ग्रंथां रा सम्पादकीय लिखनै अर मारवाड़ी भाषा री हजार रै अेईंगेई चहियां रो विगतवार सूचीकरण रै साथै उणा में प्रयुक्त हुवण आळी मारवाड़ी भाषा री राजस्थ सम्बन्धी शब्दावळी री व्याख्या करनै डॉ. शर्मा राजस्थानी शोध-जगत में आपरो निरवाळी पैठ बणाई है।

डॉ. टैस्सीटोरी पर राजस्थानी भाषा में ई लिख्योड़ा आपरा चार शोध-पत्रां सू प्रभावित हुयनै इटली री 'सांसाइटिया इण्डोलोजिका लूईजी पोआं टैस्सीटोरी' संस्था उदीनै (इटली) रै पछै जद भारत मांय डॉ. टैस्सीटोरी माथै दूजी 'इंटरनेशनल कांफ्रेंस' आयोजित करी तो उणरै अन्तिम सत्र रो अध्यक्षता वास्तै आपनै मनोनीत करवो हो।

'इतिहास रो साच' नांव री इण पोथी रै मांय राजस्थानी भाषा रै पाठकां में जिजासा अर रोचकता पैदा करण आळी चाळीस रचनावां सांमै राखीजी है। अै रचनावां किणी खास उद्देश्य अर विषय नै लेयनै तो लिख्योड़ी कोनीं पण लेखक पाठकां रो सुविधा सारू सगळी रचनावां नै इण भान्त विषयवार बांट दी है जिणसू पाठक नै आपरी रुचि आळी रचना रै चयन मांय दिक्कत नौ आवै। विषयगत इण विभाजन रै पैलै खंड 'आजादी री अलख' री रचनावा मांय राजस्थान में सन् 1857 सू 1949 ताई स्वतंत्रता आन्दोलन रै दौरान जिकी महत्वपूर्ण घटनावां घटी पण इतिहास में उणां रो समुचित मूल्यांकन नौ हो सक्यो, उणां नै उजास में लावण रो खेचळ करीजी है। दूजै खंड 'सत्याग्रह री जूनी परम्परा' शीर्षक रा आलेखां मांय 18वीं अर 19वीं सदी में राजस्थान मांय व्यापारियां अर बुद्धिजीवियां में प्रचलित सत्याग्रह रै सरूप रो वर्णन है। इणीं भान्त 'अभिलेखां री अंवेर' मांय अभिलेख संरक्षण री परम्परावां नै केन्द्र मे राखीजी है। चौथै खंड 'संस्कृति री संभाळ' मांय राजस्थानी संस्कृति रै विभिन्न अैतिहासिक पखां अर परम्परावां नै उजागर करता आलेख दिरीज्या है। इण मांय साम्प्रदायिक सद्भाव अर पर्यावरण संरक्षण सू सम्बन्धित रचनावां नै ई स्थान दिरीज्यो है।

पांचवै खंड '...ज्यारा साहित जगमगै' में राजस्थानी भाषा अर उणरै पुराणै साहित्य रै विभिन्न पखां नै उकेरती रचनावां भेळीजी है। 'इतिहास रै झरोखे : बीकानेर' खंड में बीकानेर नगर रै विगसाव रा चौतरफा चितरामां रै साथै अठै री स्थापत्य कला,

भित्ति-चित्र परम्परा, संस्कृति रा संवाहक अटै रा सेठ-साहूकार, वीर-जोद्धा अर आम-आदमी रै सामाजिक, धार्मिक अर आर्थिक पखां नै तथ्यात्मक बातां रै पाण सांगोपांग ढंग सूं सांमी राखीज्या है। इणीं भान्त 'हाल डॉ. टैस्सीटोरी रो' शीर्षक हेठळ दिरीज्या चार आलेखां में इटालियन विद्वान डॉ. लुईजी पीओ टैस्सीटोरी रै जीवण, उणारै शोधकार्य अर उणां रै सर्वेक्षण में सैयोगी रैया लोगां री अपणायत माथै घणी सिद्धत रै साथै विवरण दिरीज्यो है। पोथी रो आखरी खंड 'इतिहास रा कागद' री रचनावां मिरग री नाभि में छिपियोड़ी किस्तूरी री दाई है, जिकी छोटी हुवतां थकां ई रोचक-रंजक अर घणमोली है।

जद्यपि आं रचनावां नै सरस अर रोचक बणावण रै उद्देश्य सूं आंरा शोध-संदर्भ हटाय दिया गयां हैं। इणसूं आं रचनावां रो शोध महत्त्व कीं कम हुयो है पण राजस्थानी साहित्य नै सिमरघ अर शोधार्थियों रो मारग-दरसण करण में आंरो योगदान सदां कायम रैसी। राजस्थानी मांय इण महताऊ पोथी री रचना करनै शर्माजी मातृभाषा री मोकळी सेवा करी है जिकै खातर आवण वाळी पीढ़ी उणां रो हमेस उपगार मानैला।

प्रोफेसर, राजस्थान इतिहास,
अलोगढ मुस्लिम विश्वविद्यालय, अलोगढ

-डॉ. भंवर भादाणी

पुरोवाक्

‘इतिहास रो साच’ डॉ. गिरिजा शंकर शर्मा प्रणीत विविध शोधपरक आलेखां री पोथी है। इण पोथी रो सीधो-सीधो सम्बन्ध इतिहास सूं है, इण खातर ओं धोड़ी-सी चरचा इतिहास नैं लेय र करल्यां। इतिहास रो सम्बन्ध काल सूं अर काल सतत-प्रवाही। यूं सुविधा री दीठ सूं अतीत, वर्तमान अर अनागत— उण रा तीन भेद करीजै पण तीनूं अेक-दूजै सूं गूंथीज्योड़। आं तीनां रै विचाळै वर्तमान ऊभो है, अतीत अर अनागत दोनूवां रो अेक-अेक हाथ झाल्योड़ो। जे वर्तमान नैं सावळसर जाणणो है तो आपां नैं अतीत कनै जावणो ही पड़सी अर इणी भान्त जे अनागत री झिलमिल करती झांकी रो अंदाजो लगावणो है तो भी वर्तमान नैं गहरी मीट सूं देखणो पड़सी। इण बात नैं दूसरै शब्दां में यूं कैय सकां के वर्तमान रो पूठ में अतीत ऊभो है अर सांमै अनागत। जको अतीत, वर्तमान अर अनागत रै इण रिस्तै नैं जाणै बो ही खराखरी इतिहास रै साच नैं मांडण रो अधिकारी। इतिहास बाबत इण समझ रै बावजूद दो-अेक बाता भळै भी जाणबाजोग।

आं माय सूं पैली बात आ कै इतिहास में तथ्यां रो प्रस्तुतीकरण ईमानदारी रै साथै हुवणो चाहीजै। तथ्यां री तोड़-मरोड़ का बानैं अेकांगी दीठ अर अेक पक्षीय सोच रै साथै मांडणो वाजिब कोनी। सामान्य रूप सूं तथ्यां नैं सांमी ल्यावती वेळा इतिहासकार सूं पूरी तटस्थता री अपेक्षा करीजै; पण तटस्थता री बात रै भेळै ही कई सवाल ऊभा हुवै। कांई तथ्यां नैं पूरी तरह सूं निःसंग भाव सूं मांडणो ही इतिहासकार रो दायित्व है ? कांई व्यापक सामाजिक हितां का व्यापक राष्ट्रीय हितां अथवा व्यापक मानवीय हितां रै परिपेख में इतिहासकार किणी अनिष्टकारी तथ्यां नैं नजर-अंदाज कर सकै है ? कांई ‘सत्यं ब्रूयात, प्रियं ब्रूयात, भा ब्रूयात अप्रियं सत्यम्’ रो नीति-वाक्य इतिहासकारां खातर भी लागू नों हुवै है ? कांई ईयां कत्यां सूं बांरो इतिहास खण्डित इतिहास अथवा अेक पक्षीय इतिहास रै आरोपां सूं बच्यो रैय ज्यासी ? निःसंदेह सवाल घणो मोटो है अर इण रो अेक सर्व-सम्मत पदूतर हुवै ओ भी लाजमी नों है; पण म्हारी दीठ में जे व्यापक मानवीय हितां नैं ध्यान में राखतां थकां किणी अेक अमंगळकारी का अनिष्टकारी तथ्य नैं नजर-अंदाज करयो जावै तो बेजा बात कोनी। क्युंके तथ्य सूं मोटो सत्य हुया करै है अर कई-कई बार सूक्ष्म सत्य नैं पकड़णो घणो अबखो काम हुवै। स्थूल तथ्य री ओट में खड्यै सूक्ष्म सत्य सूं साक्षात्कार करणो हर किणी रै बस री बात कोनी। इणरै खातर दृष्टि रो खुतापण, विचारां री उदारता, भावां री उदात्तता अर लोकसंग्रही वृत्ति री अपेक्षा हुवै। वस्तुतः अै सगळी खूबियां फकत अध्ययन सूं नों आवै वरन् ओरै खातर अध्ययन रै भेळै ही संस्कार अर साधना री भी महती जरूरत अनुभव करीजै। जद इण दीठ सूं विचार करां तो ओ तथ सामनै आवै कै संस्कार अर शिक्षा सम्पन्न डॉ. शर्मा आपरी दीर्घकालीन साधना रै पाण विषय रो तलस्पर्शी ज्ञान प्राप्त

कृत्यो है। आप लगोलग तीन दसकां ताई राजस्थान राज्य अभिलेखागार में शोध-अध्येता रूँ रूप में काम कृत्यो। इण दौरान आप हजारूँ-हजारूँ अभिलेखां रो गहन अध्ययन कृत्यो। साथ-ही-साथ इण अवधि में आप राष्ट्रीय अर अन्तरराष्ट्रीय स्तर री अनेक संगोष्ठियां में भाग लेय र आपरी प्रतिभा नें संवारी। अँड़ी पृष्ठभूमि में रैय र आप जको ज्ञान प्राप्त कृत्यो उणरी अँक झलक 'इतिहास रो साच' र आलेखां में मिलै।

'इतिहास रो साच' में कुल 40 आलेख है। आं मांय सूँ घणकरा आलेखां रो आधार राजस्थान राज्य अभिलेखागार में उपलब्ध सामग्रो रैयो है अर आ सामग्रो भी मोटामोटी अठारवीं, उन्नीसवीं अर चौसवीं सदी र अभिलेखां पर आधारित है। अभिलेखां पर आधारित हुवण सूँ आंरी प्रामाणिकता नें लेय र विवाद री गुंजाइश बोत थोड़ी है। हां, विषय र विस्तार अथवा गहराई नें लेय र तो भँळै भी कों सवाल खड़्या कृत्य जा सकै है, पण इण विषय में भी इतरो तो मानणो ही पड़सी कै डॉ. शर्मा आं अभिलेखां नें लेय र कठै परिपूर्णता रो दावो भी तो नों कृत्यो है। इणरै विपरीत वै तो खुद ही विनम्र शब्दां में आ कँय रैया है कै औ तो अँक छोटो-सो प्रयास भर है। अब कोई भी अध्येता आं मांय सूँ किणी अँक या अँकाधिक विषयां रो सांगोपांग अर तलस्पर्शी अध्ययन करणो चावलो तो निश्चय ही उणनँ इतर स्रोतां री दरकार भी पड़ैला। अँडै में सुभाविक है उण अध्ययन र दौरान कई अँक नूँवा तथ्य अर कई अँक नूँवां बातां भी सामँ आवैली।

यूँ आं आलेखां री अँक उपलब्धि आ भी मानी जा सकै है कै आं मांय सूँ मोकळा आलेख अँड़ा भी है जका कै गंभीर प्रवृत्ति रा पाठकां अर शोधार्थियां में विविध विषयां र गहन अध्ययन री चाह जगावै। साची बात तो आ है कै डॉ. गिरिजा शंकरजी जिण व्यापक फलक माथै विविध विषयां नें उठाया है वां मांय सूँ अनेक विषयां माथै न्यारी-न्यारी पोथ्यां लिखी जा सकै है। उदाहरण रूप में राजस्थान र स्वतंत्रता आन्दोलन में क्रान्तिकारियां री भूमिका नें लेयल्यो का मारवाड़ी समाज अर स्वतंत्रता आन्दोलन री बात नें लेयल्यो अथवा राजस्थान अर गुजरात में दिरीजण आळा धरणा, सत्याग्रहां अर उछाळां री बात नें लेयल्यो या कि राजस्थान र आर्थिक इतिहास री बात नें लेयल्यो। आं मांय सूँ हरेक विषय विपुल संभावनावां सूँ युक्त है। अँटै इण बात री चरचा रो प्रयोजन इतरो ही है कै आ पोथी अध्येतावां र सामँ मोकळा नै मोकळा अध्ययन क्षेत्र खोलै।

इण पोथी रा घणकरा आलेख जँटै राजनैतिक, आर्थिक, सामाजिक, धार्मिक अर सांस्कृतिक सन्दर्भां री दीठ सूँ महताऊ बण पड़्या है बँटै ही कों अँक आलेख राजस्थानी-साहित्य र अध्ययन री दीठ सूँ भी घणा उपयोगी है। इणरै भँळै ही कों अँक आलेख तो अँड़ा है जका कै लगभग अछूता विषयां नें उठाया है। बानगी सरूप पुरालेखागारां अर पाण्डुलिपियां सूँ जुड़्या आलेखां नें लेय सकां हां। आं मांय भी 'पाण्डुलिपियां रो महत्त्व अर उणांरी सार-संभाळ' शीर्षक आलेख तो घणो उपयोगी है। इण आलेख में जकी महताऊ जाणकारी दिरीजी है, उण रो उपयोग राजकीय अर निजी

ग्रंथ-भण्डार दोनूँ ही ममान रूप सूं कर सकै हँ। यूँ तो इण पोथी रो हरेंक आलेख अपणै आपं खास; पण अठे अंक-अंक रो अलग-अलग विवेचन संभव नी, फेर भी म्हें इण पोथी रा टैस्सीटोरो विषयक आलेखां रो चरचा अलग सूं करणी चाहस्युं। इटली रै इण मूक शोधार्थी रो ज्ञानाराधना सूं जुड़्या कई अंक अछूता प्रसंगा नै पेली बार आं आलेखां रै माध्यम सूं जन-सामान्य रै सामे लाइज्या है। इणीं भान्त जैन धर्म अर उणां रो कला-साधना सामी संकंत करण आळा आलेख भी उल्लेख करबा जोग है।

ऊपर रै विवेचन मे आपां देख्यो कै इण पोथी रा घणकरा आलेख गंभीर शोध-अध्येतावां रै काम रा है पण आम पाठकां खातर भी इणमें खासी उपयोगी अर रोचक सामग्री है। उदाहरण सरूप 'राजस्थान में चलका डाक व्यवस्था', 'बिरछ अर पर्यावरण', 'चामचोरी', 'तीरथां रो तीरथ : कोलायत धाम', 'अंक पासवान रो प्रेम-पत्र' अर 'सांकेतिक लिपि में राजस्थानी रा दो कागद' आदि आलेखां रा नांव गिणाया जा सकै है।

संक्षेप में इतरो ही कै आ पोथी अनेक दृष्टियां सूं घणी उपयोगी है। जियां कै आपां जाणां, आज भी राजस्थानी भाषा में साहित्येतर विधावां में लिछ्योड़ी सामग्री रो नितान्त अभाव है। जद ताई ज्ञान-विज्ञान रो आखी वातां नै मांडण अर परोटण रो खिमता किणी भाषा में नों आवै तद ताई बा भाषा दुनियां रो दूजी-दूजी सिमरघ भाषावां रो पांत में ऊभी रैवण रो अधिकारिणी नों मानीजै। आज राजस्थानी भाषा-भाषियां खातर आ अंक मोटी चुनौती है अर इण चुनौती रो पड़ूतर देवण नै धर्म, अर्थ, ज्ञान-विज्ञान आद सगळा ही क्षेत्रां रै विद्वानां नै आगै आवणो पड़सी। राजस्थानी में इतिहास जैडै अछूतै विषय में लिखण रो सरूआत कर 'र डॉ. शर्मा इण चुनौती नै स्वीकारी है। अन्त में इणीं विश्वास रै साथै खुद रो बात नै समाप्त करूं कै डॉ. शर्मा आगै भी बरोबर समर्पित भाव सूं राजस्थानी साहित्य भण्डार रो अभिवृद्धि करता रैवैला।

वस्तुतः आ पोथी इतिहास, साहित्य, संस्कृति अर कला-प्रेमियां खातर समान रूप सूं प्रेरक अर उपादेय है।

7 ग 15, पवनपुरी (दक्षिण विस्तार)
बीकानेर-334003

-डॉ. किरण नाहटा

अनुक्रमणिका

□ आजादी री अलख

राजस्थान रो क्रान्तिकारी आन्दोलन : महताऊ प्रसंग	17
स्वतन्त्रता आन्दोलन अर भारवाड़ी व्यापारी	29
1857 री क्रान्ति : बीकानेर री भूमिका	37
बंगाल रो स्वतन्त्रता आन्दोलन अर भारवाड़ी व्यापारी	40
राजस्थान अर भारत छोड़ो आन्दोलन	43
सुभाषचन्द्र बोस री जोधपुर जात्रा	47
घाव तो बेरी रो ई बखानीजै	49
पथिकजी री चौबीस बरसां पछै बिजोलिया ठिकाणै वापसी	51

□ सत्याग्रह री जूनी परम्परा

अहिंसक सत्याग्रह रा पुजारी : भारवाड़ी व्यापारी	53
राजस्थान में धरणा देवण री रोमांचक परम्परा	55

□ अभिलेखां री अवेर

शोध-जगत रो तीर्थ : राजस्थान रो अभिलेखागार	59
पाण्डुलिपियां रो महत्त्व अर उणां री सार-संभाळ	65
इतिहास रा साक्षी निजू अभिलेखागार	73

□ संस्कृति री संभाळ

राजस्थानी अभिलेखां में साहित्य, संस्कृति अर पर्यटन विकास	76
राजस्थान में चिलका डाक व्यवस्था	79
राजस्थान रै इतिहास में पर्यावरण सुधार रो महत्त्व	81
बिरछ अर पर्यावरण	83
राजस्थान में इतिहास लिखण री परम्परा	86
चामचोरी	90

तीरथा रो तीरथ : कोलायत धाम	92
राजस्थान मांय नगरीय विकास	95
डोडू सिपाही; अेक विरलंपण	99

□ ...ज्यारा साहित जगमगै

राजस्थान रै इतिहास रो महताऊ स्रोत : राजस्थानी साहित्य	101
राजस्थानी में शोध अर सिरजण री समस्यावां	109
राजस्थानी लोकगाथावा मांय अैतिहासिक तत्व	115
राजस्थानी भाषा अर इतिहास रो साच	119

□ इतिहास रै झरोखै : बीकानेर

बीकानेर राजघराणै मांय राजस्थानी रो वैवार	122
बीकानेर रा सेठ-साहूकार	127
बीकानेर नगर रो विकास-क्रम	133
बीकानेर नगर री भित्ति-चित्र परम्परा	137
बीकानेर रियासत में दिरीजी लुगाई नै फांसी	143
बीकानेर-जोधपुर री लड़ाई रो अनाम जोधो : नोगजो पीर	145

□ हाल डॉ. टैस्सीटोरी रो

इतिहास रा साक्षी डॉ. टैस्सीटोरी	147
डॉ. टैस्सीटोरी बाबत कीं नूवी जाणकारी	151
राजस्थान मे डॉ. टैस्सीटोरी रा शोध-सैयोगी	154
जैन-साहित्य रै प्रति डॉ. टैस्सीटोरी रो लगाव	157

□ इतिहास रा कागद

राजस्थानी अभिलेखां मे शिवाजी : आंख्यां देखी विगत	161
पं नेहरू रो निजू कागद पालीवाळजी रै नांव	163
अेक पासवान रो प्रेम-पत्र	165
सांकेतिक लिपि में राजस्थानी रा दो कागद	167

राजस्थान रो क्रान्तिकारी आन्दोलन : महताऊ प्रसंग

भारतीय सन्दर्भ में जद राजस्थान रै क्रान्तिकारी आन्दोलन कानी निजर पसारां तो उणनै गति देवण आळा मांय केसरीसिंह बारठ, अर्जुनलाल सेठी, गोपाळसिंह खरवा रै साथै केसरीसिंह बारठ रै छोटै भाई जोरावर सिंह अर बेटै प्रतापसिंह बारठ रो नांव ई हरावळ में निर्ग आवै। तारलै पांच दसकां मांय राष्ट्रीय अभिलेखागार नई दिल्ली, राजस्थान राज्य अभिलेखागार, बीकानेर री अभिलेख सामग्री रै साथै निजु पत्र-वैवार अर संस्मरण नै आधार बणायनै इण क्रान्तिकारियां माथै खासी सामग्री छपी है। इणरै अलावा मौकळा शोध-प्रबन्ध भी प्रकाश में आया है। इण भान्त रै घणकरै लेखन में आं क्रान्तिकारियां रै चारै में खासी वातां तथ्यां सूं हठनै लिखणै सूं आज रो शोध-अध्येता राजस्थान रै क्रान्तिकारी आन्दोलन रो सही मूल्यांकन नीं कर पा रह्यो है। इण आलेख में अभिलेखागारीय सामग्री रै आधार माथै इण क्रान्तिकारियां माथै कीं तथ्यपरक वातां केवण रो प्रयास करीज्यो है। इण रो आधार राजपुताना पड्यन्त्र केस री पत्रावतियां नै बणायो गयो है।

राजस्थान मांय क्रान्तिकारी गतिविधियां रो पृष्ठभूमि में राजस्थान रा सामन्तां री अंग्रेज सरकार री नीतियां सूं नाराजगी अर उणां मांय सूं कीं असन्तुष्ट बुद्धिजीवियां रो बंगाल रै क्रान्तिकारियां अर कांग्रेस रा नेतावां सूं सम्पर्क हुय जावणो भी अेक महताऊ कारण हो। व्यावर रो सेठ दामोदरदास राठी, जिको सन् 1893 मांय मारवाड़ मूं आपरै धन्य सारू व्यावर आयनै बसग्यो हो, उणरा बंगाल रा अरविन्द घोष अर महाराष्ट्र रा बाल गंगाधर तिलक सूं नजदीक रा सम्बन्ध हा। खरवा रै ठाकुर गोपाळसिंह रा भी सेठ दामोदरदास राठी सूं आछो मेल-मिलाप हो। सन् 1907 मांय सेठ दामोदरदास राठी रै माध्यम सूं गोपाळसिंह खरवा रो सम्पर्क भी अरविन्द घोष अर बाल गंगाधर तिलक सूं होयग्यो हो। सन् 1908 में गोपाळसिंह खरवा नै भारत धर्म-मण्डळ रै अेक प्रतिनिधि-मण्डळ में ज्ञानानन्द रै साथै कलकत्तै में वाईसराय सूं मिलण नै जावण रो मौको मिल्यो। कलकत्ता प्रवास में उणनै कांग्रेस रा नेता सुरेन्द्रनाथ बनर्जी, विरेन्द्र पाल, वारिन्द्र घोष अर देवेन्द्र सूं भी मिलण रो मौको हाथ लागग्यो। साथै ई उणां उठै युगान्तर, वन्देमातरम्, सांध्य अर अमृतबाजार पत्रिका आद समाचार पत्रां रै सम्पादकां सूं भी सम्पर्क कर्यो। कलकत्ता प्रवास में ईज गोपाळसिंह खरवा अरविन्द घोष री मौजूदगी में नेशनल कॉलेज में अेक प्रभावी भाषण दियो। कलकत्ता प्रवास सूं पूठा आयनै गोपाळसिंह खरवा अंग्रेजां रै खिलाफ सशस्त्र-क्रान्ति री बात करणी सरू करदी ही।

इणीं तथ्य नै ओरू पृष्ट करण मांय अर्जुनलाल सेठी रो सरूआती जीवणक्रम भी सहायक है। सन् 1905 में बंगाल रै स्वदेसी आन्दोलन में भाग लेवण सूं उणां रो बेटै रा क्रान्तिकारियां सूं भी सम्पर्क हुयग्यो। पछैस तो उणां सन् 1907 में सूरत मांय हुयै

कांग्रेस अधिवेशन में भाग लेयनै इण सम्पर्क नै आरु मजबूती दी। इण सब रै परिणाम सरूप अर्जुनलाल सेठी आपरी जैन शिक्षण संस्था री राजनीतिकरण करणो सरू कर दियो। अर्जुनलाल सेठी री भान्त ही कंसरीसिंह बारठ सन् 1905 में पंजाब में लाहोर री लाला हंसराज सूं सम्पर्क बणाय लियो हो। इणरै साथै उण बगत ताई कंसरीसिंह बारठ, राव गोपाळसिंह खरवा अर अर्जुनलाल सेठी रै बिचाळै ई सम्पर्क-सूत्र खासा बणग्या।

इणरै बावजूद ओ तथ्य घणो महताऊ है की ओ तीनों ही क्रान्तिकारी भारत री भावी सरूप अलग-अलग चांवता हा। अर्जुनलाल सेठी भारत में 'स्वराज' री सुपनो संजोय राख्यो हो। कंसरीसिंह बारठ भारत में गणराज्य री थरपणा चांवता। अठौनै गोपाळसिंह खरवा भारत में अेक राठौड़-राज्य थरपित करण में रुचि लेय रैया हा। इण तीनों में साम्यता ही तो फगत आ की ओ तीनों ही आप आपरी जाति रै लोगां रै उत्थान मांय रुचि राखता हा। इण उद्देश्य रै ओळ्ळवै कंसरीसिंह बारठ उण बगत राजपूत अर चारणां री सामाजिक पतनावस्था सूं खासा चिन्तित हा। उणां नै इण स्थिति सूं उबारण सारू बारठजी उणां में शिक्षा री अलख जगावण री मानस बणायो। इण सारू बां कोटा अर जोधपुर में राजपूत अर चारण जानि रै युवकां सारू दो छात्रावास स्थापित कत्था। गोपाळसिंह खरवा भी आपरै खरच सूं जरूरतमन्द राजपूत युवकां नै पढावण री व्यवस्था करता हा। इणों भान्त अर्जुनलाल सेठी जैन धर्म रै प्रचार-प्रसार सारू वर्द्धमान जैन स्कूल री थापना करली हो। पण सन् 1907-8 रै अेड़ै-गंड़ै इणां तीनों जणां आपरी शैक्षणिक गतिविधियां में राजनीति नै भी स्थान देवणो सरू कर दियो हो। गोपाळसिंह खरवा अर कंसरीसिंह बारठ तो अंग्रेजां रै खिलाफ सशस्त्र-क्रान्ति री योजना बणावणी भी सरू करदी हो। इण उद्देश्य नै पूरण सारू ओ तीनों जिण भान्त आपरी गतिविधियां बधायी उण री विस्तार सूं अध्ययन जरूरी है।

राजस्थान मांय चारण जाति रै लोगां में शाहपुरै रै कंसरीसिंह बारठ री घरणी चोखळ में चावो हो। इणरै साथै ही संस्कृत भाषा रै ज्ञाता कंसरीसिंह नै कोटा, जोधपुर, जयपुर अर शाहपुरा री रियासतां री शासकां री खासो सहयोग हो। सन् 1902 ताई तो ओ कोटा राज्य री तरफ सूं अजमेर में बाल्टर हितकारिणी सभा में भाग लेवण सारू आता-जाता हा। अठै उणां री अंग्रेज अधिकारियां रै साथै दूजां लोगां सूं भी सम्पर्क हुवणो लाजनी हो। खरवा रै ठाकुर गोपाळसिंह सूं भी आपरा गैर सम्बन्ध हा। अर्जुनलाल सेठी भी उणां रै सम्पर्क में हा। सन् 1907 में उणां चारण अर राजपूतां में शिक्षा अर समाज-सुधार रै नांव माथै जोधपुर अर कोटा में चारण-राजपूत छात्रावास स्थापित कत्था। कैवण नै तो ओ दोनूं छात्रावास चारण अर राजपूत छात्रां नै शिक्षा सम्बन्धी सुविधा सारू खोल्या गया हा पण हकीकत थोड़ी दूजी जाण पड़ती हो। इणरी जानकारी इण छात्रावासां में नियुक्त अधीक्षकां री शिक्षा-दीक्षा सूं हुवै। ओ दोनो अधीक्षकां नै गोपाळसिंह खरवा आपरै खरच सूं अजमेर में शिक्षा दिराई हो। इणां में गोळिया गांव रै नारायण सिंह नै तो कोटा रै छात्रावास अर लाहड़ी उर्फ त्रिवेणीदास नै

जोधपुर छात्रावास रो अधीक्षक बणायां गयो। औ दोनूं ही युवक क्रान्तिकारी विचारां रा हा। इणसूं लागे के केसरीसिंह बारठ सन् 1907 में ही क्रान्तिकारियां नें संरक्षण देवणो सुरू कर दियो हो।

केसरीसिंह बारठ रें मन मांय उण बगत क्रान्तिकारी विचार इण हद ताई पूगय्या हा के उणां आपरें बेटे प्रतापसिंह बारठ नें सन् 1908 में अजमेर रें डी. ओ. वी. स्कूल सूं मैट्रिक करायनै उणनैं आपरें जंवाई ईश्वरदास आसिया रें साथै प्रमुख क्रान्तिकारी विचारक अर्जुनलाल सेठी रें चर्द्धमान जैन विद्यालय मांय भरती करवाय दियो। अर्जुनलाल सेठी सूं राजनैतिक शिक्षा लियां पछै आं दोनूं नें उठै सूं ही छोटेलाल जैन रें साथै दिल्ली रा प्रसिद्ध क्रान्तिकारी अमीरचन्द अर अवधविहारी रें कनै हथियार चलावण रो ट्रेनिंग सारू भेज दिया। सन् 1910 में मिर्जापुर रें अेक क्रान्तिकारी विचारां रें व्यक्ति विष्णुदत्त रो सलाह पर केसरीसिंह बारठ राजस्थान रा सामन्तां अर युवकां मांय क्रान्तिकारी विचारां नै पनपावण सारू 'वीर भारत सभा' नांव रो गुप्त-सभा रो धरपणा करली। केसरीसिंह बारठ रें प्रभाव सूं राजस्थान रा मोकळा सामन्त, शासक अर मातवर लोग इण सभा रा सदस्य बणग्या। इण सभा रो थापना सूं अैडो लागै के केसरीसिंह बारठ आपरें मूळ क्रान्तिकारी उद्देश्यां मार्य पड़दो राखणो चावता हा। इण गुप्त-सभा रो सदस्य गाहड़सिंह, गोपाळसिंह खरवा रो क्रान्तिकारी गतिविधियां सूं जुड़घोड़ो हो। सन् 1912 आतां-आतां केसरीसिंह बारठ रो बेटा प्रतापसिंह अर केसरीसिंह रो छोटे भाई जोरावरसिंह तो बंगाल रें क्रान्तिकारियां रासबिहारी बोम अर सचीन्द्र नाथ सन्याल रें सीधे सम्पर्क मे आयग्या हा। इणां दोनूं ही सन् 1912 रें 'दिल्ली पडयन्त्र केस' मांय महताऊ भूमिका निभाई। इण भान्त केसरीसिंह बारठ रो पूरो परिवार प्रत्यक्ष अर अप्रत्यक्ष रूप सूं क्रान्तिकारी गतिविधियां सूं जुड़ चुक्यो हो। जद्यपि केसरीसिंह बारठ रें व्यक्तिगत रूप सूं सशस्त्र-क्रान्ति रें प्रयासां में योगदान देवण रो जाणकारी नैं मिलै पण जे सरकारी दस्तावेजां नें सही मानां तो धन प्राप्त करण सारू अेक साधु रो हत्या करण रो उल्लेख जरूर मिलै। पाठकां रो जाणकारी सारू इण रो विगत इण भान्त है—

आ बात सही है के केसरीसिंह बारठ रा राजस्थान रें कई शासकां साथै सम्बन्ध हा। इणरें बावजूद राजपूत अर चारण युवकां सारू उणां द्वारा चलाई जाय रैयी शैक्षणिक गतिविधियां अर उणां रें माध्यम सूं क्रान्तिकारी विचारां रें प्रचार-प्रसार सारू धन रो कमी आडी आय रैयी ही। उण बगत भारत रो क्रान्तिकारी वर्ग धन हासल करण सारू धाड़ो पाड़ण (डकैती) में भी संकोच नैं करतो। कोटा अर जोधपुर में केसरीसिंह बारठ रें थरप्योड़ा छात्रावासां रा कीं युवक धन हासल करण सारू धाड़ो पाड़ण रो मानस बणायो। इण सारू उणां जोधपुर रें रामस्नेही रामद्वारै रें महन्त प्याराराम रो सीध करो। इणरें कनै खासो धन हो। योजना नैं व्यवस्थित ढंग सूं अंजाम देवण सारू केसरीसिंह बारठ रा दो सहयोगी हीरालाल अर लक्ष्मीलाल कोटा सूं चालनै 20 अप्रैल, 1912 नें

जोधपुर आय पूग्या। अठै बै कुदाल री हवेली मांय चालतै चारण-राजपूत छात्रावास में केसरीसिंह बारठ रै छोटै भाई जोरावरसिंह मूं मिल्या। अठै मिलनै सगळा सल्ला-सूत करी, जिणमें छात्रावास रो अधीक्षक लाहड़ी उर्फ त्रिवेणीदास, कोटा छात्रावास रो अधीक्षक नारायणसिंह अर अेक रामकरण ब्राह्मण भी भेलो हो। इण साधु री सम्पति किण भान्त लूटी जावै, इण बात नैं लेयनै इणां में मतभेद होयग्यो। इण मतभेद रै चालतां केसरीसिंह बारठ नैं कोटा सूं जोधपुर आवणो पड़्यो। उण बगत महन्त प्यारेलाम जोधपुर सूं अहमदाबाद गयोडो हो। इण सारू औ तै करीज्यो कै लाहड़ी, रामकरण अर नारायण सिंह, तीनूं अहमदाबाद जायनै प्यारेलाम सूं किणी भान्त जोधपुर रामद्वारै री तिजोरी री चाबी प्राप्त करै।

योजना मुजब औ तीनूं जणां अहमदाबाद पूगनै महन्त प्यारेलाम सूं चाबी लेवण री कोशिश करी पण पार नों पड़ो। थक हारनै बै खाली हाथ पाछा जोधपुर आयग्या। उणां मांय सूं नारायणसिंह कोटा जायनै केसरीसिंह बारठ नैं सगळी बात बताई। इण पर फेर निरणै लिरीज्यो कै साधु प्यारेलाम नैं किणीं भान्त कोटा लायो जावै अर अठै उणसूं तिजोरी चाबी लिरीजै। औ काम रामकरण नैं सूंपीज्यो। साधु प्यारेलाम राजपूत सामन्ता मांय आपसी रिश्ता करावण सारू खासो चर्चित हो। इणसूं उणनैं खासो आर्थिक लाभ भी मिलतो। रामकरण साधु प्यारेलाम नैं कह्यौ कै कोटा राज्य रै कुण्डी ठिकानै रो सामन्त आहवा ठिकानै री लड़की सूं रिश्ता करणो चावै है। इण खातर कुण्डी ठिकानेदार उणसूं कोटा मांय मिलणो चावै। साधु धन रै लोभ में इण सारू झट त्पार हुयग्यो। कोटा रै मारग सवाई माधोपुर में नारायण सिंह भी उणां दोनां रै साथै हुयग्यो। कोटा पूगतां ही योजना मुजब होरालाल उणां नैं राजपूत छात्रावास में लेजायनै ठेहरा दिया। लाहड़ी उर्फ त्रिवेणीदास उठै पैली सूं ही हाजर हो। दूजै दिन 24 जून, 1912 नैं केसरीसिंह बारठ, होरालाल रै साथे छात्रावास में आया। इण पछै साधु प्यारेलाम नैं दूध पीवण सारू पृछ्यो। इण सारू साधु री स्वीकृति पर छात्रावास रै दूजै कमरै मांय लाहड़ी अर होरालाल री मौजूदगी में केसरीसिंह बारठ डॉ. गुरुदत्त कनै सूं लायोडो अेक तरै रो ज्हेर दूध रै गिलास में न्हांख दियो अर औ दूध लाहड़ी साधु नै पाय आयो। इण पछै साधु नैं केसरीसिंह बारठ रै घरां बण्यांडो भोजन कराइज्यो। संजोग री बात कै साधु मार्ये उण ज्हेर रो कीं असर नों हुयो। दूजै दिन बजार सूं क्वाइट आर्सनिक खरीदयो अर प्यारेलाम नैं दोफारां रै भोजन में क्वाइट आर्सनिक घालनै खवाय दियो। 25 जून, 1912 नैं दोफारां साधु री तबियत बिगड़गी अर उणनैं उलट्यां हुवण लागी। डॉ. गुरुदत्त नैं छात्रावास बुलायो गयो पण उणरै पूग्यां पैली ई साधु रा प्राण-पंखेरू उडग्या। इणरै विपरीत रामकरण इण हत्याकाण्ड रै मुकदमै में जका बयान दिया उण मुजब लाहड़ी उर्फ त्रिवेणीदास छूरो घोंपनै साधु री हत्या कर दीवी।

हत्या पछै छात्रावास रै ताज्जो लगायनै सगळा लोग केसरीसिंह बारठ रै अठै भेळा प्या। चउं केसरीसिंह बारठ सगळां नैं जाणकारी दीवी कै लाहड़ी अचानक गायब

हुयग्यो है, आ चिन्ता रो बात है। सिंझ्या पड़्यै लक्ष्मीलाल, हीरालाल, नारायण सिंह अर केसरीसिंह बारठ पाछा छात्रावास में आयनै साधु रै शव नै ऊपर रै कमरै सूं हेठै लाया। हेठै बण्योड्डं छोटे कमरै में अंक खाडो खोदनै उणमें शव बूर दियो। कीं दिनां पछै उण कमरै नै चूनै सूं भर दियो। चार-पांच महीनां ताई साधु प्यारैराम रै शव री आ गत बणी रैयी पण जोधपुर सूं इसा समाचार आवण लागा कै अवै जल्दी हो जोधपुर में रामकरण माथै साधु प्यारैराम नै अगवा करण रो मामलो चाल सकै है। इण संभावना नै देखनै कोटा रै छात्रावास सूं साधु प्यारैराम रो शव हटाणो जरूरी हुयग्यो पण स्कूलां खुल जावणै सूं छात्रावास में विद्यार्थियां री खासी अड़ा-भीड़ ही। इण पर केसरीसिंह बारठ आपरो बेटी रो ब्यांव हुवणै रै नांव पर छात्रावास रा सगळ्या युवकां अर पदाधिकारियां नै छात्रावास सूं खासी दूर भोजन माथै बुला लिया। लारै सूं 8 दिसम्बर, 1912 रै दिन विष्णुदत्त, हीरालाल अर प्रतापसिंह बारठ छात्रावास पूगनै साधु रै शव नै खाडै सूं चारै काढ्यो। शव रा बोटा-बोटा करनै उणां नै चूनै री बोरीयां मांय भर दिया। पछै अै चूनै री बोरीयां किणीं दूजी जगां भिजवाय दी। कह्यो जावै कै बाद में शव री हड्डियां नै बोरीयां समेत बाळदी।

इण सगळै प्रकरण री खासियत आ रैयो कै अवार ताई साधु प्यारैराम री हत्या री जाणकारी फगत केसरीसिंह बारठ अर उणरै सहयोगियां तक ही सीमित ही। कह्यो जावै कै पुलिस नै जून, 1914 ताई इण हत्याकाण्ड री भणक तक नो लागी। पण सन् 1912 में दिल्ली में लॉर्ड हार्डिंग माथै जिको बम फेंकोज्यो हो, उण सारू केसरीसिंह बारठ रै छोटे भाई जोरावर सिंह पर पुलिस नै पूरो शक हो। इणीं अंदैसै में पुलिस केसरीसिंह बारठ री गतिविधियां पर चौकसी राखणै लागी ही।

इण बीच जोरावर सिंह बारठ सन् 1912 सूं फरार हा। दिल्ली में हार्डिंग पर बम फेंकोजण रै बाद सूं ही फरार जोरावर सिंह अर्जुनलाल सेठो री वर्द्धमान जैन स्कूल सूं जुड़योडा क्रान्तिकारी युवकां साथै धन प्राप्ति सारू निमाज रै महन्त री हत्या मांय भी शामिल हा। इण कारण भारत सरकार रै क्रिमिनल इन्वेस्टीगेशन डिपार्टमेंट रै अधिकारियां सूं छिपतो फिर रह्यो हा। उणां री तहकीकात करतो-करतो डिपार्टमेंट रो पुलिस अधीक्षक आर्मस्ट्रांग जोधपुर पूग्यो। अठै लोगां सूं बातचीत में लारलै दो सालां सूं साधु प्यारैराम रै गायब हुवण री जाणकारी उणनै मिली। लोगां बतायो कै पुलिस साधु प्यारैराम रै गायब हुयां पछै किणी रामकरण नांव रै आदमी सूं बातचीत करी ही। इणीं नै आधार बणायनै आर्मस्ट्रांग रामकरण रो पतो लगवायो। उणनै जाणकारी मिली कै वो जयपुर में रैय रह्यो है। इण पर वो जयपुर आपरै ठप अधीक्षक नै रामकरण रो पतो लगावण सारू सूचना करी। वो रामकरण नै जयपुर रै रामनिवास बाग में बैठयोड्डै नै धर दबोच्यो। पुलिस री गैरी पूछताछ अर यातनावां रै डर सूं रामकरण साधु प्यारैराम री हत्या रो पूरो खुलासो करनै इण हत्याकाण्ड नै उजागर कर दियो। इण भान्त दो बरसां सूं ठंडै बस्तै में पड़्यो प्यारैराम री हत्या रो मामलो पाछो पुलिस रै सिरै चढग्यो। 3 मई,

1914 नैं साधु प्यारेलाल री हत्या मूं जुड़गोड़ा लांगां रामकरण, लाहड़ी, हीरालाल, लक्ष्मीलाल अर केसरीसिंह बारठ नैं पुलिस पकड़ लिया।

इणरै साथै केसरीसिंह बारठ रा भी माड़ा दिन सरू हुयग्या। 24 जून, 1914 नैं चालाण पेश हुवण रै साथै ही पुलिस ठणां पर हत्या में शामिल हुवण अर राजद्रोह रो मुकदमा चलावणै रो मानस चणायो हो। इण वास्तै शाहपुरा स्थित ठणां रै पुस्तकालय अर वीर भारत सभा, दोनों री गहन छानबीन करीजी पण पुलिस नैं राजद्रोह सूं सम्बन्धित कोई सबूत हाथ नों लागो। सगळा अभियुक्तां माथै कोटा री अेक खास अदालत में मुकदमो सरू करीज्यो। इण मुकदमै में अंग्रेजी सरकार कानी सूं सेंट्रल इंटेलीजेंस ब्यूरो रै प्रमुख क्लीवलैण्ड री देखरेख में आर्मस्ट्रांग नैं छानबीन अर सहायता सारू नियुक्त करीज्यो। कोटा सरकार कानी सूं दिल्ली रो सुप्रसिद्ध वकील राय साहब मूलचन्द नैं नियुक्त कर्यो गयो। इणां भान्त अभियुक्तां रो पैरवी करण वास्तै लखनऊ रै सुप्रसिद्ध देशभक्त वेरिस्टर हामिद अली खान नैं बुलायो गयो। 24 जून, 1914 नैं सरू हुयो इण मुकदमै री कार्रवाई 88 दिन चाली। अन्त में 6 अक्टूबर, 1914 नैं ट्रायल जज मुंशी श्रीराम चौधे सगळा अभियुक्तां नैं आजीवन कारावास री सजा सुणाय दी। अभियुक्तां मांय सूं नारायण सिंह पैलां ही मर गयो हो अर जोरावर सिंह पुलिस री पकड़ में हाल ताई नों आय सक्यो हो। रामकरण अर लक्ष्मीलाल सरकारी गवाह बणनै आम भाफी लेली ही। लारै बच्चा लाहड़ी, केसरीसिंह बारठ अर हीरालाल नैं ही आजीवन कारावास मिल सक्यो हो। इणां मांय सूं हीरालाल नैं कठोर कारावास री सजा दिरीजी। 10 अक्टूबर नैं इण फैसलै पर अन्तिम फैसलो देवण नैं कोटा रै शासक रै सम्मुख पेश कर दियो गयो। कोटा रो शासक भी इण फैसलै नैं आपरी स्वीकृति देदी हो।

इण मुकदमै मांय आ बात बतावण जोग है कै केसरीसिंह बारठ रै खिलाफ ठणां रा साथी सरकारी गवाह बण जिका बयान दिया, ठणां सूं केसरीसिंह साफ इनकार कर दियो। बां भारत री अंग्रेज सरकार सूं भी किणी भान्त रो विरोध राखण सूं साफ इनकार कर्यो। साधु हत्याकाण्ड रै सम्बन्ध में ठणां रो कैवणो हो, “राजपूतां री शिक्षा रो प्रबन्ध करण सूं मोकळा लोग म्हासूं नाराज हुयग्या अर हत्याकाण्ड रो झूठो मामलो बणवाय दियो। साधु खुद चरित्रहीन हो, इण वास्तां किणी उणरी हत्या करवाय दीनी हुवैला।”

अभियुक्तां रै कानीं सूं इण पूरै मामलै नैं राजनैतिक रंग देवण री घणी ही कोशिश करीजी पण जज रै फैसलै मुजब कोटा रो शासक भी इण तथ्य नैं माननै सूं इनकार कर दियो। पण दूजी कानी भारत री खुफिया एजेंसी रो अधिकारी आर्मस्ट्रांग आपरी रिपोर्ट में लिख्यो, “राजपुताना में राजद्रोह फैलावण में दो आदम्यां केसरीसिंह बारठ अर अर्जुनलाल सेठी रो हरावळ हाथ हो। बै शैक्षणिक प्रवृत्तियां री आड में नवयुवका मांय त्रिदोहात्मक विचार भरता हा। ठणां राजपुताना में राजनैतिक अपराध

कर्म करने सारू दिल्ली में प्रसिद्ध क्रान्तिकारी अमोरचन्द कर्न कई नवयुवक भेज्या हा। वस्तुतः राजपुताना रै राजद्रोहियां मांय सबसू प्रमुख केसरीसिंह बारठ ही हो।"

सजा सुणायां रै पछै केसरीसिंह बारठ रो सगळो परिवार छिन्न-भिन्न हुयग्यो। सगळां परिजनां पर दुख रो भाखर टूट पड़्यो। केसरीसिंह बारठ नै सजा सुणावण रै साथै ई हजारोबाग जेल में बंदल दियो गयो। उणां रो पारिवारिक हवेली अर जागीर जब्त करली। इण स्थिति में उणां रो घरआळी नै कोटड़ी गांव में दुखमय अर मुखलसी जीवण बितावणो पड़्यो। केसरीसिंह बारठ रो बेटो प्रतापसिंह बारठ अर उण रो काको जोरावर सिंह बारठ भी संकट रै दौर सू गुजर रह्यो हा। आं दोनूआं रो गिनती बां दिनां में भारतभर में नामी-गिरामी क्रान्तिकारियां में हुंवती ही अर सचिन्द्रनाथ मन्थाल री दीठ में तो इणां दोनू रो जोड़ रो राजस्थान में कोई क्रान्तिकारी नां हो। औ दानू सन् 1912 में हुयै दिल्ली बम-काण्ड में खास भूमिका निभाई ही। जोरावर सिंह तो उण बगत सूं ही पुलिस री निजरां सूं बचता-बचावता माळवै अर मेवाड़ रै पहाड़ां में लुकता-छिपता रह्यो। प्रतापसिंह नै तो बनारस पड़्यन्त्र केस रो अेक प्रमुख अभियुक्त मान सरकार उणनै पांच बरस सारू जेल री सजा देदी हो। वो बरेली जेल में बन्द हो। सन् 1918 में उण रो बरेली जेल में ईज निघन हुयग्यो। कैवण रो मतलब औ कै केसरीसिंह घरवार सू पूरी तरयां टूट चुक्यो हा। इण हालात में संस्कृत भाषा रै इण विद्वान री जेल-जिंदगी हजारोबाग जेल रै अधोक्षक अर उणरो घरआळी सू देखी नां जाय रह्यो ही। बै केसरीसिंह बारठ साथै बराबर इण बात रो दबाव देय रह्यो हा कै बै आपरी जेल सू रिहाई सारू भारत रै वाईसरॉय सू अपील करै। आखिर जांवता केसरीसिंह बारठ इण आग्रह नै स्वीकार कर उणां इसां प्रार्थना-पत्र लिख दियो जिणनै जेल अधोक्षक आपरी सिफारिस साथै वाईसरॉय नै भिजवा दियो। वाईसरॉय उणां री प्रार्थना स्वीकार करली अर इण भ्रान्त पांच बरसां लग जेल भुगतनै 19 जुलाई, 1919 नै केसरीसिंह बारठ जेल सू रिहा करीज्या।

केसरीसिंह बारठ री भ्रान्त अर्जुनलाल सेठी रै व्यक्तिगत जीवण नै जाणण सारू भी शोध-जगत आज भी खासी जिज्ञासा लियोड़ो है। सन् 1902 में जयपुर सू पढाई पूरी करनै अर्जुनलाल सेठी जयपुर स्टेट कौंसिल में नौकरी लाग्यो हा। बाप री मौत रै पछै बड़ै ठिकानैदार गोविन्दसिंह रो सचिव पद संभाळ लियो पण औ काम उणां नै रास नां आयो, इण वास्तै बै 1905 में मथुरा जायनै जैन विद्यालय में अध्यापन रो काम सरू कर दियो। उठै ई घणा दिन उणां रो मन नां लाग्यो, सो पाछा जयपुर आयनै आप खुद वर्द्धमान जैन विद्यालय स्थापित कर लियो। इण विद्यालय रै साथै अेक छात्रावास भी स्थापित करयो। इण दोनू शैक्षणिक संस्थावां रो आर्थिक बोझ सेठ कल्याणमल उठाया करतो हो। सन् 1907 में स्थापित आर्य समाज रै साथै ही अर्जुनलाल सेठी री राजनैतिक आकांक्षावां रो आभास हुएण लाग्यो हा। वर्द्धमान जैन विद्यालय में जैन धर्म री शिक्षा रै साथै-साथै युवकां नै सांख्यिक, वैदिक, राजद्रोहात्मक शिक्षा

1

भी देवणी सुरू करदी ही।

अर्जुनलाल सेठी रा विचार सुरू मूं ई भारत में स्वराज देखण रा हा। घोर-घोर उणर संरक्षण में वर्द्धमान जैन विद्यालय में महाराष्ट्र अर काश्मीर तक रा युवकां नै आकर्षित करने प्रवेश दिरोजण लाग्यो। इणमें शोलापुर रा मोतीचन्द, माणकचन्द अर पुछ रो जयचन्द उल्लेखजोग नाम हा। बनारस रो अंक पुराणो आर्य समाजो प्रचारक विष्णुदत्त त्रिवेदी क्रान्तिकारी गतिविधियां में लिप्त होयग्यो। वो भी वर्द्धमान जैन विद्यालय में अध्यापक लाग्यो। वो उण बगत सूं ई दिल्ली, बंगाल, राजपूताना अर उत्तर-प्रदेश रै क्रान्तिकारियां रै बिचाळै समन्वय रो काम कत्या करतो हो। जद वो राजपूताने में आयो तो आपरै छोटै भाई कृष्णदत्त अर दूसरा सहायक वासुदेव, सूरजसिंह अर रामप्रसाद नै भी आपरै साथै लायो। अै लोग मारवाड़ अर अजमेर क्षेत्र रा जागीरदारों में धार्मिक संस्कार, विशेष रूप सूं जनेऊ संस्कार करावणो सुरू कत्यो। इण छदम काम रै साथै त्रै उणां रै बीच अंग्रेज विरोधी भावना रो प्रचार करण में भी लारै नै रैवता। विष्णुदत्त खुद वर्द्धमान जैन विद्यालय रै युवकां में क्रान्तिकारी भावनां भरण रै साथै आपरी क्रान्तिकारी योजनावां रो क्रियान्विति वास्तै डकैती जिसो जघन्य काम करण सूं संकोच नहीं करण रो शिक्षा भी देवतो हो। अर्जुनलाल सेठी रा खुद रा दिल्ली रा प्रसिद्ध क्रान्तिकारी अमीरचन्द, अवधबिहारी अर बालमुकुन्द सूं गैरा सम्बन्ध हो चुक्या हा। उण बगत केसरीसिंह बारठ रो भान्त अर्जुनलाल सेठी नै भी आपरी क्रान्तिकारी गतिविधियां चलावण सारू धन रो कमी आडी आय रह्यो हो। इण सारू बै आ टोह लेवता फिरता हा कै धन कठै-कठै सूं मिल सकै है। इण उद्देश्य सारू विष्णुदत्त त्रिवेदी इण बात रो पतो लगायो कै बिहार में आरा जिलै रै निमैज मन्दिर रै महन्त भगवानदास रै कनै मोकळी माया है। इण सम्पत्ति नै हासल करण सारू अेक योजना बणाईजी।

इण योजना मुजब सन् 1913 रो सुरूआत में वर्द्धमान जैन विद्यालय रो अध्यापक विष्णुदत्त अर छात्रावास में रैय रह्या मोतीचन्द, मानिकचन्द अर जयचन्द लोगां नै औ कैयनै जयपुर सूं रवाना हुया कै बै तीर्थयात्रा पर जाय रह्या है। अै सगळा ही लोग आगरा होयनै मुगलसराय पूग्या। बठै अेक धर्मशाळा में रातवासो करने दूजै दिन बनारस गया। बठै जोरावरसिंह बारठ भी उणां नै मिलग्यो। मोतीचन्द, मानिकचन्द अर जयचन्द तो जैन संस्था स्यादवाद विद्यालय में ठैरग्या अर विष्णुदत्त त्रिवेदी जोरावरसिंह नै आपरै अठै ठहरा लियो। अठै विष्णुदत्त पैली बार आपरै साथै लायोडा तीनों युवकां नै नेमाज मन्दिर रै महन्त माथै डाको पाड़ण रो जाणकारी दी। इणरै साथै ही मोतीचन्द अर जोरावरसिंह नेमाज रै आसै-पासै रा गांवां रो स्थिति सूं बाकिफ हुयां पछै कोई मेळो लाग्योडो हुवणै सूं थोड़ा दिन इण काम सारू रुकण रो सलाह दी। कौं दिनां पछै विष्णुदत्त सगळा नै पईसा-टक्का अर सुरक्षा सारू लाठियां सूंपी। विष्णुदत्त तो बनारस में ई रह्यो अर दूजा सगळा रघुनाथपुर, सपाटी हुंवता मिर्जापुर अर उठै सूं रात रो

आठ-नव बज्यां नेमाज पूगया। महन्त सू अभिवादन कर्यां पछै रात रां बठै ई सूगया। इण बीच जयचन्द आ जाणकारी हासल करली हो कै महन्त तिजोरी री चाबी आपरै बालां रै जूड़ै बिचाळै राखै है। दूजै दिन महन्त आपरै किणो मुकदमै सारू बक्सर चल्थो गयो। आगलै दिन महन्त पाछो आपरै मठ में आयो। सिंङया री वगत आपरी योजना मुजब बै तीनू जणां पैली महन्त रै नौकर नैं अेक कमरै में बान्ध दियो। साथै ही उणरै चीखण रै डर सू मानिकचन्द उण री जीभ काट न्हांखी। इणसू बो मरग्यो। उणरै बाद बै सगळा महन्त रै कमरै में पूग्या तो देख्यो कै महन्त री जीभ ई कटयोड़ी हो अर बो भी मर चुक्यो हो। इण पछै महन्त रै जूड़ै सू चाबी निकालली पण बा चाबी तिजोरी नैं होयनै किणों दूजै ताळै री ही। तिजोरी चाबी नैं घणी ई जोयी पण बा नैं लाधो। तापछै महन्त री लाश नैं मांचै पर न्हांखनै कमरै रै बारै ताळो लगा दियो। कनै ई अेक कूओ हो, सो सगळा जणां वठै जायनै आपरा कपड़ा बदळ्या, खून रा कपड़ा अर छूरी कुअै में फेंक दिया। मोतीचन्द, मानिकचन्द अर जयचन्द बनारस जायनै विष्णुदत्त नैं सगळी बात बताई। इणसू विष्णुदत्त खासो नाराज हुयो। अै तीनू पाछा जयपुर आयनै विद्यालय रै छात्रावास में रैवणो सरू कर दियो। अेक दिन शाम री वगत अर्जुनलाल सेठी अर उणां रै सहयोगियां नैं इणां नेमाज महन्त री हत्या रो किस्सो सुणाय दियो।

सितम्बर 1913 तांई तो अै तीनू जयपुर ही रह्या। इण पछै पूना अर इन्दौर में रैय रै वठै पढाई करण लाग्या। अर्जुनलाल सेठी भी जयपुर रो कारोबार बृजमोहन माधुर नैं संपनै इन्दौर चल्थ्या गया अर उठै भी अेक जैन विद्यालय खोल दियो। मार्च, 1914 तांई पुलिस नैं नेमाज मन्दिर रै महन्त री हत्या रो कोई सुराग हाथ नैं लाग्यो। पछै अचाणचक ही पुलिस दिल्ली पड्यन्त्र रै मामलै में इन्दौर में अर्जुनलाल सेठी नैं पकड़ लिया। इण रो कारण फरवरो, 1914 रो दिल्ली रै प्रसिद्ध क्रान्तिकारी नैं इन्दौर सू लिख्योड़ै अेक रहस्यमय कागज दिल्ली पुलिस रै हाथ लागणो हो। इण सम्बन्ध मे पुलिस अर्जुनलाल सेठी रै अेक छात्र शिवनारायण नैं मुम्बई में पकड़ लियो। पुलिस री कड़ी पूछताछ सू घबरायनै उण नेमाज महन्त री हत्या रो सारो खुलासो कर दियो। शिवनारायण रै बतायां पुलिस नेमाज हत्याकाण्ड सू जुड़योड़ा लोगां नैं अेक-अेक करनै पकड़ लिया। जोरावरसिंह फरार हुवण सू पुलिस रै हाथ नैं आयो।

इण हत्याकाण्ड रो मामलो न्यायालय में खासो लंबो चाल्यो। अर्जुनलाल सेठी रा मोकळा छात्र मुखविर बणग्या हा। न्यायालय मोतीचन्द नैं फांसी अर विष्णुदत्त नैं दस साल जेळ री सजा सुणाई। अर्जुनलाल सेठी रै खिलाफ पुलिस कोई सबूत नैं जुटा सकी पण न्यायालय आ बात जरूर कैयी कै अर्जुनलाल सेठी आपरै छात्रां री तीर्थयात्रा रो असली मतलब जाणता हा। इणरै बावजूद अर्जुनलाल सेठी नैं पैली इन्दौर जेळ अर पछै जयपुर री जेळ में राखीज्यो। अठै उणां रै खिलाफ प्रोसीडिंग चलाई गई अर 5 दिसम्बर, 1914 नैं जयपुर रो शासक बिना मुकदमै चलायै उणां नैं पांच सालां री सजा देयदी। सेठी माथै राजनैतिक षड्यन्त्रां में मिलीभगत रो आरोप लगायो गयो। नौ महीनां

पछै जयपुर रै शासक अंग्रेज सरकार सूं आग्रह कऱ्यो कै अर्जुनलाल सेठी नैं जयपुर जेळ सूं हटायनै दूजी जाग्यां भेज दियो जावै। तद अंग्रेज सरकार 1818 ई. रै रैग्यूलेशन (तृतीय) रै तहैत वारण्ट जारी करनै अर्जुनलाल सेठी नैं मद्रास प्रेसीडेंसी री बेल्लोर जेळ में भेज दियो। मोकळा राष्ट्रीय नेतावां, सगठनां अर अखबारां जयपुर शासक री इण कार्यवाही रो घोर विरोध कऱ्यो। मार्टन रिब्यू अर अमृतबाजार पत्रिका तो अर्जुनलाल सेठी री तुरन्त रिहाई री मांग करी। सन् 1917 में कलकत्ता में इण्डियन नेशनल कांग्रेस भी श्री सेठी नैं जेळ भेजण री कार्यवाही री आलोचना करी। अर्जुनलाल सेठी आपनैं अंग्रेज सरकार रो समर्थक बतावतां थकां जेळ सूं मुगत करण री अरजी दी। आपरै जैन समाज नैं प्रभावित करण सारू उणां जैन धर्म रै मसलै नैं लेयनै जेळ में 70 दिन भूख हड़ताळ भी करी। अंत में सन् 1920 में छह बरसां री जेळ भुगत्यां पछै अर्जुनलाल सेठी नैं अंग्रेज सरकार इण शर्त माथै रिहा कऱ्या कै बै जयपुर शासक री स्वीकृति बगैर जयपुर में प्रवेश नों कर सकैला।

इणीं भान्त दिल्ली बम-काण्ड, कोटा साधु हत्याकाण्ड अर नेमाज महन्त हत्याकाण्ड रो प्रमुख अभियुक्त अर प्रसिद्ध क्रान्तिकारी जोरावरसिंह अबार ताई फरा ई हो। जद्यपि सन् 1939 में बिहार में कांग्रेस रो मंत्रिमंडळ बणनै पर उणां रै खिलाफ पुलिस वारण्ट पाछा लिरीजग्या हा। पण वारण्ट वापसी रै अेक दिन पैलां ई उणां रो निधन हुयग्यो।

आलेख रै आरम्भ में केसरीसिंह बारठ, अर्जुनलाल सेठी अर राव गोपाळसिंह खरवा री भी अंग्रेज विरोधी सरुआती सम्पर्क-सूत्र यात्रा पर चरचा करी ही। सन् 1908 रै पछै राव गोपाळसिंह खरवा आपरी इण अंग्रेज विरोधी भावना नै आगै बधावण रै वास्तै थोड़ा सक्रिय कार्यकर्ता त्पार करण रो निश्चय कऱ्यो। इण काम नैं अंजाम देवजै सारू लाहडी उर्फ त्रिवेणीदास अर गोळिया गांव रै नारायण सिंह नैं आपरै खरचै सूं अजमेर में पढाई करवाई। इण पछै उणां नैं शिक्षक नियुक्त करवाया। इण समय तक मचिन्द्रनाथ सन्याल री अनुशीलन समिति जिसे क्रान्तिकारी संस्था सूं उणां रा गैरा सम्बन्ध हुयग्या हा। उण समिति रा दो सदस्य मनीलाल अर दामोदर तो खरवा ठाकुर रै कनै बम बणावण री विद्या सीखण मारू आवता-जावता हा। दो दूजा बंगाली युवक जिका न्यूलाईट समाचार-पत्र सूं जुड़घोड़ा हा, उणां नैं खरवा ठाकुर आपरी सिफारिस माथै कुचामण रै ठाकुर कनै अंग्रेजा सूं छिपण खातर छोड राख्या हा। बै बरै सन् 1911 तक रह्या। आपरी क्रान्तिकारी गतिविधियां नैं ओरूं सक्रियता सूं चलावण सारू सन् 1911 में ही भूपसिंह (विजयसिंह पथिक) नैं आपरो सचिव नियुक्त कर लियो हो। आ बात पैलां ई बताई जाय चुकी है कै राव गोपाळसिंह खरवा रो मारवाड़ अर अजमेर संभाग रै ठाकुरां माथै पूरो प्रभाव हो। अै ठाकुर लोग ग्रामीण अंचळां में राव गोपाळसिंह रा विचार फैलावण में खास भूमिका अदा करी। गाहड़सिंह तो इण काम नैं घणी सावचेती सूं कर रह्यो हो। ओ ही नों, खरवा ठाकुर हथियार आदि प्राप्त करण सारू

नसीराबाद छावनी में राजपुताना राइफल्स के सम्पर्क में भी था। इनके साथ ही राव गोपाळसिंह खरवा, अर्जुनलाल सेठी और केसरीसिंह बारठ और उणां का सहयोगियों के बिचाड़े बराबर सम्पर्क बण्योड़ो हो। वे अंक-दूजे की संस्थावां सूं जुड़योड़ा लोगां के क्रान्तिकारी गतिविधियां में भरपूर उपयोग लेय रह्या हा। विष्णुदत्त, लाहड़ी और गाहड़सिंह का नांव इण दोठ सूं उल्लेख जोग है।

सन् 1914 के मध्य ताई राव गोपाळसिंह खरवा की क्रान्तिकारी गतिविधियां इतरी गुप्त रूप सूं चाल रह्यो ही कै पुलिस के ध्यान उणां कानी गयो ही कोनीं। पण अक्टूबर 1914 में नेमाज मन्दिर के महन्त की हत्या के भण्डाफोड़ हुंवातां ही उणै अभियुक्तां का सम्पर्क-सूत्र पुलिस नै गोपाळसिंह खरवा सूं जुड़ता निजर आया। इण पर पुलिस उणां के विरुद्ध भी सक्रिय हुयगी। उणां के निकट सहयोगी लाहड़ी के पकड़ीज्यां पछै उण गोपाळसिंह खरवा के विरोध में पांच आरोप लगाया। अ आरोप इण भान्त हा— 1. राव गोपाळसिंह खरवा ही म्हनै (लाहड़ी नै) राजद्रोहात्मक गतिविधियां सारू सक्रिय करयो, 2. खरवा ठाकुर का केसरीसिंह बारठ और विष्णुदत्त सूं गैरा सम्बन्ध हा जिका अंग्रेज सरकार नै उखाड़ फेंकणा चावता हा, 3. खरवा ठाकुर ही विष्णुदत्त नै अजमेर और जोधपुर में लेक्चर बणवायो हो, 4. म्हनै (लाहड़ी) और नारायण सिंह नै आपरै खरवा सूं अजमेर में शिक्षा दिरवाई, 5. खरवा ठाकुर ही गाहड़सिंह नै विष्णुदत्त की मदद वास्तै उणै कनै नियुक्त करयो हो।

अजमेर के कमिश्नर ए. टी. होम्स लाहड़ी का लगायोड़ा ऊपरड़ा पांचूं आरोपां के गोपाळसिंह खरवा नै लिखित स्पष्टीकरण देवण सारू कह्यो। 30 नवम्बर, 1914 नै गोपाळसिंह खरवा कमिश्नर सूं इण सम्बन्ध में सैमूंडै मिलण के समय मांग्यो पण कमिश्नर समय देवण सूं इनकार कर दियो। राव गोपाळसिंह आ बात समझग्या हा कै अबै कदैई भी खरवा ठिकाणो उणां के हाथ सूं निकळ सकै है। इण बात नै ध्यान में राखनै उणां अंक समझोतावादी स्पष्टीकरण तयार करनै कमिश्नर नै सूंप्यो। इण स्पष्टीकरण में दूजो बातां के अलावा उणां आपरै साथी केसरीसिंह बारठ के खिलाफ तक टिप्पणी कर दी। पण कमिश्नर गोपाळसिंह खरवा के इण स्पष्टीकरण सूं संतुष्ट कोनीं हुयो और 25 जून, 1915 नै भारत सरकार खरवा ठाकुर नै डिफेंस इण्डिया अक्ट के तहत खरवा के गढ़ मांय नजरबन्द कर दियो। इण पछै 24 घण्टां के नोटिस पर टॉडगढ़ जायनै उठै के तहसीलदार नै आपरी उपस्थिति दर्ज करावण के आदेश दियो। इण पर खरवा ठाकुर आपरै सहायक मोडसिंह के साथै 28 जून, 1915 नै टॉडगढ़ गया। उठै उणां नै तहसीलदार की बिना इजाजत किणी सूं भी मिलण सूं रोक दियो गयो। अंग्रेज सरकार नै बनारस षड्यन्त्र केस में मुखबिर के बयान सूं जाणकारी मिली ही कै गोपाळसिंह सैनिक विद्रोह भी करवा सकै है। इनके साथै सरकार नै आ जाणकारी भी हुयगी ही कै खरवा ठाकुर क्रान्तिकारियां नै हथियार देवता रह्या है, मनीलाल और प्रतापसिंह बारठ नै खुद हथियार दिया हा। औ सगळो खुलासो खुद मनीलाल और

दामोदर मुखबिर बणनै कइयो हो। आं सगळीं बातां नैं ध्यान में राखनै सरकार टॉडगड में उणां नैं हथियार राखणै री छूट भी कोनों दी। इण चीच 30 जून, 1915 नैं पुलिस अधीक्षक खरवा रै गढ री तलाशी ली। इण मौकै गोपाळसिंह खरवा रो सचिव भूपसिंह उठै सूं फरार हुयग्यो। जद आ बात खरवा ठाकुर नैं ठा पड़ी तो बै आपरै परिजनां अर हथियारां नैं लेयनै खासा चिन्तित हो उठ्या। इण विचलन रो अवस्था में 10 जुलाई, 1915 नैं खरवा ठाकुर मोडसिंह नैं साथै लेयनै पुलिस नैं घतो बतायनै टॉडगड सूं फरार हुयग्या अर ब्यावर हुंवता किसनगढ रै सलेमाबाद मन्दिर मांय जाय छिप्या।

अंग्रेज सरकार किसनगढ रै शासक रो मदद सूं उणां रै छिपण री ठौड़ रो पतो लगाय लियो पण उण सगळै इलाकै मांय आ अफवा फैलगी ही कै गोपाळसिंह खरवा गिरफ्तार हुवण सूं पैलां मरण-मारण नैं त्यार है। इणरै साथै ही उणां रा रिस्तेदार भी हथियारां सूं पुलिस रो मुकाबलो करण नैं त्यार है। पुलिस इण रा भयंकर परिणाम नैं समझती ही। इण वास्तै आईजीपी पुलिस मिस्टर काई, खरवा ठाकुर नैं अेक मित्रवत पत्र लिखनै उणसूं वस्तुस्थिति बतावण रो अनुरोध कइयो। खरवा ठाकुर भी आपरै उथळै में उणसूं आपरै आरोपां पर और स्पष्टीकरण मांग्या। मिस्टर काई अन्य स्पष्टीकरणां रै साथै खरवा ठाकुर नैं बतायो कै दिल्ली पड़्यन्त्र केस में उणां रै खिलाफ कोई मामलो नों बणै है। इण पर गोपाळसिंह खुदोखुद नैं पुलिस रै हवालै कर दियो अर पुलिस इणां नैं अेक राजनैतिक कैदी मान रै अजमेर रै किलै में राख दिया। 12 अक्टूबर, 1915 नैं अजमेर रो डिस्ट्रिक्ट मजिस्ट्रेट उणां नैं आपरै फौसलै में दो साल रो साधारण कैद री सजा सुणाई। बनारस पड़्यन्त्र रै केस में अेक बार बीच में उणां नैं बनारस भी लेयग्या पण उणमें कोई आरोप सिद्ध नों हुयो। 14 सितम्बर, 1917 नैं अजमेर सूं रिहा कर दिया पण उणीं दिन डिफेंस ऑफ इण्डिया ऐक्ट रै तहत पाछा गिरफ्तार करनै तिलहर जेल में दो साल ताई पुलिस री सुरक्षा में राख दिया। इण बीच अजमेर-मेरवाडा रा खालसा गांवां रा हजारू निवासियां ठाकुर गोपाळसिंह खरवा नैं रिहा करण सारू आपरा हस्ताक्षर करनै अेक ज्ञापन वाईसरॉय नैं दियो। इण भान्त दूसरै राजनैतिक कैदियां रै साथै सन् 1922 में उणां नैं भी रिहा करणा पड़्या।

राजस्थान रा इण तीनू क्रान्तिकारियां री जिकी गतिविधियां रह्यो, उण रो मूल्यांकन अध्येता वर्ग आप आपरै तरीकै सूं कइयो है। इण आलेख मांय ऊपर जिका तथ्य दिया गया है बै ज्यादातर सरकारी दस्तावेजां पर आधारित है। पुलिस आनैं आपरै पख मांय प्रस्तुत कइया हा। इण कारण सूं अध्येता-वर्ग नैं खालस इण माथै निर्भर नों रैयनै दूजा स्रोतां रो अवगाहन भी करणो चाहीजै।

स्वतंत्रता आन्दोलन अर मारवाड़ी व्यापारी

राजस्थान रै स्वतंत्रता आन्दोलन मांय व्यापारी वर्ग री महताऊ भूमिका रह्यो है। इण नैं समझण सारू औ जाणणो जरूरी है कै भारत रै राष्ट्रीय आन्दोलन मांय इण वर्ग री काई भूमिका रह्यो। म्हें सन् 1970 में इण मारवाड़ी व्यापारियां माथै आपरो पोअेच. डी. उपाधि सारू अेक शोध-प्रबन्ध लिख्यो हो। उणमें मारवाड़ियां री राष्ट्रीय स्तर अर राजस्थान स्तर माथै स्वतंत्रता आन्दोलन में जिकी पृष्ठभूमि रह्यो, उण री विगतवार चर्चा करी हो। इण आलेख में मारवाड़ियां माथै म्हारै सूं बाद में लिख्योड़ी पोथ्यां रा संदर्भा नैं भी काम में लिरीज्या है। इणमें डी. के. टकणेत री 'मारवाड़ी समाज' अर हरिभाऊ उपाध्याय री 'श्रेयार्थो जमनालालजी' नांव सूं छप्पोड़ी पोथ्यां उल्लेख जोग है। अठै आ बात बतावण जोग है कै मारवाड़ी व्यापारी वर्ग री भारत रै स्वतंत्रता आन्दोलन में जिकी भूमिका रह्यो ही, उणनैं अेक आलेख तांडै सीमित राखणो घणां ओखो काम है। इण वास्तै इण आलेख में स्वतंत्रता आन्दोलन रा मोटामोट संदर्भ ही आय सक्या है।

19वीं सदी मांय राजस्थान रा मारवाड़ी व्यापारी आपरै मूळ राज्यां सूं जीवन-यापन सारू सगळै अंग्रेजी भारत, दक्षिण अर मध्य भारत री देसी रियासतां मांय आपरो कारोबार सारू कर चुक्या हा। इण बगत तांडै इण वर्ग री अंग्रेज सरकार अर अंग्रेज व्यापारियां री रीति-नीति सूं काई विरोध नैं हो पण काँ मारवाड़ी व्यापारी जिका अन्तिम मुगल बादशाह बहादुरशाह अर मध्य-भारत री देसी रियासतां रै शासकां रै सम्पर्क में आयग्या हा, उणां री अंग्रेज सरकार सूं थोड़ो मोह भंग हुयग्यो हो। सन् 1857 आवण रै उणां री अंग्रेजां रै प्रति रांस ओर बधग्यो। सन् 1857 में जद देश री प्रथम स्वतंत्रता आन्दोलन लड़्यो गयो, उण बगत इण वर्ग रा लोगां आपरी जान-माल री परवा नों करी अर अंग्रेज विरोधी स्वतंत्रता सेनाणियां री मदत करी। आ मदत मुख्य रूप सूं धन देयनै करीजी ही। पण अंग्रेज सरकार इण आर्थिक सहायता सूं इत्ती घवरायणी कै वा इसा मारवाड़ी व्यापारियां नैं मौत रै घाट उतारणो सारू कर दियो। सन् 1857 में ग्वालियर राज्य री खजानो, उठै रै बडै व्यापारी सेठ अमरचन्द बाठियै रै सुपुर्द हो। सेठ बाठियो मूळ में बीकानेर राज्य री मारवाड़ी व्यापारी हो। जद राणी लक्ष्मीबाई, नाना साहब अर तात्या टोपे ग्वालियर राज्य माथै हमलो कर्घ्यो, उण बगत सेठ बाठियो ग्वालियर री खजानो उणां री सेना रै खर्च सारू उणां नैं ही भेंट कर दियो। अंग्रेज सरकार इण घटनां नैं राजद्रोह मान अर सेठ अमरचन्द नैं फांसी पर लटका दियो। दिल्ली में मुगल बादशाह बहादुर शाह जफर नैं मोकळा मारवाड़ी व्यापारी धन सूं मदत कर्या करता हा पण मारवाड़ी व्यापारी सेठ रामजीदास गुडआळो तो बादशाह नैं खुल्लमखुल्ला मदत करतो हो। इण बात सूं नाराज होयनै अंग्रेज सरकार फगत उणरै खजानै नैं ईज जब्त नों कर्घ्यो बल्कै उणनैं भी फांसी माथै लटका दियो। इणां भान्त जद तात्या टोपे भाजतो-भाजतो राजस्थान मांय जयपुर सूं लालसोट अर उणरै बाद सीकर पूय्यो तो मारवाड़ी व्यापारियां उणनैं गैणा-गांठा देयनै मदत करी। सेठ रामप्रकाश

अग्रवाळ इण ओळ में हरावळ हो। शोलापुर रो कृष्णदास मारडो अर भतारा रो सेठ सेवाराम मोर भी आपरी उग्र कारवाइयां रै कारण सूं फांसी माथे झूलग्या। अे मारवाड़ी व्यापारी उण बगत 1857 रै क्रान्तिकारियां रै विचाळै मेळ रो मारग बणावण में भी लारै नीं रह्या। वै क्रान्तिकारियां रा कागद-पत्र अर संदेसा अेक ठोड़ सूं दूजी ठोड़ घणो चतुराई सूं भिजवाय देता हा। इतो ई नीं, वै मंदेसवाहकां नें आपरै घरे ठहरावणै मांय भी संकोच नीं करता हा। सन् 1857 री क्रान्ति असफळ हुयां पछै ई क्रान्तिकारियां रा रिस्तेदार मारवाड़ियां रै अठै शरण लेंय रह्या हा। नाना साहब पेशवा रो भतीजो मार्च 1862 दक्षिण में हैदराबाद में सेठ मोहनलाल पिती अर शरणमल रै अठै गुप्त रूप सूं रैय रह्यो हो। अंग्रेज सरकार नें जद इण बात रो जाणकारी मिली तो उण दोनूं सेठां माथे भारी जुर्मानो करनै सजा दी।

अठै आ बात बतावणी भी जरूरी है कै 1857 री क्रान्ति पछै सन् 1900 ताई मारवाड़ी व्यापारी, अंग्रेज सरकार अर उणरै व्यापारियां सूं अंग्रेजी भारत मांय सीधो टकराव नीं लियो। इणरै लारै अेक कारण आपरी आर्थिक स्थिति सुदृढ़ करणो भी रह्यो। पण इण बगत ताई अंग्रेज सरकार भारत रै लगैटगै सगळ्या रजवाड़ां मांय परम्परागत कानून-कायदां रो जगां प्रशासनिक सुधारां रै नांव माथे अंग्रेजी कानून कायदा लागू करवाय रैया हा। इण रो प्रभाव दूजा वर्गा रै साथे राज्यां रा व्यापारी वर्ग रै परम्परागत विशेषाधिकारी माथे भी पड़्यो। इण कारण सूं रियासतां मांय निवास करणियां अर उणां रा ही भाईबन्ध जिका प्रवासी हुयग्या हा, दोनूं में अंग्रेजां रै प्रति कटुता बघती गई। कठै-कठैई व्यापारियां रो औ रोस विस्फोटक स्थिति मांय पूगयो। राजस्थान रै उदयपुर राज्य रा लगैटगै 2000 व्यापारी 30 मार्च, 1864 नें नगरसेठ चम्पालाल रै नेतृत्व में कर्नल ईडन रै निवास माथे आपरो विरोध जतावण 'सारू पूया पण अंग्रेज अधिकारी उणां रो मांग माथे विचार करण सूं इनकार कर दियो। अे व्यापारी सात दिनां ताई हड़ताल राखनै आपरो कामकाज बन्द राख्यो। इण पछै अंग्रेज सरकार अर राज्य रै शासक रै बीच-बचाव सूं मामलो सलट्यो। व्यापारियां रा इण भान्त रा विरोधी स्वर दूजा राज्यां मांय भी देखण नें मिलै।

उगणीसवीं सदी रै अन्तिम दसकां मांय जद अंग्रेज भारत रै बडा शहरां, खास करनै बन्दरगाह आळा शहरां मांय आपरी आर्थिक स्थिति मजबूत करण में व्यस्त हा, उण बगत उणां रो अंग्रेज व्यापारियां सूं टकराव सरू हुवणो सरू हुयग्यो। इण रो मुख्य कारण मारवाड़ी व्यापारियां द्वारा अंग्रेजी व्यापारियां रै व्यापारिक अेकाधिकार नें चुनौती देवणो हो। इण सूं इण दोनूं व्यापारी वर्गां रा व्यापारिक-हित टकरावण लागग्या हा। मारवाड़ी व्यापारियां नै आ बात समझण मांय देर नीं लागी कै केन्द्रीय सत्ता सूं जुड़्योडा अंग्रेज व्यापारियां सूं व्यावसायिक टक्कर राजनैतिक दबाव अर समर्थन रै अभाव में लेवणी दोरी है। इण बात नें ध्यान में राखनै सन् 1898 में बंगाल में रैवणिया अठै रा व्यापारी 'मारवाड़ी असोसियेशन' नांव सूं अेक संस्था थरपू ली। इण संस्था री थापना रै साथे उणां घोषणा करी कै राजनीति रो सम्बन्ध व्यापार सूं रेवै है अर बा प्रत्यक्ष रूप सूं

व्यापार नै प्रभावित करै है। इण वास्तै 'मारवाड़ी ऐसोसियेशन' भारत री राजनीति सू लगाव राखण में परहेज नीं करैली। इण बात रो ओर खुलासो करता थकां मारवाड़ी व्यापारियां सू सम्बन्धित पत्र-पत्रिकावां, जिणां में 'मारवाड़ी' अर 'अग्रवाल' नांव री पत्रिकावां उल्लेख जोग है, आपरै सम्पादकीय मांय मारवाड़ी व्यापारियां सू राजनीति में सक्रियता सू हिस्सो लेवण रौ आह्वान करयो। देखतां-देखतां मोकळा प्रगतिशील मारवाड़ी युवक 'मारवाड़ी ऐसोसियेशन', 'वैश्य सभा' अर 'बुद्धिवर्द्धिनी सभा' रै माध्यम सू भारतीय राजनीति में रुचि लेवण लागग्या।

सन् 1905 रै आवतां-आवतां मारवाड़ी युवक देश री मुख्य राष्ट्रीय धारा सू जुड़णा सुरू हुयग्या हा। जद बंग-भंग रै विरोध में बंगाल में जन आन्दोलन सुरू हुयो, उण बगल औ मारवाड़ी युवक विरोध सभावां में सक्रिय भूमिका निभावता निजर आया। बंगाल रै विभाजन नै रुकावण सारू अंग्रेज सरकार माथै दबाव बणावानै मारवाड़ी व्यापारियां इंग्लैण्ड सू विदेसी समान मंगावणो बन्द कर दियो अर बहिष्कार आन्दोलन भी सुरू कर दियो। उणां इंग्लैण्ड स्थित मेनचेस्टर रै चैम्बर ऑफ कॉमर्स सू अनुरोध कत्यो कै बो ब्रिटिश सरकार माथै बंगाल नै विभाजित नीं करण सारू दबाव देवै। बंगाल रै विदेसी माल रै बहिष्कार आन्दोलन नै मारवाड़ी व्यापारियां रै सहयोग सू सांतरो बल मिल्यो। आ बतावण जोग बात है कै बंगाल मांय विदेसी कपड़ै रो आयात करण रो घणकरो व्यापार मारवाड़ियां रै हाथां मांय ई हो। उणां रै सहयोग रो अनुमान इण बात सू लागै है कै सन् 1904 रै सितम्बर माह में बंगाल मांय जठै 77,000 रुपियां रो कपड़ो बिक्यो बठै हो सन् 1905 रै सितम्बर माह में फगत 10,000 रुपियां रो कपड़ो ही बिक्यो। बंग-भंग री घोषणा सू बंगाली युवक क्रान्तिकारी गतिविधियां मांय लिप्त हुवण लागग्या हा। इण क्रान्तिकारी गतिविधियां में बंगाल रा मारवाड़ी युवकां भी कंधै सू कंधो मिलायनै उण क्रान्तिकारियां रो साथ दियो। हनुमानप्रसाद पोद्दार तो 'स्वदेश बांधव' अर 'अनुशीलन समिति' जिसी क्रान्तिकारी संस्थावां रो सक्रिय सदस्य बणग्यो हो। रामगोपाळ नेवटियो 'देशपरक' नांव सू अेक मासिक पत्रिका निकालणी सुरू करनै उणरै माध्यम सू बंगाल रै क्रान्तिकारियां री गतिविधियां नै प्रोत्साहित कर रह्यो हो। बसन्तलाल मुरारको शरत्चन्द्र बोस नै अेक लाख इग्यारै हजार रुपियां देयनै मदत करी। ओंकारलाल सराफ रा क्रान्तिकारी आशुतोष लाहिड़ी अर प्रभुदयाल हिम्मतसिंहका रा अतुलनाथ सू गैरा सम्बन्ध बण्योडा हा। विजयसिंह नाहर तो बंगाल मांय आपरी उग्र राजनीति रै कारण खासो नांव कमायो हो। सन् 1913 में मारवाड़ी युवकां नै प्रेरणा देवण आळी साहित्यिक संस्था 'साहित्य-संवर्धनी' माथै अंग्रेज सरकार प्रतिबन्ध लगाय दियो। सन् 1914 में प्रसिद्ध रोड़ा काण्ड में अनुशीलन समिति सू जुड़्योडा फूलचन्द चौधरी, ज्वालाप्रसाद कानोडिया, प्रभुदयाल हिम्मतसिंहका, घनश्यामदास बिड़ला, कन्हैयालाल चितलालगिया, ओंकारमल सराफ अर हनुमानप्रसाद पोद्दार री गिरफ्तारी रा वारण्ट जारी कर्या गया। बाद में घनश्यामदास बिड़ला नै छोड उण सगळां नै खासै लंबै समै तक जेळां मांय राख्या। ब्यावर रो सेठ दामोदरदास राठी बंगाल रा

सुप्रसिद्ध क्रान्तिकारी अरविन्द घोष, रासबिहारी बोस अरु संचेतन गांगुली आद सूनू गैर सम्बन्ध बणाय राख्वा हा। इणरै साथै ई उण रा श्यामजीकृष्ण वर्मा, राजा महेन्द्रप्रताप अरु राजस्थान रा दूजा क्रान्तिकारियां सूनू भी सम्बन्ध हा। बो इण सगळ्ळा क्रान्तिकारियां नै धन सूनू भी मदत करुवा करतो हो। बंगाल अरु बनारस रै क्रान्तिकारियां रै सहयोग सूनू राजस्थान मांय भी क्रान्तिकारियां आपरी गतिविधियां बघायदी ही। उणां नै भी जयपुर रा सेठ छोटेलाल अरु मोतीचन्द मोकळो आर्थिक सहयोग देय रह्वा हा। सुप्रसिद्ध क्रान्तिकारी अर्जुनलाल सेठी नै जयपुर रा सेठां आर्थिक रूप सूनू भरपूर सहयोग दियो। इणीं भान्त देश रै दूजां भागां मांय भी मारवाड़ी व्यापारी व्यक्तिगत रूप सूनू क्रान्तिकारी गतिविधियां में संलग्न हा।

क्रान्तिकारी आन्दोलन सूनू ऊब्योड़ा मारवाड़ी युवक सन् 1915 माय भारतीय राजनीति में महात्मा गांधी रै पदार्पण रै साथै ई उणां कानी रुख कर लियो। सेठ जमनालाल बजाज महात्मा गांधी रै कार्यक्रमां सूनू इत्ता प्रभावित हुया कै बै बापू रा पट्ट-शिष्यां में आपरो स्थान बणा लियो। सन् 1917 में बां मारवाड़ी युवकां सूनू सक्रिय राजनीति में आवण रो आह्वान करुयो। इण रो मारवाड़ी युवकां माथै सांतरो प्रभाव पड़यो अरु अनीबिसेंट रै होमरूल आन्दोलन मांय सेठ फूलचन्द चौधरी अरु कन्हैयालाल चितलागिया सक्रिय रूप सूनू भाग लेयनै गिरफ्तार हुया। जलियांवाला बाग रो घटना में मारवाड़ी युवक भी मारुवा गया हा। उण बगत तक कांग्रेस मारवाड़ियां री महत्ता नै समझ चुकी ही। उण सन् 1920 में जमनालाल बजाज नै कांग्रेस पार्टी रो कोषाध्यक्ष बणा दियो। इणीं बगत नागपुर में आयोजित कांग्रेस अधिवेशन में महात्मा गांधी 'तिलक स्वराज फण्ड' में ज्यादा सूनू ज्यादा धन जमा करावण रो आह्वान करुयो। इण आह्वान रै जवाब में सेठ जमनालाल बजाज, सेठ आनन्दीलाल पोद्दार, रामकृष्ण मेहता, घनश्यामदास बिड़ला, केशोराम पोद्दार अरु सुखलाल करनाणी लाखों रुपिया स्वराज फण्ड में जमा करवा दिया। अकेलै बडै बजार सूनू दस लाख रुपिया भेळा करनै जमा कराईज्या। सेठ रामकृष्ण डालमियो ई लारै नौ रह्यो।

महात्मा गांधी जद विदेसी वस्तुआं रो बहिष्कार करण रो आह्वान करुयो तो विदेसी कपडै रै बहिष्कार में सगळै अंग्रेजी भारत रा मारवाड़ी विदेसी कपडां री होळी जगावण में आगीवाण रह्वा। सेठ जमनालाल बजाज अरु सेठ कृष्णदास जाजू इण आन्दोलन रो नेतृत्व करुयो। इणीं रै साथै महात्मा गांधी रो रचनात्मक कार्यक्रम चलावण में मारवाड़ी धनपति आगली पंगत में हा। सेठ जमनालाल बजाज, घनश्यामदास बिड़ला, कृष्णदास जाजू, सिद्धराज ढढ्ढा, ब्रजलाल बियाणी अरु दूजा मारवाड़ी सेठ-साहूकार खादी प्रचार-प्रसार, हरिजन उद्धार जिसा कार्यक्रम अपणायनै इणां रो देशभर में प्रचार-प्रसार करुयो। इण लोगां स्वदेसी रै प्रचार-प्रसार सारू अंग्रेजी भारत रै साथै राजस्थान री रियासतां मांय भी आपरो जाळ बिछायो। शेखावाटी मांय सेठ घनश्यामदास बिड़ला हर बडै कस्बै मांय खादी भण्डार खुलवा दिया हा। सेठ जमनालाल बजाज, सिद्धराज ढढ्ढा तो राजस्थान रै रजवाड़ा मांय घूम-घूमनै खादी अरु

हरिजन उद्धार रो मोकळो प्रचार करचो। सेठ धनश्यामदास बिडला तो हरिजन-सेवक संघ रा अध्यक्ष भी हा।

महात्मा गांधी रै असहयोग आन्दोलन में तो मारवाड़ी व्यापारी रोड री हड्डी रै रूप में काम कर रहा हा। इण बात नै महात्मा गांधी खुद आपरै इण आन्दोलन में मारवाड़ियां री भूमिका री प्रशंसा करता थकां कही ही। मारवाड़ियां फगत इण आन्दोलन नै आर्थिक सहायता ईज नी दो बल्कै व्यक्तिगत रूप सूं भी इण आन्दोलन में भाग लेयनै आखै भारत में गिरफ्तारियां दी। अै लोग सन् 1930 रै नमक-सत्याग्रह में भी खुलनै भाग लियो। इण सत्याग्रह में सैकड़ों मारवाड़ी युवकां आपरी गिरफ्तारी दी। अठै आ बात भी उल्लेखबा जोग है कै बंगाल मांय सबसूं ज्यादा मारवाड़ी व्यापारी करोबार करचा करता हा। बंगाल मांय महात्मा गांधी रै असहयोग आन्दोलन रो सफल संचालन मारवाड़ियां ही करचो हो। इणरी पुष्टि तत्कालीन बंगाल सरकार रै अेक बडै अधिकारी अे. अेच. गजनवी दिनांक 27 अगस्त, 1930 नै भारत रै वायसराय रै प्रतिनिधि कनिंघम नै लिख्योडै गुपताऊ कागद में करो ही। इण कागद में उण लिख्यो हो कै जे बंगाल मांय महात्मा गांधी रै असहयोग आन्दोलन सूं मारवाड़ियां नै अलग कर दियो जावै तो 90 फीसदी आन्दोलन अपणै आप ई फिस जावैलो। अे. अेच. गजनवी बंगाल रा उण मारवाड़ी व्यापारियां री लाम्बी सूची भी उठै भेजी ही, जिका महात्मा गांधी रै आन्दोलन रो संचालन आपरै घरां अर बारै सूं कर रहा हा। साथै ही जिका मारवाड़ियां नै बंगाल मांय गिरफ्तार करीज्या, उणां रा नांव भी उण कागद मांय लिख्या गया हा। इण पर अंग्रेज सरकार राजस्थान रै रजवाड़ां रै शासकां माथै दबाव दियो कै बै बंगाल में व्यापार करण आळा आप-आपरी रियासतां रा मारवाड़ी व्यापारियां नै आन्दोलन सूं अळघो रैखण सारू चेतावै। लगतगै सगळी रियासतां रा शासक इण सारू आपरी असमर्थता जतायदो। उण बगत तक मारवाड़ियां री जातीय सस्थावां आप-आपरै घडै रै लोगां नै भारतीय राजनीति में ओर ज्यादा सक्रिय हुवण रो आह्वान करण लागगी हो। अखिल भारतीय माहेश्वरी सभा रै सन् 1931 मे हुयै दसवै अधिवेशन में अध्यक्षता करता थकां सेठ ब्रजलाल बियाणी कह्यो, "माहेश्वरी समाज अबार ताई महात्मा गांधी रै आन्दोलनां मांय मोकळो धन दियो है अर जेळ री यातनावां भी भोगी है पण अबै समै आयग्यो है कै माहेश्वरी समाज रै बच्चै-बच्चै नै देश री बलिवेदी माथै चढण सारू तयार रैवणो चाइजै।" इणीं भान्त अखिल भारतीय मारवाड़ी सम्मेलन आपरै भागलपुर में हुवण आळै चौथै सम्मेलन मांय भारत रै स्वतंत्रता आन्दोलन में भाग लेवण आळा समाजू लोगां री प्रशंसा में प्रस्ताव पास करनै बधाई दी।

महात्मा गांधी रै सन् 1942 में 'करो-मरो आन्दोलन' रो प्रस्ताव बम्बई रै बिडला हाऊस में पास हुयो हो। इण आन्दोलन मांय भारत भर मांय मारवाड़ियां यथाशक्ति आपरो योगदान दियो। इण आन्दोलन री आ खासियत ही कै मारवाड़ी युवक, लुगायां अर बूढा-बडेर सगळा इण सूं प्रत्यक्ष-अप्रत्यक्ष रूप सूं जुडयोडा हा। सैकड़ों मारवाड़ी लोग सत्याग्रह में भाग लेयनै गिरफ्तारी दी। सेठ जमनालाल बजाज रो

तो पूरे परिवार ही इण आन्दोलन में कूद पड़ेंगे। डॉ. राममनोहर लोहिया अर मगनलाल बागड़ी री तो इण आन्दोलन मांय अविस्मरणीय अर महताऊ भूमिका रह्यो। अेक मोटे अनुमान मुजब 'भारत छोड़ो' नांव रै इण आन्दोलन रै दौरान 483 मारवाड़ियां नै गिरफ्तार करन सजा सुणाईजी।

मारवाड़ी व्यापारियां री 1942-44 बाद भी भारतीय राजनीति में कोई कमी नो हो। सुभाषचन्द्र बोस री 'आजाद हिन्द फौज' रै गठन में भी मारवाड़ी व्यापारियां आर्थिक मदत देयन आपरो फरज निभायो। सेठ भगवानदास बागलो, जिणन मारवाड़ियां में पैलो करोड़पति हुवण रो गौरव प्राप्त हो, बर्मा में रंगून स्थित आपरो 'नेशनल बैंक ऑफ इण्डिया' नै सुभाष बाबू नै आजाद हिन्द फौज सारू सूप दी। सन् 1945 रै पछे कांग्रेस में समाजवादी विचारों रा लोग अलग हुयग्या तो उण बगत राममनोहरलाल लोहिया जिसा लोग समाजवादी खेमै में रैयनै देश री मोकळी सेवा करी। मारवाड़ियां री भारतीय राजनीति में स्वतंत्रता प्राप्ति ताई बरोबर भागीदारी बणी रह्यो।

अठे मारवाड़ी व्यापारियां री वैचारिक क्रान्ति में जिकी भूमिका रह्यो, बों री चरचा हुयां बिना भारतीय स्वतंत्रता आन्दोलन मांय उणां रै अवदान री सूचना अधूरी मानीजैली। आ बतावण जोग बात है कँ राष्ट्रीय आन्दोलन रै दौरान विचारों री क्रान्ति लावण मांय जिका अखबार आपरो योगदान देय रह्यो हा बै प्रत्यक्ष-अप्रत्यक्ष रूप सू आं मारवाड़ी व्यापारियां रै आर्थिक सहयोग सू हो छपता हा। आं अखबारों मांय हिन्द केसरी, हरिजन, कर्मवीर, प्रताप, त्याग-भूमि, लीडर, भारत-मित्र आद इसा नांव हा जिका नै सेठ जमनालाल बजाज, घनश्यामदास बिडला अर सेठ भागीरथ कानोडिया आद अर्थ-सहयोग कर रह्यो हा।

ऊपर मारवाड़ियां री राष्ट्रीय स्तर पर स्वतंत्रता आन्दोलन मांय जिकी भूमिका रह्यो उण रो संक्षेप मांय वर्णन हो पण औ वर्ग राजस्थान में आपरै मूळ निवास री राजनैतिक स्थिति सू खुश नो हो। जद्यपि आपरै मूळ निवास स्थान में आपरी सम्पन्नता रै कारण सू औ वर्ग खासो सुविधाभोगी अर प्रभावशाली हो पण इणरै बावजूद इण वर्ग नै जिकी नागरिक सुविधावां अंग्रेजी भारत मांय मिल रह्यो हो, बै उणां नै आपरै मूळ निवास रै राज्य में नी मिल सकती हो। कैवण रो मतलब है कँ अंग्रेजी भारत में जिण भान्त रो उन्मुक्त वातावरण उण लोगों नै परदेश में मिल रह्यो हो, बो उणां रै आपरै खुदरै राज्य में नी मिल पा रह्यो हो, वयूंकै उठै सामन्त अर शासक राज चलावता हा। यूं तो मारवाड़ियां रो ध्यान आपरै मूळ राज्यां री राजनैतिक स्थिति माथै सन् 1919 में ही चल्थो गयो हो। इण खातर बै राजस्थान अर मध्य-भारत री रियासतों मांय निवास करण आळा लोगों नै भी राष्ट्रीय कांग्रेस री गतिविधियां सू परिचित करावण सारू सन् 1919 में ही सेठ जमनालाल बजाज री अध्यक्षता में दिल्ली रै मारवाड़ी पुस्तकालय मे अेक सभा करनै 'राजपुताना मध्यभारत सभा' नांव री संस्था थरप दी हो। इण सभा रो मुख्यालय अजमेर में राखीज्यो। इण सभा रा अधिवेशन राजस्थान री रियासतों में हुया करता हा। इणसू बठै रै लोगों मांय भी जनजागृति फैलण में मदत मिली। लोगों नै

अेकठ करण अर मिलजुलनै विचार करावण में आ सभा खासी कारगर साबित हुयी। इणीं रै परिणाम सरूप सन् 1927 में मारवाड़ी व्यापारियां रै साथै मिलनै रियासतां रा प्रमुख लोगां राज्य री जनता नै राजनैतिक अधिकार दिरावण सारू अखिल भारतीय राज्य प्रजा परिषद री थरपणा करी। बाद में इणीं संस्था रै प्रयास सूं रियासतां में प्रजामण्डळ अर प्रजा-परिषदां रा गठन हुया।

जिण वगत अै प्रजामण्डळ अर प्रजा परिषद आप-आपरे राज्यां मांय उत्तरदायी शासन सारू जन-आन्दोलन चलायो, उण वगत अै मारवाड़ी व्यापारी भी इण आन्दोलन में आपरो योग दियो। वै लोग स्वाधीनता रै सम्बन्ध में राष्ट्रीय नेतावां रै विचारां सूं पैलां ई परिचित हा। इण कारण सूं राज्यां में निरंकुश शासन अर उणां रै शासकां रै विचारां रै खोखलैपण माथै उणां रा आपरा विचार हा। वै राज्यां मांय बध्योड़ा टैक्स अर प्रशामनिक सुधारां रै नांव पर शासकां कानी सूं कीं नीं करीजण री सांगोपांग विरोध करयो। बीकानेर, जोधपुर, जयपुर अर उदयपुर जिसा राज्या मांय जिका आन्दोलन हुया उणमें बां खासो सहयोग दियो हो। अठै उल्लेख जोग बात आ है कौ राज्यां मांय उत्तरदायी शासन हासल करण सारू जिका आन्दोलन हुया, उणांमें स्थानीय व्यापारियां हो खुलनै भाग लियो हो; पण जद उणां नै किणीं भान्त रै नेतृत्व री जरूरत पड़ती तो अंग्रेजी भारत मांय रैवण आळा व्यापारी मदत सारू आवता-जावता रैवता हा।

बीकानेर में सन् 1907 सूं मारवाड़ी व्यापारी स्वामी गोपालदास स्वामी रै माध्यम सूं राज्य में जनजागृति फैलावणी सरू करदी ही। औ क्रम लगोलग सन् 1930 ताई चालतो रह्यो। सन् 1930 रै बीकानेर पड़्यन्त केस में लाला खूबराम सराफ अर सत्यनारायण सराफ नै लाम्बी सजा हुयी ही। सन् 1942 रै 'करो-मरो आन्दोलन' में मारवाड़ी सेठ-साहूकार पूरी मदत करी। उणां इण आन्दोलन नै जगां-जगां गति दी। मालचन्द हिसारिया अर नेमीचन्द आंचलिया तो गिरफ्तार हुया हा। राजनैतिक सम्मेलनां में व्यापारी-वर्ग रा लोग बढ-चढनै भाग लेवता हा। सन् 1945 में व्यापारियां आयकर विरोधी आन्दोलन चलायनै राज्य में उत्तरदायी शासन थापित करण री मांग करदी ही। कन्हैयालाल सेठिया 'आगोवाण' नांव री पत्रिका निकालनै राज्य प्रशासन नै झकझोर दियो। उदयपुर राज्य मांय तो सन् 1938 में मेवाड़ प्रजामण्डळ माथै राज्य सरकार जद प्रतिबन्ध लगा दियो तो उणरै विरोध में जिको आन्दोलन हुयो, उणमें व्यापारी वर्ग रा लोग भी भेळा हा अर इणां मांय सूं कई गिरफ्तार हुया हा। बलवन्तसिंह मेहता तो प्रजामण्डळ रा संस्थापकां में हा। सेठ छगनलाल ने तो राज्य सूं निर्वासित कर दियो गयो हो। सन् 1940 में सेठ भंवरलाल ढड्ढा, रूपलाल सोमानी, प्रतापसिंह सुराणा आद उदयपुर में गांधी जयंती मनावण सारू सेठ जमनालाल बजाज अर सीताराम सेक्सरिया नै बुलाया। मेवाड़ प्रजामण्डळ री शाखावां में सैकड़ां व्यापारी सदस्य बण्योड़ा हा। बाद रा आन्दोलनां में हीरालाल कोठारी, शोभालाल गेलड़ा, परसराम आद भी सक्रिय राजनीति में रह्या हा। सन् 1941 मांय बम्बई में मेवाड़ प्रजामण्डळ री शाखा खोली। उण रा सदस्यां में श्रीकृष्ण मूंधड़ा, प्रतापमल सेठिया, रामचन्द्र खण्डेलवाल अर

मोहनलाल सेठ आद हा। जयपुर राज्य रै प्रजामण्डळ रो नेतृत्व तो सेठ जमनालाल बजाज रै हाथां में ई हो। सन् 1939 में जद जयपुर प्रजामण्डळ नै गैरकानूनी संस्था घोषित करीजी तो सेठ जमनालाल बजाज माथे भी जयपुर प्रवेश रो प्रतिबन्ध लगाय दियो हो। जमनालाल इण प्रतिबन्ध रो उल्लंघन करनै 12 फरवरी, 1939 में जयपुर मांय गिरफ्तारी दी। इण पर विरोध सरूप जिको सत्याग्रह हुयो, उणमें दूजा लोगां रै साथे केवलचन्द मेहता, स्वरूपचन्द सोमानी, सरदारमल गोलछा आद भी गिरफ्तारी दी। इण सत्याग्रह नै सिद्धराज ढढ्ढा अर सीताराम सेक्सरिया बारै सू संचालित कर रह्या हा। इण सत्याग्रह में श्रीमती सुमतिदेवी खेतान भी सक्रिय रूप सू भाग लियो हो। जोधपुर मारवाड़ मांय सन् 1920 में भंवरलाल सर्राफ 'मारवाड़ सेवा-संघ' अर सन् 1922 में चांदमल सुराणा 'मारवाड़ हितकारिणी सभा' थापित करनै मारवाड़ में जनजागृति रो काम करयो। सन् 1928 में मारवाड़ स्टेट पीपुल्स कांफ्रेंस रो अधिवेशन मारवाड़ मांय करावण रा प्रयास में स्वागत समिति रा सचिव अर सहायक सचिव आनन्दराज सुराणा अर भंवरलाल सर्राफ नै राज्य सरकार गिरफ्तार कर लिया हा। इणरै विरोध में नृसिंहदास लूंकड़, जयनारायण गज्जा अर कन्हैयालाल माहेश्वरी आपरी गिरफ्तारी दी। सन् 1942 में मारवाड़ लोक परिषद रै नेतावां रो गिरफ्तारी रै विरोध में कलकत्तै मे मालचन्द अग्रवाळ रो अध्यक्षता में अेक विरोध-सभा हुयो। इणमें सीताराम सेक्सरिया, बसन्तलाल मुरारका, मंगतूराम जयपुरिया, ईश्वरप्रसाद जालान, रामेश्वरलाल नेपानी, रामकुमार भुवालका, भंवरलाल सिंधी, गंगाप्रसाद मोतिका, मातादीन खेतान आद भाग लियो हो।

अठै अेक उल्लेखबा जोग बात आ है कै राजस्थान रो रियासतां मांय जिका भी किसान आन्दोलन हुया उणरी पृष्ठभूमि में ई मारवाड़ी व्यापारी हा। सीकर रै जाट किसान आन्दोलन में पिलाणी रो बिडला परिवार खासो सक्रिय हो। सन् 1933 में औ बिडला परिवार सीकर रो 'जाट महायज्ञ' नांव रो संस्था रै अध्यक्ष नै चढण वास्तै अेक हाथी दियो। औ अेक सीकर रै ठिकानैदार नै चुनौती देवण रो काम हो। सीकर रै किसानां रो समस्या रो समाधान करावण में सेठ जमनालाल बजाज अर सीताराम सेक्सरिया जाझा जतन कर्या। ऑल इण्डिया मारवाड़ी फ़ैडरेशन अेक प्रस्ताव पास करनै सीकर रै किसानां नै दियोड़ा आश्वासन पूरा नी करण सारू जयपुर रै प्रधानमंत्री अर जयपुर रै पोलिटिकल अेजेण्ट रै प्रति नाराजगी जाहिर करी। झुंझुनूं, चिड़ावा अर मण्डावा में भी किसानां रो समस्या सामाधान सारू मारवाड़ी व्यापारियां कई प्रयास कर्या। इण लोगां में चिड़ावा रो ताराचन्द डालमियो अर मण्डावा रो सेठ देवकिसन सर्राफ प्रमुख हा। दूजा राज्यां रै किसान आन्दोलन नै आर्थिक सहायता देवण में भी मारवाड़ी लारै नो रह्या। कुल मिलायनै देश रो स्वतंत्रता रा सगळै वर्गां रा लोग तन-मन सू लड़्यो अर इणमें भूमिका भी हरावळ में रह्यी।

1857 री क्रान्ति : बीकानेर री भूमिका

सन् सतावन (1857) री क्रान्ति री हलचल सू राजस्थान अपणै आपनै अलग नीं राख सक्यो हो। 28 मई, 1857 रै दिन सिंङ्या चार बज्या नसीराबाद छावनी में 15वीं रेजीमेंट रा सिपाई विद्रोह रो झण्डो उठायनै क्रान्ति री सुरुआत करदी। उणां उठै रा बंगलां अर सार्वजनिक इमारतां मांय आग लगायदी अर तोपखानै माथै कब्जो कर लियो। साथै ई न्यूवटी, के. पैनी अर के. स्पार्हिश वुड जिसा अंग्रेज अफसरां नैं मार न्हांछ्या। इणरै बाद अै सिपाई दिल्ली कूच करग्या। 3 जून नैं नसीराबाद री प्रतिक्रिया नीमच छावनी में ई हुयी। वठै भी बागी सिपाइयां कई घर अर बंगला बाळ दिया, कैदयां नैं छुडवा लिया अर अेक लाख, 77 हजार रुपिया लूटनै दिल्ली कानी कूच करग्या। इण सू पैली 31 मई नैं भरतपुर रा सिपाई भी होडल में विद्रोह रो बिगुल बजा दियो हो। धोळपुर भी इण प्रतिक्रिया सू बच नीं सक्यो। सलूम्वर रो ठाकुर तो खुद ही क्रान्तिकारियां सू सहानुभूमि राख रह्यो हो। जयपुर में उठै रै शासक री चौकसी रै बावजूद क्रान्तिकारियां रै साथै सम्पर्क राखण रै कारण सू नवाब विलायत अली खां, मियां उस्मान खां अर सादुल्ला खां नै तो सजा तक दी गयी। शिवदान सिंह जिको अेक पुराणो मंत्री हो, बो भी सरकार री निजरां में हो। टोक भी इण हलचल सू अछूतो नी रह्यो। उठै 200 सिपाई विद्रोह में भाग लियो हो। आवू में जोधपुर बैगन रा सैनिक विद्रोह रो झण्डो गाडनै आऊवा गांव में पूग्या। आऊवै रो ठाकुर कुशालसिंह चाम्पावत तो अंग्रेजां रै खिलाफ सागीडो मोरचो खोल लियो हो। ठाकुर कुशालसिंह नैं अेरनपुरा अर डोसा छावनियां रै विद्रोही सैनिकां रै साथै आसोप, आलणियावास, बैजवास, लाम्बिया, बंता, भिंवाळिया, रूपवास, रूपनगर, सलूम्वर अर लासबी आद ठिकाणां री सेना रो भी सहयोग मिल्यो हो। जोधपुर अर अंग्रेजां री सिरोळी सेना रै साथै जुध में कुशालसिंह री आऊवा (पाली) रै कनै बिठोड़ा में विजय इण क्रान्ति री महताऊ घटना मानीजै। जोधपुर रो पोलीटिकल अेजण्ट इण जुध में मार्यो गयो हो। 20 जनवरी, 1858 में 30 हजार सैनिकां साथै आऊवा नैं घेर लियो गयो हो पण कुशालसिंह उठै सू खिसक गयो। उणरै बाद उण रो भाई लाम्बिया रो ठाकुर पृथ्वीसिंह 6 दिनां बाद किलो खाली कर दियो। लारै सू फिरंगी फौजां आऊवा में लूटपाट करी अर मन्दिर तक तोड़ न्हांछ्या। 8 अगस्त, 1860 में कुशालसिंह आत्मसमर्पण कर दियो पण गवाह रै अभाव में कुशालसिंह नैं सरकार छोड़ दियो। कोटा में तो क्रान्तिकारियां रो 4 अप्रैल, 1858 तक कब्जो कायम रह्यो। विद्रोहियां मांय सू लाला हरदयाल अर मेहराब खां नैं कोटा में फांसी दिरीजी।

तात्या टोपे ई राजस्थान में अेक जगां सू दूजी जगां लड़तो-भिड़तो रह्यो। सीकर में भारी हार बाद बो टूट गयो। 7 अप्रैल, 1859 में शिवपुरी में पकड़ीज्यां पछै उणनै फांसी देयदी। 1857 में राजस्थान में आ सगळी हलचल सरकारी दस्तावेजां मांय

दरज है।

इण दौरान बीकानेर अर उणरै आसै-पासै जिकी गतिविधियां हुयी, उण रो मूल्याकन उणी सरकारी दस्तावेजां सूं हुवणो हाल बाकी है। इण सारू शोध अध्येतावां खातर उण सम्बन्ध रा कीं तथ्य प्रस्तुत करया जाय रह्या है—

औ अेक ऐतिहासिक साच है कै जिण बगत सन् 1857 रै विद्रोह रो लपटां भारतभर मे उठ रही ही, उण टेम बीकानेर रियासत रो उतराधी सींवां माथै सिरसा, हांसी, हिसार में विद्रोहियां रो कब्जो हुय चुक्यो हो। उण बगत समूचै राजस्थान में बीकानेर राज्य ही इसो हो जिण रो शासक व्यक्तिगत रूप सूं विद्रोह दबावण रै वास्तै बठै गयो हो। उण री फौज री विद्रोहियां सूं अेकाध बार नाँ, छह बार भिड़ंत हुयी ही अर हर बार विद्रोहियां नैं भागणो पड़्यो। इणरै अेवज में गर्वनर जनरल रै अेजेण्ट जयपुर रै साथै राजस्थान रै सगळा शासकां में बीकानेर महाराजा री स्वामीभक्ति री तारीफ करता थकां उणरी सेवा सिरै मानी। इण स्वामीभक्ति रै पेटै उणनैं खिल्लत, जागीर मांय हिसार जिलै रा 45 गांव मिल्या हा। पण इणरै साथै कीं तथ्य इसा भी है जिका नैं अध्येतावां अजै ताई नजरअंदाज ई कर राख्या है। इण रो खुलासा इण भान्त है—

राष्ट्रीय अभिलेखागार, नई दिल्ली में अेक पत्र है। औ पत्र राजपूताना में गर्वनर जनरल रै अेजेण्ट सेण्ट पी. लारेंस इंग्लैण्ड स्थित भारत रै सचिव में लिख्यो हो। आपरै पत्र में उण लिख्यो हो कै बीकानेर रा महाराजा सरदारसिंह नाना साहब नैं दस सवार देयनै उणरी मदत करी। इण पत्र रो महत्व इण वास्तै भी है कै औ बीकानेर स्थित अंग्रेज रेजीडेण्ट री खबर जिकी उण अजमेर में सेण्ट पी. लारेंस नैं भेजी ही, उण माथै आधारित है। भारत सरकार सरदारसिंह सूं इण मामलै नैं लेयनै जवाब-तलब भी कर्यो। महाराजा इण बात रो खण्डन करण रै साथै भारत सरकार सूं बीकानेर स्थित रेजीडेण्ट नैं हटावण रो आग्रह भी कर्यो हो।

इण सन्दर्भ में अेक पत्र (खरीतो) महाराजा सरदारसिंह स्वयं (दिनांक पोष सुदी 5, संवत् 1920) नै जनरल जार्ज लारेंस नैं लिख्यो हो, वो भी उल्लेख जोग है। इण पत्र नै महाराजा आपरै खास मुसद्दी बैद घराणै रै सदस्यां रै खिलाफ विद्रोह नै दबावण में आडी लगावण री शिकायत करी ही। इणमें लिख्यो कै बैद हरीसिंह मेहता अर बैद गुमानसिंह मेहता जिकी फौज नैं बीकानेर हांसी, हिसार अर सिरसा रै अंग्रेज नागरिकां नै सुरक्षा प्रदान करण सारू उठै भेज्या जाय रह्या हा, उणरै अफसरां नैं इण बात वास्तै भड़कायो कै बै आपरै अधीन सैनिकां नैं आगै बधण सूं रोके। साथ ही बन्दूकचर्चा नैं आप आपरी मेगजिनां पैली ई खाली करण वास्तै प्रेरित कर्यो। इणरै साथै बैद मेहता गुमानसिंह खुद बीकानेरी सेना री अेक टुकड़ी रो नेतृत्व कर रह्यो हो, उणनैं जद अंग्रेज जनरल वॉन कोर्टलैण्ड दिल्ली कानी कूच करण रो कह्यो तो वो साफ नट्यो। इण पर अंग्रेज सैनिक अधिकारी मिस्टर माईल्ड जिको आ बात सुण रह्यो हो

इणरी शिकायत राजपुतानै रै अंग्रेज अजेण्ट नैं खुद करी।

इण दो तथ्यां रै टाळ अेक तथ्य ओरूं ध्यान देवणजोग है। जद तांत्या टोपे आपरै आखरी दिनां में राजस्थान में नीमकाथाणा हुंवतो सीकर जाय पूग्यो तद थोड़ै-सं बगत सारू बीकानेर राज्य रै अंक गांव में भी ठैर्यो हो। जद्यपि सीकर में तांत्या टोपे नैं अंग्रेजी फौज रै सामैं हार रो सामनां करणो पड़्यो अर उण रा लगैटगै छह सौ सैनिक भाजनै बीकानेर आयग्या। अठै पूगनै महाराजा सूं आपरै अठै शरण देवण रो अरज करी। अंग्रेज सरकार इण सैनिकां नैं सूपण सारू महाराजा सूं निवेदन कस्यो पण महाराजा उणां नैं अंग्रेज सरकार नैं सूपण रो बजाय माफी दिरवादी।

औ तीनूं तथ्य 1857 रै विद्रोह रा इतिहास में उपेक्षित क्यूं करीज्या ? औ अध्येता वर्ग सारू निस्चै ई शोध रो विषय है। आ बात सही है कै इण सरकारी दस्तावेजां रो पूरो मूल्यांकन तो दूजै स्रोतां सूं पूरो मिलाण कर्यां पछै ही हुसी पण बीकानेर रै सम्बन्ध में औ तथ्य हूं 1857 रै शोध अध्येतावां रै सामैं पंदरै-बीस बरस पैलां ई राख दिया हा। फेरूं ई इण दिसा में कोई खास प्रगति नीं हुयी। अेक बात इण तीनूं तथ्यां सूं निकाळी जाय सकै है कै राजस्थान में दूजी जगां जिण भांत अंग्रेज विरोधी वातावरण बण रह्यो हो उण रो असर बीकानेर रै जागीरदारां, मुत्सद्दिया अर आमजन में थोड़ो-घणां जरूर पड़्यो हो। इण समय राज्य रो शासक आपरै जागीरदारा सूं उळझयोड़ो हो, इण वास्तै विद्रोहियां सूं थोड़ी-घणी सहानुभूति राखण रै बावजूद अंग्रेजां सूं जागीरदारां रै खिलाफ मदत लेवण रै अेवज में अंग्रेज सरकार रो किणीं वात नै लेयनै विरोध नीं लेवणो चावतो हो। इणरै साथै बीकानेर रै इतिहास में इण घटना रो उल्लेख नीं करण रो कारण भी समझ्यो जाय सकै है। भारत में अंग्रेजी हकूमत रै चालतां इण तथ्यां माथें पड़दो राखणो ही श्रेयस्कर समझ्यो गयो हुवेला।

बंगाल रो स्वतंत्रता आन्दोलन अर मारवाड़ी

भारतीय स्वाधीनता आन्दोलन र इतिहास री जांच पड़ताल करां तो आ बात उजागर होवै के भारत नै न्यतंत्र करायेन में तो समूचे भारतीय समाज री योगदान रह्यो है, पण राजस्थान री व्यापारी वर्ग जिकां पूरे देस में मारवाड़ी समाज री नांव में ओळखीजै, उण री स्वाधीनता संग्राम में कितरां जबरदस्त योगदान रह्यो, ओ फगत अकेल बंगाल री उदाहरण सू ई स्पष्ट हुय जावै। बंगाल, आसाम में उण बगत घणकरो मारवाड़ी समाज विणज-व्यापार में लाग्योड़ो हो अर बाँ री बाबत आ आम धारणा हो के इण समाज नै आपरै धंधे में मतलब है ओर कोई दूजे पड़पंच में ना पड़े। पण मारवाड़ी समाज खतरो झेलतां थकां स्वाधीनता आन्दोलन में कितरां योगदान दियो, आ खोजबीन सू ठा पड़े।

बंगाल टेड सू ई स्वाधीनता आन्दोलन री गढ रह्यो। लार्ड कर्जन री बंग-भंग री घोषणा री पछे 1906 में कलकत्ते में भारतीय राष्ट्रीय कांग्रेस री अधिवेशन हुयो। इणमें पैलड़ी चार स्वराज्य प्राप्ति री लक्ष्य री घोषणा करीजी। राष्ट्रीय भावनावां सू प्रेरित हुयनै बंगाल रा निराही राजस्थानी प्रवासियां इण सम्मेलन री सदस्य री रूप में भाग लियो। इण अधिवेशन में गरम-दह री नेतावां जिको उग्र विचार पंस कर्यो अर राष्ट्रीय आन्दोलन री सरूप निर्धारित कर्यो, कैयी राजस्थानी व्यापारियां नै बांरा वै विचार समर्थित लाग्यो। ईसै मारवाड़ियां में श्री प्रभुदयाल हिम्मतसिंहका, हनुमान प्रसाद पोद्दार, ज्वालाप्रसाद कानोड़िया, ओंकारमल सराफ अर कन्हैयालाल चितलांगिया इत्याद खास हा।

सन् 1921 री अड़ै-गड़ै गांधी युग आवण री साथै आन्दोलन सत्याग्रह अर असहयोग री मारग पकड़्यो। बंगाल में ई असहयोग अर सविनय अवज्ञा आन्दोलन जोर पकड़ण लाग्यो। बंगालियां री सागै राजस्थानी प्रवासियां खासकर शेखावाटी, बीकानेर, जोधपुर अर उदयपुर रियासतां रा लाडैसरां आन्दोलन में दिल खोलनै भाग लियो। इण काम में उणां भरपूर आर्थिक सहयोग तो दियो ई, इणरै अलावा आन्दोलनां में सक्रिय रूप सू भाग लेयनै जेठ यातनावां अर भान्त-भान्त रा फोड़ा ई भुगत्या।

बंगाल सरकार री अेक सुरक्षा अधिकारी मि. अे. अेच. गजनवी सन् 1930 में आपरै अेक गोपनीय कागद में भारत री वायसराय रा प्रतिनिधि मि. कनिंघम नै शिमला लिख्यो के बंगाल में चालतै गांधी आन्दोलन नै जे मारवाड़ी समाज री मदत बन्द हुय जावै तो ओ आन्दोलन मतै ई खतम हुय जावै। मि. गजनवी वायसराय नै दो सूचियां भेजी जिणमें उण राजस्थानी प्रवासियां रा नांव हा जिका स्वाधीनता आन्दोलन में सक्रिय हा। इण शिकायत माथै कई लोग गिरफ्तार हुया अर बांरा बहीखाता जब्त करीज्या। ईसै लोगां में शेखावाटी छेत्र रा सेठ श्रीकृष्ण सीताराम, बिहारीलाल गोपीराम,

पदमचन्द पन्नालाल, रामवल्लभ, रामेश्वर, रामकुमार शिवचन्द्रराम (बिसाऊ), राधाकृष्ण नेवटिया (नवलगढ), मंगतुराम जैपुरिया (नवलगढ), गिरधारीलाल जवाहरमल, वल्लभदास भट्टड, शिवदयाल मदनगोपाल, श्रीनिवास पोद्दार, बालकिशन (रामगढ) अर सेठ गोविन्दराम परसराम बजाज इत्याद खास हा।

आं में सेठ राधाकृष्ण नेवटिया, मंगतुराम जैपुरिया अर गोविन्दराम परसराम बजाज माथै तो क्रान्तिकारी आन्दोलन सूं सम्बन्धित हुवण रो आरोप हो अर सेठ श्रीनिवास बालकिशन पोद्दार (रामगढ) माथै 1921 सूं ई स्वाधीनता आन्दोलन में आर्थिक मदद देवण रो अर आपरै घर में उणरो दफतर चलावण रो आरोप हो।

दूजोड़ी सूची में जिण राजस्थानी लाडेसरां रा नांव हा, वानें गिरफ्तार तो कोनी करुवा पण वां माथै ई आँ खुल्लो आरोप हो कै बै गांधीजी रै आन्दोलनां में सक्रिय रूप सूं भाग लेवै। इणमें घनश्यामदास बिड़ला (पिलानी), देवीप्रसाद दुरगाप्रसाद खेतान, सीताराम सेक्सरिया, रामकुमार जालान, हनुमान प्रसाद बगड़िया, भागीरथ कानोड़िया (सगळा रामगढ), लक्ष्मीनारायण खेमाणी (मंडावा), चैजनाथ प्रसाद, मोतीलाल देवड़ा (फतेहपुर), राधाकृष्ण चावसरिया (नवलगढ), बालचन्द मोदी (चूरू), रामगोपाल सराफ (फतेहपुर), रामकुमार कंजड़ीवाल (चिड़ावा), गंगावक्श शाह (सूरजगढ), गंगाप्रसाद भौतिका (फतेहपुर), ज्वालाप्रसाद मोदी (नवलगढ), रामकृष्ण डालमिया (चिड़ावा), आनन्दीलाल पोद्दार (नवलगढ), दुरगाप्रसाद सावसका (नवलगढ), सागरमल नाथानी (दूधावास, चूरू), मुन्नालाल मसूदी (मंडावा), मगनीराम रामकुमार यांगड़ (डोडवाना), हीरालाल, नथमल भंवरलाल रामपुरिया (बीकानेर), भंवरीमल जौहरीमल बैद (चूरू) अर सागरमल बैद (चूरू) इत्याद रा नांव प्रमुख रूप सूं हा।

आं में सेठ रामचन्द्र गुरुप्रताप पोद्दार माथै क्रान्तिकारी आन्दोलन में भाग लेवण रै साथै सविनय अवज्ञा आन्दोलन में खुलमखुल्ला आर्थिक मदत देवण रो आरोप हो। सेठ रामकृष्ण डालमिया माथै आन्दोलन सारू अेक लाख रुपिया रो इमदाद देवण रो आरोप हो। दूधावास रा सेठ सागरमल नाथानी माथै तो कई आरोप हा। आर्थिक मदत अर घर में दफतर चलावण रै अलावा उणां माथै औ ई आरोप हो कै बै हड़ताळां रा सपर्यंक हा अर खुद स्टोक अेक्सचेंज रा सदस्य हुवण रै नातै बै हड़ताळ रो विरोध करणिया अंग्रेज व्यापारियां नें वारै सागै व्यापार नीं करण री धमकी देवता हा।

अंग्रेज सरकार री निजरां में कीं व्यापारी खास दोषी अर घणा खतरनाक हा। वारी सूची न्यारी बण्योड़ी ही। इण लोगां में सेठ घनश्यामदास बिड़ला, रामकृष्ण डालमिया, मुन्नालाल मसूदी, राधाकृष्ण नेवटिया, मंगतुराम जैपुरिया, श्रीनिवास बालकृष्ण पोद्दार, गोविन्दराम परसराम बजाज, देवीप्रसाद दुर्गाप्रसाद खेतान, रामकुमार जालान, हनुमानप्रसाद बगड़िया, भागीरथ कानोड़िया अर बालचन्द मोदी इत्याद रा नांव प्रमुख रूप सूं हा। अै सगळा गांधीजी रा खास सहयोगी गिणीजता।

राजस्थान रा आं प्रवासी लाडेसरां रै स्वाधीनता आन्दोलन सूं विरत करण ताई

नै इण आन्दोलन नै चलावण अर विदेसी सरकार नै पंगु बणावण सारू जिका तौर-तरीका बताया उणरै मुजब औ आन्दोलन छह चरणां में चालणो हो। पैलै चरण में आन्दोलन नै रोकण आळै सगळै आदेसां रो उल्लंघन करणो; नमक बणाणो, गैर कानूनी सभावां री खुलम-खुल्ली सदस्यता लेवणी। दूजै चरण मे वकील आपरो काम छोडैला, विद्यार्थी विद्यालय अर महाविद्यालय छोड़ देला, जज अदालती तलबी छोडसी, सरकारी नौकर आपरा पद त्याग देसी। तीजै चरण मे मजदूर हड़ताल कर देसी। चौथै चरण में विदेसी कपड़ां रो बहिष्कार, दारू री दुकानां रो बहिष्कार, विदेसी मुद्रा रो व्यापार में बहिष्कार अर पांचवै चरण में कीं विषयां पर ना तो रोक लगाई अर ना उणां नै बढ़ावो दियो गयो। इणमें रेलगाड़ी रोकणी, बिना टिकट जात्रा करणी, टेलीफोन अर टेलीग्राम रा तार काटना। छठै अर आखरी चरण में टैक्स नौ देवणा, फौजां नै रोकणी अर आन्दोलनकारियां नै बन्दी बणावै तो ई आन्दोलन नै स्थगित नौ करणो हो।

गांधीजी 8 अगस्त, 1942 नै अखिल भारतीय कांग्रेस समिति रै सम्मेलन में कह्यो कै अबै म्है वायसराय सूं भेंट करनै उणरै द्वारा कांग्रेस री मांग मंजूर करण रो इंतजार करूला। इण सम्मेलन में राजस्थान री रियासतां रै प्रजामण्डळां रा खासा नेता भी मौजूद हा। बै सम्मेलन हुवतां ही आपरै राज्यां कानीं कूच करग्या। 9 अगस्त, 1942 नै गांधीजी अर दूजा नेतावां नै सरकार गिरफ्तार कर लिया। ब्रिटिश सरकार री इण कार्रवाई रो समाचार फैलतां ई देस री जनता भड़क उठी अर आन्दोलन सुरू हुयग्यो। देखतां ई देखतां देस भर में उपद्रव सुरू हुयग्या। विद्यालय अर महाविद्यालयां रा विद्यार्थी तोड़-फोड़ सुरू करदी। भारत भर में लगैतगै सगळी जाग्यां अर खास करनै मुम्बई, पूना अर अहमदाबाद मे हड़ताळां, प्रदर्शन, जुलूस अर सभावां सुरू हुयणी। होळै-होळै छोटी जाग्यां भी आन्दोलन फैलग्यो। जयप्रकाश नारायण, राममनोहर लोहिया अर अरुणा आसफ अली भूमिगत हुयनै आन्दोलन नै जोर पकड़ायो। विद्यार्थियां, लुगायां अर मिनखां गांव-गांव में गांधीजी री जै, गांधीजी नै छोड दो, अंग्रेजां भारत छोड़ो रा नारा देवता थकां जुलूस काढ्या। ठेसण, डाकखाना, संचार साधनां में तोड़फोड़ हुयी। कैयी जाग्यां जेळ रा फाटक भी तोड़ीज्या। बम फोड़्या। मोकळी जाग्यां लोणां नगर निगमां रै भवनां, सरकारी इमारतां अर सम्पत्ति माथै धावा घोल दिया। कई जाग्यां सरकारी कार्यालयां अर न्यायालयां माथै प्रदर्शनकारियां कब्जो जमा लियो। अठै ताई कै उत्तरप्रदेश, बिहार अर मद्रास में तो आन्दोलनकारियां आपरो अस्थायी सरकार भी चणायली। पुलिस अर सेना री क्रान्तिकारियां सूं मोकळी चार मुठभेड़ हुयी। सरकारी सूत्रां मुजब मौकां माथै निहत्थी जनता पर पुलिस 538 गोळियां चलायो। इण सगळै आन्दोलन में 940 लोग मर्या। 1630 आदमी पुलिस री गोळी रा शिकार ह्या। 60,229 लोग बन्दी बणाईज्या। 18,000 लोग हिरासत में लिरीज्या। 60 जाग्यां फौज री मदत लेयणी पड़ी अर 6 जाग्यां पुलिस याळा बम फेंक्या।

राजस्थान इनै यहै आन्दोलन सूं अपनै आपनै अलग काँकर राख सकत हो।

आ बात अलग ही कै अठै हर राज्य में शासकां रै कठार नियंत्रण रै कारण इण जन आन्दोलन रो रूप घणो व्यापक नीं हुय सक्यो। इणरै बावजूद अठै रा कई राज्यां में तो उठै रा स्थानीय नेतावां घणी चतुराई सूं 1942 रै इण देसव्यापी भारत छोड़ो आन्दोलन नैं चलायो। जिण राज्यां रा नेता पैली सूं जेळ माय हा उठै तो इण आन्दोलन रो प्रभाव थोड़ो कम रह्यो पण जठै रा नेता जेळ सूं बारै हा वठै सान्तरो आन्दोलन हुयो।

जोधपुर में मारवाड़ लोक परिषद रा नेता जयनारायण व्यास 26 मई, 1942 म गिरफ्तार हुय चुक्या हा। जून, 1942 में व्यासजी अर 41 दूजा गिरफ्तार कार्यकर्ता जेळ में आमरण अनशन सुरू कर दियो। महात्मा गांधी 'हरिजन' रै 21 जून, 1942 रै अंक में जोधपुर सरकार नैं इण अनशन रै परिणामां रै पेटै चेतायो। भूख हड़तालियां माय सूं 19 जून, 1942 नैं वालमुकन्द बिस्सो जेळ में ही भरग्यो। गांधीजी रै हस्तक्षेप सूं जोधपुर सरकार सगळा कैदियां नैं राजनैतिक कैदी मान लिया। इणरै पछै अगस्त में भारत छोड़ो आन्दोलन में मारवाड़ लोक परिषद रा 400 कार्यकर्ता उठै गिरफ्तार करीज्या। अक्टूबर, 1942 में जोधपुर में पैलो बम्व फेंक्यो गयो। तापछै अप्रैल 1943 में दूजो बम-काण्ड हुयो अर इणमें सूरजप्रकाश पापा, जोरावरमल बोरा अर रामचन्द्र बोरा नैं दूजां युवकां साथै गिरफ्तार कर लिया गया। आं नैं दो सूं आठ साल तक री सजा दिरीजी। 28 मई, 1944 में श्री जयनारायण व्यास अर बांरा साथी अंक समझौते रै तहत जेळ सूं छोड दिया गया।

मेवाड़ मांय नवम्बर, 1941 में मेवाड़ प्रजामण्डळ रो पैलो अधिवेशन उणरै नेता माणिक्यलाल वर्मा री अध्यक्षता में हुयो। पछै अगस्त घांपणा रै साथै ई 20 अगस्त, 1942 नैं प्रजामण्डळ मेवाड़ महाराणा नैं अंग्रेज सरकार सूं आपरा सम्बन्ध तोड़ण सारू कह्यो। तद 21 अगस्त, 1942 नैं माणिक्यलाल वर्मा नैं गिरफ्तार कर्त्या। इण कार्रवाई सूं उदयपुर शहर में हड़ताल हुयगी। उठै खासा विद्यार्थियां नैं ई गिरफ्तार कर्त्या गया। इण सगळै आन्दोलन में मेवाड़ प्रजामण्डळ रा लगटगै 500 कार्यकर्ता पकड़ीज्या। बांनैं अंक साल री जेळ रै पछै सन् 1943-44 में छोड दिया।

जयपुर मांय जद्यपि हीरालाल शास्त्री रै नेतृत्व में प्रजामण्डळ 1942 रै भारत छोड़ो आन्दोलन में भाग लेवण सूं इनकार कर दियो हो पण बाबा हरिश्चन्द्र रै नेतृत्व में आजाद मोर्चा रै नांव सूं आन्दोलन चलायो गयो। सैकड़ू कार्यकर्ता गिरफ्तार हुया अर शैक्षणिक संस्थावां कई दिनां तक बन्द रह्यी। कई महीनां पछै गिरफ्तार कार्यकर्तावां नैं छोड्या गया। हकीकत में जयपुर प्रजामण्डळ में इण आन्दोलन नैं लेखनै मतभेद हुयग्या हा।

भरतपुर में 10 अगस्त नैं सुरू करघोड़ै आन्दोलन नैं बाढ रै कारण स्थगित करणो पड़्यो। शाहपुरा में भी कई कार्यकर्ता गिरफ्तार हुया। अलवर में जुलूस काढीज्यो अर हड़ताल करीजी। वकीलां ई हड़ताल राखी। अजमेर अर कोटा में भारत छोड़ो आन्दोलन रो जोर रह्यो। कोटा में हरबर्ट कॉलेज रा छात्र बडौ जुलूस काढनै सभा करी।

कई नेता गिरफ्तार हुये। अभिन्नहरि नैं जेल में बन्द कर दियो गये। कोटवाळी माथै तिरंगो फँरावण री कोसिस मे 14 अर 15 अगस्त नैं पुलिस लोगं री भीड़ माथै फायरिंग भी करी। राजस्थान री दूजी रियासतां मांय भी भारत छोड़ो आन्दोलन री गतिविधियां कठै ई व्यापक तो कठै औपचारिक बणनै ई चाली।

10 फरवरी, 1943 नैं गांधीजी इण अत्याचार रै खिलाफ 21 दिनां रो उपवास राख्यो अर सफळता रै साथै 7 मार्च, 1943 नैं इण उपवास नैं पूरो कऱ्यो। इण उपवास रै कारण बांरो स्वास्थ्य अणूंतो गिरग्यो। गांधीजी री बिगड़ती दसा नैं देखनै सरकार उणां नैं 6 मई, 1944 नैं रिहा कर दिया। औ वो समै हो जद मित्र देसां री फौज रा जर्मनी, जापान अर इटली पर जीत रा आसार बध रह्या हा। आं परिस्थितियां में गांधीजी सरकार रै साथै 'भारत छोड़ो' प्रस्ताव नैं बिनां छोड़ै ई समझौतौ करणो ठीक मान्यो।

राजस्थान भर मे अठै रा राज्यां रै प्रजामण्डळां रा नेतावां महात्मा गांधी रो अनुसरण करनै आपरी सरकारां रै साथै समझौतो करनै रिहा हुवणो ही उचित मान्यो। पण इण आन्दोलन मांय प्रजामण्डळ रा नेतावां जिको अनुभव प्राप्त कऱ्यो, उण रो सीधो लाभ बांनै आप-आपरे राज्यां मांय उत्तरदायी शासन प्राप्त करण वास्तै करीज्यै आन्दोलन मांय मिल्यो। इणरै फळसरूप ही सन् 1949 मांय वृहद् राजस्थान रो निर्माण संभव हुयो।

सुभाषचन्द्र बोस री जोधपुर जात्रा

जोधपुर नगर रै इतिहास में 23 जनवरी 1938 रो दिन खासो महताऊ रह्यो। इण दिन भारतीय राष्ट्रीय कांग्रेस रा नूवा अध्यक्ष सुभाष बाबू आपरी इंग्लैण्ड जात्रा सूं पाछा कलकत्ते जावतां जोधपुर में पूरा नव घंटा ठैरया। इण नव घंटां रै प्रवास में वै अठै रा कांग्रेसी कार्यकर्तावां (जिणां बांनै जोधपुर रुकण रो न्यूंतो दियो) सूं मिल्या। कॉलेज रा विद्यार्थियां सूं बात बतळावण करी अर गिरदीकोट री आमसभा में भाषण ई दियो। इण विशाल जनसभा में उणां अंक खादी रै कपड़ै री नीलामी ई करी। इण सगळी घटना री सी.आई.डी. रपट रा की उद्धरण जाणकारी सारू इण भान्त है—

23 जनवरी 1938 री रात रा आठ बज्यां श्री सुभाषचन्द्र बोस डच अंतर लाईन रै विमान सूं जोधपुर रै हवाई अड्डे माथै उतरया। बांरी अगवाणी में उण बगत रा कांग्रेसी कार्यकर्ता सर्वश्री पुरुषोत्तम प्रसाद नैयर, अभयमल जैन, मानमल जैन, भंवरलाल सराफ, नारायणदास लूंकड़, प्रयागराज भंडारी, मनोहरलाल गोलिया, छगन राजपुरोहित, तुलसीदास राठी, तुलसीराम गांधी, मोहनलाल गुप्ता, दाऊदाम जैसलमेरिया, विजयकिशन गट्टाणी, लालदास ब्रह्मचारी, इन्द्रनारायण पाण्डे, मोतीलाल गुरुद्व, मेहरचन्द, रामदयाल मोदी, रामचन्द्र सुनार, रतनलाल (कॉलेज छात्र), निजाम कूजंडो अर अब्दुल रहमान हवाई अड्डे माथै हाजर हा। सुभाष बाबू नै हवाई अड्डे सूं कार में बिठायनै मौजती गेट रै मारग गिरदीकोट लेंगया।

उठै ज्यू ई सुभाषचन्द्र बोस मंच माथै चढ़्या, आठ हजार सूं बेसी मिनखां करतल ध्वनि सूं बांरो स्वागत करतां जै-जै कार करी। साढी आठ बज्यां सभा री कारवाई बंदे मातरम् रा राष्ट्रीय गीत साथै सुरू हुई। राष्ट्रगान कुमारी राजेश्वरी देवी कख्यो। इणरै पछै पुरुषोत्तम दास नैयर कांग्रेस कमेटी कानों सूं, मानमल जैन मारवाड़ उद्योग मिंदर कानों सूं अर जुगराज बोडै जोधपुर नगर रा मोट्यारां कानों सूं सुभाष बाबू री स्वागत कख्यो। इण स्वागत समारोह में पुरुषोत्तम दास नैयर सुभाष बाबू नै तिरंगी सूत री माला पैराई अर मानमल जैन खादी री कपड़ो भेंट कख्यो।

इणरै पछै तालियां री गड़गड़ाट बिचाळै सुभाष बाबू भाषण सुरू कख्यो जिको खासो देर चाल्यो। इण भाषण में उणां राष्ट्रीय अर अंतरराष्ट्रीय समस्यावां माथै आपरा विचार ठजागर कख्यो। भाषण राष्ट्रीय भावनावां सूं ओतप्रोत अर जोसीली हो, सो श्रोतावां माथै आछो असर निजर आयो।

भाषण में ई सुभाष बाबू कहां कै जिको खादी री कपड़ो म्हनै अठै भेंट ह्यो है उणरी नीलामी अठै ई हुवणी चाहीजै। इणसूं जिको धन मिलसी बो उद्योग मिंदर पाली रै विकास सारू दे दियो जासी। इणरै पछै उण कपड़ै री नीलामी बोली सुरू हुई। सै सूं पैली श्री मनोहरलाल जैन इण कपड़ै सारू पचास रुपियां री बोली लगाई अर इणरै पछै श्री लक्ष्मीनारायण मालाणी अंक मौ अंक रुपिया बोल्या।

इण माथे सुभाप बावू कहाँ कै दोनूं बोलियां थोड़ी हें अर कम सूं कम पांच सौ अेक रुपियां री बोली लागणी चाहीजै। सुभाप बावू री बात री श्रोतावां माथे जवरो असर पड़्यो। श्री गणेशमल रै बेटे सरदारमल बोली नैं अेक सौ पच्चीस रुपियां ताई बधायी। मानमल जैन इणनैं ओरूं आगै वधावण री अपील करी। कपड़ै रै व्यापारी माधोमल सिंधी बोली नैं दोय सौ इक्यावन ताई बधायी। जद ओरूं कोई नों बोल्यो तो माधोमल ई इण बोली नैं 50। रुपियां री करनै खतम करदो।

गिरदीकोट री आ जनसभा नव बजैर सात मिनट माथे खतम हुई। सुभाप अठै सूं सीधा स्टेंट होटल गया जठै उणां कांग्रेसी कार्यकर्तावां अर विद्यार्थियां सूं खासी ताल बंतळ करी। दूजै दिन दिनूगै सुभाप बावू विमान सेवा सूं कलकत्तै वास्तै रवानै हुयग्या।

आ अेक विडम्बना ई है कै जिण भान्त राजस्थान री भरतपुर रियासत में कवि रवीन्द्रनाथ ठाकुर री दो जात्रावां नैं अठै रा इतिहासकारां महत्त्व नों दियो, ठीक उणीज भान्त सुभाप बावू री जोधपुर जात्रा नैं भी इतिहास मांय जिको स्थान मिलणों चाहीजै हो, वो नों मिल सक्यो।

घाव तो बैरी रो ई बखाणीजै

बीकानेर महाराजा गंगासिंहजी 21 फरवरी, 1937 नें जोधपुर रियासत रै तत्कालीन अंग्रेज दीवान सर डोनाल्ड एम. फील्ड नें अेक गोपनीय कागद लिख्यो। इणमें उणां श्री जयनारायण व्यास (आगै चालनै मुख्यमंत्री, राजस्थान) बाबत आपरै मन रो जिकी भावनावां प्रगट करी उणसूं व्यासजी रो विराट व्यक्तित्व उजागर हुवै अर गंगासिंहजी रो गुण ग्राहकता भी सांमी आवै। अंग्रेजी में लिख्यो औ कागद खासो लाम्बो है। इण रो सार रूप इण भान्त है -

“.....अेक निरंकुश मानीजण वालै राजा रो तरफ सूं भेज्योई इण कागद सूं आपनै कौं अचूंभो जरूर होसी पण ई कागद रै मार्फत म्हैं आपनै देसी रजवाड़ा रै खिलाफ जनमत त्पार करण वालै अेक इसै आदमी रै बाबत कौं वातां लिखणी चावूं जिण रो चरित्र आग रै उनमान ज्वळंत अर प्रभावशाली है।

औ आपणो दुरभाग है कै आपणै अटै रा जनजीवण में असहिष्णुता पराकाष्ठा ताई पूयोड़ी है। अैड़ी हालत में श्री जयनारायण व्यास सायत ई इण बात नें मानै कै बारै विरोधियां में ई बारै जिसो देसभक्ति अर राष्ट्रीय भावना रो लगन हुय सकै। श्री व्यास अर बांरा साधियां राजा महाराजावां रै विरुद्ध अर खास करनै म्हारै खिलाफ भावावेश में निरो ई खरी-खोटी वातां कही। छतां पण व्यासजी रै वास्तै म्हारै मन में घणी इज्जत है। आं लोगां राजावां नें बार-बार निरंकुश, अत्याचारी, प्रजा रो खून चूसणिया अर संसार रा सै सूं मोटा अपराधो कैयनै भांडिया है; पण जिणां नें रियासतां रो थोड़ी-घणी ई अंदरूणो जाणकारी है, वै इण वातां माथै विस्वास नों करै।

देस रै उजळै भविस रो कामना करण वाला इण बात नें आछी तरयां जाणै कै देसी रियासतां रै भविस रो दारोमदार इण राजनैतिक कार्यकर्तावां रै चरित्र माथै ई निर्भर करै। औ लोग आज रै जनजीवण रा करणधार है। म्हैं आपनै कैवणी चावूं कै रजवाड़ा अर अंग्रेजी सरकार मिलनै ई आं लोगां नें खतप नों कर सकै। वै दिन अबे दूर कोनों कै राज-काज आं लोगां रै हाथ में आय जासो अर सैकड़ां हजारों बरस पुराणी सरकारां औरै सांमी इंसाफ रो भीख मांगती नितै आसो। संसार में साम्यवादी सरकारां रो धरपणा म्हारी इण बात रो पुष्टि करै।

इण वास्तै आप ई इण बात नें जरूर महसूस करोला कै देसी रजवाड़ां रा राजनैतिक कार्यकर्ता चरित्रवान, देसभक्त अर समझदार हुवणा जरूरी है। जिणसूं आगै चालनै राजनैतिक वातावरण पवित्र बण्यो रैवै अर प्रजा माथै इण रो आछो असर पड़ै। इसा लोगां नें राज-काज में सहयोग सारू आगै लावणा जरूरी है, पण इण राजनैतिक भीड़ में घणकरा स्वारथी, अवसरवादी अर लालची किस्म रा लोग ई नेतागिरी में आगै आयग्या है। वानें ओळखणा जरूरी है। नीं तो वै सगळै राजनैतिक जीवण रो कबाड़ो कर नांखसी। इसां लोग बिना कौं विचार्यां रजवाड़ां रै प्रति अणूंती द्वेष रो भावना राखै।

इण भाव आ आज भेज्वां चरित्रांन, भेजेवात्र, यइमान आ भियां रा दरु
 बण्वा फिर अर भियाम्नां रो भेजे जेना ने धमकाये। गां में श्री जयनारायणी जिगी
 पवित्रता अर इमानदारी कहे। इमा देव दुस्मन गुन तो कोई बिस्मा में ई साथी।

आप म्हारी इण बात मूं माहमन हुयोला के भियाम्नां रो हकूमनां जिगरी आज
 आपां देवभक्त करां, भेवट आपणा आ दुस्मनां र हाथां में जाली है। इमो हालत में
 आपणां ओ फरज है के आपां इण बात रो पूरा ध्यान राखा के गिरोगी खंमा मूं भला
 आदमी आगे आये। म्हने माफ दोरी के आज भियामतो राजनैतिक कार्दर्रायां में फगत
 श्री जयनारायण व्यास अंक इमा आदमी है ज्योरे पालन चरित्र रो अमर बाँरे हज्ज
 साधियां माथे पड़ सकै। आप म्हारी बात मूं भ्याइं माहमत हुयो के नौ हुयो पण बां में
 जिम्मेवारी ओढ़ण रो मादो है अर बांरो न्यायप्रियता माथे भियाम करवो जाय सकै।

मारवाड़ रो राज जद आपरे हाथ में नौ राहो तो श्री जयनारायण व्यास जिमै
 आदमियां रो घणो जरूरत पड़यो। इसा मिनट ई प्रजा नै आछी तरफां संभल्यो। इण
 वास्तै आपनै म्हारो लिखणो है के दुस्मनां र प्रति ई मन में न्याय रो भावना रैयनी
 चाहीजे। श्री व्यासजी रो जनम अंक गरीब घर में हुयो, इण कारण ठेट सूं आधिक तंगी
 में रह्या पण दूजां र ज्यूं आं कदेई अनीति के 'ब्रीक मेलिंग' करने परसो नौ कमायो।
 अंकर म्हे ई बांरो आधिक मदत करण रो प्रस्ताव भेज्यो पण बां नामंजूर कर दियो। बै
 प्रकृति मूं अंक विस्वामू आदमी है, इण वास्तै आपरे संगो-साधियां माथे अजूतो
 विस्वाम करै अर बै संगो-साधो बांनै अयसर आपां गोछो देव जावै। आं कारणां सूं ई
 बांनै 'अखण्ड भारत' (अखवार) चन्द करणो पड़्यो अर अबे तो अठा ताई सुणवा में
 आई है के बै आपरे गुजारे वास्तै मिनेमा लाईन में जाय रह्या है।

आ बात सुणनै म्हारो जीय घणो दुख पावै के व्यासजी जिसो व्यक्तित्व आपरे
 गुजारे वास्तै सिनेमा लाईन में जावणो चावै। भलाई म्हारे साथे बांरो दुस्मनी है पण घाव
 तो घेरो रो ई बखाणीजे। बै अंक पवित्र आतमा है। बांरो पाण ई भयिस में इण इलाके र
 राजनैतिक छेत्र में पवित्रता रहसी।

म्है म्हारी तरफ सूं फळोदी बाळा राय सा'ब रो मार्फत बांनै सिनेमा लाईन में
 जावण रो ना दियो है अर उम्मीद करूं के म्हारे इण आग्रह नै बै जरूर मानसी। म्हारी
 तो आ अंदरूणी इच्छा है के म्हे अर व्यासजी मरुधरा र घोराने माथे बैठनै इण धरती र
 कल्याण वास्तै को आछी योजनावां बणावां जिणसूं अठै खुशहाली आवै अर प्रजा रो
 कल्याण हुवै। इण वास्तै आपनै ई म्हारो ओ लिखणो है के व्यासजी नै जोधपुर आवण
 दिया जावै अर प्रशासकीय समस्यावां में बांरो सहयोग लियो जावै। इणमें आपणां अर
 प्रजा रो, सगळां रो ई हित है।...

श्री जयनारायण व्यास जद राजस्थान में सत्ता रो बागडोर संभाली, तद बांनै स्व
 महाराजा गंगासिंहजी रो ओ कागद पढायो गयो तो बांरो आंख्यां में पाणी आययो अर
 बांरे मूंडै सूं निकळ्यो, 'वाह गंगासिंहजी, थारो माया थे ही जाणो।'

पथिकजी री चौवीस बरसां पछै विजोलिया ठिकाणै वापसी

सन् 1922 में विजोलिया किसान आन्दोलन रो सफल संचालन कएथो पछै पथिकजी बंगू आन्दोलन सँ जुड़ग्या। इण दौरान उणां नैं अंक लम्बी जेळ जात्रा काटणी पड़ो जिको सन् 1927 में पूरी हुयो हो। उण बगत तक उणां रो मेवाड़ मांय प्रवेश ई वर्जित कर दियो गयो हो। इण कारण सँ उणां नैं आपरो सारी गतिविधियां मेवाड़ सँ बाँर ई सोमित राखणी पड़ो। चौबीस बरसां रो निर्वासन कोई हंसी-खेल नैं हो। इण कारण सँ जद 2 मार्च, 1947 नैं बँ पाछा आपरै करम छेत्र विजोलिया मांय प्रवेश कएथो तो पूरी अंक नूँवी पीढ़ी उणांरै स्वागत में पलक पावड़ा बिछायां छड़ो हो। आ घटना मेवाड़ रै प्रजामण्डळ आन्दोलन रो अंक रोमांचकारी घटना बणी हो।

फरवरी 1947 में मेवाड़ प्रजामण्डळ आपरै जन-आन्दोलन नैं खासो तेज कर दियो हो। राज्य रो शासक ई भारत मांय राजनैतिक घटनाक्रम नैं भांप'र मेवाड़ री जनता नैं अंक धारा-सभा देवण रो मन बणाय लियो हो। उण बगत मेवाड़ प्रजामण्डळ ई उत्साहित हुयनै । सँ 3 मार्च, 1947 तक मेवाड़ प्रजामण्डळ रो आठवाँ अधिवेशन मेवाड़ रै चर्चित ठिकाणै विजोलिया में करण रो मानस बणाय लियो। इण उद्देश्य सारू मेवाड़ प्रजामण्डळ कान्ते सँ अंक परचो जारी करीन्यां जिणमें दूजी बातां रै साथै इण अधिवेशन में राष्ट्रीय स्तर रा कांग्रेस रा नेता विशेष रूप सँ डॉ. राजेन्द्र प्रसाद रै शामिल हुवण रो उल्लेख कएथो। इणरै साथै ई विजोलिया में लक्ष्मी-विलास में इण अधिवेशन रो ध्यापक तयार्यां सरू करदो। अधिवेशन रो मुख्यद्वार प्रजामण्डळ आपरै प्रिय नेता विजयसिंह पथिक, जिका सन् 1928 सँ ई मेवाड़ सँ बाँर निर्वासित जीवण बिता रह्या हा, रै नांव साथै बणायो। उण मुख्यद्वार रै आसै-पासै रा दो द्वार सन् 1923 मांय बंगू किसान आन्दोलन में शहीद रूपाजी अर करमाजी रै नांवां साथै बणाया।

इण अधिवेशन रै प्रति लोगां रो खासो उत्साह हो। अधिवेशन सरू हुवणै सँ दो दिन पैली सँ ई प्रतिनिधि, दर्शक अर स्वयंसेवक अधिवेशन में पूगण लाग्या। अधिवेशन आठै दिन । मार्च नैं विजोलिया ठिकाणै रै कनलै 'ऊपर माळ' छेत्र रा हजार लोग उठै पूग्या। आमें बड़ी संख्या में लुगायां भी भेळी हो। कुल मिलायनै अधिवेशन मांय पंदरै हजार रै अड़ै-गड़ै लोग भेळा हुया। मेवाड़ प्रजामण्डळ रै अध्यक्ष भूरैलाल बया री अध्यक्षता मांय अधिवेशन सरू हुयो। भूरैलाल बया आपरै अध्यक्षीय भाषण में भारत मांय तत्कालीन राजनैतिक स्थिति अर प्रजामण्डळ रै दायित्व रै साथै मेवाड़ राज्य री गैर जिम्मेदाराना हकूमत री विस्तार सँ चरचा करी। दूजी बातां रै साथै उणां मेवाड़ राज्य रा विद्यार्थियां, लुगायां अर बनवासियां द्वारा राज्य मांय जनजागृति लावण में जिको योगदान दियो उणरी जाणकारी ई दी। इण अधिवेशन में कुल नौ प्रस्ताव पास हुया जिण मांय अंक शोक-प्रस्ताव नैं छोड़नै बाकी सगळा मेवाड़ राज्य में उत्तरदायी शासन प्राप्त करण अर उणसँ सम्बन्धित बातां नैं लेयनै पास कएथो गया। आं प्रस्तावां सँ ओ

इतिहास रो साच/51

लागवा लाग्यो हो कै मेवाड़ प्रजामण्डळ अवै राज्य मांय वैधानिक सुधारां रै साथै उत्तरदायी शासन प्राप्त करण नै टाळ किणी दूजो बात माथै राजी हुवण नै त्यार नीं है।

सम्मेलन रो पैलड़ो दिन तो मेवाड़ राज्य रा सगळा छोटा-बडा नेतावां री मौजूदगी मांय चरचा करतां ई बीतग्यो हो पण दूजो दिन बडो वेचैनी आळो हो। अधिवेशन में दोफारां कार्यकर्तावां मांय अेक सुगबुगाहट फैलगी कै मेवाड़ सरकार विजयसिंह पधिक माथै सूं मेवाड़ प्रवेश पर लगायोड़ी पाबन्दी हटा ली है। लारलै लंबै बगत सूं मेवाड़ रा युवा कार्यकर्ता आपरै इण नेता री अेक झलक पावण खातर उतावळा हा। पधिकजी उण बगत तक आपरै लारलै क्रियाकळापां रै कारण सूं अेक जननेता बणग्या हा।

थोड़ी देर पछै ई अधिवेशन में अेक मिनख आ खबर लायो कै पधिकजी अधिवेशन स्थल कानी ई आय रह्या है। लोगां री निजरां अधिवेशन स्थल कानी आवण आळै मारग पर टिकगी। मंच माथै वक्ता आपरी बात कैवता जाय रह्या हा, पण श्रोता उणां नै सुणण सारू त्यार नीं हा। बां खातर तो औ अेक रोमांचकारी क्षण हो। की ताल पछै ई सैकड़ां ग्रामीण अेक अधबूढ आदमी री जै जैकार करता सम्मेलन कानी आवता निगै आया। पूरी सभा रो पंडाळ पधिकजी रै स्वागत में जैकारां सूं गूंज उठ्यो। 'वंदेमातरम्' अर 'सर पर बांधें कफनवा' आद गीत गाईजण लागग्या। युवा लोग मेवाड़ रै किसानां री काया-पलट करण अर महात्मा गांधी नै सत्याग्रह री सीख देवण आळै बारै इण वदहाल गुरु रा दरसण करनै गद्गद् हुय रह्या हा। सम्मेलन री सगळी कार्यवाही निपटावणी ही, इण खातर सम्मेलन रात री दो बज्यां ताईं चाल्यो। उणरै पछै सम्मेलन री समाप्ति री घोषणा करीजी।

अहिंसक सत्याग्रह रा पुजारी : मारवाड़ी व्यापारी

आपणै देस में महात्मा गांधी रै बगत में स्वतंत्रता आन्दोलन रै दरम्यान 'सत्याग्रह' शब्द घणो चरचित रह्यो, पण राजस्थान मे सत्याग्रह री परम्परा घणी जूनी है। राणियां-महाराणियां रै कोप भवन प्रवेश सू लगायनै जनता रा धरणा रा उछाळा अर अन्न-जळ त्याग ताई इण रा कई-कई रूप चावा रह्या है।

सामंती सत्ता नै सही मारग माथै लावण ताई अर कोई आछै काम री पूर्ति वास्तै खास करनै चारण अर पुरोहित सामूहिक रूप सू धरणै पर बैठता, अन्न-जळ रो त्याग करता अर इण उपरांत ई सत्ता नौ मानती तो जापानी हाराकारी रै ज्यू सत्याग्रही खुद रै हाथां पेट में कटार खायनै प्राणांत कर लेवता। राजस्थान रै इतिहास में इसा कई 'धरणा' प्रसिद्ध रह्या है जिणां में सत्याग्रहियां आतमघात करनै आपरो प्राणांत करयो। अै सगळी घटनावां इतिहास में चावी हुवण सू इणां नै छोड 'र अठै उण बातां री चरचा करां जिणरै मुजब जन साधारण सत्ता रो विरोध अहिंसक तरीकै सू करयो।

मध्यकालीन सामंती युग में किसानां रै सागै तो अन्याव अर ज्यादती हुंवती ई हो पण कई बार अठै रो व्यापारी वर्ग ई इणरो शिकार हुय जावतो। अठारवीं सदी में राजस्थान में मराठां रै उत्पात अर आपसी लड़ाई टंटा री वजह सू रजवाड़ां री माली हालत खराब ही। इण हालत में उणां व्यापारी वर्ग नै तंग करणो सुरू करयो अर उणसू जवरन धन वसूली करण लाग्या। बीकानेर, जोधपुर अर जयपुर रै तत्कालीन राजकीय अभिलेखां सू व्यापारियां रै उत्पीड़न री मोकळी जाणकारी मिलै। ई. सन् 1855 में चूरू रै सामन्त ईश्वरीसिंह नै धन री जरूरत हुई तो उणै सेठ गजराज पारख अर करमचंद लोहिया नै तंग करणा सुरू करयो। इण उपरांत ई काम नौ बण्यो तो बांनै रूख सू बांधनै उणां साथै मारपीट तकत करी।

इसा मौकां माथै पीड़ित जनता दूजो कोई मारग नौ देखनै सत्ता रो अहिंसक विरोध करती। लोगबाग कोई मंदिर देवरा कै धार्मिक स्थान में जायनै अन्न-जळ त्यागनै बैठ जावता। इसी हालत में कई आपरा प्राण ई त्याग देवता। इणसू सामन्ती वर्ग री घणी बदनामी हुंवती। धार्मिक अर नैतिक भावना सू ई बै खुद नै अपराधी महसूस करता। इण कारण बै पीड़ितां साथै न्याव करनै बांनै राजी करण री कोशिश करता। इण भान्त अहिंसक तरीकै सू सत्याग्रहियां री जीत हुय जावती। अठै आ बात ई उल्लेखबा जोग है कै महात्मा गांधी भारत नै आजादी दिरावण सारू जिण अहिंसक सत्याग्रह रो सहारो लियो उणनै राजस्थान रा मारवाड़ी व्यापारी बापू रै पदार्पण सू सैकड़ां बरसां पैलां ई अपणाय चुक्या हा।

बीकानेर राज रै कागदां में कई सेठ-साहूकारां कनै सू लाखूं रुपिया भाछ (टैक्स) रै रूप में लेवण रो उल्लेख मिलै। ई. सन् 1820 में राजा कानीं सू सेठ जेता बिहाणी नै साठ हजार रुपिया भाछ रै रूप में भरण रो हुकम दिरीज्यो। सेठ इण सारू

आपरी असमर्थता प्रगट करी। पण राजा मान्यो कोनीं तो सेठ आपरै बाल-बच्चा साथै राज री कुळदेवी करणी माता (देशनोक) रै मिंदर में जायनै बैठग्या। छंयट राजा उण नै जायनै मनायो अर भाछ री छूट करी। ई. सन् 1829-30 में सागण इसीज घटनावां बीकानेर रै रूपचन्द कोठारी, सोना सिपाणी, जीतमल सुराणा, उत्तमचन्द डाणा अर जोरावरमल गुलेच्छा साथै ई हुयी। अै सगळ्ळा ई करणी माता रै मिंदर में जायनै भूखा-तिस्या बैठग्या तो राजा नै निवणो पड़्यो। बीकानेर राज री सरकारी बहियां में इसी मोकळी घटनावां रो वर्णन मिलै। अंक दूजै प्रकरण मुजब 1840 ई. में गंभीरचन्द दम्माणी भी साहूकारा भाछ नै लेयनै करणी माता रै मिंदर में सत्याग्रह कर्यो अर आपरै उद्देश्य में सफल रह्यो। कई बार सामंती अत्याचारां सूं धापनै प्रजा 'उछाळो' करती। उछाळै रो मतलब औ के बै उण रियासत के जागीर नै छोडनै दूजो रियासत या जागीर में परा जावता। जे राजा बांनै मनायनै पाछो लिजावतो तो बै मान-सम्मान साथै पाछा जावता नौ तो बांरी आल-औलाद ई उठौनै मूंडो नौ करती। जोधपुर अर बीकानेर राज रै राजकीय अभिलेखां में इसा कई उदाहरण मिलै। बीकानेर रियासत रै चूरू ठिकाणै रा सामत शिवजीसिंह (1783 सू 1814 ई.) आपरै नगर रा पोद्दार घराणै सूं नाजायज जकात वसूल करणो चावता। इण सारू ठाकर सेठ नै फोड़ा घालणा सरू कथ्य तो बां परिवार चूरू छोडनै खुद सौकर ठिकाणै रै रामगढ नगर में जायनै बसग्यो। छेवट चूरू ठाकर नै रामगढ जायनै सेठ नै मनावणो पड़्यो अर सगळी छूट करनै आदर अर मान साथै पाछो लावणो पड़्यो। चूरू रै ईज सुराणा घराणै रा सेठ रुकमानन्द, तेजपाल, वृद्धिचन्द सुराणा आद क्रमशः 1865 अर 1868 ई. में महाराजा सरदारसिंह रै शासनकाल में ज्यादा जकात अर धूवा भाछ वसुलण रै विरोध में बीकानेर छोडनै रामगढ अर महणसर में जायनै बसग्या। छेवट शासक नै उणां आगै झुकणो पड़्यो अर बांरी इच्छा मुजब शुल्क मे राहत देयनै उणानै पाछा बुलाया।

इणी 'ज भान्त बीदासर रा सेठ नाराज होयनै जोधपुर जायनै बसग्या हा। बांनै ई उठै रा सामंत थोरा-नोहरा करनै पाछा लेयग्या। जोधपुर राज्य री जालौर हकूमत में 1857 ई. में उठै रा व्यापारियां आपरै हाकम रै विरोध मे जबरदस्त सत्याग्रह कर्यो। कैयी व्यापारियां नै चामचोरी रै झूठै मामला में पजाया तो बै संगठित होयनै जालौर छोड दूजी जाग्यां जाय बस्या। जद राज रै शासक नै इण बात री जाणकारी मिली तो उण तख्तागढ, जनानी ड्योढी अर दीवान कानी सूं भविस मे किणी भान्त री तकलीफ नौ देवण रै आश्वासण रा परवाना भेजनै बां व्यापारियां नै पाछा जालौर में बुलायनै बसया।

19वीं सदी में राजस्थान री रियासतां में करीजण आळै इण अहिंसक सत्याग्रह रो क्रम राजस्थान रै दूजै भागां मांय भी प्रचलन में हो। इण सत्याग्रह रो असर राजस्थान रै दूजां आन्दोलनां माथै पड़्यो या नौ, ठीक सूं नौ कहुो जाय सकै। पण बिजोलिया किसान आन्दोलन में इणरी थोड़ी झलक जरूर मिलै है।

राजस्थान में धरणा देवण री रोमांचक परम्परा

राजस्थान में धरणा देवण री परम्परा घणी पुराणी है। सोळवीं अर सतरवीं सदी रा राजस्थान रै इतिहास में धरणां री सांगोपांग जाणकारी मिलै। उण बगत रै चारण जाति रै लोगों रा दियोड़ा धरणा घणा नांमी हा। जद राजपूत लोग किणी बात नै लेयनै आपस में लड़ण लागता तो उण बगत चारण जाति रा लोग जामिन बणनै बीच-बचाव कर दिया करता हा। चारणां री जामनी राजपूतां में पकी समझी जावती। जे कोई राजपूत चारणां री जामनी लेवण रै बाद बदळ जावतो तो चारण उणरै घर आगै धरणो दे देता अर कदै कदै तो धरणै रै दरम्यान मर भी जावता हा।

मारवाड़ में तो चारणां खासा धरणा दिया हा। अ धरणा घणकराक तो जागीरदार या राजा कानीं सूं उणां री जमीन अटकावणै या जवत करणै रै कारण दिया जावता। जद कदै किणी गांव रो जागीरदार या हवालदार चारणां री जमीन अटकाय लेवतो या जवत कर लेवतो तो चारण आपरै भाई-बंधां नै भेळा करनै जागीरदार री कोटड़ी आगै, अर जे गांव खालसो हुयोड़ो हुंवतो तो जोधपुर जायनै धरणो देवता। उण समै रै धरणां रै अध्ययन सूं ठा पड़ै कै घणकरा धरणा हिंसक रूप ले लिया करता हा। जिण भान्त जापान में बठै रा लोग हाराकारो (पेट काटनै मर जावणो) कर लिया करता हा, उणां भान्त चारण अर पुरोहित भी धरणां में आपरा अंग तोड़-भांगनै जान दे दिया करता हा। आं हिंसक धरणां रो दस्तूर इण भान्त हुंवतो—

सगळां सूं पैली अेक आदमी आपरो डील चीरनै जाजम माथै लोही छिड़कतो अर पछै धरणो देवण आळा सगळा लोग उण जाजम पर बैठ जावता। बै तीन दिनां ताई भूखा-तिसा रैनै जांगमाया रै धूप खेंवता अर स्तुति गावता। जे इण तीन दिनां में बांनै नीं मनायो जावतो तो चौथै दिन धरणै माथै बैठा सगळा लोग पैलां तो खूब खावता-पीवता अर पछै आप मांयलै अेक वूढै आदमी या लुगाई नै रूई रा कपडा तेल में भिंजोयनै पैराय देवता अर उणनै जीवतो ई जळाय देवता। बाकी बच्योड़ा लोगां में कोई आपरो हाथ चीरतो, कोई जांघ फाड़तो, कोई गळै माथै छूरी चलावतो तो कोई पेट में कटारी मारतो। इण भान्त उणां मांय सूं कई लोग तो बठै ई जान दे देवता अर बाकी बच्योड़ा उणरै (जिणरै खिलाफ धरणो देवता हा) इलाकै नै छोडनै दूजै इलाकै में जाय बस जावता। धरणै री इण प्रथा नै 'चांदी' रै नांव सूं जाण्यो जावतो हो। पुरोहित लोग तो कदै-कदै धरणै माथै गाय अर टोगड़ी नै ई सागै लेयनै बळ जावता।

मारवाड़ रै इतिहास में आऊवै रो धरणो घणो नांमी है। औ धरणो सं 1643 वि.

में मोटै राजा उदयसिंह रै ऊपर दियो गयो। बात आ ही कै बीस बरसां पैली जद राय चन्द्रसेन जोधपुर रो किलो मुगलां नैं सूंघ्यो हो तो किलै री सगळी लुगायां, जिणां में उणरी खुद री जनानियां भी ही, सिवाणै रै पहाड़ां में भेज दी ही। जद जनानियां रा रथ पहाड़ां कानीं जाय रह्या हा उण बगत मोटै राजा उदयसिंह री मां रै रथ रो अंक बैल घणो थकग्यो। मारग में कनै ई अंक चारण बळध सूं कूओ बावै हो। राजा रा आदमी उण चारण रो बळध खोल लाया अर रथ में जोड़ लियो। चारण आपरै गांव सूं थोड़ा आदम्यां नैं भेळा करनै बठै लायो अर आपरो बळध पाछो खोल लियो अर रथ नैं उलट दियो। रथ उलटणै सूं मोटै राजा उदयसिंह री मां रो हाथ टूटग्यो। उण बगत तो सगळा नैं जान री पड़ी ही, इण खातर उण घटना माथै कोई ध्यान नीं दियो। सं. 1640 वि. में जद जोधपुर रो किलो पाछो मोटै राजा उदयसिंह नैं मिल्यो तो उणरा जनाना भी पाछा जोधपुर आयग्या। आयां पछै मोटै राजा उदयसिंह री मां आपरो टूट्योड़ो हाथ उदयसिंह नैं दिखायनै कह्यो कै ओर तो थूं थारी समझ में आवै ज्यूं करजै पण जिकै चारण म्हारै रथ नैं उलटाय म्हारो हाथ तोड़्यो हो वो माफी रै लायक नीं है। इण कारण मोटै राजा उण चारण री जमीन जबत करली। चारण री जमीन जबत नीं करण वास्तै जिका दूजा चारण सिफारिस मे आया उणां रा सासण भी जबत कर लिया। इणसूं चारणां में हलचल माचगी, अर 1100 चारणां आऊवै गांव में महादेवजी रै मंदिर आगै घरणो दे दियो। आऊवै में घरणो देवण रो कारण उठै रा ठाकर चांपावत गोपाळदास रो चारणां नैं चादी करण में सहयोग देवणो हो। आ खबर सुणनै मोटै राजा चारणां नैं समझावण वास्तै सोजत सूं आखैजी बारठ नैं भेज्यो। पण आऊवै में जायनै वो ई आपरो विरादरी रै भेळो भिळग्यो। इण कारण मोटै राजा अंक बडी कटार आखोजी बारठ कनै आ कैयनै भेजी कै दूजा चारण तो गळै में छूरी खायनै मरसी पण थूं इणनैं गुदा में घालनै मरी। इणरै साथै ई फौज नैं चारणां नैं सजा देवण रो हुकम दियो।

अब आऊवै रो ठाकुर चांपावत गोपाळदास चारणां नैं कह्यो कै फौज सूं तो म्हें लड़सूं, थे थारों काम करो। चारणां पैलां तो सीरो करनै खूब खायां अर रातभर जोगमाया रा गीत गाया। तड़को हुंवतां ई आरंजी गोविंद ढोली नैं मंदिर रै मिछर माथै चाढ़ रै कह्यो कै जद सूरज री पैली किरण फूटै तो उणरी खबर देवण वास्तै ढोल बजा दीजै। पण गोविंद इसी बात नैं, जिणसूं के 1100 चारणां री जानां जावती ही, नीं मान रै ढोल कानां बजायो अर सूरज री किरण फूटतां ई आपरै गळै माथै छूरां चलायनै ढह पछ्यो। इण पर सगळा चारण मंदिर रै मांग गया, अर किणी आपरो गळो काट र उण रो लागीं महादेवजी माथै छिड़क्यो तो किणी आपरो सीम चढ़ायो। कोई आपरो पेट बाढ़नै

मरग्यो तो कोई जखमी हुयनै पड़ग्यो। सगळो मिंदर लोही सूं भरीजग्यो। इण चांदी (धरणै) में सात जणां मर्या, जिणां में आखोजी वारठ भी हा। जद ताई आ चांदी हुयी, चांपावत गोपाळदास जोधपुर री फौज नैं मारग में ई रोक्क्यै राखी। इण पछै चांपावत गोपाळदास अर बच्चोड़ा चारण बीकानेर भागग्या। पण बाद में बीकानेर रै राजा रायसिंह रै भाई पृथ्वीराज री सिफारिस सूं बादशाह अकबर चारणां रै सासण री जमीन उणां नै पाछी दिराय दी।

सन् 1614 में बीकानेर रै महाराजा सूरसिंह रै समै में गांव तोळियासर रै पुरोहित मान महेश अर गांव खूँडियै रै चौहथ वारठ बीकानेर रै किलै सांमी धरणो दियो पण उणां नैं इण धरणै में सफळता कोनों मिली। इण खातर अै दोनू किलै रै सांमी ई चिता जळायनै मरग्या। सन् 1815 ई. में बीकानेर रै ही बीदासर ठिकाणै रा पुरोहितां बीकानेर रै दूजै ठिकाणै भादरा में जायनै धरणो दियो। सन् 1837 ई. में बीकानेर रो महाराजा चूरू गयो। उणरै साथै उण रो दीवान हिंदूमल मेहता ई हो। इण मौकै माथै बिसाऊ रै अेक ब्राह्मण रो ऊंठ वेगार वास्तै हिंदूमल रै डेरै भेज्यो गयो हो जिको चोरी हुयग्यो। ब्राह्मण नैं जद ऊंठ पाछो नों मिल्यो तो उण हिंदूमल रै डेरै माथै च्यार दिनां ताई धरणो दियो। ब्राह्मण धरणै सूं जद ई उठ्यो जद कै उणनैं 59 रुपिया रो दूजो ऊंठ खरीदनै पाछो देय दियो। सन् 1854 ई. में बीकानेर रै गांव बोबासर रो चारण शंकरदान सामौर तो धरणा देवण में नामी हुयग्यो हो। उण राज सूं वारै अलवर मे चारभुजा नाथ रै मिंदर में अर दूजी ठौड़ा ई धरणा दिया हा।

राजस्थान मांय इसा हिंसक धरणा देवण रा सैकड़ां दूजा उदाहरण मिलै है। इण भान्त रा सगळा धरणां रै विवरण सूं तो अेक अलग पोथी त्यार हुय सकै। इण आलेख मांय तो इण आं धरणां री वानगी ही राखीजी है। राजस्थान रै रजवाड़ां में धरणां रो औ रूप जापान में प्रचलित हाराकारी सूं मिलतो-जुलतो हो। उणरै बावजूद कदै-कदैई राजा लोग आं धरणां सूं टस सूं मस ई नों हुंवता अर ज्यादातर धरणा देवणियां नैं आपरी जान गमावणी पड़ जावती।

आं धरणां रो भारतीय संदर्भ मांय जे सामाजिक दीठ सूं अध्ययन कर्यो जावै तो अेक बात सफीटवीं सांमी आवै कै इत्ता रोमांचकारी हिंसक धरणां रो दूरगामी परिणाम नों निकळ्यो। अै धरणा मुख्य रूप सूं व्यक्तिगत कै पछै आपरी जाति विशेष री बात मनावण सारू दिरीजता हा। इणसूं शासकां माथै कोई खास नैतिक दबाव नों पड़तो अर कई बार बै इणरी अणदेखी भी कर देंवता। अंग्रेजी शासन मांय भी इण भान्त रा धरणां री आ ही गत हुयी। आज भी इण भान्त रै धरणां री परम्परा समाप्त नों हुयी है। दक्षिण

ग़रत माय भाषा, राजनैतिक अर आर्थिक लाभ सारू भावुकता माय कई बार मिनग्र
रंआम आत्मदाह करण म ई सकोच नी करै। मयाग सृं कदै-कदैई आ धरणा से
दृश्य सफल भी हुय जावै है।

शोध-जगत रो तीरथ : राजस्थान रो अभिलेखागार

देस-विदेस रो कोई विद्वान जद बीकानेर आवै तो राजस्थान राज्य अभिलेखागार नें देखणो नों भूलै। नगर रै बिचाळै पब्लिक पार्क-स्टेडियम रोड माथै हरियल दरखता सूं आच्छादित इण भवन में राजस्थान री अभिलेख धरोहर संग्रहीत है। इणरै सार्थ अभिलेख निदेशालय अर रिपोजिटरी ई अवस्थित है। राजस्थान सरकार इण निदेशालय रो धरपणा सन् 1955 में करो ही, पण मौजूदा बगत में इण निदेशालय रो जिकों विगसाव हुयो है, वो वैज्ञानिक दीठ सूं घणों महताऊ है।

आजादी मिल्यां पैली राजस्थान इक्कीस रजवाड़ा में बंठ्योड़ों हो। आं मांय सूं 19 नें रियासतां अर दो नें बीकानेर रो दरजो मिल्योड़ों हो। हरैक रियासत रो आपरो सचिवालय अर अभिलेखागार हो। आं अभिलेखागारां में सैकड़ बरसां रै राज-काज सूं सम्बन्धित जरूरी अभिलेख संग्रहीत हो। आजादी मिल्यां पछै आं अभिलेखागारां रो नांव बदलनै 'यूनिट रेकॉर्ड ऑफिस' राखीज्यो अर जिलाधीशां नें आं प्रमुख नियंत्रक अधिकारी बणाय दिया। रियासतां रा दूजा सगळा अभिलेखागार ई इण यूनिट रेकॉर्ड ऑफिसां में मिळाय दिया। पण राजस्थान सरकार 1955 में जद राजस्थान राज्य अभिलेखागार निदेशालय रो धरपणा करो तो यूनिट रेकॉर्ड ऑफिसां मांय सू ई. सन् 1900 रै पैलै रा सगळा अभिलेख निदेशालय में भेजण रो हुकम देय दियो। थोड़ा दिन बीत्यां पछै आ वात अनुभव करीजी कैं जे निदेशालय में फगत 1900 रै पैलै रा अभिलेख इज संग्रहीत रह्या तो राजस्थान रा अभिलेख दो भागां में बंट जासी। इणसूं कई अळूझाड़ पैदा हुय जासी। इण वात नें ध्यान में राखनै जिलां में थापित सगळा यूनिट रेकॉर्ड ऑफिस ई राजस्थान राज्य अभिलेखागार रै तावें में देय दिया। इणरै साथै ई राजस्थान राज्य अभिलेखागार रो मुख्यालय जयपुर सूं बदलनै बीकानेर कर दियो अर प्रदेश रै 20 जिलां में इणरी शाखावां खोलदी। जुलाई 1962 रै पछै इण सगळै विकेंद्रित अभिलेखां नें अेकण ठायै भेळा करण रो तै कत्या। इण भान्त मार्च 1963 ताई 1900 सूं पैलै रा सगळा अभिलेख ई बीकानेर पूग्या। 1900 रै पछै रा अभिलेखां नें सुरक्षित राखण वास्तै विभाग कानीं सूं सात शाखा कार्यालय थापित हुयग्या। अै कार्यालय जयपुर, अजमेर, जोधपुर, कोटा, उदयपुर, अलवर अर भरतपुर में है। आं शाखावां में स्थानीय महत्त्व रा अभिलेख सुरक्षित राखीजै।

बीकानेर में प्रदेश भर रा अभिलेख भेळा हुयां पछै राजस्थान राज्य अभिलेखागार में वांनै व्यवस्थित रूप सूं राखण ताई राष्ट्रीय अभिलेखागार नई दिल्ली रै ढंग ढाळै माथै न्यारा-न्यारा खंड बणायनै आंनै व्यवस्थित राखीज्या है।

अभिलेखागार रो सै सूं महताऊ भाग 'प्राविधिक खंड' है। इण खंड में राजस्थान री 21 रजवाड़ां रा अभिलेख सुरक्षित है। इणरै अलावा इण खंड में मौजूदा राजस्थान रै सचिवालय अर दूजै विभागां सूं प्राप्त जरूरी अभिलेख संग्रहीत है। आं

आयोजित करें। इण रो लाभ प्रशासक, वकील, अध्यापक, छात्र अर व्यापारी इत्याद सगळ्या ई उठावें। दूरदरसन अर रेडियों माथे अभिलेखां रै महत्त्व पर परिचर्चावां आयोजित करीजें। इण मौकें 'अभिलेख' नांव री अंक शोध पत्रिका ई प्रकाशित करीजें।

अभिलेखां रो महत्त्व इण बात सू जाणोजै कं इण अभिलेखागार में 17वीं अर 18वीं सदी रा जयपुर रियासत रा जिका अभिलेख संग्रहीत है, उण राजस्व अभिलेखां में अड्डसट्टे, याददार्ती, तकसीम, तखमीना, जमाबंदी, दस्तूर, अलअमल दस्तूर, खसरा, निरख बाजार, निरख जमाबंदी, परवाना, मुवावजना कलां, मुवावजना खुर्द, अवारिजा, रोजनामचा इत्याद प्रमुख हैं। अ सगळ्या आलेख राजस्थान रै तत्कालीन ग्रामीण जीवन रा आधार धर्म हैं। इण कारण देसी-विदेसी शोध अध्येतावां रै घने काम रा है।

इणो 'ज भान्त फारसी भाषा री अभिलेख सामग्री ई घणी महताऊ है। इणमें फरमान, निशान, मंसूर, सनद, सुक्का, अखबारत, अरजदास्त, वकील रिपोर्ट अर छनूत अंहेलकारान इत्याद अभिलेख घणा काम रा है। इणां में सू घणकरा मुगल बादशाहां कानी मू राजपूत राजावां नें मनसबदारी देवती बगत जारी कर्योड़ा है। 300 मूं बेमो फरमान मुनहरी अर रंगोन चित्रामकारी रै कारण देखण जोग है। मुगल बादशाह अकबर, जहांगीर, शाहजहां, औरंगजेब, दादा शिकोह अर नूरजहां कानों मूं जारी अ अभिलेख इतिहास री दौठ मूं घणा कीमती हैं। राजस्थान राज्य अभिलेखागार में जिकी अभिलेख सम्बन्ध संग्रहीत हैं बा शोध री दौठ मूं अनूठी हैं। आज रो शोध अध्येता इतिहास रै ऐतिहासिक अध्ययन माथे विशेष जोर देवें। वो शासक रै गुण-अवगुण अर कथनी-करणी करतां तत्कालीन सामाजिक, आर्थिक, सांस्कृतिक अर कृषि सम्बन्धी जनशरी बेमो संश्लेषी चर्चा जूनां अभिलेख इण काम सारू घणा महताऊ है। हिन्दी, राजस्थानी, उर्दू, फारसी अर अंग्रेजी में लिख्योई अभिलेखां री तादर इण बात मूं जणो 'ज मर्त कौ जे इण सगळ्यां नें अंक रेखा में राख दिया जावै तो आरी सम्बन्ध सारी पाने स्पष्ट फोट हूय जावै।

विभागा रा अंग्रेजी भाषा में लिख्योड़ा अभिलेख ई उपलब्ध है। जयपुर रियासत रै ज्यू
जोधपुर रियासत री अभिलेख शृंखलावां ई घणी महताऊ है। मारवाड़ी में लिख्योड़ो
जोधपुर री दस्तरी रेकर्ड आपरी हकीकत बही, हथ बही, विवाह बही, पट्टा बही
इत्याद री अभिलेख शृंखलावां इतिहासविदां वास्तै घणै काम री है। अै शृंखलावां सन्
1643 सँ सुरू हुवै। अंग्रेजी रेकर्ड अर परगना रेकर्ड, जिको सन् 1890 सँ सुरू हुयनै
1950 तँ ई रो है, वो मारवाड़ रै सगळै परगनां अर सचिवालय रै सगळै विभागां सँ
सम्बन्धित है।

बीकानेर रियासत री अभिलेख शृंखलावां ई मारवाड़ी, उर्दू, हिन्दी अर अंग्रेजी
में उपलब्ध है। इणमें 17वीं सदी सँ सुरू कर्योड़ी अर सगळै विषयां सँ सम्बन्धित
भान्त-भान्त री बहियां मौजूद है। उदाहरण सरूप पट्टा परवाणा बही, हासल बही,
जकात बही, सावा बही इत्याद प्रमुख है। उर्दू अर हिन्दी अभिलेख शृंखलावां में माल,
दोवानी अर फौजदारी विषय रा कागद है। इणरै अलावा बीकानेर रियासत रै सचिवालय
रा अंग्रेजी अभिलेख ई उपलब्ध है। अै अभिलेख राजस्थान रै आधुनिक इतिहास ताई
घणा महताऊ स्रोत मानीजै।

अजमेर राजस्थान री कोटा अर बूंदी इत्याद रियासतां री अभिलेख शृंखलावां,
जिको सन् 1635 सँ मिलै, उणां में कहवा, माल, हासिल, तालीक, फौज, बराड़,
कोतवाळी, पुण्याथै, तोपखाना अर कारखाना इत्याद विषयां सँ सम्बन्धित है। बाद में
अंग्रेजी भाषा रो प्रभाव वधण सँ कोटा सचिवालय री अभिलेख शृंखलावां अंग्रेजी में ई
मिलै।

उदयपुर रियासत री अभिलेख शृंखलावां मेवाड़ी, हिन्दी अर अंग्रेजी में उपलब्ध
है। मेवाड़ी में अभिलेख 18वीं अर 19वीं सदी रा है अर अंग्रेजी में सन् 1862 सँ 1948
ताई रा है। अंग्रेजी में लिख्योड़ा सचिवालय अभिलेखां में सीमा विवाद, जागीरां सँ
सम्बन्धित अर जनगणना सम्बन्धी पत्रावलियां शोध री दीठ सँ घणा महताऊ है। आरै
अलावा उदयपुर रा श्यामलदास अर मेहता संग्रामसिंह अभिलेख ई मध्यकालीन
राजस्थान रा इतिहास री दीठ सँ महताऊ स्रोत है।

सन् 1963 में राजस्थान री सगळी रियासतां रा अभिलेखां साथै अजमेर
रिचीफ कमिश्नर रै कार्यालयां रा अभिलेख ई बीकानेर मंगाय लिया हा।
अंग्रेजी, उर्दू अर हिन्दी भाषा में लिख्योड़ा अै अभिलेख सन् 1818 सँ 1956 ताई रा है।
आ में भू री जस्व, प्रशासन, चिकित्सा, धार्मिक मामला, अजमेर ट्रेजरी, प्रोटेक्शन,
हिस्सा, शिर्का, वित्त, मेळा, सामाजिक सुधार, सेटलमेंट, रजिस्ट्रेशन, पट्टा, नीमच,
कागजात अर दरगाह इत्याद री पत्रावलियां है। अजमेर रा अै अभिलेख राजपूत राजावां
रै सम्बन्धा री जाणकारी देवै।

इण भान्त राजस्थान री इण पांच प्रमुख रियासतां अर चीफ कमिश्नरी अजमेर
रा अभिलेखां रै अलावा अलवर, किशनगढ, सिरोही, भरतपुर, झालावाड़, कुशलगढ,

शाहपुरा, करौली, डूंगरपुर अर बांसवाड़ा इत्याद रा 19वीं अर 20वीं सदी रै
रा अभिलेख ई अठै मौजूद है।

इण राजकीय अर प्रशासनिक अभिलेखां रै अलावा इण अभिले
जोधपुर अर अलवर रै इतिहास कार्यालय निजू अभिलेख ई संग्रहीत है।
अभिलेख राजस्थानी भाषा अर साहित्य री सांगोपांग जाणकारी देवै। इण अ
पाण राजस्थान रै इतिहास री कई विवादपूर्ण बातां रो खुलासा ई हुय ज
सरकारी कागदां सूं संभव नौ है।

इण भान्त सार बात आ कै अभिलेखागार अंक कानों व्यक्तिगत अ
पूर्ति करनै जन-साधारण री समस्यावां री उकेल काढ़ै तो दूजी कानों
अभिलेखां रै रूप में प्रशासनिक समस्यावां रो उकेल ई बतावै। इणरै
ऐतिहासिक शोध सम्पदा रो अंक अमोलक खजानो है जिको शोध अध्येता
घणै काम रो है।

उणरी बातचीत रो सजीव वर्णन करद्यो है। आज सूं पचास-साठ बरसां पैली इण पाण्डुलिपि रो कोई खास महत्त्व नीं हो पण आज दो पानां री आ पाण्डुलिपि देस-विदेस रा शोधार्थियां रै आकर्षण रो केन्द्र है।

ठीक इणीं भान्त बीकानेर री अनूप संस्कृत लाइब्रेरी में शिवाजी री अेक जन्म पत्रिका मिली। महाराजा अनूपसिंह रा शासनकाल में आ जन्मपत्री दक्षिण भारत सूं बीकानेर आई ही। इणनै आज शिवाजी री जन्मपत्री सूं सम्बन्धित सर्वाधिक तथ्यपरक पाण्डुलिपि हुवण रो गौरव हासिल है। जद इतिहास रा शोध-जगत में शिवाजी री जन्मतिथि नै लेयनै वाद-विवाद चाल रह्यो हो तो उण बगत बीकानेर री इण पाण्डुलिपि सूं ईज शोधार्थियां री जिज्ञासा शान्त हुयी। इण भान्त रा कई उदाहरण दिया जा सकै जिणसूं आ सिद्ध हुय सकै कै साधारण-सी दीखण आळी पाण्डुलिपि कद किती महताऊ हुय जावै, कीं कह्यो नीं जाय सकै।

इण भान्त कैय सकां कै सरकारी अर गैर सरकारी छेत्र में संग्रहीत इण पाण्डुलिपियां रो शोध री दीठ सूं घणो महत्त्व है। इण पाण्डुलिपियां सूं खाली भारतीय इतिहास रा राजनैतिक दांव-पेच, आपसी अर बाहरी जुद्ध अर उणरी हार-जीत री कहाणी ई नीं मिलै, बल्कै आपणां बडेरां रै जीवन री आर्थिक बुनियाद, सामाजिक तौर-तरीका, उणरी हलचल अर पीड़ावां नै उण रा नित नूवा बदळता न्यारा-न्यारा रूपां पर भी उजास पडै। इणरै अलावा आधुनिक जीवन री प्रशासनिक अर राजनैतिक गतिविधियां रै साथै विदेसी शासन अर राजतंत्रीय शोषण सूं लोहो लेवण आळा स्वतंत्रता सेनानियां री जस-गाथावां भी इण पाण्डुलिपियां में सुरक्षित है।

इण पाण्डुलिपियां रो अभिरक्षण किण भान्त करद्यो जावै औ अपणै आपमें विज्ञान रो अेक निरवाळो विषय है, पण अठै थोडै में उणरी चरचा जरूरी है। सरकार रा जिका विभाग पाण्डुलिपियां रो वैज्ञानिक ढंग सूं संरक्षण करै, उणमें बीकानेर रो राजस्थान राज्य अभिलेखागार ई अेक महताऊ विभाग है। औ विभाग आपरै अठै संग्रहीत पाण्डुलिपियां माथै वातावरण रै प्रभाव रो अध्ययन करनै सार-संभाळ री अैड़ी विधियां रो निर्माण करै जिणसूं आं पाण्डुलिपियां पर वातावरण रो प्रभाव घटायो जाय सकै। अठै उण माथै वातावरण तापक्रम, तेज हवा सूं उडण आळै धूडै अर बरसां री नमी आद रा प्रभाव साथै हानिकारक कीड़ा-मकोड़ा सूं इणनै छुटकारो दिरावणो उल्लेख जोग है। इण सारू पाण्डुलिपियां नै अेयर कंडीशनर कोठां में अेक तै तापक्रम (22 सूं 25 डिग्री सेन्टीग्रेड अर 45 सूं 55 आर्द्रता) में राखण रो प्रावधान है। साथै ई वैज्ञानिक विधि सूं उण कोठां नै साफ-सुधरा राख्या जावै है। जीर्ण-शीर्ण पाण्डुलिपियां री वैज्ञानिक तरीकां सूं मरम्मत रो काम ई हुवै। इणमें लेमोनेशन पद्धति, टीशूरिपेयर, सीफोन रिपेयर अर विविध भान्त री मरम्मतां आयातित अर देसी सामग्री सूं करी जावै।

पाण्डुलिपियां नैं कीटाणुआं सूं भुगत राखण सारू कई तरै रा रासायनिक प्रद्युमनां (थाइमल क्रिस्टल अर पेराडाईक्लोरोबेंजिन) सूं गुजारणी पड़ै।

पाण्डुलिपियां रै चार-चार हाथ लगावण सूं भी उणारै नष्ट हुवण रो खतरा रैवै। इण खातर शोधार्थियां रै उपयोग सारू आधुनिकतम माइक्रो-फिल्म कैमरां रै माध्यम सूं 35 अेम. अेम. री फिल्म पर पाण्डुलिपियां रा अणुचित्र लेयनै माइक्रो फिल्म रीडर पर उणनै पढ़ण री सुविधा दिरीजै है। पाण्डुलिपि रा मूळ-पाठ री सुरक्षा सारू औ जरूरी है कै उणनै कम सूं कम काम में ली जावै। इण सारू शोधार्थी उणरी माइक्रोफिश या माइक्रो-डिस्क सूं काम चला सकै। पाण्डुलिपियां नैं उण रा मूळ आकार में राखण सारू उणीं आकार रा विशेष डिब्बा (कार्टून बॉक्स) बणायनै उणमें कीटाणुनाशक रसायनां रो प्रयोग करता धकां राखणी जरूरी है। इणसूं बै कम सूं कम हिलै खुलै अर बाहरी अम्लीय वातावरण सूं कम सूं कम प्रभावित हुवै। जतै जरूरी हुवै बठै कागद री उमर बघावण आळा रासायनिक घोट्यां (केल्सियम हाईड्रोआक्साइड अर केल्सियम बाइकार्बोनेट) सूं पाण्डुलिपियां नैं गुजारी जाय सकै, पण औ सगळा काम घणी सावचेती सूं करणा चाहीजै नींतर लिपि जांखी पड़ सकै हैं या प्रतिक्रिया हुयनै नष्ट हुय भी हुय सकै है।

शोध री नूची विधावां रै साथै राजस्थानी भाषा री पाण्डुलिपियां रो महत्त्व ई मोकळा बघयो है। हिन्दी अर राजस्थानी भाषा साहित्य शोध कार्य मांय आं पाण्डुलिपियां रो खासो उपयोग हुंवतो रह्यो है। पण आज 17वीं सदी सूं लगायनै 18वीं सदी रै राजस्थान रै सामाजिक अर आर्थिक इतिहास रो शोध कार्य राजस्थानी भाषा साहित्य रो आं पाण्डुलिपियां रै अभाव में अधूरो मान्यो जाय रह्यो है। इतिहास रा अध्येता आं पाण्डुलिपियां नैं जोवता फिर रह्यो है। मारवाड़ी अर राजस्थानी भाषा री दूजी बोल्यां री औ पाण्डुलिपियां आज सरकारी अर गैर सरकारी शोध-संस्थावां रै साथै निजु लोगां कनै सुरक्षित है। सरकारी अर गैर सरकारी शोध-संस्थावां तो आंरो संरक्षण वैज्ञानिक तरीकै सूं कर रह्यो है पण निजु लोग आज ई आंरो संरक्षण परम्परागत रूप सूं ई कर रह्यो है। नीम रा पत्तां अर हळदी मांय राख्योड़ी पाण्डुलिपियां आज ई मोकळा घरां में देखी जाय सकै है।

इण पाण्डुलिपियां रै मांय उणरै रचनाकाल री सांस्कृतिक, खास करनै सामाजिक, आर्थिक, धार्मिक अर प्रशासनिक जाणकारी भरपूर रूप में मिलै है। इण कारण सूं आं पाण्डुलिपियां री अंवेरे अर सार-संभाव जरूरी है। आ बात आपां नैं जाण लेवणी चाहीजै कै राजस्थानी भाषा री घणकरी पाण्डुलिपियां कागद माथै ई लिख्योड़ी मिलै है। औ कागद पुराणा कपड़ै रा चींधरा अर दरखतां सूं मिलण आळै पल्प सूं बणायो जावतो रह्यो है। समै रै साथै इण कागद रो अपकृष्ट हुवणो सुभाविक है। पैली रै

जमाने में आपणा पुरखा इण वात सूं परिचित हा, इण खातर संस्कृत भाषा रा पाण्डुलिपिकार तो पाण्डुलिपि रै अन्त में पाण्डुलिपि नें सुरक्षित राखण रा तरीका भी लिख्या करता हा। पण राजस्थानी भाषा री पाण्डुलिपियां में अै नुम्खा देखण में नौ आया। लारला सौ सालां मांय कागद नें लेयने तरै-तरै रा अनुसंधान हुया अर होय रह्यो है। वैज्ञानिकां पुराणै कागद नें अपकृष्टता सूं बचावण सारू घणा उपाय यताया है। इणरै साथै ई अपकृष्ट हुयोड़ा कागद जद फाटण अर बड़कण लाग जावै तो उणरी किण भान्त मरम्मत करणी चाहौजे, इण पर उजास नांख्यो है। कागद री अपकृष्टता रै कारणों माथै विचार करां उणसूं पैलां औ ई जाण लेवणो जरूरी है कै कागद रा वैरी कुण-कुण हुवै है।

धूड़, सूरज रो सीधो उजास, तापक्रम, नमी, प्रदूषण, आग अर जैविक जीव-जन्तु आद कागद नें मौको लागतां ई नुकसाण पुगावण नें तयार रैवै है। इण रो खुलासो इण भान्त है। धूड़ रा कण कागद नें क्षति पुगावण मांय सक्षम हुवै। कागद रो मुख्य अवयव सेल्यूलोज फाइबर हुवै है जिकै नें धूड़ रा कण काटणो सरू कर देवै। इणसूं कागद कमजोर हुयने बड़कण री स्थित मांय पूग जावै। इणरै साथै ई कागद पर पड़योड़ा धूड़ रा आं कणां माथै जद नमी आपनै केन्द्रित कर लेवै तो कागद री अपकृष्टता ओरूं बध जावै। इण भान्त आपा देखां कै धूड़ रा कण कागद नै खासा नुकसाण पुगाय सकै है। पाण्डुलिपि पर सूरज रो सीधो उजास पड़ण सूं कागद तर-तर पीळो पड़ण लाग जावै। साथै ई उणमें नमी री मात्रा भी सूखण लागै। इणसूं कागद बड़कणो सरू हुय जावै। सूरज रो रोशनी सूं कागद माथै स्याही सूं लिख्योड़ा आखरां रो भी फोटो केमीकल ओक्साइडेशन हुय जावै, जिणसूं आखरां नें पढ़णो मुश्किल हुय जावै। कागद माथै अणूतो तापमान ई आपरो प्रभाव गेरै। इणसूं कागद पीळो पड़ जावै। इणीं भान्त साव कम तापमान भी कागद वास्तै हानिकारक हुवै है। कम तापमान मांय कागद रा जैविक शत्रुआं नें पनपणै में घणी मदत मिलै। घणी नमी ई कागद सारू नुकसाण पुगावै। वायुमण्डळ में व्याप्त वाष्पीय पाणी री मात्रा ही अपेक्षित आर्द्रता प्रदर्शित कर्या करै। तापमान बधण अर बिरखा रै दिनां में इण अपेक्षित आर्द्रता मांय कमी-बेसी हुंवती रैवै। अपेक्षित आर्द्रता मांय जठै कमी आवण सूं कागद में बड़कण बधण लाग जावै, बठै ई अपेक्षित आर्द्रता री मात्रा बधण सूं फफूंद, दीमक अर दूजा जैविक शत्रु पनपण लाग जावै। इणरै साथै ई कागद माथै घब्बा, स्याही रा चकदा आद बणण लाग जावै। तेजी सूं बधतो औद्योगीकरण अर उणसूं निकळण आळी दूषित गैसां नें फैलण सूं रोकण वास्तै पुख्ता बंदोबस्त नौ हुवण सूं जठै वायुमण्डळीय प्रदूषण सूं मानव-जीवन कठिनाई अनुभव कर रह्यो है, बठै ई पाण्डुलिपियां रा कागद ई इण प्रदूषण रै कारण संकट मे है। प्रदूषण सूं कागद मांय अम्लता बधै जिणसूं कागद री

अपकृष्टता घघण लाग जावै।

ऊपर आपां कागदां रा भौतिक शत्रुआं री जाणकारी ली, अबै थोड़ो विचार जैविक शत्रुआं माथै ई करलां। आपां सगळा जाणां हा कै फफूंद खाण-पीण री चीजां साथै कपड़ां अर कागदां माथै ई आपरो वास कर लेवै। अै अणूता नैना-नैना जीव हुवै जिका हर जाग्यां विद्यमान रैवै। अै जीव कागद सूं आपरो भोजन भी प्राप्त करै। इणसू कागद कमजोर पड़ण लाग जावै। इणरै साथै ई आं जीवां रा हाइफा ई कागद माथै भेळा हुय जावै जिणसू कागद माथै दाग अर धब्बा वण जावै। रजतमीन अेक पंखरहित चांदी रै रंग जिसो कीड़ो हुवै जिको रात री बगत घणो सक्रिय रैवै। औ कीड़ो कम ताप अर घणो नमी साथै अंधारो पसन्द करै। कागद मांय कठैई लेई लाग्योड़ो हुवै का कागद नै चमकावण सारू जिका पदार्थ उण मांय हुवै बांनै रजतमीन खावती रैवै। इणसू कागद मांय जाग्यां-जाग्यां तीणां हुय जावै। इणरै साथै ई तिलचट्टा ई लेई, कपड़ै अर गूंद नै खावण सारू कागद नै नुकसाण पुगावै। दोमक इण जैविक शत्रुआं मांय सगळां सूं खतरनाक गिणीजै, जिणनै आपां उदाई कैवां। दोमक, जमीन अर लकड़ी दोनू मांय रैवै अर आपरी सुरक्षा सारू मिट्टी री सुरंग वणायनै उणमें वास करै। कागद इणरो स्वादिष्ट भोजन हुवै। इणसू पाण्डुलिपियां रो कितां भारी नुकसाण हुवै, आपां आछी तरै जाणां हां। उदाई (दोमक) रै अलावा ऊंदरा ई कागद नै कुतरै।

ऊपर बतायांड़ा कागद रा जैविक शत्रुआं रै अलावा जका शोध अध्येता आं पाण्डुलिपियां रो उपयोग करती बगत सावचेती नीं बरतै, वै इणरा सगळा सूं बडा दुस्मीं है। घणकरा शोध अध्येता पाण्डुलिपि नै आपरै शोध वास्तै इण भान्त तक खोलण री चेष्टा करै कै उणरा टांका टूट जावै। कई अध्येता पाण्डुलिपि मांय पेन अर पेंसिल सूं लाइणां तकात पाड़ण सूं नीं चूकै। इणरै साथै ई जे बख पड़ जावै तो पूरो आधो पानो ही फाड़नै ले जावै। खुद काम में लेवण पछै दूसरो उणरो उपयोग नीं कर सकै, इण बात नै ध्यान में राखनै पाण्डुलिपि रा पाना भी उलट-पुलट कर देवै।

पाण्डुलिपियां नै नष्ट हुवण सूं बचावण अर उणरी सार-संभाळ अर पुख्या अंवेर सारू नीचै मंड्योड़ी बातां रो ध्यान राखणो चाहीजै—

1. जिण कमरै मांय पाण्डुलिपियां राखी जावै, उणमें हवा रो सांतरो आव-जाव रैवणो चाहीजै अर खंख नै धूड़ सूं बचावण सारू वैक्यूम क्लीनर उपयोग में लावणो चाहीजै। कमरै में निकास पंखा ई खासा उपयोगी साबित हुवै।

2. जे संभव हुवै तो कमरै रो तापमान 22 डिग्री सेण्टीग्रेड सूं 25 डिग्री सेण्टीग्रेड रै बिचाळै राखणो चाहीजै। साथै ई अपेक्षित आर्द्रता 45 प्रतिशत सूं 55 प्रतिशत राखणी चाहीजै। इणसू पाण्डुलिपि घणै ताप अर नमी सूं हुवण आळा खतरां सूं निजात पाय सकै।

जमाने में आपणा पुरखा इण बात सूं परिचित हा, इण खातर संस्कृत भाषा रा पाण्डुलिपिकार तो पाण्डुलिपि रै अन्त में पाण्डुलिपि नै सुरक्षित राखण रा तरीका भी लिख्या करता हा। पण राजस्थानी भाषा री पाण्डुलिपियां में अै नुस्खा देखण में नों आया। तारला सौ सालां मांय कागद नैं लेयनै तरै-तरै रा अनुसंधान हुया अर होय रह्या है। वैज्ञानिकां पुराणै कागद नैं अपकृष्टा सूं बचावण सारू घणा उपाय बताया है। इणरै साथै ई अपकृष्ट हुयोड़ा कागद जद फाटण अर बड़कण लाग जावै तो उणरी किण भान्त भरम्मत करणी चाहीजै, इण पर उजास नांख्यो है। कागद री अपकृष्टा रै कारणों माथै विचार करां उणसूं पैलां औ ई जाण लेवणो जरूरी है कै कागद रा बैरी कुण-कुण हुवै है।

धूड़, सूरज रो सीधो उजास, तापक्रम, नमी, प्रदूषण, आग अर जैविक जीव-जन्तु आद कागद नैं मौको लागतां ई नुकसाण पुगावण नैं तयार रैवै है। इण रो खुलासो इण भान्त है। धूड़ रा कण कागद नैं क्षति पुगावण मांय सक्षम हुवै। कागद रो मुख्य अवयव सेल्यूलोज फाइबर हुवै है जिकै नैं धूड़ रा कण काटणो सरू कर देवै। इणसूं कागद कमजोर हुयनै बड़कण री स्थित मांय पूग जावै। इणरै साथै ई कागद पर पड़योड़ा धूड़ रा आं कणां माथै जद नमी आपनै केन्द्रित कर लेवै तो कागद री अपकृष्टा ओरूं बध जावै। इण भान्त आपां देखां कै धूड़ रा कण कागद नैं खासा नुकसाण पुगाय सकै है। पाण्डुलिपि पर सूरज रो सीधो उजास पड़ण सूं कागद तर-तर पीळो पड़ण लाग जावै। साथै ई उणमें नमी री मात्रा भी सूखण लागै। इणसूं कागद बड़कणो सरू हुय जावै। सूरज री रोशनी सूं कागद माथै स्याही सूं लिख्योड़ा आखरां रो भी फोटो केमीकल ओक्साइडेशन हुय जावै, जिणसूं आखरां नैं पढणो मुश्किल हुय जावै। कागद माथै अणूतो तापमान ई आपरो प्रभाव गेरै। इणसूं कागद पीळो पड़ जावै। इणीं भान्त साव कम तापमान भी कागद वास्तै हानिकारक हुवै है। कम तापमान मांय कागद रा जैविक शत्रुआं नैं पनपणै में घणी मदत मिलै। घणी नमी ई कागद सारू नुकसाण पुगावै। वायुमण्डल में व्याप्त वाष्पीय पाणी री मात्रा ही अपेक्षित आर्द्रता प्रदर्शित कर्या करै। तापमान बधण अर बिरखा रै दिनां में इण अपेक्षित आर्द्रता मांय कमी-बेसी हुंवती रैवै। अपेक्षित आर्द्रता मांय जठै कमी आवण सूं कागद में बड़कण बधण लाग जावै, बठै ई अपेक्षित आर्द्रता री मात्रा बधण सूं फफूंद, दीमक अर दूजा जैविक शत्रु पनपण लाग जावै। इणरै साथै ई कागद माथै घब्बा, स्याही रा चकदा आद बणण लाग जावै। तेजी सूं बधतो औद्योगीकरण अर उणसूं निकलण आळी दूषित गैसां नैं फैलण सूं रोकण वास्तै पुख्ता बंदोबस्त नों हुवण सूं जठै वायुमण्डलीय प्रदूषण सूं मानव-जीवन कठिनाई अनुभव कर रह्यो है, बठै ई पाण्डुलिपियां रा कागद ई इण प्रदूषण रै कारण संकट में है। प्रदूषण सूं कागद मांय अम्लता बधै जिणसूं कागद री

अपकृष्टता बघण लाग जावै।

ऊपर आपां कागदां रा भौतिक शत्रुआं री जाणकारो ली, अबे थोड़ो विचार जैविक शत्रुआं माथे ई करलां। आपां सगळा जाणां हा कै फफूंद खाण-पीण री चीजां साथे कपड़ां अर कागदां माथे ई आपरो वास कर लेवै। औ अणूता नैना-नैना जीव हुवै जिका हर जाग्यां विद्यमान रैवै। औ जीव कागद सूं आपरो भोजन भी प्राप्त करै। इणसूं कागद कमजोर पड़ण लाग जावै। इणरै साथे ई आं जीवां रा हाइफा ई कागद माथे भेळा हुय जावै जिणसूं कागद माथे दाग अर धब्बा बण जावै। रजतमीन अक पंखरहित चांदी रै रंग जिसो कीड़ो हुवै जिकां रात री बगत घणो सक्रिय रैवै। औ कीड़ो कम ताप अर घणी नमी साथे अंधारो पसन्द करै। कागद मांय कटैई लेई लाग्योड़ी हुवै का कागद नें चमकावण सारू जिका पदार्थ उण मांय हुवै बांनै रजतमीन खावती रैवै। इणसूं कागद मांय जाग्यां-जाग्यां तीणां हुय जावै। इणरै साथे ई तिलचट्टा ई लेई, कपड़े अर गूंद नें खावण सारू कागद नें नुकसाण पुगावै। दीमक इण जैविक शत्रुआं मांय सगळां सूं खतरनाक गिणोजै, जिणनै आपां उदाई कैवां। दीमक, जमीन अर लकड़ी दोनूं मांय रैवै अर आपरो सुरक्षा सारू मिट्टी री सुरंग बणावनै उणमें वास करै। कागद इणरो स्वादिष्ट भोजन हुवै। इणसूं पाण्डुलिपियां रा कित्तो भारो नुकसाण हुवै, आपां आछी तरै जाणां हां। उदाई (दीमक) रै अलावा ऊंदरा ई कागद नें कुतरै।

ऊपर बतायोड़ा कागद रा जैविक शत्रुआं रै अलावा जका शोध अध्येता आं पाण्डुलिपियां रा उपयोग करती बगत सावचेती नों बरतै, वै इणरा सगळा सूं बडा दुस्मीं हें। घणकरा शोध अध्येता पाण्डुलिपि नें आपरै शोध वास्तै इण भान्त तक खोलण री चेष्टा करै कै उणरा टांका टूट जावै। कई अध्येता पाण्डुलिपि मांय पेन अर पेंसिल सूं लाइणां तकात पाड़ण सूं नों चूकै। इणरै साथे ई जे बख पड़ जावै तो पूरो आधो पानो ही फाड़नै ले जावै। खुद काम में लेवण पछै दूसरो उणरो उपयोग नों कर सकै, इण बात नें ध्यान में राखनै पाण्डुलिपि रा पाना भी उलट-पुलट कर देवै।

पाण्डुलिपियां नें नष्ट हुवण सूं बचावण अर उणरी सार-संभाळ अर पुख्या अंवेर सारू नीचै मंड्योड़ी बातां री ध्यान राखणो चाहीजै-

1. जिण कमरै मांय पाण्डुलिपियां राखी जावै, उणमें हवा री सांतरो आव-जाव रैवणो चाहीजै अर खंख नै धूड़ सूं बचावण सारू वैक्युम क्लीनर उपयोग में लावणो चाहीजै। कमरै में निकास पंखा ई खासा उपयोगी साबित हुवै।

2. जे संभव हुवै तो कमरै री तापमान 22 डिग्री सेण्टीग्रेड सूं 25 डिग्री सेण्टीग्रेड रै बिचाळै राखणो चाहीजै। माथे ई अपेक्षित आर्द्रता 45 प्रतिशत सूं 55 प्रतिशत राखणी चाहीजै। इणसूं पाण्डुलिपि घणै ताप अर नमी सूं हुवण आळा खतरां सूं निजात पाय सकै।

3. जिण कमरै में पाण्डुलिपियां राखीजै उणरो भीतां अर आंगणा पक्का हुवणा चाइजै। आंगणै अर भीतां मांय सुराख अर तरेड़ आद नौं हुवणी चाहीजै। साथै ई कमरै रा किंवाड़ अर बात्थां रै बारलै पासै छाजा हुवणा जरूरी है। इणसूं बिरखा अर तावड़ै सूं पाण्डुलिपियां बच सकै। किंवाड़ ई आंगणै सूं भिड़योड़ा हुवणा चाहीजै। छेती रह्यां सूं पाण्डुलिपि पर बिरखां री छांटां अर सूरज रो किरणां रो प्रभाव तो पड़ै ई है, ऊंदरा अर दूजा जीव ई कमरै में आसानी सूं घुसनै पाण्डुलिपियां नैं कुतर सकै है। कमरै मांय डबल-डोर सिस्टम हुवै ओर ई आछी बात है।

4. कमरै मांय सीधी सूरज री रोशनी नौं पड़ै, इण वास्तै दरवाजां अर बात्थां माथै हळकै पीळै, केसरिया या हरै रंग रा परदा लगावणा चाहीजै। कमरै मांय फ्लोरोसेण्ट लाइट रो उपयोग करणो चाहीजै। उण लाइट माथै भी काच या प्लास्टिक कवर रैवण सूं नुकसाण पुगावण आळी एक्टिनिक रेंज सूं बचाव हुय जावै।

5. पाण्डुलिपियां नैं संभावित आग रै खतरै सूं बचावण सारू कमरै रै बारै कार्बन डाई आक्साइड रा आग बुझावण आळा यंत्र लगावणा जरूरी है। इणरै साथै ई चार-पांच बेकळू रेत सूं भत्तोड़ी बाल्टियां भी बारै तयार राखणी चाहीजै। आग बुझावण सारू पाणी रो ई कनै जाबतो राखणो चाहीजै। अेक बात रो खास ध्यान राखणो जरूरी है कौ आग बुझावण आळा यंत्रां री हर छह महीनां मांय चैकिंग कर लेवणी चाहीजै अर उणरै संचालन री जाणकारी बठै बैठणियां कर्मचार्यां नैं बरोबर रैवणी चाहीजै। आजकल धूवै अर आग री तुरत सूचना देवण आळा यंत्र भी कमरा मांय लगाया जाय सकै है। फायर अलार्म इण दीठ सूं आछो यंत्र है।

6. कमरै मांय हीटर अर दूजा ज्वलनशील पदार्थ नौं राखणा चाहीजै। बिजली रा तारां नैं कंडूप पाइप रै मांय-मांय अेक जाग्यां सूं दूजी जाग्यां लेजावणा चाहीजै। बिजली रो ओटोमैटिक पावर सर्किट लगावण सूं शॉर्ट-सर्किट सूं बचाव हुय सकै।

7. कमरै मांय पाण्डुलिपियां नैं राखण वास्तै स्टील रा रेक अर स्टील री आलमात्थां रो प्रयोग करणो ठीक रैसी। स्टील रेक्स नैं जंग आद सूं बचावण वास्तै डस्ट प्रूफ आलीव ग्रीन रंग उपयुक्त रैवै। कमरै रै मांय रेक्स अर आलमात्थां आंगणै, छत अर भीतां सूं 15 सेण्टीमीटर दूर राखणी चाहीजै, जिणसूं दीमक आद बठै तक आसानी सूं पूग नौं सकै। बिंयां खुला रेक आलमात्थां सूं ज्यादा ठीक रैवै। इणों भान्त पाण्डुलिपियां राखण सारू भवन अर उणरै अन्दर री व्यवस्था सारू 15.11.2663 "Code of practice For the basic elements in Design of Building For Archives" नैं अपनावणो चाहीजै।

8. पाण्डुलिपियां नैं जठै ताई संभव हुवै अैसिड फ्री फोल्डरां रै बिचाळै राखनै कार्टून बॉक्स रै मांय ई राखणी चाहीजै। जे आ व्यवस्था संभव नौं हुवै तो दो प्लाइवुड

री तख्तियां रै बाँच मांय राखनै उणनै रस्सी सू बांधनै राखणी चाहीजै। इणसू ताप, प्रकाश, नमी अर प्रदूषण रो इण माथै कम प्रभाव पड़ै।

9. पाण्डुलिपियां माथै कदैई किणी तरै रो केमिकल या इनसेक्टोसाइड नौ छिड़कणो चाहीजै। जे जरूरी हुवै तो नेफतलिन बाल या उणरी ईट नैं अेक कपड़ै मांय बांधनै पाण्डुलिपियां रै कनै रेक माथै राख देवणो चाहीजै।

10. कमरै मांय किणीं तरै रो धूम्रपान अर खाणो-पीणो नौ करणो चाहीजै। कदै-कदैई पाण्डुलिपि नैं निकाळनै अजवायण रै सत सू फूमीगेशन चैम्बर धूवो दिरावणो ई पाण्डुलिपि रै वास्तै ठीक रैवै।

11. इणीं भान्त जैविक शत्रुआं, खास करनै फफूंद, रजतमीन, तिलचट्टा अर ऊंदरां सू बचाव वास्तै कमरै मांय 10 प्रतिशत थाइमोल अेलकोहल रै घोळ रो छिड़काव, बोरिक अम्ल आटै में मिलायनै आंगणै छिड़कणो घणो कारगर रैवै।

12. उदाई (दोमक) सू बचाव वास्तै पूरै भवन, जिणमें पाण्डुलिपियां पड़ी है, उणरै च्यारूमेर गहरी सुरंग बणायनै उण मांय एलिड्रन न्हाख देवणो चाहीजै, रेक अर आलमारी माथै क्रीसोट ऑयल रो लेप करणो चाहीजै।

ऊपर आपां कागद मांय अपकृष्टता नौ बधै, उणरै बचाव रा उपावां माथै विचार कर्यो। अवै जिकी पाण्डुलिपियां रा कागद पैली सू ई अपकृष्ट हुयांडा है अर शल्यक्रिया बिना उणांरो उद्धार नौ हुय सकै उण माथै विचार करां। अठै अेक यात बतावण जोग है कै आज सू सौ-दो सौ साल पैली कागद माथै जिकी काळी स्याही रो उपयोग कर्यो जावतो हो, बा पाणी में घणी घुळण आळी नौ हुंवती। इण खातर जिकी पाण्डुलिपि री किणीं ढंग री मरम्मत करणो हुवै उणसू पैलां जे संभव हुवै तो उण रो डी-अेसिडिफिकेशन कर लियो जावणो चाहीजै। पण पैली इण बात री पक्की देखभाळ कर लेवणो जरूरी है कै कागद री स्याही पाणी में घुळण आळी तो नौ है। आपां पैली चरचा कर चुक्या हां कै कागद मांय पैली सू ही अम्लता हुवै अर बा धीरै-धीरै बघती रैवै। इणसू कागद दिनोदिन बोदो हुंवतो रैवै। इण खातर जे मरम्मत हुवण आळै कागद री अम्लता आपां समाप्त करदां तो कागद बोदो हुवण सू बच सकै है। कागद री इण डी अेसिडिफिकेशन री प्रक्रिया आपां वास्तै जरूरी है। अेक बाल्टी या परात मांय पांच सू दस प्रतिशत केलिसियम हाईड्रोआक्साइड मैग्नेशियम बाई कार्बोनेट रो पाणी मांय घोळ बणायनै पाण्डुलिपि रै कागद नैं उण मांय आखी तरयां भिंजोवणो चाहीजै अर थोड़ी देर उण मांय राख्यां पछै बारै काढनै छियां या हवा में सुखाय देवणो चाहीजै। इणसू कागद री अम्लता बाल्टी मांय रैय जावै अर कागद अम्लरहित हुय जावै। इण पछै कागद री अवस्था नैं ध्यान में राखनै मरम्मत करणी चाहीजै। अठै आ बात बतावण जोग है कै सळ पड़्योडै अर मुड़्योडै कागद नैं सबसू पैली दो ब्लोटिंग पेपर रै बिचाळै राखनै उण

माथे रूई सूं नमी देवणी चाहीजै। इणसूं कागद रा सळ निकळ जावै अर मरम्मत मांय आसानी हुय जावै। ज्यादातर पाण्डुलिपियां रा हासिया कट-फट जावै। इण बात न ध्यान में राखनै हैण्डमेड पेपर या टिशू पेपर री अेक सूं डेढ इंच चौड़ी पट्टी काटनै कागद रै हासियै माथे चप देवणी चाहीजै। इणी भान्त पाण्डुलिपि री कागद जिको कमजोर हुयग्यो हुवै अर जिको अेक कानीं सूं ही लिख्योड़ो हुवै, उणरै लारलै पासै हैण्डमेड पेपर या टिशू पेपर सूं पूर्ण लेपन रै रूप में चिपका देवणो चाहीजै। कागद री इण मरम्मत मांय मैदा, लेई या सीअेमसी पेस्ट री इस्तेमाल करग्यो जावणो चाहीजै। गूंद री उपयोग बिलकुल नैं करणो चाहीजै। इणरै अलावा जे कागद अेकदम बड्क जावै अर बीच मांय सूं फाट जावै तो उणरी मरम्मत हैण्डलेमीनेशन पद्धति सूं ई करणी चाहीजै। इण पद्धति मांय कागद नैं सेल्यूलोज अेसीटेट फाइल अर टिशू पेपर रै बिचाळै राखनै अेसीटोन सूं पर्तावरित कर दियो जावै। आजकल हैण्ड लेमीनेशन सूं मरम्मत सबसू उपयुक्त मानीजै है। अबै तो मरम्मत री दायरो खासो बधग्यो है। फ्लेटनिंग, वाशिग अेंड रिमूवल ऑफ स्ट्रेसेज, ट्रीटमेण्ट ऑफ फेड इके, री एनफोर्सिंग ऑफ पेपर बाई ग्लेजिंग, साइजिंग, भाउटिंग, इनलेयिंग, सीफोन, टिशू पेपर, लेमीनेशन अर बाइडिंग आद मरम्मत उल्लेख जोग है।

आजकाल अभिलेख वैज्ञानिकां री मानणो है कै पाण्डुलिपि रै बार-बार हाथ लगावण सूं उणनैं नुकसाण हुवण री खतरो बण्यो रैवै क्युकै अध्येता वर्ग आप आपरी दीठ सूं उणरो उपयोग करती वगत तोड़-मरोड़ देवै। इण खातर पाण्डुलिपि धारकां नैं आ सलाह दिरीजै कै बै मूळ पाण्डुलिपि नैं तो संभाळनै राखै अर उणरी माइक्रोफिल्म, फाटोग्राफ, वीडियो/ऑडियो टेप अर कम्प्यूटर शीट तयार करनै अध्येतावां नैं देवै।

इण भान्त जे पाण्डुलिपियां री आपां अंवेर अर सार-संभाळ करां तो आपणी इण अभिलेख रूपी अमोलक धरोहर री हजारी उमर हुय सकै।

•

इतिहास रा साक्षी निजू अभिलेखागार

आज रै प्रशासनिक युग में राजकीय व्यवस्था में चौतरफै विगसाव रै कारण अभिलेखां रै सृजन में मोकळी अभिवृद्धि हुंवती निजर आवै है। इणरै साथै प्रशासन चलावण आळा विभागां रा आप-आपरा अलग-अलग रिकार्ड रूम भी अस्तित्व में आया है, जिणां नैं आजकाल अभिलेखागार रै नांव सूं ओळखीजै, जाणीजै। आं अभिलेखागारां रै प्रशासनिक महत्त्व नैं समझनै भारत रा सगळा राज्यां भी आपरा प्रान्तीय अभिलेखागार कायम कर्त्ता है। आं अभिलेखागारां में रियासती शासनकाल सूं लगायनै आज रै सचिवालय में काम संपूरण हुवण सूं निर्मित अभिलेखां नैं राख्या जावै। केन्द्र में तो पैलां सूं ई अेक राष्ट्रीय अभिलेखागार मौजूद है।

स्वतंत्र भारत में इण अभिलेखागारां रो प्रशासन तंत्र चलावण मोकळो महत्त्व है। जे आ बात कह्यो जावै कै अै अभिलेखागार देस रो नींव रा आधार-धंभ है, तो कोई अतिशयोक्ति नीं गिणीजै। प्रशासन रै साथै-साथै अभिलेखागारां रो इतिहास लिखण रै काम में ई मोकळो महत्त्व रह्यो है। अभिलेखागारां में राख्योड़ी अभिलेख सामग्री आपारै अतीत रै काम-काज अर उपलब्धियां रो घणमोली निधि है। अभिलेख इतिहास रा इसा साक्षी है जिणसूं भूत अर वर्तमान रो समन्वय हुवै, इतिहास रो निर्माण हुवै अर ज्ञान-विज्ञान रै छेत्र में ई नूवी दिसा मिलै।

अभिलेखागार में राख्योड़ी सामग्री रो अध्ययन कर इतिहासकार आपरै समाज नैं इणमें वर्णित संस्थावां अर वारै कार्यछेत्रां रो दिग्दर्शन करावै। मोटी बात आ है कै अभिलेखागारां में रक्षित अभिलेख सामग्री नैं आधार बणायनै आज रो इतिहासकार देस रै आर्थिक, सामाजिक अर राजनैतिक विषयां सूं सम्बन्धित सूचना सामग्री अेकठ करनै उणनै उजास में लावण रो प्रयास कर रह्यो है। आज इतिहास लेखण रो ढंग भी बदळ्यो है। अबै इतिहास राजा लोगां रो उठा-पटक रो कहाण्यां ताई सीमित कोनीं रह्यो, वो उण बगत रै सामाजिक जीवन, आर्थिक बुनियाद अर बीं माथै टिक्योई समाज, कला, संस्कृति रो जाणकारी रो खास साधन बण्यो है। इणसूं उण समै रै लोगां रै जीवन रो रेलपेल, दुख-दरद अर नित नूवा बदळता रूपां रो बेरो पडै। इणरै साथै आजकाल आधुनिक इतिहास रो प्रशासनिक अर राजनैतिक गतिविधियां रै सागै-सागै विदेसी शासन अर राजतंत्रीय शोषण सूं लोहो लेवण आळा स्वतंत्रता सेनानियां रो कारगुजारियां माथै भी विशेष उजास न्हांखण रा प्रयास करीज रह्यो है। सरकारी अभिलेखागारां में इण बातां रो जाणकारी मुजब मोकळा अभिलेख देखण में आवै।

आमें अेक तो बै अभिलेख है जिका में मुगलकाल सूं लगायनै दूजै महाजुद्ध ताई घटित जुद्ध, सन्धियां अर दूजी राजनैतिक घटनावां रो जाणकारी मिलै। इण सामग्री रो लारलै बरसां में मोकळो उपयोग हुयो है अर उणरै आधार सूं सैकड़ ग्रन्थ प्रकाश में आया है। दूजी भान्त रै अभिलेखां में राजस्व अर वित्त सूं सम्बन्धित अभिलेख हैं, जिका

रो निर्माण शासन-तंत्र रै संचालन काल में हुयो है। राजस्थान राज्य अभिलेखागार, बीकानेर में इसा दोनू भान्त रा अभिलेख मिलै। दूजी भान्त रै अभिलेखां रो आज इतिहास लिखण में मोकळो महत्व है। राजस्व विभाग रा अभिलेख रियासती शासनकाल मे भारतीय किसानां री सामाजिक अर आर्थिक स्थिति माथै मोकळो प्रकाश पाड़ै। किसान रो समाज में कांई स्थान हो, कड़ी मैणत करण रै बाद भी बोयोड़ी उपज रो कितो भाग उणरै पल्लै पड़तो, किसानां पर किण-किण तरै रा कर लागता अर बां करां रै बोझ तळै वो किण तरै सूं दब्योड़ी हो, किसान नै किण-किण लोगां सूं रिण मिलता अर बीं नै कितो ब्याज चुकावणो पड़तो आद री सूचना राजस्व अभिलेखां में मिलै है। नीरखा बाजार रै अभिलेखां सूं उण बगत रा बाजार भाव ई उजागर हुवै है तो पुण्यार्थ अभिलेखां सूं उण बगत री धार्मिक अर सामाजिक स्थित विशेष रूप सूं आम आदमी ब्याव अर धार्मिक तिंवारों में जिका कृत्य करता उणां री जाणकारी रो उल्लेख मिलै। दूजै कानी वित्त सूं सम्बन्धित अभिलेखां में उण टेम रै विणज-व्यापार, खास करनै व्यापारी सरूप, व्यापारी मारग अर व्यापारी करां आद री मोकळी जाणकारी मिलै। इणरै साथै न्याव सूं सम्बन्धित अभिलेखां में पुराणै समै में झगड़ा निपटावण में पंचायतां री भूमिका अर स्थानीय न्याव व्यवस्था री भी जाणकारी मिलै।

इतिहास रै साक्षी रै रूप में सरकारी अभिलेखागारां रै साथै निजी (व्यक्तिगत) अभिलेखागारां रो ई मोकळो महत्व है। अै अभिलेखागार सामाजिक संस्थावां, राजनैतिक पार्टियां, रिटायर्ड प्रशासनिक अधिकारियां, रियासतकालीन जागीरदारां, महन्ता, महाजनां अर स्वतंत्रता सेनानियां आद रा है।

जन-साधारण री निजरां में निजी अभिलेखागार घणा महत्वपूर्ण कोनों, पण असलियत दूजी है। निजी अभिलेखागारां में सुरक्षित अभिलेखां रो चोखो तरयां सूं अध्ययन करयो जावै तो ठा पड़ै कै अै अभिलेखागार सरकारी अभिलेखागारां सूं ई कई बातां में ज्यादा महताऊ है। इणां री अभिलेखांय सामग्री सरकारी अभिलेखां में मिलण आळा संदर्भा रै पूरक रो काम करै अर इतिहास री उण घणकरी दूट्योड़ी कड़ियां नै जोड़ण रो काम करै जिकी कई बार सरकारी अभिलेख सामग्री में कोनो मिलै।

कैवण रो मतलब औ है कै आलोचनात्मक अर क्रमबद्ध रूप में राजनैतिक क्रियाकळापां रो अध्ययन जद ताई संभव कोनों हुवै जठां लग कै सरकारी अभिलेखां रो अध्ययन आं निजी अभिलेखागारां रै अभिलेखां साथै नौं करयो जावै। इतिहासकार स्वतंत्रता आन्दोलन रो इतिहास लिखण री बगत किणी आन्दोलन में मुख्य लोगां री कारज खिमता रो मूल्यांकन उणां री व्यक्तिगत डायरियां अर पत्रां रै आधार सूं ज्यादा आछी तरै कर सकै बनिस्पत कै सरकारी अभिलेखा सूं। सरकारी अभिलेख तो फगत उण लोगां रै राजनैतिक क्रियाकळापां ताई सीमित हुवै है जद कै व्यक्तिगत अभिलेख जियां आत्मकथावां, संस्मरण आद बांरै जीवन रै हरेक पहलु नै उजागर करै। इणीं भान्त किणीं व्यक्ति विशेष रै कनै उणरै समकालीन घटण आळी घटनावां रो विवरण

लिख्योड़ो हुवै तो उण रो अध्ययन करयां उण बगत रै सरकारी अभिलेखां रै तथ्यां माथै खास उजास पड़ सकै।

धार्मिक संस्थावां में सुरक्षित अभिलेख विशेष रूप सू मंदिर, गिरजाघर, मस्जिद, गुरुद्वारा रो भी मोकळो महत्त्व है। आं धार्मिक संस्थावां रा अभिलेख अेकदम सूं सांमी आवणा मुश्किल है। अै अभिलेख समकालीन धार्मिक अर सामाजिक तथ्यां नै सांमै लावै। निजू अभिलेखां अर व्यापारिक संस्थावां में उपलब्ध अभिलेखां रो महत्त्व ई कम कोनों। इण अभिलेखां रो समकालीन सरकारी अभिलेखां रै साथै अध्ययन करनै इतिहास, देस, समाज अर सरकार रै आर्थिक अर सामाजिक इतिहास नै सांवठै ढंग सूं प्रस्तुत करयो जाय सकै। इणां भान्त राजनैतिक दळां जियां कांग्रेस पार्टी, जनता पार्टी, न्यारी-न्यारी कम्युनिस्ट पार्टियां अर भारतीय जनता पार्टी आद रा अभिलेखागारां रो भी इतिहास लिखण में कम महत्त्व कोनों। आपारै देस रो शासन मुख्य रूप सूं इण दळां रै प्रतिनिधियां रै मार्फत ई चालतो आयो है। आं राजनैतिक दळां रै अधिकार में उपलब्ध अभिलेखां सूं आं दळां रो नीतियां, योजनावां अर कार्यकळापां रो देस रै उत्थान अर पतन में काई योगदान रह्यो हँ इणरो जाणकारी मिलै। इणरै साथै ई दूजी सामाजिक संस्थावां में उपलब्ध अभिलेखां सूं भी आपारै सामाजिक जीवण रो संपूरण झांकी देखी जाय सकै।

राजस्थानी अभिलेखां में साहित्य, संस्कृति अर पर्यटन विकास

इतिहास इण बात रो साक्षी है कै हरेक देस अर शासनकाल में आप आपरी कला अर संस्कृति रै विकास सारू घणो काम करीज्यो अर आ परम्परा आज ई कायम है। इणसूं राजस्थान रा पुराणां रजवाड़ा ई अछूता कोनी हा। आज राजस्थान में कला अर संस्कृति रै विकास सारू अकादमियां रो जाळ बिछायो जाय रह्यो है अर पर्यटन रो संभावना बधावण सारू नूवी-नूवी योजनावां बणायो जाय रह्यो है। अै अकादमियां अर पर्यटन विभाग आप आपरै अतीत रो जाणकारी सूं सांगीड़ो लाभ लेय सकै है। उणारै अतीत रो आधार-सामग्री है सैकड़ां बरसां पुराणा राजकीय अभिलेख, जिका आज राजस्थान रै विभिन्न भागां रै साथै राजस्थान राज्य अभिलेखागारां में उपलब्ध है। अठै बतावण जोग बात आ है कै अेकलै राजस्थान राज्य अभिलेखागार में राजस्थानी भाषा में लिख्योड़ा अभिलेख लाखां रो संख्या में सुरक्षित है। अठै इण अभिलेख-सामग्री मांय सूं कई महत्वपूर्ण अभिलेख शृंखलावां रो संखेप में वर्णन करण रो चेष्टा करी जाय रह्यो है, जिणां रै अध्ययन सूं राजस्थानी साहित्य अर संस्कृति रै सागै-सागै पर्यटन रै विकास में ई मदत मिलसी।

राजस्थान राज्य अभिलेखागार में राजस्थानी भाषा रो बोलियां, ज्यूंकै मारवाड़ी, हाड़ौती, दूँडाड़ी, मेवाड़ी, मेवाती आद में लिख्योड़ा राजस्थान रा पुराणा रजवाड़ां रै राज-काज में प्रयुक्त हुवण आळा कागद राजस्थानी भाषा रो लारलै तीन सौ बरसां मे हुवण आळा क्रमिक विगसाव रो कहाणी बतावण मे समर्थ है। अै कागद बही, तोजी, नत्थी अर पत्र-व्यवहार आद भान्त-भान्त रै रूपां मे उपलब्ध हुवै है। इण कागदां रै अध्ययन सूं जठै राजस्थानी साहित्य रै इतिहास रो दृष्ट्योड़ी कड़्यां नैं जोड़ण में मदत मिल सकै है बठै ही राजस्थानी भाषा रो लिपि अर विराम चिह्नां नैं ई खोजनै निकाळ्या जा सकै है। आज राजस्थान में आपरी मायड़ भाषा राजस्थानी नैं राज-काज रो भाषा बणावण नैं राज्य-सरकार तत्पर कोनी। राजस्थानी रा विरोधी भी मारवाड़ी, दूँडाड़ी, मेवाती, हाड़ौती अर बागड़ी आद बोलियां नैं इणरी उपभाषावां बतायनै राजस्थानी पर अेकरूपता नैं हुवण रा आरोप लगावै। अठै बतावण जोग बात आ है कै तीन सौ बरस पुराणा अै कागद इण बात रा गवाह है कै राजस्थान रै सगळा रजवाड़ां रो काम-काज राजस्थानी भाषा में हुंवतो हो अर राज सूं बारै कर्यो जावण आळो घणकरो पत्र-व्यवहार राजस्थानी भाषा में ही कर्यो जावतो हो। रजवाड़ां रो बोल्यां न्यारी-न्यारी ही पण उणारी प्रशासनिक शब्दावळी में घणो अंतर कोनी हो। जे राजस्थानी भाषा, साहित्य अर संस्कृति अकादमी इण बगत प्रशासनिक शब्दावळी रो सांगोपांग अध्ययन करावण रो व्यवस्था करै तो अेकै कानी राजस्थानी भाषा में शब्दां रो अेकरूपता लावण में सहूलियत हुवै तो दूजै कानी राजस्थानी भाषा रो मानक-रूप भी सोरै-सांस निर्धारित हुय जावै। इणसूं जठै राजस्थानी भाषा रै माध्यम सूं पढाई करावण में जिकी कठिनाई आवै या दूर हुय जावै, बठै ई राजस्थानी भाषा नैं राजकाज रो भाषा बणावण रो मारग

भी प्रशस्त हुवै। ऊपर बतायोड़ा सरकारी कागदां रै अलावा राजस्थान राज्य अभिलेखागार में कई हजार डिंगल गीत भी उपलब्ध है। इण गीतां रै अध्ययन सूं ओ ठा पड़ै के उण जमाने में राजस्थानी किस्ती टकसाळी अर विकसित हुयगी ही अर इणमें भाव-संप्रेषण री किस्ती सारी शक्ति ही।

साहित्य री तरै अठै रै अभिलेखागार में संगीत अर नाटक सम्बन्धी जाणकारी भी मोकळी प्राप्य है। राजस्थान रै रजवाड़ा में लोक कलाकारां नैं, जिणां में संगीत अर नृत्य दोनू तरह रा कलाकार भेळा हा, ओपतो आवकारो मिलतो हो। इण लोक कलाकारां सारू न्यारा विभाग बण्योड़ा हा, जिणारै माध्यम सूं लोक कलाकारां सारू सगळी भांत री व्यवस्था हुया करती ही। जयपुर राज्य में 'गुणीजन-खानो' इण नांव सूं अेक विभाग हो। इणरै कागदां में जयपुर राज्य में सतरहवीं सदी सूं लगायनै उगणीसवीं सदी रै अंत ताई रै लोक कलाकारां री थोड़ी-घणी जाणकारी मिलै। जयपुर राज्य रै ही कागदां री अेक दूजी शृंखला 'दस्तूर कौमवार' है। इण शृंखला में जठै जयपुर राज्य रै लोक कलाकारां रै सामाजिक जीवन माथै प्रकाश पड़ै, उठै ई ठणां री आर्थिक स्थिति री भी जाणकारी प्राप्य है। इणरै साथै ही इणमें नृत्य अर संगीत रै छेत्र में जयपुर घराणै रै लोणां री वंशावळियां भी देखी जा सकै है। पातरां अर दमामियां रै वारै में तो राजस्थान रै सगळै रजवाड़ां रै कागदां में सूचना मिलै है, जिणमें ठणां नैं दियोड़ी जागीरां रो भी उल्लेख है। जे इण अभिलेख-शृंखलावां रो अध्ययन कस्यो जावै तो पुराणा लोक कलाकारां री सामाजिक अर आर्थिक स्थिति पर भी मोकळो प्रकाश पड़ सकैला।

ललित कलावां रै सम्बन्ध में तो अभिलेखागार में भरपूर सामग्री प्राप्य है। सतरहवीं सदी री बीकानेर री संभाळा बही में बीकानेर राज्य में उस्तां लोणां रा कागदां माथै उकेत्थोड़ा चित्रामां री सांगोपांग सूचना प्राप्त हुवै है। बीकानेर कलम री जाणकारी सारू आ बही अेक अनूठो साधन है। इणीं भान्त जयपुर राज्य रै सूरतखाना रै कागदां री शृंखला में चित्राम अर चित्रकार रै साथै चित्राम बणावण रै काम आवण आळा रंगां नैं बणावण री भरपूर जाणकारी मिलै। बीकानेर री अठारहवीं सदी री कमठाणा बही में अर कोटा राज रै महलात रा कागदां में भित्ति-चित्राम बणावण में जिका रंग काम में आवता, ठणां नैं बणावण री विधि अर कटार, तलवार री मूठ अर म्यान आद हथियारां री जाणकारी मिल जावै है। जयपुर रै छपाखानै रै कागदां री अभिलेख-शृंखला में कपड़ां री छपाई री मोकळी जाणकारी है। छपाई रै काम आवण आळै रंगां नैं बणावण रो तरीको अर भान्त-भान्त रै बूटां री जाणकारी देणी इण अभिलेख-शृंखला री अेक खासियत है। जयपुर राज्य रै दस्तूर कौमवार में ललित कलावां में लाग्योड़ा कलाकारां रै सामाजिक अर आर्थिक जीवन माथै सांगोपांग प्रकाश पड़ण री खासियत है।

राजस्थान में पर्यटन री संभावना, विशेष रूप सूं विदेसी पर्यटकां नैं आकर्षित करण सारू अभिलेखागार में मोकळी सामग्री उपलब्ध है। राजस्थान रै रजवाड़ां में राज्य रै राजा अर उणरै परिवार रै सदस्यां खातर भोज्य पदार्थ बणावण चास्तै खास रसोवड़ा हुंवता हा। अभिलेखागार में प्रायः सगळै रसोड़ां री 'रसोड़ खास' नांव री अभिलेख-

शृंखलावां मिलै है। इण रसोड़ा खास अभिलेख-शृंखला रो अध्ययन कऱ्यो जावै तो उण बगत रै विविध भान्त रै भोजन रो जाणकारी सुलभ हुय सकै है। खास तँर रा भोजन में काँई-काँई खास मसाला पड़ता हा, इणरी पूरी जाणकारी देवणी इण शृंखला रो खासियत है। पर्यटन विभाग इण शृंखलावां रै अध्ययन रो व्यवस्था कर विदेसी पर्यटकां में विशिष्ट प्रकार रै भोज्य पदार्थां रो प्रचार करै तो मोकळा पर्यटकां रै इण शाही खाने कानी आकर्षित हुवण में जेज नीं लागै।

इणीं भान्त पर्यटन विभाग विदेसी पर्यटकां नै आकर्षित करण वास्तै राजस्थान रै अतिहासिक भवनां रो मूळ रूप कायम राखण सारू पुरातत्व अर संग्रहालय विभाग माथे जोर देय रह्यो है। अठै आ बात बतावण जोग है कै अभिलेखागार में घणकरा रजवाड़ां रो सतरहवीं व अठारहवीं सदी रो 'कमठाणां इमारतखाना' अर 'रंगखाना' नांव रो अभिलेख-शृंखलावां मिलै है। इण अभिलेख शृंखलावां में भवन निर्माण में प्रयुक्त हुवण आळी निर्माण सामग्री विशेष रूप सूं भवनां नै मांय अर बारै सूं पोतण नै काम आवण वाळै रंग नै बणावण रै तरीकां रो जाणकारी दियोड़ी है। जे इण कागदां में मंड्यै मुजब नुसखां रो रंग बणायो जावै अर जूनां अतिहासिक भवनां नै मांय-बारै सूं पोत्या जावै तो भवनां रो मूळ रूप भी नष्ट नीं हुवै अर भवनां रो चोखी मरम्मत ई हुय जावै। राजा लोग आपरी मौज-मस्ती खातर आप-आपरै राज्य में मोकळी शिकारगाहां बणाय राखी ही जठै बै भान्त-भान्त रो चिड़्यां अर जिनावरां रो शिकार कऱ्या करता हा। इण शिकारगाहां में जिका प्रसिद्ध शिकारगाह हा उणां रो तो राज्य सरकार विगसाव कऱ्यो पण जिका शिकारगाह मुख्य मारगां सूं टळ'र हा उणां रो विगसाव हुवणो अजै बाकी है। अभिलेखागारां में इसा घणा ही शिकारगाहां रो जाणकारी मिलै है जिणारै विगसाव सूं विदेसी पर्यटकां नै आकर्षित कऱ्या जाय कसै। आ अेक विडम्बना ही है कै पर्यटन रा पंजीकृत (रजिस्टर्ड) पथदर्शक (गाइड) भी पर्यटकां नै अतिहासिक स्थलां रो अधकचरी जाणकारी ई दे पावै है। जे पर्यटन विभाग चावै तो राजस्थान रै अतिहासिक स्थलां रो सही जाणकारी अभिलेखागार सूं ले सकै है। पर्यटन विभाग विदेसी पर्यटकां नै आकर्षित करण वास्तै राजस्थान रै रेतीलै इलाकै में सफारी कार्यक्रम नै लागू करण पर विचार कर रह्यो है। राजस्थान में उगणीसवीं सदी ताईं सैकड़ां परम्परागत व्यापारी मारग हा जिका रेल-मारग रै बण जावण अर अंग्रेजी सरकार रो नीतियां रै कारण सूं प्रचलन में को रह्या नीं। इण मारगां में अभिलेखागार में जगात रै कागदां में खासी जाणकारी उपलब्ध है। जे पर्यटन विभाग इण मारगां रो उपयोग सफारी कार्यक्रम रै वास्तै करै तो उण विभाग नै खासी आमदनी हुय सकै है।

विदेसी पर्यटक राजस्थानी वेश अर गैण-गांठां सूं घणा प्रभावित है। जे राजस्थान हैंडी क्राफ्ट अर पर्यटन विभाग जूनै बगत रै राजस्थानी वेष अर गैणां रो नकल बणायनै विदेसी पर्यटकां नै बेचै तो उणनै घणो ई लाभ हुवण रो संभावना है। राजस्थान अभिलेखागार में व्याव सम्बन्धी कागदां में गैणां अर वेषां रो घणो सारी जाणकारी प्राप्य है।

राजस्थान में चिलका डाक व्यवस्था

राजस्थान में संचार व्यवस्था रो अध्ययन करयो जावै तो बेरो पड़ै के अठै भान्त-भान्त री डाक व्यवस्था प्रचलन में ही। मुगलकाल में मुगल बादशाह आपरी डाक भेजणै अर लावणै खातर अेक शाही डाक व्यवस्था बणाय राखी ही। इणमें पैदल अर सवार हलकारा डाक नैं दूर-दूर रै प्रान्तां में लावता अर ले जावता। जिण मारगां सूं डाक आवती-जावती ही, उठै थोड़ी-थोड़ी दूर माथै चैक-पोस्टां बणायोड़ी हुवती ही। इण चैक पोस्टां रा प्रभारी मिरघा नांव सूं जाण्या जावता। इण कारण सूं राजस्थान रा रजवाड़ा जिका मुगल दरबार री सेवा में हा अर आपरी डाक भी उणी 'ज' मारगां सूं मंगावता अर भेजता, इण डाक रो नांव मिरघा डाक ही राख दियो। मिरघा डाक व्यवस्था अठै घणै ही दिनां प्रचलन में रह्यो।

इणी 'ज' भान्त 18वीं सदी में जयपुर राज रा ब्राह्मण डाक लावण लेजावण सारू अेक गैर सरकारी संगठण बणायो अर इणरी शाखावां राजस्थान रै दूजा रजवाड़ां में ई खोल राखी ही। इण संगठण में ब्राह्मण जाति रा हलकारा हुवण रै कारण सूं इण डाक रो नांव 'बामणी डाक' पड़्यो। अंग्रेजी डाक व्यवस्था लागू हुवण सूं पैलां ताई 'बामणी डाक' व्यवस्था रो खासो बोलबालो हो। बामणी डाक रा हलकारा पगां मे घुंघरू, सिर माथै पागड़ी अर हाथ में डंडो राख्या करता। अै हलकारा सरकारी डाक रै साथै प्राईवेट डाक भी लाता लेजावता अर लिफाफै रै वजन रै आधार माथै उणां (प्राईवेट लोगां) सूं पईसा वसूल करता।

19वीं सदी रै अंतिम दसकां में राजस्थान रै रजवाड़ां में अफीम, रूई अर चांदी रो सट्टो हुवणो सारू हुय्यो हो। अठै रै रजवाड़ां में इण जिनसां रो सौदो कलकत्तै अर बम्बई में इणीं जिनसां रै भाव सूं ही करता। इण खातर अठै रै रजवाड़ां रै व्यापारियां नैं कलकत्तै अर बम्बई सूं इण जिनसां रा भाव मंगावणै री जल्दी रैवती ही। कलकत्तै सूं जयपुर अर अजमेर ताई तो टेलीग्राफ लाइन ही, पण इणसूं आगै जोधपुर अर बीकानेर टेलीग्राफ लाइन सूं जुड़योड़ा कोनीं हा। इण खातर जोधपुर अर बीकानेर रा व्यापारी कलकत्तै सूं समाचार देरी सूं पावता। इण समस्या रो समाधान बां 'चिलका डाक' सूं कर लियो हो। आ चिलका डाक अजमेर सूं जोधपुर अर अजमेर सूं बीकानेर आधा घटै में पूग जावती ही। चिलका डाक अेक गैर सरकारी संगठण हो जिणमें हलकारां री जाग्यां बड़ा-बड़ा सीसा काम में लिया जावता। जिणां नैं ऊंचै पहाड़ या ऊंचै रेत रै टीलै माथै राखनै सूरज रै सांमै कर अर चिलको पैदा करयो जावतो।

कुशल अर जाणीकार लोग चिलकै नैं इण भान्त फेंकता कै उणरै इसारै नैं समझ अर आगै समाचारां रो भुगतण हुय जावतो। रात री बगत जे चिलका डाक सूं समाचार भेजणा जरूरी हुवता तो बारूद रो भभको पाखती जळायनै भी जरूरी संकेत

करने समाचार भुगता दिया करता। बीकानेर-अजमेर अर जोधपुर-अजमेर र बिचाळै मारगां माथै हर दस कोस पर चिलको फेंकण सारू सीसा लगाया जावता हा। बीकानेर राज में भीमनाथ अर उण रो भतीजो शेरनाथ चिलका डाक भेजण अर चिलकै र इसारां नै समझण में खासा माहिर हा। सन् 1873 ताई अजमेर-बीकानेर अर अजमेर-जोधपुर र बिचाळै चिलका डाक र आवण रो जाणकारी मिलै है।

जयपुर अर चूरू र बिचाळै ई चिलका डाक भेजण रो प्रबन्ध हो। श्री गोविन्द अग्रवाळ आपरी पोथी में लिखै कै इण व्यवस्था र तहैत चिलकै रो संकेत जयपुर सूं हर्ष रो पहाड़ी (सीकर कनै) माथै अर बठै सूं झुंझणूं रो पहाड़ी माथै अर उठै सूं चूरू र घुग्घु धोरै माथै पूगतो। घुग्घु धोरै माथै समाचार आवतां ही बठै सूं अेक आदमी दौड़नै शहर में आवतो अर व्यापारियां नै समाचार भुगतावतो।

आ व्यवस्था बीकानेर अर जोधपुर टेलीग्राफ लाइन सूं जुड़यां पछै बन्द हुयगी।

राजस्थान रै इतिहास में पर्यावरण सुधार रो महत्त्व

आज दुनियां भर रा सगळा देस पर्यावरण प्रदूषण सू परेशान निजर आवै है अर पर्यावरण संतुलन बणायो राखण सारू दूजो वातां रै साथै नूवा पेड़-पौधा लगावण अर जूनें दरखतां नैं नों काटण माथै जोर देय रह्या है। भारत सरकार ई जंगल लगावण रो सधन कार्यक्रम हाथ में ले राख्यो है। कई लोग निजू स्तर पर ई हरा दरखतां नैं काटण रै विरोध सरूप चिपको आन्दोलन चला रह्या है। पण राजस्थान री मरु-भूमि रै लोगां नैं इण बात रो गौरव प्राप्त है कै अठै राज्य स्तर पर अर निजू तौर पर लोग सैकड़ां बरसां पैली सू ई पर्यावरण संतुलन सारू सावचेत रह्या है। अठै रा लोग दरखता री भूमिका नैं बखूबी जानता हा। बीकानेर, जोधपुर, जैसलमेर अर शेखावाटी रै इलाकां में अंधाधुंध रूप में हरै शमी अर्थात खेजड़ी रै पेड़ नैं काटण माथै प्रतिबंध लाग्योड़ो हो। खेजड़ी रै हरै पेड़ नैं तेल री घाणी, बळधां री गाडी रा पहिया वास्तै तो काटण री मनाही कोनी ही पण दूजा कामां सारू इणनैं कोई काट नों सकतो हो। इणरै लारै राज्य सरकार री मनसा आ हो कै मरु-प्रदेस में खेजड़ी रो दरखत ई इसो पेड़ है जिको कम पाणी में ई लवै समै तक हरो-भरो रैवण री खिमता राखै अर रेत रै धोरां नैं आगै बघण सू रोकण में औ आपरी महताऊ भूमिका निभावै। इणरै साथै इण दरखत रो राजस्थान रै जनमानस री धार्मिक भावना सू जुड़ाव हो जिणसू आज ई खेजड़ी रै दरखत नैं लोग कम ई काटै है।

सतरहवीं अर अठारहवीं सदी री बीकानेर री बहियां में राज्य री आमदनी री मदां में 'खेजड़ी री गुनहगारी' शीर्षक रो उल्लेख मिलै। इण मद में कदै-कदास परैसो जमा हुया करतो हो, पण महाराजा मूरतसिंहजी रै शासनकाल में इण मद मे खासो परैसो जमा हुवण रो उल्लेख मिलै। इण रो मुख्य कारण औ हो कै बीकानेर राज्य में खालसा छेत्र में हरी खेजड़ी रै काटण माथै प्रतिबंध लाग्योड़ो हो। पण तेल री घाणी, बळधा-गाडी रै चक्कां खातर खेजड़ी नैं काटण री छूट ही। महाराजा मूरतसिंहजी रै समै में इण छूट रो नाजायज फायदो उठायनै कई लोग खेजड़ां नैं अंधाधुंध काटण लाग्या। गैरकानूनी तौर सू इण पेड़ नैं काटण आळै सू राज्य री तरफ सू दंड सरूप 'खेजड़ी री गुनहगारी' कर वसूल कर्त्यो जावतो हो जिणसू इण मद में परैसे री बधोतरी हुयगी हो। सन् 1816 मे हरी खेजड़ी काटण री बधती घटनावां नैं गंभीरता सू लियो गयो अर राज्य भर में हरी खेजड़ी काटण आळा सू सख्ती सू निबटण रो निस्चै कर्त्यो गयो। इण खातर राज्य सरकार अेक आदेश काढ्यो कै भविष्य में जिको कोई नाजायज तौर सू खेजड़ी रै पेड़ नैं काटसी उण सू रुपिया पच्चीस खेजड़ी री गुनहगारी रै रूप में वसूल कर्त्या जासी। इण आदेस रो अेक अंश इण भान्त है—

“देस रा गांवां रा चौधरियां जी सब सुनो जोग्य तिथां थी.....जी साहबों देश सरवाळै री मरजाद बांधी छै न आगै सदामद पीढी सू रकम लीजै..... आगै तो सदामद हरी खेजड़ी बढी..... संवत् 1853 साल हरी खेजड़ी बाढण री वा बळद तणी बढण री मनाई कीवी कै नैरा कागद देस सववाळै रै गांवां में हुय गया छै तैमै जाव छै इतरा कोमां ने तो हरी खेजड़ी बढसी तैरी तो माफी छै.... हरी खेजड़ी बढसी वा बळद तणी

बाइगी तो गुनहगारों रा रु. 25) नागमी।"

जोधपुर रै जूना कागदां सूं मालम पड़ै कै मारवाड़ में खेजड़ी काटणै पर थोड़ो प्रतिबंध हो, पण उण पर सख्तो सूं नौ निपटयो जायतो हो। खुद राज्य कानीं सूं अनाप-सनाप खेजड़ियां काट ली जायती हो। अठै आ बात बतावण जोग है कै जोधपुर में बठै रा शासकों री अपेक्षा जनता में पर्यावरण सम्बन्धी जागरूकता घणी हो। इण बात रो बेरो मारवाड़ में 17वीं अर 18वीं सदी में घटवोड़ी घटनायां सूं ई पढ़ै है। बिरनोई सम्प्रदाय रा प्रवर्तक संत जांभोजी आपरै अनुयाइयां नैं जिण गुणतीस सिद्धांतों रो पाठ्य करण रो आदेश दियो हो उणमें अंक सिद्धांत भूगै दरखतां री रक्षा करणै रो ई हो। 17वीं अर 18वीं सदी में बिरनोई सम्प्रदाय रा लोग-लुगाई अर टावर इण सिद्धांत री पाठ्य सारू आपरी जान तक निछावळ कर दी पण मारवाड़ रै इलाकै में हरी खेजड़ियां नैं कोनों काटण दी। बिरनोई समाज समाज सूं सम्बन्धित इण घटनायां नैं विद्वान लोगां भान्त-भान्त सूं प्रस्तुत करी है। श्री पुरखाराम बिरनोई ई इण घटनायां रो सांगोपांग वर्णन करयो है। उणां मुजब विक्रम संवत् 1661 में जोधपुर राज्य में रामदास गांव री दो बिरनोई जाति री लुगायां करमां अर गौरां भूंगी खेजड़ी नैं नौ काटण देवण सारू खेजड़ी रै चिपकनै आपरी जान देय दी। वि. सं. 1700 में इणों भान्त बूचो जी अयेरा भूंगा पेड़ नौ काटण देवण वास्तै शहीद हुयग्या। इणों बगत जोधपुर रै गांव तिलासणी में हरी खेजड़ियां नहौ काटण देवण खातर रोंवजी, भीरंजी अर नेतूजी नैण हंसता-हंसता आपरा प्राण देय दिया। वि. सं. 1787 री घटना तो पर्यावरण संरक्षण रै इतिहास में अंक महताऊ घटना मानोजै। तत्कालीन जोधपुर महाराजा नैं आपरै मल बणावण में चूना पकावण सारू लकड़ी री जरूरत पड़ी। राजाजा सूं राज्य कर्मचारी कनलै अंक गांव खेजड़ली में इण खातर हरी खेजड़ियां काटण रो विचार करयो। खेजड़ली गांव रै बिरनोई समाज रै लोगां नैं जद कर्मचारियां रै इण मत रो ठा पड़्यो तो उणां इणरो घोर विरोध करयो पण राज्य-कर्मचारी टस सूं मस नी हुया। इणनै देखनै सैकड़ मिनख, लुगायां अर टावर भूंगी खेजड़ियां रै बाध घालनै चिपग्या अर कट्टो कै खेजड़ी कटणै सूं पैली म्हांरा माथा कटसी। राज्य कर्मचारी इणरी परवा कोनों करी अर खेजड़ियां पर कुल्हाड़ियां चलावण लाग्या। देखतां-देखतां 363 मिनख, लुगाई अर टावर आपरी जान सूं हाथ धोय बैठ्या। राजा नै जद बिरनोई जाति रै इण लोगां रै बलिदान री जाणकारी मिली तो राजा सगळै मारवाड़ में हरी खेजड़ियां नैं नौ काटणै रो मुनादी फिरवायो।

पर्यावरण रै संतुलन खातर पेड़ नौ काटणै रै साथै नूवा पेड़-पौधा लगावण में ई लोग रुचि राखता हा। मरु-छेत्र री रियासतां रै राजस्व सम्बन्धी जूना कागदां सूं जाणकारी हासिल हुवै कै राज्य कानीं सूं किसानां नैं धोरां आळी धरती में खेती करण खातर प्रोत्साहन दियो जायतो हो। राज्य री मनसा आ रैवती ही कै इसी धरती माथै लोग खेती करसी तो धोरा ओर घणा नौ बधै अर उणां रो फैलाव ई रुक जासी।

ऊपरला सगळै तथ्यां सूं औ बेरो पड़ै कै आज री सरकार पर्यावरण में संतुलन बणावण सारू जिका जतन कर रही है, उणरी जाणकारी दो सौ बरस पैली ई मरुस्थळ रा रैवासियां नै पूरी तरयां ही।

बिरछ अर पर्यावरण

राजस्थान रो घणकरो छेत्र, विशेष रूप सूं उत्तराधो-आधूणो राजस्थान अेक शुष्क प्रदेस रह्यो है। इण छेत्र मांय सदियां सूं पड़तो काळ अेक साधारण वात है। औ ई कारण है कै इण छेत्र रा लोग हर्तै बिरछां रो महत्त्व समझता हा। ईधन रै रूप में लकड़ी रो उपयोग अवार सूं ई घणो हुंवतो, जिणसूं बिरछां रो कटाई ई अणूती हुंवती। बिरछां रो इण अवृझ कटाई सूं पर्यावरण-संतुलन कितो बिगड़तो, इण रो अंदाज आज रो वगत लगायो जाय सकै। पण सवाल औ उठै कै काई समाज इण सूं अणजाण हो ? वास्तव में आ वात नों ही। मिनख सदियां सूं पर्यावरण-संतुलन सारू बिरछां रो महत्त्व समझतो रह्यो है। खेती अर पशुपाळण में रूखां रो महत्त्व हो, तो भूमि-कटाव अर बिरछा सारू ई रूखां रै महत्त्व रो जाणकारी समाज नै हो।

भारत ठेट सूं अेक धर्म-प्रधान देस रह्यो है। औ ईज कारण है कै किणी बात नै जे धर्म सूं जोड़ दी जावती तो वा घणो प्रभावी हुय जांवती। हर्तै रूखां नै काटण सूं रोकणो कोई सोरो काम कोनों हो। इण बात नै ध्यान में राखनै अठै रा मिनखां प्रदेस रै दूजा छेत्रां रो अपेक्षा हर्तै रूखां नै संरक्षण देवण सांमी घणो ध्यान दियो अर रूखां नै धर्म सूं जोड़नै पर्यावरण-संरक्षण में धर्म रो ढाल रो भान्त उपयोग कर्यो। औ ई साच है कै उण वगत हर्तै रूख खेती अर पशुपाळण रो अभिन्न अंग बण चुक्या हा। इण कारण सूं आंरी कटाई रोकणी नों तो असखेल हो अर ना ईज संभव। ओरण, रखत अर गोचर रै रूप में रूखां नै संरक्षण दियो गयो।

ओरण छोडण रो परम्परा हर्तै रूखां रै संरक्षण में महताऊ कह्यो जाय सकै। जद ई कोई नूवों गांव बसायो जावतो, उण वगत गांव रो पंचायत कानीं सूं गांव रो अेक बडो भू-भाग 'ओरण' रै रूप में छोड दियो जावतो। इण खाली भू-भाग में किणी देवी-देवता रो मूर्ति थापित कर दी जावती अर उणां रै नांव ई औ ओरण समर्पित कर दियो जावतो। कई लोग इणनै ओरण रो जाग्यां 'रखत' रै नांव सूं सम्बोधित करता। इण भान्त ओरण अथवा रखत छेत्र मांय ऊभा रूखड़ां नै गांव अथवा गांव सूं बारला लोग नों तो काट सकता अर ना ईज उणां नै खांडा कर सकता। ओरण छेत्र रा रूख सुरक्षित रैवता। इणरै अलावा ओरण में ऊभा रूखां रा पत्ता सूखनै ओरण रो धरती में ईज पड़ता, जका सड़र वगत रै परवाण खाद रो काम करता। इणसूं घास-फूस ई दूजी जाग्यां सूं घणो ळगतो। धीरै-धीरै औ ईज ओरण छेत्र जंगळ रो रूप लेय लेंवतो। ओरण मांय घणकरा रूख कम पाणी सूं काम काढणिया अर तेज तावड़ो सहन करणिया ई पनपाइजता। इण तरै रा रूखां में बोरड़ी अर खेजड़ी मुख्य रूप सूं हुंवता। फगत उत्तराधै-आधूणै राजस्थान रो सर्वेक्षण कर्यो जावै तो ई ठा लाग जावै कै आज ई इसा हजारूं ओरण अस्तित्व में है। बीकानेर सूं बत्तीस किलोमीटर दूर 'देशनोक' में करणी माता रो ओरण आज ई ओरण-व्यवस्था रो जीवतो-जागतो उदाहरण है।

'ओरण' अर 'रखत' री भान्त 'गोचर भूमि' छोडणो आर्थिक मवाल सू महताऊ हुंवां थकां ई धर्म सू जोड दियो गयो। 'ओरण' जठे देवी-देवतां रै नांव सू छोडीजतो, वठे ई गायां रै चरणै सारू 'गोचर भूमि' छोडण री ई लांबी परम्परा रह्यो है। हिन्दू धर्म में गाय नै माता मानीजी है। इण सारू उणरै नांव माथे छोडीजी भूमि रा रूखां नै काटण सारू ई लोग संकता। इण गोचर भूमि में ईज, जिणनै कई लोग 'वीड़' रै नांव सू जाणै, रूखां रै साथै-साथै घाम-फूस ई अणुतो हुवतो। इणसू पशुधन नै तो लाभ मिलतो ई मिलतो, साथै ई छेत्र रो पर्यावरण संतुलन बणायो राखण में ई सहायता मिलतो। आजादी सू पैलां ताई गांवां अर कस्वां में धनवान लोगां कानों सू छुडाईजी हजार किलोमीटर ताई री 'गोचर भूमि' उपलब्ध हो। पण धीरै-धीरै इण भूमि माथे अतिक्रमण करीजतो गयो अर 'गोचर भूमि' सारू अेक गंभीर संकट खडो हुयग्यो।

अठै आ बात उल्लेखनीय है कै ऊपर वाळी दोनू प्रकार री व्यवस्थावां फगत उत्तराधै-आधूणै राजस्थान मे ई नीं, आखै राजस्थान मांय कायम हो। राजस्थान रै दिखणादै-अगूणै भाग में तो जंगल रा जंगल देवी-देवतावां रै नांव सू सुरक्षित है। आं जंगलां नै धार्मिक भावना दीठ में राखनै आज ई कटणै सू सुरक्षा प्राप्त है। इणीं भान्त राजस्थान में प्रायः बड़, पीपल अर नीम आद रूखां नै काटणो पाप मानीजै। इण सारू अै रूखड़ा हर जाग्या आपरो अस्तित्व अजै ई बणाय राख्यो है अर पर्यावरण-संतुलन बणावण मे आपरो योग देय रह्यो है। प्रदेश रै उत्तराधै-आधूणै अर अगूणै भाग में बोरडी अर खेजडी आद रूखां नै ई इणी भान्त महत्व दियो जावै। इण छेत्र मांय सदियां सू खेजडी रै नीचै देवी-देवतावां रा 'थान' थरपण री परम्परा चालती आय रह्यो है, जकी आज ई हजारू री संख्या मांय उपलब्ध है। इणी भान्त अठै रा ग्रामीण अंचलां में ई नीं, सहरी लुगायां भी अनेक धार्मिक अवसरां माथे खेजडी रै नाळ बांधनै उणरी पूजा-अर्चना करै है। खेजडी रै अलावा 'बोरडी' माथे ई लाल-पीळी घजावां चढायनै लुगायां अपणै आपनै धन्य समझै। आज ई जिण किणी खेजडी रै नीचै देवी-देवतावां रा थान अथवा बोरडी माथे घजा आद चढायोडी हुवै, उणनै काटतो करडी सू करडी छाती आळो आदमी ई डरै।

रूखां नै धार्मिक दीठ सू महत्व दिरीजण रै लारै इणरै आर्थिक महत्व नै ई नकार्यो नीं जाय सकै अन्यथा फल देवणिया तो दूजा ई घणकरा रूख अठै फळापै पण खेजडी रो फायदो सगळां सू घणो है, औ कैवणो कोई अपरोगी बात कोनीं। खेजडो इण छेत्र री मोकळी जरूरतां पूरै। कंटाळी खेजडी अठै री नरम रेंतीली धरती में मोकळी मात्रा में ऊगै अर उणरै पानड़ां रो उपयोग अठै रा पशुआं री चराई रै रूप में ई हुवै। इण रूख री अेक खासियत आ ई है कै काळ अथवा कम पाणी रो इण माथे लगारैक ई असर नीं पड़ै। अमूमन देख्यो जाय सकै कै काळ पड़्यां पशु अर मिनख दोनू ई इण रो लाभ उठावै। इण रा पत्तां री चराई करनै गाय-भैंस अर ऊंठ-बळध जठै आपरी पेट भराई करै, बठै ई इण रूख री फळां 'सांगरी' रो उपयोग सब्जी रै रूप में हुवै। इण

सांगरी नें सुखायनै इण रो उपयोग चार सू पाच साल ताईं कर्यो जाय सकै, जकी अठै रा रैवासियां अर प्रवासियां सारू घणी रुचिकर हैं। साथै ई इण रा पानड़ा ठोस अर वजनी हुवण सू दुधारू पशुवां रो दूध बधावै। इसा तमाम फायदां रै अलावा जिण खेत में खेजड़ी रा रूख घणा हुवै, उण खेत में आंधी आयां सू ई रेत अेक जाग्यां सू दूजी जाग्यां नीं पूग सकै। इणसूं खेत रो जमीन विगड़ण सू बच जावै अर साथै ई इणसूं झड़ण आळा पानड़ां सूख सड़नै खाद रो गरज पाळै।

खेजड़ी रै रूख बावत ऊपर लिख्या कों गुणां नें देखनै औ तथ्य ओरूं ई स्पष्ट हुय जावै कै आपां रा बडेरां इण छेत्र विशेष रा उणी 'ज रूखां' नें धार्मिक दोठ देयनै बचाय राख्या है, जका जन-साधारण सारू सगळा सू घणा उपयोगी है।

पर्यावरण-संतुलन मांय रूखा रै महत्त्व नें समझनै ई इण छेत्र रा लोणां जका धार्मिक सम्प्रदाय बणाया अथवा चलाया, उणां में 'रूख-संरक्षण' माथै खास जोर दियो। आज सू लगैतगै 550 बरसां पैलां नागौर जिलै रै अेक छोटैक गांव में संवत् 1508 में जलम्या संत जाभोजी बिश्नोई-सम्प्रदाय रो थरपणा करो। उणमें वनस्पति संरक्षण माथै विशेष जो दियो गयो। कह्यो जावै कै संत जाभोजी नें पर्यावरण-संतुलन में रूखां रो भूमिका रो पूरो ग्यान हो। इण सारू उणां रा अनुयायी नीं फगत हरयै रूखा रै संरक्षण में विशेष रुचि लेवै है बल्कै उणां नें अनावश्यक रूप सू कटण सू ई रोक्कै।

बिश्नोई-सम्प्रदाय रो भान्त नाथ-सम्प्रदाय में ई बिरछा नै हदभांत संरक्षण दियो जावै पण बिश्नोई-सम्प्रदाय रो भान्त आंरो अटल नियम कोनीं। धर्म-सम्प्रदाय रै अलावा ग्रामोण-छेत्र रा धर्म-स्थलां यथा मिंदरां, मठा मांय ज्यादा सू ज्यादा रूख लगायनै आंनं हरया-भरया राखण रो अेक लांबी परम्परा चाली आय रही है। औ ई कारण है कै आं स्थलां में हरियाळी कों ज्यादा ई देखण नें मिलै। गांवां में ई नीं, अनेकू शहरां मांय ई पीपळ अर बड़ रा पुराणा दरखत आपरै धार्मिक महत्त्व रै कारण आज ई आपरो अस्तित्व बणाय राख्यो है।

आं सगळी बातां पर विचार करतां-थकां औ घणो जरूरी है कै ज्यादा सू ज्यादा बिरछ लगाया जावै अर साथै ई आंरो भली-भान्त पोसण ई हुवै। पर्यावरण प्रदूषण रो समस्या फगत राजस्थान अथवा भारत रै सांमी ई हुवै, अैड़ी बात कोनी। आज आ समस्या आखै जगत अर आखी मानव-जाति रै सांमी है।

राजस्थान में इतिहास-लिखण री परम्परा

आपणै देस में इतिहास लिखण री परम्परा पुराणै जमानै सूं चालती आयी है। आज तो इतिहास नूवी-नूवी रीतियां नै अपणायनै लिख्या जाय रह्या है। आनै समझण सारू पुराणै समै सूं इतिहास लिखण री कांई परम्परा चालती आयी है, उणरी जाणकारी लेवणी जरूरी है। पिछम रै देसां में जिंयां हेरोडोटस नै इतिहास रो जनक मान्यो जावै है, बिंयां ई आपणै अठै रा महर्षि व्यास नै जे आपां आ पदवी देयां तो कोई बेजां घात कोनीं। प्राचीन काल में ई आपणै अठै इतिहास लिखण रो काम पुरजोर में हो। पण उण बगत रा इतिहासकार इतिहास पढण आळा लोगां री रुचि बधावण सारू ऐतिहासिक तथ्यां रै साथै कथावां अर अनुश्रुतियां ई आपणै इतिहास में जोड़ता गया। इणरी झलक पुराण अर आख्यानां में देखण नै मिलै है। स्वतंत्रता रै पैलां तांई पिछम रा इतिहासकार आनै इतिहास ग्रंथ ई मानण नै त्यार नीं हा। पण आज आरो नूवी दीठ सूं अध्ययन करयो जाय रह्यो है।

ऋग्वेद नै संसार रो सबसूं पुराणो ग्रंथ मान्यो जावै है। इण मांय धार्मिक कृत्यां रै साथै-साथै इतिहास सम्बन्धी बातां ई लिख्योड़ी मिलै। इणां भान्त पुराणां में प्राचीन भारत रै राजावां री वंशावळियां देखी जाय सकै है। आख्यानां में पुरु-वंश रै बिचाळै लड़ीज्या घरेलु जुद्ध री जाणकारी ई मिलै। इतिहासकार महाभारत रै जुद्ध नै ईसा सूं 900 पूर्व रै बीच लड़्यो गयो मानै है। आज रा शोध रा विद्यार्थी आं ग्रंथां रा प्रणेता महर्षि व्यास अर लोमहर्षण नै मानै है। इणां भान्त बौद्ध त्रिपिटकां में, जिणां रै बारै में कह्यो जावै कै बै ईसा पूर्व सूं 566 सूं 486 पूर्व रै बिचाळै लिख्या गया हा, भगवान बुद्ध रै जीवण री घणमोली घटनावां री मोकळी जाणकारी मिलै है। बौद्ध त्रिपिटकां रै अलावा अनेक जैन ग्रंथ ई लिखीज्या, जिणां में भगवान महावीर अर दूजा जैन तीर्थकरां रो उल्लेख है।

इणरै बाद मौर्य अर गुप्तकाल में इतिहास लिखण री विधि में बदळाव आयो। ऐतिहासिक ग्रंथां रै साथै-साथै इतिहासकार शिला (प्रस्तर) अर धातु रा बण्योड़ा खंभां साथै इतिहास खुदावण लाग्या। इण तरयां रा इतिहास राजा खुद या उणां रा प्रधानमंत्री आपरी देखरेख में लिखवाया करता। सम्राट अशोक रा शिलालेख अर समुद्रगुप्त री विजयां सूं सम्बन्धित प्रयाग-प्रशस्ति इण तरयां रै इतिहास रा नायाब नमूना है।

राजपूत-काल में फेरू इतिहास लिखण री रीत में थोड़ो बदळाव आयो। इण काल में समूळो इतिहास दरबारी कवि-कोविदां ई लिख्यो। आणै लिख्योड़ै इतिहास री आ खासियत ही कै बै आपणै इतिहास रै नायकां नै अेक साधारण आदमी नीं मान्या अर उणां नै कल्पित कहाणियां रै साथै मिलायनै घणा ऊचा उठाय दिया। बाण रो हर्षचरित, कल्हण रो राजतरंगिणी, कवि जयानक रो पृथ्वीराज विजय, न्यायचन्द्र रो हमीर महाकाव्य अर चन्द बरदायी रो पृथ्वीराज रासो आद इसा ई ग्रंथ है, जिणां में सम्राट

हर्ष, पृथ्वीराज अरु हमीर रै चारै में इसी-इसी कल्पित घटनावां ई लिख दी गयी है, जिणां रै चारै में आज रो इतिहासकार भरोसो नौ कर सकै।

मुस्लिम-काल में इतिहास लिखण री रीति में फेरू बढाव निजर आवै। मुल्तान-बादशाह आपरै दरबारी इतिहासकारां सूं तवारीखां लिखावण री परम्परा चलायो। आं तवारीखां में दरबार में रोजीना घटण आळी घटनावां दर्ज करी जावती। औरै साथै इतिहासकार आपरी चाददास्ती सूं ई कई बातें आं तवारीखां में जोड़ता रैवता। आं सूं मुस्लिम-काल रै इतिहास री मोकळी जाणकारी मिलै। इण तस्यां री तवारीखां में जीयाउद्दीन बरनी री तारीखे-फीरोजशाही, शम्भसिराज अफीफ री तारीखे-फीरोजशाही, याह्या सिरहिन्दी री तारीखे-मुबारकशाही, मुहम्मद बीहामदखानी री तारीखे-मुहम्मदी अरु शरफुद्दीन अलीयजदी रो जफरनामो आद घणो मानोजती पोथ्यां है।

मुगल बादशाह इतिहास लिखण री रीति में फेरू थोड़ो बढाव ल्याया। बां तवारीखां रै साथै-साथै आत्मचरित लिखणा ई सुरू कर दिया। बादशाह इण बात री परम्परा चलायो कै दरबारी इतिहासकार जिण बात नैं लिखता, उणनैं बो सुणतो अरु उण मांय आपरी समझ सारू फेर-बढल कर दिया करतो। मुगल बादशाह शाहजहाँ अब्दुल हमीर लाहोरी सूं शाहजहाँनामो पढवायनै सुणतो अरु उणमें फेरबढल करवाया करतो। इण समय में इतिहास में राजनैतिक घटनावां रै साथै-साथै भौगोलिक अरु सामाजिक स्थिति ई स्थान पावण लागगी। बाबर रो लिख्योड़ो 'बाबरनामो' इण बात रो लूँठो सबूत है। मुगल-काल रा इतिहासकार इतिहास लिखण सूं पंलां सरकारी रिकार्ड भेळो करतो अरु उणनैं आधार बणायनै इतिहास लिखता। अब्बुल फजल द्वारा जद 'अकबरनामो' अरु 'आईने-अकबरी' लिखीजी तो दस-बरस पुराणो रिकार्ड भेळो करीज्यो अरु उणरै आधार माथै आं ग्रंथां नैं लिख्या। मुगल इतिहासकारां रा लिख्योड़ा ग्रंथां में बाबरनामो, अकबरनामो, आईने-अकबरी, हुमायूनामो, जहांगीरनामो, शाहजहाँनामो, बादशाहनामो, मआसिरे-आलमगीरी अरु ओरंगजेबनामो आद घणा नामो है।

अंग्रेजी-राज में तो इतिहास लिखण री रीति में क्रांतिकारी बढाव आयग्यो। इण काल रा इतिहासकार इतिहास लिखण में आ विधि सुरू करदी कै जिण सूं इतिहास पढण आळा खासतौर सूं तो राजनैतिक अरु गौण रूप सूं सामाजिक अरु धार्मिक स्थिति रो ई ज्ञान पाय सकै। अक बात अठे जरूर कैवणी पढ़सी कै अंग्रेज इतिहासकारां जिण इतिहास ग्रंथां री रचना करी, बै वैज्ञानिक तो हा पण इणरै साथै बै पूर्वाग्रह सूं ई ग्रसित हा। बां भारतीय इतिहास री पोथ्यां में इसी-इसी बातें लिख दी, जिणां नैं भारतीय सभ्यता अरु संस्कृति नैं नीचो दिखौनी री कवायद कही जाय सकै। अंग्रेज इतिहासकारां भारत रै जनसाधारण रै क्रियाकलापां, उणरी अनुभूतियां अरु सुख-दुख रो कोई विवरण देवणो आपरो ध्येय नैं मान्यो। इणरै बावजूद इण काल रा इतिहासकार इतिहास लिखतां थकां उण बगल री पुरातात्विक सामग्री, जिणमें मूर्तियां, भवन, अभिलेख, औजार, गुफालेख, शिलालेख, सिक्का, स्मारक-खंडहर, साहित्यिक सामग्री अरु विदेसी लोगां

यहो इतिहास सांमो आवण में मदत मिलै है। इणरै अलावा आज इतिहास लिखण आळै रै सांमो आ समग्र्या इं कोनो कँ विदेसां में उणरै विषय सूं सम्बन्धित सामग्री उणनै उपलब्ध नौं हुय सकै। अवै चो विदेसां में पड़ो सामग्री रो माइक्रो फिल्म बणवायनै आपरै कर्न भंगवाय सकै है।

आज रो इतिहास राजा-महाराजायां रो, सुल्तानां-बादशाहवां रो अथवा लाट-गवर्नरां रो इतिहास नौं हुयनै जन-साधारण रै जीवण रो, उणरै विगसाव रो लेखो-जोखो है। उण मांय कल्पना अर धारणा नै स्थान कोनों। आज वैज्ञानिक-इतिहास रो सम्मान है। औ ईज आज प्रामाणिकता रै इतिहास रो सरूप है, जिण मांय भिनख री प्रधानता नौं हुयनै समाज री प्रधानता है।

रै विवरणां रो भी पूरो उपयोग करणो सुरू कर दियो हो।

अठै अेक बात ओर ई ध्यान राखण जोग है कै मुगल-काल अर अंग्रेजी-राज में मुगल-बादशाह अर अंग्रेज इतिहासकारा री देखादेख उण बगत री रियासतां रा राजा भी आप-आपरी रियासतां रो इतिहास लिखावणो सुरू कर दियो। फळसरूप राजस्थान री राजपूत रियासतां रा राजावां सैकड़ू इतिहास लिखवा दिया। सुरू में औ इतिहास वंशावळियां अर ख्याता रै रूप में लिखवायो गयो। इण तरै री पोथ्यां में मुंहता नैणसी री ख्यात, बाकीदास री ख्यात, दयालदास री ख्यात, कर्मचन्द्र वंशोत्कीर्तनम्, देस-दरपण, आर्याख्यान कल्पद्रुम अर तवारीख राज बीकानेर आद घणी मानीजती रचनावां है।

बगत रै परवाण राजा-महाराजा आपरै राज्य सूं बारै रा इतिहासकारां नैं आपरै अठै बुलायनै इतिहास लिखावण लाग्या। आं इतिहासकारां जिण-जिण राज्यां रा इतिहास लिख्या, बै परैसा लेयनै ई लिख्या। इण कारण सूं इतिहासकारां नैं इतिहास लिखती बगत राजा री रुचि रो पूरो ध्यान राखणो पड़तो। राजा रा नुमाइंदा इतिहासकारां रै सांमी बा सामग्री ई राखता, जिणसू उणारै वंश री गौरव-गाथा ई लिखी जा सकती हो अर दूजी सामग्री, जिणसू कोई कमजोरी सांमी आवै, उणनैं चौड़ै नों आवण देंवता।

स्वतंत्र भारत में इतिहास लिखण में आज नूवी-नूवी रीतियां अपणायी जाय रही हैं। इण रो कारण औ है कै आज इतिहास लिखण आळां रै साथै-साथै इतिहास पढण आळां री रुचि ई बढळगी है। बै राजावां री उठा-पटक, जुद्ध अर सन्धियां रै बाबत पढता-पढता ऊबग्या। अबै बै उण बगत रै आर्थिक, सामाजिक अर धार्मिक बदळावां बाबत ज्यादा सू ज्यादा जाणणी चावै। इण कारण सूं आज देस रै विश्वविद्यालयां अर शोध-संस्थावां रै माध्यम सूं प्राचीन, मध्य अर आधुनिक भारत रै जन-साधारण री आर्थिक स्थिति रो विशेष रूप सूं किसानां साथै पड़ण आळै भार रो, विणज-व्यापार रै सरूप रो, जन-जातियां अर अनुसूचित जन-जातियां रै रहण-सहण रो पूरो लेखो-जोखो घणी बारीकी सूं इतिहासकार लिख रह्या है।

इणां रै साथै देस नै अंग्रेजां सूं स्वतंत्र करावण में जन-साधारण कांई भूमिका निभायी आद इसा विषय है, जिणां साथै पुरजोर सूं शोध-खोज करी जाय रही है। आज रो इतिहासकार इण विषया साथै शोध करती बगत देस भर में फैल्योड़ा संग्रहालयां, अभिलेखागारां अर गैर सरकारी शोध-सामग्री रो पूरो लाभ उठा रह्या है। आज रो इतिहासकार उण बगत री सरकार री गोपनीय सूं गोपनीय सामग्री नैं देखनै नूवो इतिहास लिखण सारू स्वतंत्र है।

नूवां विषयां में शोध रै साथै उण बगत री स्थिति जन-साधारण नैं समझावण सारू आज रा इतिहासकार आंकड़ा अर उणां साथै आधारित ग्राफ रो उपयोग ई करण लाग्या है। इण खातर जठै संभव है, इतिहासकार कम्प्यूटर रो उपयोग ई कर रह्या है। आज देस में इतिहास रा विषयां नै लेयनै बडा-बडा अधिवेशन अर सेमिनारां हुवै, जिणां में देस-विदेस रा इतिहासकार उणारै बारै में नूवी-नूवी जाणकारी देवै। इणसू

खरो इतिहास सांमी आवण में मदत मिलै है। इणरै अलावा आज इतिहास लिखण आळै रै सांमी आ समस्या ई कोनी कै विदेसां में उणरै विषय सूं सम्यन्धित सामग्री उणनै उपलब्ध नौं हुय सकै। अबै वो विदेसां में पड़ी सामग्री री माइक्रो फिल्म बणवायनै आपरै कनै मंगवाय सकै है।

आज रो इतिहास राजा-महाराजावां रो, सुल्तानां-बादशाहवां रो अथवा लाट-गवर्नरां रो इतिहास नौं हुयनै जन-साधारण रै जीवण रो, उणरै विगसाव रो लेखो-जोखो है। उण मांय कल्पना अर धारणा नै स्थान कोनी। आज वैज्ञानिक-इतिहास रो सम्मान है। औ ईज आज प्रामाणिकता रै इतिहास रो सरूप है, जिण मांय भिनख री प्रधानता नौं हुयनै समाज रो प्रधानता है।

चामचोरी

आज दुनिया भर रा समाजशास्त्री अर कानून आप आपरै देस री अपराध प्रवृत्तियां नै रोकण सारू वारी प्रकृति अर कारणां रो अध्ययन करता निगै आवै। पण दुनिया भर में खासकर लुगायां साथै होवण आळा अपराधां में व्याभिचार प्रमुख है। आं अपराधां वास्तै राजस्थानी में अेक शब्द प्रचलित हो- 'चामचोरी', आ चामचोरी मानवीय दुरबळतावां रै कारण ठेट सूं हुवती रह्यी है।

मध्ययुगीन राजस्थानी रजवाड़ां रै बगत में इसै अपराधां वास्तै काई सजा दिरोजतो, बांरो निपटारो किंयां करीजतो, इत्याद तथ्य समाज शास्त्रीय अध्ययन री दीठ सूं घणा महताऊ है। उण बगत री रियासती बहियां सूं इण बाबत मोकळी जाणकारी मिलै। सतरवीं सदी सूं लगायनै बीसवीं सदी ताईं रो इण भान्त रो रेकार्ड राजस्थान राज्य अभिलेखागार में मोकळो है। बीं बगत रियासती व्यवस्था मुजब हरेक रियासत में अपराध सम्बन्धी अभिलेख भूंखला न्यारै-न्यारै नांवां सूं दर्ज रैवती। इण आलेख में कोटा रियासत रै इसा कीं अभिलेखां रो हवालो दिरीज रह्यो है। अभिलेखां सूं जाण पढ़ै कै इसै मामलां में जिको डंड मूळ करीजतो वो हर रियासत में आमदनी रो अेक सीगो हो।

कोटा रियासत में जिका इसा मामला चाल्या, उणां में राजा अथवा पंचायत किण भान्त रा फैसला किया, आ बात जाणणी आज रै संदर्भ में घणी रुचिकर है। इसै मामलां रा फैसला उण बगत गुण-दोष देखनै करया जावता जिणमें सामाजिक मूल्यां री अहम भूमिका रैवती। उदाहरण सरूप कोटा रियासत रा कीं मामला इण भान्त है-

1. वि. सं. 1820 री बात है। कोटा महाराजा रै सांमी व्याभिचार सम्बन्धी अेक मामलो आयो। इण मामलै में अेक लुगाई साथै अेक आदमी रा गैर ताल्लुकात बताईज्या हा। महाराजा जद दोनूं नैं आप-आपरी सफाई देवण रो अवसर दियो तो दोनूं जणां मामलै नैं ईर्ष्यावश मनगदंत बणायोडो कैवतां खुदोखुद नैं निर्दोष बतायो। इण माथै महाराजा हुकम दियो कै जे बै दोनूं निर्दोष है तो लुगाई नैं माता समान मान आदमी नैं बी रो स्तनपान कर लेवणो चाहीजै। महाराजा रो हुकम मान रै आदमी जद लुगाई रो दूध चूघ लियो तो बै दोनूं निर्दोष छूटग्या।

2. कोटा रिसायत री बही में वि. सं. 1866 रो अेक मामलो दर्ज है। इणमें बेचट गांव निवासी काछी खेतै माथै अेक लुगाई सागै चामचोरी (व्याभिचार) रो इल्जाम है। औ मामलो महाराजा सांमी आयो तो उणां काछी माथै बाईस रुपियां रो जुर्मानो करयो। इणमें सूं दस रुपिया राज रै खजानै में जमा हुया अर बारै रुपिया उण लुगाई नैं दिरीज्या जिण साथै चामचोरी हुई हो।

3. वि. सं. 1888 में झालरापाटण रै अेक ब्राह्मण माथै चामचोरी रो आरोप लाग्यो। सुणवाई में मामलो सही साबित हुयां महाराज उणनै देस निकालो देय दियो।

थोड़ा दिनां पछै देस बदर हुयोई ब्राह्मण झालरापाटण आयनै आपरै बेतै रो ब्यांव करणै री इजाजत मांगी पण बा नौ मिली। अतै उल्लेख जोग बात आ है कै कोटा रियासत मे इसा अपराधां वास्तै बीं बगत अेक हजार रुपिया डंड सू लेयनै देस निकाळै ताई री सजा दिरीजती।

4. वि. सं. 1893 में सौरसन गांव रो अेक लुहार चामचोरी रा अपराध में पकड़ीजग्यो। महाराज इण मामलै में लुहार माथै 11 रुपियां रो डंड घाल्यो अर राज री 25 बीघा बंजड़ धरती नैं हळ सू आछी तरयां जोतनै त्यार करण रो हुकम दियो।

5. वि. सं. 1900 में कोटा नगर रै अेक महाजन उतै री लुगाई माथै व्याभिचार में लिप्त हुवण रो आरोप लगायो। लुगाई दरबार में हाजर करीजी तो उण खुद नैं निर्दोष बतावतां शिकायत करणिया माथै आरोप लगायो कै उण उणरो चरित्रहनन करण खातर उण माथै सफा कूड़ो आरोप लगायो है। इण माथै शिकायत करणियै नैं आरोप सिद्ध करण रो अवसर दिरीज्यो पण वो सिद्ध कर नौ सक्यो। इण माथै उणनैं सजा हुयगी अर लुगाई निर्दोष छूटगी।

6. वि. सं. 1912 में वारां रै शाह सिरिया माहेश्वरी रो बेटो चामचोरी में पकड़ीजग्यो। पंचायत सांभी मामलो आयो तो पंचां फैसलो दियो कै पैली तो पाटण जायनै श्री जी नैं भेंट चढ़ावै। पछै न्यात रा च्यार जणां नैं आपरै घरां लिजायनै जिमावै। तद वो न्यात में लियो जासी। इण फैसलै मुजब कसूरवार पाटण तो जाय आयो पण जद न्यात रा च्यार लोणां नैं जीमण खातर बुलाया तो कोई नौ आयो। कसूरवार महाराजा नैं फरियाद करी कै न्यात रा च्यार जणां राज रा हुकम सू उणरै घरां जीमण नैं भेज्या जावै। पण महाराज इण काम सारू आपरी असमर्थता प्रगट करी अर कसूरवार न्यात बारै ई रह्यो। पंचायत रो फैसलो कायम रह्यो।

चामचोरी रै मामलां में ऊपर लिख्या फैसलां सू अबार रा समाजशास्त्री उण बगत रा नैतिक मूल्यां सू अवगत हुय सकै। इणरै साथै आज भारतीय दंड संहिता में इण भान्त रै अपराधां वास्तै सजावां रा जिका प्रावधान है, उणां रो तुलनात्मक अध्ययन करनै समाज में जिकी नैतिक मूल्यां री गिरावट आय रह्यी है उणसू लोणां नैं अवगत कराया जाय सकै।

तीरथां रो तीरथ : कोलायत धाम

अरावली पर्वत रै आधूण अर उत्तराध-अगूण में राजस्थान रो मरु-प्रदेस 60,000 वर्ग मील मांय फैल्योडो है। इण मांय जैसलमेर अर बीकानेर रो समूळी जूनी रियासत, जोधपुर रो घणकरो भाग अर जयपुर रै शेखावाटी रो इलाको भेळो है। मानव-इतिहास रै प्राचीनतम काळ सूं आज ताई राजस्थान रो औ मरु-प्रदेस मोकळी गौरवपूर्ण हलचलां सूं भर्योडी जिंदगी रो साखी रह्यो है। पवित्र प्राचीन सरस्वती नदी रै कांठै सारस्वत प्रदेस रो सभ्यता अर संस्कृति रै छेत्र में स्थित वर्तमान में प्रगति रो करवटां लेवतो ओ विशाल मरुधरा रो रेतीलो सागर कदैई पाषाण-कालीन सभ्यता रो अेक प्रमुख केन्द्र हो। अठै आयै लोगां वेद ऋचावां रो रचना करी। अठै ई बै सूत्र रच्या गया, जिणां में प्रकृति, आत्मा, विश्व अर बारै दार्शनिक सम्बन्धां रै गहन सवालां माथै गूढ अन्वेषण अर विश्लेषण कस्यो गयो। विश्व संस्कृति नै इण साहित्य पर आज ई घणो गीरबो है। आपरी ऐतिहासिक परम्परा रै मुजब मुगलां रै शासनकाल में औ मरु-भाग देस रो कला, साहित्य अर संस्कृति नै घणो योग दियो। चित्रकला रो शैली रा नूवा-नूवा रूप अठै पनप्या, कलात्मक दस्तकारी रो विकास हुयो, काव्य रा मधुर भक्तिपूर्ण छन्द अठै रच्या गया।

बियां तो राजस्थान रै इण मरुभाग में मोकळा कलात्मक मंदिर अर प्रसिद्ध धार्मिक स्थान है पण बीकानेर नगर सूं कोई 50 किलोमीटर दूर कोलायत नांव रो तीर्थ धार्मिक दीठ सूं आपरो खास महत्त्व राखै। राजस्थान में तीर्थराज पुष्कर रै बाद सगळा सूं बडो तीर्थ कोलायत ई वाजै। आज ई जद कदैई बीकानेर रै आसै-पासै रा लोग हरिद्वार जावै तो बांनै बठै रै लोगां सूं सुणणो पडै कै थै कपिला तीर्थ (कोलायत) नै छोडनै इण हाडां-तीर्थ हरिद्वार में काई लेवण नै आया हो ? इण बात सूं आज ई कोलायत तीर्थ रो महिमा सांमी आवै। कोलायत शब्द कपिलायतन रो अपभ्रंश है, जिण रो मतलब है कपिल मुनि रो आश्रम। कह्यो जावै है कै अठै कपिल मुनि आपरी मां देवहूति नै सांख्य-दर्शन रो ज्ञान दियो अर करड़ी तपस्या करी। अठै उतंक मुनि रै तपस्या करण अर बीमें विघन घालण आळै रेत में लुक्योडै दैत्य घूँघूं नै राजा कुलयाश्व मार्यो हो। कोलायत तीर्थ रै महातम रै बारै में स्कन्द पुराण में सूत्र ऋषि आपरै सौनकादि मुनियां नै कह्यो है कै औ कपिलाश्रम (कोलायत) सतजुग में घणो प्रसिद्ध हुयो हो पण कळजुग में देवतावां इणनै गुप्त कर दियो। सूत्र ऋषि रो इण बात रो आज रा घणकरा विद्वान औ मतलब लगावै कै कळजुग में जद मिनख शरीर नै कष्ट देयनै कड़ी तपस्या करण में असमर्थ हुय जासी तो बै थोडै परिश्रम सूं ई घणो पुण्य-लाभ हुवण सूं कोलायत तीर्थ में स्नान कर, देवतावां रो ध्यान घर, आप आपरी मनचाही गति नै प्राप्त कर लेसी। इण कारण दूजा तीर्थ अर देवतावां रो प्रभाव कम हुय जासी। पण लोगां पर कृपा कर भगवान स्कन्द देव कळजुग में इण गुप्त तीर्थ नै सगळां

लोगों खातर प्रकट कर दियो। इणीं भान्त कोलायत तीर्थ रै महातम रै बारै में ओर भी मोकळी कथावां प्रचलन में है। आं मांय सबसूं ज्यादा प्रचलित कथा इण भान्त है—

गुर्जर प्रदेश में अवैतिकापुरी में अेक वाणियो विणज-व्यापार करतो। उण रो बेटो आंधो हो। अेक दिन उणरी दूकान माथै मरु-भूमि रा मूंग विकण नै आया। वाणियै रो आंधो बेटो जद मूंगां नै आपरै हाथां में लिया तो बांनै छाती सूं लगाय लिया। इणरै साथै ई उणनै आपरै पूर्व-जन्म री याद आई। वो कैवण लाग्यो कै आं मूंगा नै म्हें मरु-प्रदेस में घणा ई खाया। उण समय म्हें हिरण री जूण मांय हो अर कपिलायतन रै खेतां में चर्या करतो। अेक दिन जद म्हें अेक जाळ रै बिरछ सूं माथै री खाज मिटावण सारू रगड़का देवण लाग्यो तो बिरछ री थोथ में म्हारा सींग उळझग्या। म्हें बांनै निकाळण सारू घणो ई आफळ्यो पण सफळ नीं हुयो अर तड़फा तोड़तो बटै ई मरग्यो। म्हारी अस्थियां तो बिरछा रै पांणी रै बहाव साथै कपिलायतन तळाब में बहगी पण प्रमाण-सरूप म्हारो माथो आज ई उण जाळ रै बिरछ री थोथ में अटक्यो पड़्यो है। कोई म्हारै उण माथै नै कपिलायतन रै तळाब में न्हांख देवै तो म्हारी आंख्यां री जोत पाछी आय सकै। वाणियै रै आंधे बेटे री आ बात जद पूरी कर दी गई तो सांच्या ई उणरी आंख्यां री जोत पाछी आयगी। तद सूं कपिलायतन तीर्थ रो महातम बधतो ई गयो।

कोलायत रै उत्तराध मे जागीरी नांव रो अेक तळाब है, जिणरै बारै में कह्यो जावै है कै अठै पौराणिक काळ में याज्ञवल्क्य मुनि तपस्या करी।

कोलायत तीर्थ धार्मिक महत्त्व रै साथै-साथै सैकड़ां बरसां सूं विणज-व्यापार रो ई अेक केन्द्र रह्यो है। बीकानेर अर जैसलमेर कानों जावण आळा व्यापारी काफिला कोलायत हुयनै ई आया-जाया करता। कोलायत रै मेळै माथै दूर-दूर रा व्यापारी आयनै आपरो माल विछायत रै रूप में बेचता अर पशुआं री खरीद-फरोख्त ई करता। लाखी जंगळ सूं लायोड़ा घोड़ा तो अठै बारला व्यापारी घणै चाव सूं खरीदता। अठै रै विणज-व्यापार सूं बीकानेर रै राजा नै हजारों रुपियां री सालाना आमदनी हुया करती। इण बात रो पतो बीकानेर रो जूनी बहियां सूं लागै। पण बीसवीं सदी रै पैलडै बरसां में कोलायत रो व्यापारिक महत्त्व कम हुयग्यो। इण रो कारण देस रै परम्परागत मारगां रो हास हुवणो है। व्यापारियां आपरा मारग बदळ लिया, जिणसूं कोलायत रै मारग सूं बांरो आवणो-जावणो भोत कम हुयग्यो।

कोलायत में काती महीनै री पूनम नै मेळो भरीजण री परम्परा सैकड़ां बरसां सूं कायम है। मेळै माथै राजस्थान अर इणरै आसै-पासै रै इलाकै रा हजारूं तीर्थजात्री अठै आवै है। इण दिन पौ फाट्यां पैलां ई जात्री कोलायत रै तळाब में स्नान करणो सरू कर देवै अर तळाब रै 52 घाटां में घूम-घूमनै पाणी में गोता लगायनै अपणै आपनै धन्य समझै। आं 52 घाटां नै बीकानेर री महाराण्यां समै-समै पर बणवाया है। घाटां रै ऊपर सैकड़ां बरस पुराणा पीपळ रा पेड है, जिका जात्रियां नै छियां देवै है। जात्री लोग स्नान

कस्यां पछै कपिल मुनि रै मिंदर, जिणमें विष्णु, शिव, गणेश, सूरज अर रामदेवजी री मूर्तियां बिराजै है अर कृच्छोदर (पतळै पेट रो गणेश) रै मिंदरां रा दरसन कर बारी आरती में भाग लेवै। अठै कपिल मुनीश्वर रै मिंदर रै बाबत अेक बात बतावणी उचित है कै मिंदर री फेरी में च्यारूं कूटां में भाभियां री मूर्तियां बण्योड़ी है, जिका आज अनुसूचित जाति में आवै। आ बात बतावै कै ई मिंदर मांय सब जात-पांत रै लोगां नैं मान्यता री छूट ही।

तळाब रै किनारै-किनारै दूर-दूर सूं आयोड़ै हठजोगियां रो प्रदर्शन ई मेळै रो आकर्षण रैवै। कोई जोगी कांटां ऊपर सूतो दीखै तो कोई ठण्डै पाणी रै कुंड में रातभर खड़यो दीखै। कोई अेक टाग रै पाण ऊभो है तो कोई चारां कानीं आग लगायनै उणरै बिचाळै बैठयो दीखै। घणकरा जात्री तळाब में स्नान रै बाद मिंदरां रा दर्शन करै अर पछै आं हठजोगियां रा दर्शन करै। जात्री लोग श्रद्धा मुजब पईसा-टक्कां सूं बारी सेवा ई करै। सांझ री बगत जात्री लोग दीया जळायनै तळाब में छोड़ै, जिणसूं दीपमालिका रो दरसाव देखतां बणै।

कोलायत में सेठ-साहूकारां रै अलावा दूजा लोग ई आप आपरी जातियां री धर्मशाळावां बणाय राखी है, जिकां में मेळै भगरियै रै बगत बै आराम सूं ठैर जावै। मेळै रै मौकै लोगां रो बडो समुदाय देख आजकाल सामाजिक चेतना नैं जगावण सारू जनसम्पर्क विभाग, स्वास्थ्य विभाग अर समाज-कल्याण विभाग आपरी प्रदर्शनियां अर चलचित्रां रो आयोजन ई करै।

कोलायत आपरी खनिज सम्पदा रै कारण दूर-दूर तक प्रसिद्ध रह्यो है। अठै री मुल्तानी मिट्टी (भेट) तो सैकड़ां बरसां सूं ऊंठां रै ऊपर लदनै दूर-दूर तक पूगती रह्यो है। सन् 1921 में महाराजा गंगासिंहजी कोलायत नैं रेल मारग सूं जोड़ दियो, जिकै सूं वारै रा लोगां नैं अठै पूगण में आसानी हुयगी। साथै ई कोलायत री खनिज-सम्पदा ई भारी मात्रा में बारै जावण लागगी। आज कोलायत पंचायत समिति रो मुख्यालय है, जिणरै माध्यम सूं कोलायत अर आसै-पासै रा गांवां रो विकास हुय रह्यो है। कोलायत पंचायत ई आपरै सीमित साधनां सूं इण कस्बै नैं नूवो रूप देवण रो प्रयत्न कर रही है।

राजस्थान मांय नगरीय विकास

(जयपुर नगर थरपणा रै ऐतिहासिक संदर्भ में)

राजस्थान राज्य अभिलेखागार, बीकानेर आपरै अठै स्वदेसी ढंग री अभिलेख सामग्री सारू देस-विदेस रा शोध-अध्येतावां सारू आकर्षण रो केन्द्र रह्यो है। इणमें अेकठ राजस्थान री लगटगै सगळी रियासतां री अभिलेख शृंखलावां राजस्थानी जनजीवण रै सगळै पखां नैं उजास में लावण में सिमरथ है। आं रियासतां रै नगरीय विकास री जाणकारी ई इणसूं अछूती कोनीं। कोटा, जयपुर, जोधपुर, बीकानेर अर उदयपुर राज्यां रै साथै दूजी सगळी रियासतां रा अभिलेखां में बठै री राजधानियां रै रूप में विकसित करीज्या नगरां रै लगोलग विकास री विगतवार जाणकारी मिलै। इणरै साथै आ ई बात उल्लेख जोग है कै इण भान्त री जाणकारी अभिलेखां रै अलावा आं नगरा रै आसै-पासै रा धार्मिक अर सार्वजनिक स्थानां पर लाग्योड़ा शिलालेखां अर निजू छेत्रां में खास रूप सूं साहित्यिक ग्रंथां यथा 'बीकानेर गजल' अर 'जैसलमेर गजल' आद में सांवठै ढंग सूं मिलै। इण आलेख में राजस्थान राज्य रै मुख्य नगर जयपुर रै क्रमिक विकास सूं सम्बन्धित राजस्थान राज्य अभिलेखागार में उपलब्ध अभिलेख-शृंखलावां री जाणकारी देवण रो प्रयास करीज्यो है।

आमेर (जयपुर) राज्य रै मुगलां री केन्द्रीय सत्ता रै सागै गहरै सम्बन्धां री जाणकारी जगचावी है। इणरै फळसरूप जयपुर राज्य रा हरैक छेत्र पर मुगल-प्रभाव रह्यो। जयपुर राज्य री अभिलेख निर्माण प्रथा ई इणसूं अछूती नीं रह्यो। औ ई कारण है कै जयपुर राज्य री अभिलेख शृंखलावां में परवाना, डोल, चिट्ठियात, तोजी, जमाखर्च, स्याह, हजूर, अखबारात, दस्तूर, कोमवार, खरीतेजात, रुक्का, जेर, याददास्ती, निरख बाजार, अर्जदास्त, स्याह बकाया, रोजनामा, इमारत, लिखत अर फरद आद नांव री उप-शृंखलावां ई मिलै। जयपुर नगर रै विकास री कहाणी जयपुर री ऊपर कथ्योड़ी सगळी अभिलेख शृंखलावा में बेसी-थोड़ी रूप में उपलब्ध हुवै। आं मांय सूं घणकरी अभिलेख शृंखलावां राजस्थानी भाषा री ढूंढाड़ी बोली में लिख्योड़ी है। कीं शृंखलावां फगत फारसी भाषा में ईज मिलै तो कीं फारसी अर राजस्थानी दोनूं भाषावां में मिलै।

आमेर रै शासक सवाई जयसिंह सन् 1727 मे जयनगर (जिणनैं आज जयपुर कैवै) नैं बसावणो सरू कर्यो। अभिलेखां सूं जाणकारी मिलै कै इण नगर रो नक्सो विद्याधर नांव रै अेक बंगाली बणायो हो। संवत् 1784 रै परवानै मुजब इण नगर नैं आमेर अर सांगानेर छेत्र रै बिचाळै बसावण री योजना बणाईजी ही। जद इण नगर री बसावट सरू हुयी तो सगळां सूं पैलां संवत् 1784 में आमेर रो अेक गांव श्री सामीदत्त दीक्षित नांव रै ब्राह्मण नैं संकळप सरूप दिरीज्यो हो। राजकीय अभिलेखा सूं जाणकारी मिलै कै संवत् 1768 सूं पैलां ई नगर में राज्य रै शासक सवाई जयसिंह रो मुख्य भवन

‘जयनिवास’ बणनै त्यार हुयग्यो हो। संवत् 1768 रै ‘स्याह हजूर’ सूं जाणकारी मिलै कै जद औ भवन बननै त्यार हुयग्यो, तद उणरै दरोगा मोहनदास महाजन नैं पुरस्कृत करीज्यो। संवत् 1883 में जयनिवास में पाणी पुगावण सारू अेक नहर लावण री योजना बणाईजी। जयपुर नगर उण जाग्या बसायो गयो जठै पैलां सूं कई लोग रैवता हा। आं लोंगा नैं बंदखल करनै मुआवजो देवण री व्यवस्था करीजी अर उणरै बाद संवत् 1784 में आगै री निर्माण-कार्य करीज्यो।

नगर मांय निर्माण कार्य सारू सामग्री री लदाई सारू संवत् 1784 में किणी साहबराम नांव रै आदमी नैं बळध-गाडां आद री व्यवस्था री काम संपीज्यो। संवत् 1784 रै अेक परवानै मुजब राज्य कानी सूं आमेर राज्य रा सगळ्ठा जागीरदारां नैं आदेस दिरीज्यो कै वै आप-आपरी हवेलियां नूवै नगर में बणावै। इणरी अेवज में आमिल अर अमीनां नैं जागीरदारां सूं सैकडै दीठ दस रुपिया रकम वसूल करण री आदेस दिरीज्यो। थोडै बगत बाद संवत् 1786 में आमेर रा ब्राह्मणां अर महाजनां नैं ई जयपुर नगर में बसण रा निर्देश दिरीज्या।

संवत् 1788 री याददास्ती सूं सूचना मिलै कै उण बगत ताई जयपुर नगर मांय राजा आयमल री हवेली ई बणनै त्यार हुयगी ही। इणरै पछै संवत् 1790 में जयनगर (जयपुर) रै दूर-दूर रा इलाकां नैं विकसित करीज्यो। आंमें जळमहल, नगर झोंटाड़ा, राजचौक, महल सतखणा, जंज, घाट का दरवाजा अर शहर काट आद प्रमुख हा। शहर री पर्यावरण संतुलन बणायो राखण सारू औ जरूरी हो कै नगर में बाग-बगीचा लगाया जावै। संवत् 1790 री अेक चिट्ठी सूं जाणकारी मिलै कै महाराजा आपरै दीवान रामनारायणदास अर विद्याधर नैं आदेस दियो कै वै नगर मांय अेक नींबू री बगीचो लगवावै। बाद में इण बगीचै नैं मानसागर री पाळ ताई बधावण रा आदेस दिरीज्या।

इण भान्त जयपुर नगर री विकास बराबर हुंवतो रह्यो अर नगर में अबाध गति सूं भवनां री निर्माण ई हुवण लाग्यो। तोजी जमाखर्च संवत् 1790 सूं जयपुर नगर रा अनेकू भवनां माथै हुवण आळै खर्च रै विगतवार ब्यौरे री जाणकारी मिलै। स्याह हजूर, संवत् 1791 में सतखणा महल रै निर्माण करणै पर उस्ता खेमा, विद्याधर बंगाली अर हृदयराम पुरोहित री राज्य शासक री तरफ सूं सम्मान करीजण री जाणकारी उल्लेख जोग है। संवत् 1793 रै स्याह हजूर मुजब ब्रह्मपुरी रै डूंगर (पहाड़) माथै ठाकुरश्री गणेशजी री मंदिर बणाइज्यो।

उगणीसवीं सदी रै उत्तरार्ध में नगर मांय कई आधुनिक सुविधावां उपलब्ध कराईजी। संवत् 1909 में नगर में ‘टाउन हॉल’ री नींव रै मुहूर्त री विस्तार सूं विगत उपलब्ध है। इणीं भान्त संवत् 1932 रै स्याह हजूर सूं जाणकारी मिलै कै इणीं बरस शहर मे पैली बार गैस री लालटेण लगाईजी जिणसूं कै चोखो च्यानणो हुय सकै। संवत् 1930 में आमेर-सांगानेर सड़क री रामगंज बजार रै बिचाळै सूं निर्माण कार्य करावण री जाणकारी सूं जयपुर नैं सडकां सूं किण भान्त जोड़ीज्यो, इणरी विगतवार सूचना

मिले। संवत् 1856 री जेळ-शृंखला सूं जयपुर में पैली पुलिस चौकी थरपीजण री जाणकारी हासिल हुवै।

इणीं भान्त संवत् 1861 अर 1865 में शहर में डाक बांटीजण रा नेम-कायदा अर टेलीग्राफ आफिस थरपित करीजण सूं सम्बन्धित सूचना मिलै। संवत् 1924 में जयपुर मांय रायल कौंसिल री थापना अर उणरी पैली बैठक रै आयोजन री जाणकारी मिलै। इणीं बरस जयपुर में पंडित शिवदीन री हवेली मांय जयपुर राज्य रो पैलो अजायबधर थापित करीजण री योजना रो महाराजा जयपुर निरीक्षण कस्थो। इणीं भान्त संवत् 1925 में ठाकुर श्री आनन्द बिहारीजी रै मिंदरां में नगर री पैली म्यूनिसिपैलिटी थरपित करीजण री सूचना मिलै। संवत् 1935 रै स्याह हजूर में रामप्रकाश नाटकघर रै उद्घाटण समारोह रो विवरण मिलै।

जिण भान्त जयपुर में नूवा भवन बण्या, उणीं ज भान्त नगर में विणज-व्यापार नैं बधावण सारू ई कई प्रयास करीज्या। संवत् 1784 रै परवानै सूं जाणकारी मिलै कै राज्य री तरफ सूं व्यापारियां नैं जयपुर नगर में दुकानां अर हवेलियां बणवायनै आपरो विणज-व्यापार सारू करण रो आग्रह करीज्यो। इणीं उद्देश्य सारू संवत् 1784 में ई दिल्ली सूं सेठ भीखणराम चौधरी नैं जयपुर में बुलवायनै सराफा रो काम सारू करण सारू कहीज्यो। संवत् 1785 में आगरा शहर में जरी-गोटें रो काम करण आळा दस्तकारां नैं जयपुर नगर में आपरो धंधो सारू करण सारू सुविधावां दिरीजी। इतो ई नों, इणीं बरस वारै रो जिको कोई व्यापारी जयपुर में धंधो सारू करणो चांवतां उणनैं कई तरै री रियायतां रो भरोसो दिरीज्यो। संवत् 1785 मे ईज आगरा री भान्त गुजराज में पारीचा अर मुखमल वगैरे बणावण आळा कारीगरां नैं जयपुर नगर मांय आपरो विणज-व्यापार करण सारू कह्यो गयो। इणीं बरस सेठ धनश्यामदास चौधरी नैं जयपुर री चौधराहट संपीजी अर उणनैं दूजा व्यापारियां सूं लोरीजण आळी दस्तूरी रा नेम-कायदा बणावण रो कहीज्यो। संवत् 1786 में बीकानेर रा व्यापारियां नैं जयपुर में दुकानां अर हवेल्यां बणायनै रैवण सारू न्यूतो दिरीज्यो। संवत् 1790 में जयपुर नगर रा प्रमुख बजार माणक-चौक री दुकान नैं फगत 25 रुपिया में खरीदण री जाणकारी उल्लेख जोग है। नगर में व्यापारी ई वस्तुआं अर जोन्सां रा भाव तै करता हा। संवत् 1784, 1790, 1820 अर 1826 रै अर सिरै ड्योढी रै बजार भावां री जाणकारी आज ई उपलब्ध है।

जयपुर नगर रो जिण भान्त विणज-व्यापार री दीठ सूं विकास हुय रह्यो हो, उणीं भान्त सांस्कृतिक हलचल ई खासी बधगी ही। सवाई जयसिंह रो खगोल-शास्त्र सांमी जिको रुझान हो, वो जगचावो है। उणां जयपुर नगर में खगोल विद्या सम्बन्धी अनुसंधान सारू अेक केन्द्र थरपित कर दियो हो। इण केन्द्र में देस-विदेस सूं खगोल-शास्त्र सूं सम्बन्धित महताऊ ग्रंथां नैं लायनै अेकठ करीज्या। संवत् 1787 री डोल री अभिलेख-शृंखला में किणीं नन्दराम ब्राह्मण रै मार्फत उलगबेग री जंज गणित

री सौ पानां री पोथी सूरत नगर सूं खरीदीजण री जाणकारी मिलै। इणीं भान्त संवत् 1790 री तोजी इमारत में जयपुर नगर में खगोल-विद्या सूं सम्बन्धित यंत्रां री निर्माण में लाग्योड़ा खगोलविदां नैं मैणताने सरूप दिरीजी राशि री जाणकारी मंड्योड़ी है।

दूजै सांमी डोल, संवत् 1777 री अभिलेख-शृंखला में जयपुर नगर स्थित गोविंदजी रै मंदिर में किणी रामनाथ बंगाली (लेखक) री बेटी ललता नैं कार्तिक सुदी 2, संवत् 1777 सूं सेवा-पूजा सारू राखण अर उणरी अेवज में उणनैं रोज डेढ सेर धान दिरीजण रो उल्लेख मिलै। अठै औ ई उल्लेखनीय है कै जयपुर नगर में गोविंद देवजी रै मंदिर रो धार्मिक अर सांस्कृतिक महत्त्व घणो हो। संवत् 1791 री याददास्ती अभिलेख-शृंखला सूं ठा पड़ै कै नगर में गोविंदजी री मूर्ति नैं बाग जयनिवास में थापित करनै उणरै भोग आद री व्यवस्था सारू दस रुपिया रोज रै हिसाब सूं देवण रो आदेस हो। संवत् 1792 री डोल अभिलेख-शृंखला में इणीं गोविंदजी रै उच्छब-खरच सारू रकम जुटावण री जाणकारी ई उल्लेख जोग है।

संवत् 1790 री याददास्ती अभिलेख-शृंखला में किणीं बेदरू फिरंगी द्वारा महाराजा सवाई जयसिंह नैं अेक पोथी भेंट कत्थां उणनैं महाराजा री तरफ सूं बतौर इनाम दो सौ रुपिया दिरीजण री जाणकारी मिलै। जयपुर नगर में विविध हिन्दू-मुस्लिम तिंवार ई मनाईजता हा। संवत् 1790 रै स्याह हजूर मुजब महाराजा सवाई जयसिंह रंगां रै तिंवार होळी माथै जयपुर नगर रै मुख्य मार्गां सूं होळी खेलता लवाजमै रै साथै निकळ्या। इणीं भान्त संवत् 1798 री याददास्ती में जयपुर नगर री मोती डूंगरी अर दूजी इमारतां माथै रोशनी री सजावट करीजण री सूचना ई उपलब्ध हुवै।

उगणीसवीं सदी रै जयपुर नगर में जीवण रै हर छेत्र में जिको विकास हुयो, उणरी ई विगतवार सूचना राजस्थान राज्य अभिलेखागार रै जयपुर राज्य री महकमा-खास री पत्रावळियां में उपलब्ध है।

डीडू सिपाही; अेक विश्लेषण

राजस्थान मांय सदियां सू हिन्दू-मुस्लिम जातियां में आपसी सद्भाव रो वातावरण रह्यो है। इतिहास इण बात रो साक्षी है कँ आमें अेक-दूजै रो धार्मिक आस्थावां रै पेटै सम्मान रो भाव रह्यो है। इणरो पृष्ठभूमि में मुख्य भूमिका अठै रा रजवाड़ां रा शासकां री धर्म-निरपेक्ष नीति तो रह्यो, साथै ई मुस्लिम जातियां में धार्मिक कट्टरता रो अभाव ई रह्यो। शासक वर्ग ई आपरो प्रजा में कदैई धार्मिक उणमाद पैदा नौ हुवण दियो। चै तो सगळै धर्मां रै लोगां नें समान दान-दिखणा देता अर उणारै धार्मिक समारोह में भाग लेयनै आपरो हेत ई जतावता। मुगलकाल में राजस्थान रा शासकां द्वारा मुगलां सू व्यांव-सम्बन्ध ई इण दिशा में खासा सैयोगी रह्यो।

मुस्लिम-काल सू ई भारत रै दूजा भागां री भान्त राजस्थान में ई कई राजनैतिक अर सामाजिक बदलाव आया, पण मुगल आक्रमणां रो मारवाड़ छेत्र रै सामाजिक जीवन माथै खासो प्रभाव पड़्यो। मारवाड़ में औरंगजेब रै शासनकाल में इण छेत्र री कई हिन्दू जातियां रा कीं लोगां मुगल-सत्ता रै भय सू मुस्लिम धर्म ग्रहण कर लियो। आमें पिछड़ी जातियां रै लोगां री संख्या घणी ही। कालान्तर में अै ईज जातियां हिन्दू-मुस्लिम धर्म री मिलीजुली संस्कृति रै प्रतीक सरूप सांमी आयी। यूं तो राजस्थान में इण तरै री जातियां रो मुख्य प्रतिनिधित्व क्यामखानी जाति करै, जिकी शेखावाटी छेत्र में चौहान राजपूतां नें आपरा पूर्वज मानै, पण मारवाड़ छेत्र री इण तरै री जातियां में सिपाही अर मुस्लिम ढोली आद जातियां प्रमुख कह्यो जाय सकै। सिपाही जाति री कई उपजातियां राजस्थान रै आधुनै भाग में जाग्यां-जाग्यां फैल्योड़ी है। आं ईज जातियां मांय सू बीकानेर नगर में बस्योड़ा डीडू सिपाही जाति रा लोग है। इण आलेख में फगत डीडू सिपाहियां री ही चर्चा करीजी है।

जद्यपि इण जाति विशेष रै सम्बन्ध री जाणकारी सारू अभिलेख सामग्री रो अभाव है, पण गौणस्रोत रै रूप में इण जाति रो उल्लेख मिलै। डीडू सिपाही मारवाड़ रै राव सम्भाजी नें आपरा पूर्वज मानै, जिका डीडवाणा रै सरदारपुरा गांव में रैवता। संवत् 1492 में किणीं खास परिस्थितियां रै चालतां उणरा वंशज हिन्दू हुंवता थकां ई मुस्लिम धर्म अंगीकार कर लियो। राव बीकाजी संवत् 1545 में बीकानेर राज्य री थापना पैली सू जद जोधपुर सू कूच कर्यो, उण वगत अै लोग सिपाही रै रूप में उणारी सेना रै सागै बीकानेर आयग्या। डीडवाणै सू सम्बन्ध राखण आळा सिपाही डीडू सिपाही रै नांव सू ई जाणीजण लागग्या। अै उल्लेखनीय है कँ अठै रैवण आळी सिपाही जाति अर डीडू सिपाही जाति री धार्मिक अर सामाजिक प्रथावां में कोई खास अन्तर निजर नौ आवै। पण आजादी मिल्यां पछै मुल्ला-मौलवियां रै कैवण सू कई सिपाही जातियां रा लोग मुस्लिम-धर्म री मुख्य बातां नें करड़ाई सू स्वीकार करली अर हिन्दू परम्परावां नें पूरी

तरै त्याग दी। सिपाहियां री औ सगळी उपजातियां, जिणांमें कै डोडू सिपाही ई हा आपरै गोत्र नैं मानै अर इणसूं ई ओळखीजै। इण गोत्र नैं औ लोग नख नांव सूं ई पुकारै। आंमें चौहान, सिसोदिया, पंवार, जोइया, खोखर, भाटी, तंवर, सोलंकी आद मुख्य है। कई लोग इण उपजातियां नैं खांप ई कैवै। आज हरैक सिपाही जाति रो आदमी किणीं न किणीं गोत्र, नख कै खांप रो नांव आपरै नांव रै अन्त में अवस लिखै।

बीकानेर रै शासकां रो सिपाही जाति रै लोगां माथै खास भरोसो हो। सुरक्षा सूं सम्बन्धित घणकरा काम आंरै ई जिम्मे हा। जनानी ड्योढी माथै तो अवस करनै डोडू सिपाही ई पहरो देंवता हा। राज्य री सेना में ई उणां नैं मध्यम दरजै रो औहदो मिल्योडो हा। राज्य री खास चाकरी री अवेज में आं मांय सूं कई लोगां नैं जागीरां ई मिल्योड़ी ही। गारबदेसर डोडू सिपाहियां री जागीर रो प्रमुख गांव हो। इणीं भान्त किळचू, गेगड़ा, बीछवाळ ई आंरी ई जागीरी रा गांव हा। आज जिण गांवां में घणकरा सिपाही जाति रा लोग मिलै, उणां में घड़सीसर, काहवनी, करमीसर, सोभासर, रिड़मलसर, जग्गासर, समेजा, बेरियांवाली आद रा नाव उल्लेख जोग है, पण डोडू सिपाही बीकानेर नगर रै सोनगिरि कुअै रै कनै अेक मोहल्ले में ई रैवै। आं जातियां में खास रूप सूं डोडू सिपाहियां में जिका हिन्दू रीति-रिवाज प्रचलन में है उणांमें कीं इण भान्त है। जद लुगाई पेट सूं (गर्भवती) हुवै तद उणनै सात महीनां हुयां पीळा गाभा पैरायनै सतवासो मनाईजै। छोरो जलम्या छत पर चढनै थाळी बजाईजै। इणीं भान्त सगाई रै समै नारेंळ देवण अर मोळी री गांठ बांधण री परम्परा ई है। छोरै अर छोरी रै ब्याव सूं पैली उणां नैं ई पीळा गाभा पैरायनै हाथ में लांह रो चिटियो दिरीजै। ब्याव री बगत बींद द्वारा तोरण टांकण री रस्म ई पूरीजै। घर-आंगणै आयोड़ी बहू री आरती उतारीजै। ब्यांव रै पछै मिरासियां अर नाइयां आद नैं दान-त्याग करण ई परम्परा ई इण जाति में विद्यमान है। ब्याव री बगत बींद री कमर में तलवार बांधीजै अर गठजोड़ो ई बंधै। ब्याव री बगत सगा-परसंग्या नैं गीतां में गाळ गावण रो रिवाज है। मृत्यु हुवण पर औसर करण री परम्परा ई इण जाति में रह्यी है।

सामाजिक रीति-रिवाज रै साथै हिन्दू धार्मिक तिंवारां में होळी, दीवाळी समेत शीतळा सात्यूं आद नैं इण जात रा लोग साधारण ढंग सूं मनावै। लुगायां रो परिवेश ई घणकरो हिन्दू लुगायां री तरै ई हुवै।

राजस्थान रै इतिहास रो महताऊ स्रोत : राजस्थानी साहित्य

राजस्थान राज्य अभिलेखागार, बीकानेर में अपुरालेखीय खंड री सामग्री में जोधपुर राज्य सूं प्राप्त राजस्थानी भाषा, साहित्य सूं सम्बन्धित ऐतिहासिक सामग्री रै अध्ययन रो अवसर मिल्यो। यद्यपि राजस्थानी भाषा में लिख्योड़ी आ सामग्री मुख्यतः जोधपुर रियासत रै विविध पहलुआं सूं ही सम्बद्ध है; फेर भी इण सामग्री री आ विशेषता है कै मध्यकाल में राजस्थानी भाषा रै साहित्य रो जिण विविध रूपां में सिरजण हुयो वै सगळा रूप इण सामग्री में मिलै है। इण वास्तै राजस्थान अर उणरै बारै रा शोध अध्येतां वास्तै, जिका राजस्थान रै इतिहास रै अध्ययन में संलग्न है, इण सामग्री रो महत्व घणो बधग्यो है। ओ सही है कै आजादी मूं पैलां रै भारतीय इतिहास रो राजस्थान रै संदर्भ में अध्ययन करयो जावै तो मालूम पड़सी कै तत्कालीन इतिहासकारां उणमें साहित्यिक सामग्री रो भी काफी उपयोग करयो हो, पण तथ्यां सूं ओ पता चालै कै इण तरै री सामग्री रो सबसूं बेसी उपयोग उण वगत री राजनैतिक घटनावां रो विस्तार सूं वर्णन करण वास्तै ई हुयो हो। पण आज इतिहास लेखन में राजनीति रै सार्थ-साथै तत्कालीन सामाजिक, धार्मिक अर आर्थिक स्थिति रो मोकळो अध्ययन करीजण सूं राजस्थानी भाषा री साहित्यिक आधार-सामग्री रो महत्व घणो बधग्यो है, क्यूँकै इण साहित्य में उपर्युक्त पखां री घणी सारी जाणकारी मिलै। राजस्थानी भाषा में लिख्योड़ो औ साहित्य, च्यार मुख्य भागां में बांटीजण री परम्परा रही है। अं च्यार भाग जैन-साहित्य, चारण-साहित्य, भक्ति-साहित्य अर लोक-साहित्य है। जैन साहित्य अधिकांशतः जैन यतियां अर उणां रा अनुयायी श्रावक-श्राविकावां द्वारा लिख्योड़ो है। चारण शैली में साहित्य रै निर्माण में चारण जाति रै लोगां री देन मानीजै। राजस्थान में भक्ति-साहित्य ई घणो सारी मात्रा में लिखीज्यो है। संत कवियां री वाण्यां आज ई समाज में खूब प्रचलित है। इण तीनां रै अलावा राजस्थान रा हजारूं कवियां आपरी काव्य-कला रै माध्यम सूं राजस्थानी लोक-साहित्य रो सिरजण करयो जिको आज प्रचुर मात्रा में उपलब्ध हुवै है। इणमे जैन अर भक्ति-साहित्य री आंतरिक सचाई, जियां- विभिन्न धर्म-संप्रदायां, उणां रा आन्दोलनां अर क्रिया-कलापां री पद्धतियां रो उण वगत रै परिप्रेक्ष में तटस्थ अर संतुलित दृष्टि सूं अध्ययन री जाणकारी वास्तै महताऊ है, वठै हो चारण शैली में लिख्योड़ो अर दूजो लोक-साहित्य समाज री छोटी-सूं-छोटी मान्यतावां, धारणावां अर जीवन-मूल्यां नें समझण सारू महताऊ है। गद्य अर पद्य में रच्योड़ो राजस्थानी रो औ साहित्य इत्तो विपुल परिमाण में है कै उण रो विवेचन अेक लेख में संभव कोनी। इण बात नें दीठ में राखता थकां प्रस्तुत लेख में बीकानेर रै राजस्थान राज्य अभिलेखागार में राजस्थानी में उपलब्ध ऐतिहासिक महत्व आळै साहित्य री अेक संक्षिप्त ग्रंथ-मूची देवण रै साथै उणरै विभिन्न स्वरूपां रै बारै

वतळावण रो प्रयत्न करचो गयो है। राजस्थानी भाषा री उपलब्ध साहित्यिक सामग्री पद्य अर गद्य दोनू रूपां में है। पद्य रूप में उपलब्ध सामग्री जठै विलास, रूपक, वचनिका, वेलि, नीसाणी, झूलणा, झमाल, गीत, कवित्त (छप्पय) अर दूहा रूप में है, बटै ई गद्य साहित्य में ख्यात, तवारीख, वात, विगत, वंशावली अर वार्ता आदि रूपां में मिलै।

राजस्थानी गद्य साहित्य रै विगसाव में ख्यातां रो खासो महत्त्व है। साहित्यिक दृष्टि रै अलावा इण रो अतिहासिक महत्त्व ई कम कोनीं। राजस्थानी ख्यात शब्द प्रायः इतिहास रै पर्यायवाची शब्द रै रूप में ही प्रयुक्त हुवै है। अठारवीं सदी में कई ख्यातां लिखीजी। ख्यातां प्रायः दो ढग सूं लिखी जावती ही। अेक तो बै है, जिकी लगातार इतिहास ग्रंथ रै रूप में, जिणमें क्रम भंग नीं हुवै, लिखीजी। इण कोटि में दयालदास री ख्यात राखी जा सकै है। दूजै भान्त री बै ख्यातां है, जिणमें क्रमबद्ध इतिहास री जाग्यां फुटकर बातां पायी जावै। जे आं बातां नै क्रमबद्ध कर भी दियो जावै तो ई शृंखलाबद्ध इतिहास ग्रंथ को बणै नी। इण भान्त री ख्यातां मे बांकीदास री ख्यात उल्लेख जोग है। ख्यात लेखक या तो ख्यात रो नामकरण आपरै नांव सूं कर देवतो हो, या जिण राजा या राजवंश रै नांव पर जिण नै बां आपरी ख्यात रो विषय बणावतो। उपर्युक्त ख्यातां में नैणसी री ख्यात अर मुंदियाड री ख्यात में सतरहवीं सदी रै राजस्थान में राजपूत अर मुगलां रै सम्बन्धां पर विस्तार सूं प्रकाश पड़ै। बांकीदास री ख्यात सूं दूजी बातां रै अलावा अंग्रेज-विरोधी विचारधारा री जाणकारी मिलै। दोनू भान्त री प्रमुख ख्यातां इण भान्त है।

1. ठिकाणा मुंदियाड री पुस्तक, 2. राठौड़ां ख्यात जोधपुर री, 3. परगना फळोदी रै गांव खारिया रै पठावतां री ख्यात (खुलासो), 4. ठाकुर रणजीतसिंघजी ख्यात, 5. परगनै जालौर रै गांव भंवरा रै राठौड़ वभूतसिंह खांप अडळावतां री ख्यात, 6. परगनै सोजत रै गांव वगड़ी खांप जेतावतां री ख्यात, 7. खांप पीढियां री ख्यात, 8. खांप करणोतां री ख्यात, 9. खांप जोधाजी री ख्यात, 10. महाराणा अजीतसिंघजी ख्यात, 11. खांप कांधळोत राठौड़ां री ख्यात, 12. खांप भिंवोत राठौड़ां री ख्यात, 13. खांप करमसोतां री ख्यात, 14. ऊदावतां री ख्यात, 15. खांप मांडणोतां री ख्यात, 16. ख्यात री बही वणसुर जादूदान री बही री नकल, 17. महाराजा श्री जसवंतसिंहजी री ख्यात, 18. रावसिंहजी री ख्यात, 19. दिल्ली राजा पातसाह हुया जिणां री ख्यात, 20. मूता नैणसी री ख्यात, 21. ख्यात श्री कुचामन री, 22. महाराजा सवाई सूरसिंघजी री ख्यात, 23. राव श्री मालदेवजी री ख्यात, 24. राव श्री सातळजी री ख्यात, 25. महाराजा श्री रायसिंघजी री ख्यात, 26. महाराजा श्री अभयसिंघजी री ख्यात, 27. परगना नागौर रै गांवां री ख्यात, 28. परगनै बिलाड़ै रै गांवां री ख्यात, 29. खांप भादावत चांपावत अर कुंपावतां री ख्यात, 30. मुंदियाड ठिकाणै री ख्यात, 31. ख्यात बीकानेर रै राठौड़ां री, 32. दयालदास री ख्यात, 33. ख्यात नैणसी री, 34. जोधपुर री ख्यात, 35-36. जोधपुर रा महाराज मानसिंघजी री नै तखतसिंघजी री ख्यात,

37. बांकीदास री ख्यात आद। इण ख्यातां में राजस्थान रै राजवंशा रै इतिहास री जाणकारी मिलै।

राजस्थान में ख्यात-लेखन रै साथै ही तवारीख-लेखन ई कम नीं हुयो। यद्यपि औ लेखन घणकरो उगणीसवी सदी रै छेकड़लै दसकां अर उणरै बाद रो है। मुगल दरबार री भान्त राजस्थान रा शासक बडा जागीरदारां नैं आपरै खदुरै अथवा आपरै पैली रा राज्यां, जागीरां अर उणारै त्हेत आवण वाळा गांवां री तवारीखां लिखावणी सरू कर दी हो। इण तवारीखां री विशोषता आ है कै औ मुगल शासन में लिखीजण वाळी तवारीखां री दाई फारसी में नीं लिखीजनै राजस्थानी में लिख्योड़ी मिलै। आं में कीं महताऊ तवारीखां इण भान्त है- तवारीख कुशलगढ राज्य, तवारीख खांप जोधा (दूजो भाग), तवारीख महाराजा श्री तख्तसिंघजी, तवारीख जोधपुर महाराजा श्री विजयसिंघजी री, परगनै पाली रै गांव सेखा री तवारीख, सीतामऊ राज्य री तवारीख, रतलाम राज्य री तवारीख, टांटोटी इलाकै अजमेर री तवारीख, तवारीख रियासत झाबुआ री, मालपुरा री तवारीख, श्री अजीतसिंघजी री तवारीख, परगना भेड़ता गांव छातो री तवारीख, मोटा राजा उदयसिंघजी री तवारीख, तवारीख ठाकुरां राजश्री शिवनाथजी री, महाराजा श्री गजसिंहजी री तवारीख, महाराजा श्री भीमसिंह रै राज री तवारीख, महाराजा सूरसिंहजी रै राज री तवारीख, राव गांगाजी री तवारीख, राव चन्द्रसेनजी अर मोटा राजा उदयसिंघजी रै काळ री तवारीख, महाराजा श्री अभयसिंघजी री तवारीख, महाराजा श्री विजयसिंघजी री तवारीख, महाराजा मानसिंघजी री तवारीख, राव सूजाजी अर बाघाजी री तवारीख, महाराजा श्री विजसिंघजी री तवारीख आद। मुगलकालीन तवारीखा री भान्त आं तवारीखां में ई अलेखूं अतिशयोक्तिपूर्ण बातां समायोड़ी है, पण इणरै हुवतां थकां ई आं रो ऐतिहासिक महत्त्व कम कोनीं।

राजस्थानी गद्य-साहित्य में बात-साहित्य रो इतिहास ई महताऊ आधारभूत सामग्री है। ख्यातां रै विभिन्न अध्यायां नैं बातां रै रूप में लिखण री परम्परा रह्यी है। इणरै राजावां रै विशिष्ट व्यक्तियां अर उणारै कार्यकळापां रै आधार साथै ई अणगिणत बातां री रचना हुयो है। समृद्धता री दीठ सूं राजस्थानी रो बात साहित्य सबसूं बेसी महत्त्व राखै। इणमें सूं ऐतिहासिक बातां रो राजस्थान रै इतिहास लेखन में विशेष महत्त्व है। बातां री आ खासियत है कै आं में सामान्य जनजीवण री जाणकारी मिलै। बातां रो नामकरण ई ख्यातां री भान्त ई राखीजतो हो। कतिपय प्रमुख बातां इण भान्त है- बीकानेर रा राठौड़ां री बात, नागौर रै मामलै री बात, दिल्ली रै घणियां री बात, रायघण री बातां, लाखै फूलाणी री बात, बीजी फुटकर बातां, फुटकर बातां रो संग्रह, जगदेव पंवार री बात, कुंवरसी सांखळै री बात, हालां-झालां री बात, ढोला भरवण री बात, राव रिड़मल री बात, पाबूजी री बात, कान्हड़दे री बात, नापै सांखळै री बात, राव अमरसिंहजी री बात, फीरोजशाह पातिसाह री बात अर मूमल री बात।

बात साहित्य री दाई राजस्थान राज्य अभिलेखागार में चार्तावां रो संग्रह ई

उपलब्ध है। वार्तावां ऐतिहासिक दौठ सू खासो महताऊ मानीजी है। इणमें कतिपय वार्तावां इण भान्त हैं— वार्ता महाराणा सांगा री, वार्ता जलाल बूबना री, विविध वार्ता संग्रह, वार्ता शाहजादा कुतुबुद्दीन री, वार्ता रिडमल खावड़िया री, वार्ता पन्ना री, वार्ता ढोला-मरवण री, वार्ता महचो कंवर जगमालसिंघजी री, भाटियां री ख्यात वार्ता, अनंतराय साखळा री वार्ता आद।

वार्ता साहित्य री भान्त 'विगत' साहित्य ई ऐतिहासिक दौठ सू घणै महत्त्व रो है। विगत रो शाब्दिक अर्थ वृत्तान्त है। राजस्थानी में लिखी विगतां री संख्या कम कोनीं। अठै आ बात उल्लेख जांग है कै आज रा इतिहासकार विगत साहित्य नै राजस्थान रै सामाजिक अर आर्थिक इतिहास रो जाणकारी रै वास्तै महताऊ आधार सामग्री मान रद्दा है। महाराजा अनूपसिंघजी रै मुनसब रै तलब री विगत संवत् 1724 सू 1752 ताई री मुगलकालीन घटनावां रै साथै तत्कालीन विषयां सू सम्बन्धित आंकड़ां ई प्रस्तुत करै है। नैणसी री मारवाड़ रा परगना री विगतां में, जिकी आज रै इतिहास री सर्वश्रेष्ठ आधारभूत सामग्री बणगी है, मारवाड़ रै परगनां रै गांवां री भौगोलिक स्थिति, वाणिज्य, व्यापार, व्यापारिक-मार्ग, विभिन्न स्रोतां सू आय रा साधन, किसानां री स्थिति आद पर विस्तार सू प्रकाश पड़ै है। अभिलेखागार में प्राप्त कीं दूजी विगतां इण भान्त हैं— महाराजा रामसिंघजी गढ ऊपर टीकै विराजिया री विगत, पुस्तक प्रकाश री जूनी वही में लिखी तिणरी विगत, श्रीजी साहबा रै अर रामचन्द्र रै ब्याह री विगत, महाराजा जसवन्तसिंघजी रै ब्याह री विगत, महाराजा अजीतसिंघजी साहवा रै राज लोक री विगत। इणरै अलावा गहलोतां री चौबीस शाखां री विगत, कछवाहां-शेखावतां री विगत, जोधपुर-बीकानेर टीकायतां री विगत ई उल्लेखजोग है।

राजस्थान में कत्ता लिखण री परम्परा लंबै वगत सू रही है। कत्ता रो शाब्दिक अर्थ राजकीय विवरण सू लेवां तो अतिशयोक्ति कोनीं। इण वास्तै आं में ऐतिहासिक सामग्री भरपूर मात्रा में मिलै है। अभिलेखागार में पाया जावण आळा कत्ता घणा पुराणा तो कोनीं पण फेर ई खासा महताऊ है। उणां मांय सू कई कत्ता इण भान्त हैं— डाबो मिसल रो कत्तो, महाराजा श्री अजीतसिंघजी रै समय रो कत्तो, महाराजा श्री अजीतसिंघजी रै जीवणी मिसल रो कत्तो, राठौड़ां रै गढावतां री बंदगियां रो कत्तो, सन् 1885 सू 1886 ताई महाराजा सरदारसिंघजी रै राजतिलक रो कत्तो, सन् 1885 सू 1889 ताई रो कत्तो, महाराजा श्री जसवंतसिंघजी द्वितीय रै जन्म अर अहमदनगर पधारणै रो कत्तो।

कुर्सीनावै अर वंशावळी रो ऐतिहासिक महत्त्व सर्वविदित है। राजस्थान राज्य अभिलेखागार बीकानेर में घणी सारी वंशावळियां अर कुर्सीनांवा मिलै हैं। आं मांय सू कई महताऊ वंशावळियां अर कुर्सीनांवा इण भान्त हैं— कुर्सीनांवा अचळदास खीची रो, राठौड़ वंशावळी, वंशावळी उणियांरा रा राव राजा फतहसिंघजी री, खाप मेडतिया

बिठलदासोत, केसोदासोत तथा मेड़तिया रघुनाथसिंघोत तथा आनन्दसिंघोत रो कुर्सीनांवा, परगनै नागौर रै गांव माण रो पोटलिया रै जागीरदारा रायमलोत, नाहरसिंघ रै पट्टै रै गांव रो कुर्सीनांवा, नकल कुर्सीनांवा, महाराजा साहब माढा, अचलदासजी, आसकरणजी, रावत सिंघोत, शंकरदास, भानीदासोत आद रा कुर्सीनांवा अर खीचिया रा कुर्सीनांवा।

राजस्थानी गद्य-साहित्य में 'हाल' लिखण री परम्परा ई रह्यी है। इण रो ई ऐतिहासिक महत्त्व खासो है। राजस्थान रै विभिन्न भागां में अनेक हाल मिलै हैं। महाराजा जोधा रो हाल व जोधा रो जन्म सम्बन्धी हाल, मारवाड़ रै इतिहास रै बारे मे महताऊ जाणकारी देवै। इणरै अलावा गद्य-साहित्य में अनेक दवावैत ई उपलब्ध है जिका हाल अर ख्यात री भान्त इतिहास रै वास्तै आधार-सामग्री रै रूप में महताऊ कहा जाय सकै है। दवावेतां में महाराजा अजीतसिंघजी रो दवावैत उल्लेख जोग है।

राजस्थानी भाषा रै गद्य-साहित्य री भान्त उण रो पद्य-साहित्य ई इतिहास री आधार-सामग्री रै रूप में कम महत्त्व रो नीं है। इण अभिलेखागार में पद्य रूप में जिको साहित्य उपलब्ध है, उणमें वचनिका साहित्य ई ऐतिहासिक दीठ सू जाणकारी देवण में सिमरथ है। वचनिका लिखण री आ खासियत रह्यी है कै किणी ऐतिहासिक व्यक्ति नै आधार बणायनै जिकी वचनिका री रचना करीजती ही, उणमें गद्य अर पद्य दोनू हुंवता ह। शिवदास चारण कृत अचलदास खीची री वचनिका अर राठौड़ रतनसिंघजी महेंसदासोत री वचनिका उल्लेख करण जोग है।

राजस्थानी रै पद्य-साहित्य में 'नीसाणी' लिखण री ई परम्परा रह्यी है। किणी व्यक्ति अथवा घटना री स्तुतिपरक अथवा स्मरण दिरावण आळी रचना निसाणी कहीजती ही। राजस्थानी साहित्य में नीसाणी रो ई ऐतिहासिक महत्त्व रह्यो है। कीं निसाणियां इण भान्त है— ठाकुर राजसिंघजी खीमावत री नीसाणियां, नीसाणी परगना सोजत रै गांव पंचोटिया रै किशनोजी दुरसावत री कही हुयी, नीसाणी ठाकुर बिठलदास गोपाळदास चांपावत री, नीसाणियां भंडारी गंगारामजी री, नीसाणी सेवक मछारामजी रो कही हुयी, नीसाणी वीरमाण री, गोमैजी चौहाण री नीसाणी अर आंबेर रा महाराजा प्रतापसिंघजी री नीसाणी।

नीसाणी अर वचनिका री भान्त 'वेलि' लिखण री परम्परा ई राजस्थान में पुराणै बगत सू रह्यी है। इण कारण अठै वेलि-साहित्य प्रचुर मात्रा में मिलै। वेलियां में वीर रसात्मक वेलियां ऐतिहासिक महत्त्व री है। प्राचीन राजस्थानी में लोकहित रै वास्तै प्राणोत्सर्ग करण आळा वीरां री चारित्रिक विशेषतावां अर उणारै सखरै करनामां माथै घणकरी वेलियां रो सिरजण हुयो है। सतरहवीं सदी में रच्योड़ी राठौड़ रतनसिंघजी री वेलि सगळां सू सिरै है। वेलि साहित्य री दूजी महताऊ वेलियां में क्रिसन-रुक्मिणी री वेलि, बोकानेर महाराज पृथ्वीराज राठौड़ द्वारा विरचित अर राजा रायसिंघजी री वेलि, माला सांदू विरचित है।

वचनिका अर वेलि रै अलावा राजस्थानी रै वीर रसात्मक साहित्य में अनेक

काव्य गीत, फुटकर दूहा अर छंद ई उपलब्ध है। इण दूहां, गीतां अर कवित्त आद में डिंगळ में छप्पय, कवित्त, रूपक, झमाळ, झूलणा, मरसिया आद रचनावां खासी महताऊ है।

इतिहास रा अध्येता उक्त पद्य-साहित्य में इतिहास री आधार-सामग्री बणावै, इणसूं पैली अनेकूं नांवां सूं प्रसिद्ध इण साहित्य रो शाब्दिक अर्थ जाण लेवणो ठीक रैसी। रूपक सूं तात्पर्य उण काव्य या ग्रंथ सूं है जिणमें किणी महान जोद्धा रो चरित्र-चित्रण हुवै, पण वास्तव में ओ डिंगळ गीत छंद विशेष में हुवै। आं छन्दां री संख्या 84 तक मानीजै। इणी भान्त झमाळ डिंगळ रो वो छंद विशेष है जिणमें छंद रै पछै चंद्रायण अर फेर उल्लाळा छंद राखनै सिंहावलोकन री रीत सूं पढ्यो जावै। झमाळ री भान्त ही झूलणा 37 मात्रावां रो मात्रिक छंद अथवा 24 आखरां रो वर्णिक छंद विशेष है जिणरै अन्त में यगण हुवै। मरसिया किणी मृत व्यक्ति रै शोक में बणायोड़ो पद्य हुवै है। बां ऐतिहासिक घटनावां रै, जिण रो दूजी मूल सामग्री सूं सत्यापन नों हुय पावै, सत्यापन रै वास्तै आ सारी सामग्री उपयोगी सिद्ध हुवै। अभिलेखागार में इण भान्त री कुछ सामग्री इण भान्त है— जोधपुर महाराजा जसवंतसिंघजी, मानसिंघजी, अजीतसिंघजी, देवीसिंघजी शेखावत, सीसोदिया भीमसिंघजी, राणा अमरसिंघजी आद राजावां रा विड़द गीत, महाराजा अर बडा सरदार जिका जुद्ध में काम आया उणां रा विड़द अर जस-गीत, कवित्त-छप्पय भटियाणीजी उम्मेदीजी राव मालदेवजी रै लारै सती हुवा तिण भाव रो, जयपुर, जोधपुर, उदयपुर, बूंदी, कोटा, जैसळमेर इत्याद रै राजावां रा विड़द गीत, जोधपुर महाराजा बखतसिंघजी रा फुटकर गीत, कवित्त, छप्पय, इत्याद, महाराजा जसवंतसिंघ, रामसिंघ, रायमल, राव मालदेव, पृथ्वीराज इत्याद रा विड़द गीत, जोधपुर, सीकर, उदयपुर रै सीहाजी, बखतसिंघजी, राणा अमरसिंघजी अर बडा सरदारां रा, जिका जुद्ध में काम आया, विड़द गीत; उदयपुर, जयपुर रै राजावां समेत कोटा रै दुर्जनशाल अर बडा सरदारां सूं सम्बन्धित गीत; महाराजा अजीतसिंघजी, अमरसिंघजी, मानसिंघजी अर महाराणा प्रतापसिंघजी रा विड़द गीत; जोधपुर महाराजा अभयसिंघजी अहमदाबाद रै नवाब शेरबुलंद खां सूं झगड़ो कर्यो, उणसूं सम्बन्धित छप्पय, किशनगढ महाराजा बहादुरसिंघजी, जोधपुर महाराजा मानसिंघजी, अभयसिंघजी, अजीतसिंघजी, सरदारसिंघजी अर बूंदी रा महारावळ अर जैसळमेर रा रावळ गजसिंघजी अर देवळिया अर बिदनौर रै ठिकाणां रा गीत; जैसळमेर, बीकानेर, बूंदी, कोटा अर जोधपुर ठिकाणां रै सरदारां री वीरता रा गीत; आलिया चारण अखैदानजी कृत डिंगळ भाषा काव्य-गीत, कवित्त, दूहा, छंद इत्याद फुटकर संग्रह; उम्मेदसिंघजी रा कवित्त, छप्पय, छंद आद, सांदू रिङ्गमलदानजी कृत डिंगळ भाषा काव्य-गीत, कवित्त, फुटकर संग्रह; महाराजा तखतसिंघजी रो कवित्त, छप्पय, आढा चारण मूळराज कृत गीत-संग्रह, क्षेत्रपाळजी रा छंद, महाराजा मानसिंघजी रो जस कवित्त (आसिया बांकीदास कृत), फुटकर गीत दूहा, नाथिया अर मोतीसरां रा दूहा, पोहकरण ठाकुर बभूतसिंघजी रा

छप्पय, जळंधरनाथजी रो जस वर्णन, मेहडू महादान कृत नाथजी रा कवित्त, सेवक मघजी बडलू वाळा कृत रूपनगर री सतियां रा कवित्त, परगनो जसवंतपुरा गाव अवतारी रै चारण हणूदानजी री पुस्तक री नकल, फुटकर गीत, कवित्त आद, फुटकर गीत कविराजा गणेशदानजी री पुस्तक री नकल, फुटकर गीत, कवित्त, दूहा (खिड़िया पीरदानजी री पुस्तक री नकल), फुटकर गीत, कवित्त, दूहा आदिनाथजी रा, विविध गीत संग्रह बारठठ रूपदान कृत; विविध गीत संग्रह, आढा चारण चतुर्भुज कृत; फुटकर गीत कवित्त संग्रह खिड़िया चारण हरसुख कृत; फुटकर गीत कवित्त संग्रह, वणासुर महादानजी कृत; बिरद प्रकाश फुटकर गीत कवित्त (बीकानेर रै गांव सोलवा रै चारण आसिया मोतीराम कृत, उदयपुर, जोधपुर रै सरदारां अर राजावां रा फुटकर गीत; पाबूजी रा छंद; चौथ री कथा तथा अन्य फुटकर गीत, राजावां सरदारां अर बडा ठाकुरां रा जस अर वीरता रा गीत; महाराजा सूरतसिंधजी, महाराजा गजसिंधजी, राजा जसवंतसिंधजी, राव चौडो धूहड़जी, छत्रशालजी सम्बन्धी गीत, विविध गीत संग्रह रो गुटको, जोधपुर रै राजा तखतसिंधजी रा कवित्त, छप्पय तथा छंद आद रो संग्रह, फुटकर गीत संग्रह कवित्त, दूहा आद गोरखदान री पुस्तक मांय सूं लिया हुवा, डिंगळ काव्य फुटकर विविध गीत चारण शंकरदानजी री पुस्तक सूं संग्रहीत; आसिया मोतीराम कृत गीतां रो फुटकर संग्रह, बारठ रूपदान कृत विविध गीत संग्रह, चारण आढा चतुर्भुज कृत फुटकर गीत संग्रह; रतनू चारण पाबूदान अर जुगतीदान कृत गीत संग्रह; बारठ बिहारीदास कृत फुटकर गीत संग्रह, चारण दुरसाजी कृत विविध गीत संग्रह, सांदू चारण घनश्यामजी कृत विविध गीत संग्रह, बारठ देवकरण रतनू चारण, पाबूदान अर जुगतीदान कृत फुटकर गीत, कवित्त दूहा संग्रह; जेतदान संग्रहीत फुटकर गीत, कवित्त अर दूहा अर नीसाणी; सिंढायच पीरदान कृत फुटकर गीत, कवित्त अर दूहा संग्रह, जेतदान संग्रहीत फुटकर गीत, कवित्त अर दूहा; रतनू चारण गणेशदान अर खेमदान द्वारा संग्रहीत फुटकर गीत, कवित्त; डिंगळ भाषा काव्य, गीत, कवित्त, दूहा अर छंद; सांदू चारण शोभजी कृत फुटकर गीत; बारठ रुद्रजी कृत फुटकर गीत, कवित्त अर दूहा; चारण नाथूदानजी कृत फुटकर गीत, कवित्त अर आढा महाइसिंध विरचित फुटकर गीत-संग्रह उल्लेख जोग है।

गीत, कवित्त अर दूहा री भान्त झमाळां में उदयपुर महाराणा री झमाळ, रतनू चारण कृत जोधपुर महाराजा री झमाळ अर पोरकरण ठाकुर देवीसिंध री झमाळ उल्लेखनीय है। इणीं भान्त महताऊ रूपकां में मोतीसर बखतावर कृत पाबूजी रो रूपक, गोगाजी रो रूपक, महाराजा बजरंगसिंधजी रो रूपक, चारण रामदीन कृत विरदप्रकाश रूपक, महाराजा गजसिंध अर आयश देवनाथ रो रूपक उल्लेख करण जोग है। महाराजा मानसिंध रो मरसियो अर रायसिंध रो झूलणो, प्रमुख मरसिया नै झूलणां में आवैइण सामग्री रै टाळ हिन्दी अर राजस्थानी में लिखी दूजी अनेक रचनावां इण अभिलेखागार में उपलब्ध है, जिकी मध्यकालीन राजस्थान रै इतिहास री

जाणकारी रै वास्तै घणी महताऊ है। आ मांय सूं कई इण भान्त है- गुण भाया चित्र महाराजा गजसिंघजी रो कह्यो, हेम कवि कृत तवारीख पातसाह री; विजय विलास, कवि बारठ विशनसिंह कृत, रतनरासो कविराजा गणेशदान कृत, भरतपुर रो इतिहास, झावुवा राज्य रो संक्षिप्त इतिहास, सीतामऊ राज्य रो संक्षिप्त इतिहास, पृथ्वीराज दौलमतोत री विजय, गुण जिहाज महाराजा श्री गजसिंघजी रा, गुण कुंडळिया सावळदास भोजराजोत रा, गुण महाराजा श्री गजसिंघजी रो हेमकवि कृत, बडा महाराजा श्री मानसिंह रा ख्यालातां रो खरडो, महाराजा मानसिंघजी रो राजविलास, देशी नाममाला, आढा सामदान कृत नाथजी रो वर्णन, गोगामेडी आसाजी री कही हुयी, मानजसोमंडण, आसिया बांकीदास कृत वीर सतसई, चारण सूरजमल कृत नाममाला डिगळ, हमीर रतनू कृत ओसवाळ उत्पत्ति, अनेकार्थ मंजरी नंददास कृत, परगना मालाणी रै गाव सेताराऊ री खांप, राठौड़ जैतमलोत तथा चाला नाराजोत दूदावत तथा बीदावत री खांपां, रजिस्टर खाप पतावतां री, रजिस्टर खांप नक्शा शेखावत लाडरवाणियां रो अर ऊदावतां राठौड़, गांव जसोल खांप करमसोत रा नक्शा, रजिस्टर गोगादे, पागळिया, भाटी जैसा आद री खांपां, रजिस्टर नक्शा मेडतियै रघुनाथ सिंघोत चांदावत, कल्याणदासोद इत्याद पुराणी खांपां राठौड़ां री अमरखाण, रावजी श्री अमरसिंघजी रै समय रो रजिस्टर, राव रायसिंघजी अमरसिंघ रै काळ रो रजिस्टर, महाराजा श्री जसवतसिंघजी रै काळ रो रजिस्टर, महाराजा श्री अभयसिंघ रै काळ रो रजिस्टर, महाराजा श्री विजयसिंघजी रै काळ रो रजिस्टर, महाराजा तखतसिंघजी रै काळ रो रजिस्टर, महाराजा श्री भीमसिंघजी रै काळ रो रजिस्टर, महाराजा श्री सरदारसिंघजी रै काळ रो रजिस्टर, महाराजा श्री सुमेरसिंघजी रै काळ रो रजिस्टर, उदयपुर रै कविराजा श्यामलदासजी विरचित वीर विनोद मे सत्ताजी सूं मंडोवर लेवण रो वृत्तांत, महाराजा मानसिंघजी विरचित जळंधर नाथजी रो जसभूषण, पिंगळ गुणग्रंथ, आलमगीर नामा, पृथ्वीराज रासो चंदवरदायी कृत अर ग्रंथ लच्छ सतरंग बारठ विहारीदास कृत। इण फुटकर रचनावां रो राजस्थान रै इतिहास लेखन में घणो महत्व है। मुगलकाल सूं लेयनै राजस्थान में मराठां रो आक्रमण अर उणां पछै अंग्रेजी सत्ता द्वारा रजवाड़ां रै आंतरिक मामलां में भरपूर मात्रा में हस्तक्षेप री सूचना आं सूं मिलै। राव जैतसी रो छंद बीदू सूजा रो कह्यो, में बीकानेर माथै कामरान रै आक्रमण अर बीकानेर रै शासक राव जैतसी द्वारा उणनै हरावण रो महताऊ वर्णन मिलै। राजरूपक में जोधपुर रै राठौड़ शासकां रो औरंगजेब रै मुगल सेनापतियां रै साथै हुयोड़ा जुद्धां रो वर्णन करयो गयां है। उगणीसवीं सदी में बूंदी राज्य रै चारण कवि सूर्यमल्ल भीसण द्वारा रचित वंश भास्कर अर वीर सतसई क्रमशः राजस्थान में मराठा अर अंग्रेज विरोधी भावना री जाणकारी री महताऊ आधार-सामग्री है। बांकीदास, महाराजा मानसिंघ (जोधपुर) अर दूजा कई चारण कवियां आपरी अंग्रेज-विरोधी भावना सूं राजस्थान रै जनमानस नै झकझोरनै राख दियो।

राजस्थानी में शोध अर सिरजण री समस्यावां

राजस्थानी आपरो स्वतंत्र अस्तित्व राखण आळी अेक सिमरध भाषा है। आ सिरजण री दीठ सूं दूजी भाषावा रै टक्कर री है। सगळी विधावां इणमें विद्यमान हैं। इण रो आपरो व्याकरण, कोष, लिपि अर पुराणो नै नूवो साहित्य भी उपलब्ध हैं। इणरै बावजूद देखां हां कै राजस्थानी भाषा देस री दूजी आधुनिक भाषावां री भान्त अवार ताई उचित प्रतिष्ठा प्राप्त नों कर पायी है। इण रा कई कारण हैं। राजस्थानी भाषा में शोध अर सिरजण सम्वन्धी जिकी समस्यावां है बै ई आं में कारण-भूत है। इण समस्यावां नें सही रूप में समझण सारू पैलां संक्षेप में इण भाषा रै साहित्य रै सरूप नै समझणो जरूरी है।

राजस्थानी भाषा रो प्राचीन साहित्य जठै शोध री दीठ सूं महताऊ है, वठै ई आधुनिक राजस्थानी साहित्य रो इण दीठ सूं खास महत्त्व नों है। राजस्थानी रा विद्वाना इण भाषा रै सिरजण-काल नें तीन भागां में बांट मेल्यो है, जिका बारहवीं सदी सू आज ताई रै बिचाळै रा है। जे बीसवीं सदी नै टाळ देवां तो ई तीनू काल-विभागां में राजस्थानी भाषा में मोकळो सिरजण हुयो है। इणरै बाद विविध विधावां में आधुनिक राजस्थानी साहित्य रो सिरजण हुयो अर हुय रह्यो है।

शोध री दीठ सूं राजस्थानी रै पुराणै साहित्य नें घणो अर आधुनिक साहित्य नें उणसू कम महत्त्व दियां जावै। इणीं बात नै ध्यान में राखनै इण लेख में राजस्थानी भाषा रै पुराणै साहित्य मूं जुड़्योड़ी कीं समस्यावां माथै विचार कर्यो जावै हैं। इण रो मतलब औ नों है कै राजस्थानी रै आधुनिक साहित्य रै सम्वन्ध में शोध री कोई समस्या ई नों है, पण आधुनिक साहित्य रै संदर्भ में अेक बात अवस कही जाय सकै है कै पुराणै साहित्य रै मुकावलै इण साहित्य में शोध सम्वन्धी समस्यावां कम हैं।

अठै इण साहित्य रै शोध अर सिरजण में व्यावहारिक रूप में आज रै संदर्भ में जिकी समस्यावां है, उणां माथै संक्षेप में विचार कर्यो जावै है।

शोध समस्यावां

राजस्थानी भाषा रो पुराणो साहित्य, जिण रो ऊपर वर्णन कर्यो गयो है, प्रदेश में च्यारूमेर बिखर्यो पड़्यो है। शोध-अध्येतावां नै इण साहित्य रो सर्वेक्षण नों हुवण सूं मोकळी अबखायां उठावणी पड़ै। मुप्रसिद्ध विद्वान अर भाषाविद डॉ. ग्रियर्सन आपरै ग्रंथ 'ऐ लिग्विस्टिक सर्वे ऑफ इण्डिया' में राजस्थानी भाषा री बोलियां रो सर्वेक्षण कर्यो है। इण पछै इटालियन विद्वान डॉ. अेल. पी. टैस्सीटोरी राजस्थानी भाषा रै चारण साहित्य रो व्यापक सर्वेक्षण कर्यो। उणरै बाद राजस्थान री प्रायः सगळी रियासतां में आप-आपरा इतिहास लिखावण वास्तै राजस्थानी भाषा री विविध विधावां रो सर्वेक्षण कार्य हुयो। इणरै बावजूद राजस्थानी भाषा री अथाह सामग्री अबार भी इती है कै जिण रो व्यापक सर्वेक्षण हाल नों हुयो है। आ सामग्री अबार इसा व्यक्तियां अर संस्थावां

कनै पड़ी है, जिका उणर महत्त्व नै नौं ममझ अर जद शोध-अध्येता उण सामग्री नै देखण नै जावै तो उणानि आपरो सामग्री दिखावै तक कोनी। इण कारण सूं शोध-अध्येता अंदाज सूं ही सामग्री-संकलन वास्तै इन्नै-बिन्नै भागता फिरै। इणसूं नौं फगत उणां रो धन खरच हुवै बल्कै बगत भी बरबाद हुवै। जे उणां नै वाछित सामग्री रो कंटलाग या सूची उपलब्ध हुय जावै तो उणां रै शोध रो काम आसान हुय जावै। इण वास्तै राजस्थानी भाषा अकादमी अर दूजी शोध-संस्थावां रो औ दायित्व है कं राजस्थानी भाषा री अणछपी अर छप्योड़ी सामग्री रो व्यापक सर्वेक्षण करै अर करावै। पछै उण सामग्री रा कंटलाग तयार करायनै शोध-अध्येतावां नै उपलब्ध करावै।

पुराणै राजस्थानी भाषा-साहित्य में शोध करण आळै शोध-अध्येता रै सांभी अेक समस्या राजस्थानी भाषा री पुराणी लिपि नै पढ़ण अर समझण सम्यन्धी भी आवै। कैवण में राजस्थान रै विविध क्षेत्रां री लिखावट राजस्थानी ही कहावै पण व्यवहार रूप में जद उणानै पढ़्यो जावै तो उणां री लिखण री आप-आपरी विशिष्ट शैली रै कारण शोध-अध्येता नै पढ़ण में थोड़ी कठिनाई मैसूस हुवै। राजस्थान राज्य अभिलेखागार मे उपलब्ध राजस्थानी अभिलेखां री विविध लिपि-शैलियां रो तुलनात्मक अध्ययन करां तो पता चलै कैं बीकानेर रो आदमी कोटा, झालावाड़ अर बूंदी री लिखावट नै सारे सांस नौं पढ़ सकै। इण वास्तै जरूरी है कं सम्वन्धित शोध-संस्थावां राजस्थानी भाषा रो ग्रियर्सन द्वारा तयार कस्योड़ो लिपिचार्ट अर तुलनात्मक चार्ट शोध-अध्येतावां नै उपलब्ध जरूर करावै।

साहित्यिक शोध में व्याकरण रो महत्त्व सर्वविदित है। राजस्थानी भाषा रा कई ज्ञात अर अज्ञात व्याकरण-ग्रंथ संग्रामसिंह, जर्मन विद्वान केलाग, मेकालिस्टर, सूर्यमल्ल मोसण, डॉ. टैस्सीटोरी, प. रामकरण आसोपा, सीताराम लाळस, नरोत्तमदास स्वामी, काळीचरण बहल, कन्हैयालाल शर्मा, कैलाशचन्द्र अग्रवाल, चिन्तामणि उपाध्याय आद रा उजास में आया है। पण आं मांय सूं किणी अेक पोथी नै राजस्थानी भाषा रो सम्यक या सम्पूर्ण व्याकरण नौं कह्यो जाय सकै। इण रो परिणाम औ है कैं देस अर विदेस रा शोध-अध्येता, जिका राजस्थानी साहित्य माथै शोध करणो चावै, उणां नै मानक-व्याकरण रै अभाव में खासी कठिनाई अनुभव हुवै। राजस्थानी भाषा, साहित्य अर संस्कृति अकादमी, दूजी शोध-संस्थावां अर मानीता विद्वाना रै संयोग सूं राजस्थानी भाषा रो अेक मानक-व्याकरण तयार करवायनै शोध नै नूवी दिशा प्रदान करणी चाहीजै।

व्याकरण री तरै राजस्थानी भाषा रा कई शब्द-कोश ई सांभी आया है। आं में राजस्थानी शोध संस्थान, चौपासनी (जोधपुर) सूं छप्योड़ो डिंगल शब्दकोश, श्री बदरीप्रसाद साकरिया रो राजस्थानी भाषा शब्दकोश अर श्री सीताराम लाळस रो राजस्थानी भाषा रो विस्तृत शब्दकोश उल्लेखनीय है। आं में श्री सीताराम लाळस रो 'सबद कोस' (शब्दकोश) तो चार खंडां अर नौ जिल्दां में दो लाख सूं बेसी शब्दां रो

है। निश्चित रूप से औ शब्दकोश घणो महताऊ है, पण शोध-अध्येतावां नें आपरै शोधकार्य में इसा-इसा शब्दां रो सामनो करणो पड़ै, जिकां रो उल्लेख इण शब्दकोशां में नां मिलै। कारण साफ है कै राजस्थानी भाषा में हाल इसां मानक शब्दकोश नां है, जिणसूं शोध-अध्येता पूरो लाभ उठा सकै। इण वास्तै राजस्थानी भाषा, साहित्य अर संस्कृति अकादमी अर दूजी संस्थावां नें 'मानक व्याकरण' री भान्त 'मानक शब्दकोश' त्पार करण सारू ई ठांस योजना बणावणी चाहीजै।

आज राजस्थानी भाषा मे उणरै शास्त्रीय-साहित्य में वैज्ञानिक पद्धति सूं शोध करावण आळा शोध-निर्देशकां री कमी भी शोध क्षेत्र में अंक समस्या बण रही है। इण रो कारण जठे पुराणै शास्त्रीय-साहित्य रो समय रै साथे दुर्लभ हुय जावणो है, बठै ई नूवा साहित्यकारां द्वारा शास्त्रीय-साहित्य में रुचि कम लेवणी भी है। आ समस्या बरोबर बघती जावै है। आज राजस्थानी भाषा रा घणकरा शोध-ग्रंथ हिन्दी भाषा मे लिख्या जावै है अर उणां रा शोध-निर्देशक भी प्रायः हिन्दी रा प्रोफेसर ई मिलै। इणसूं राजस्थानी भाषा रै शोध में गिरावट आ रही है अर राजस्थानी भाषा रो महत्त्व ई कम हुय रह्यो है। इण वास्तै शोध-संस्थावां अर विश्वविद्यालय नें चाहीजै कै राजस्थानी भाषा-विषयक शोध-निर्देशक उण व्यक्ति नें ई बणायो जावै, जिकै आपरी डाक्टरेट या शोधकार्य राजस्थानी भाषा रै ईज किणी पक्ष नें लेयनै कर्यो हुवै। इणरै साथै राजस्थानी शोध-ग्रंथ राजस्थानी भाषा में ईज लिख्यो जावणो चाहीजै, जिणसू राजस्थानी में शोध रो स्तर ऊंचो हुवै।

विश्वविद्यालय अनुदान आयोग न्यारै-न्यारै विश्वविद्यालयां में विशिष्ट विषयां रै विशेष अध्ययन सारू 'अेडवांस स्टडी सेंटर' खोल राख्या है। उणां में सम्बन्धित विषयां में शोध करण आळा छात्रां नें आधुनिक वैज्ञानिक शोध सुविधावां उपलब्ध है। पण अबार ताई विश्वविद्यालय अनुदान आयोग राजस्थानी भाषा रै वास्तै इण तरै रो कोई सुविधा नां जुटायी है। इण कारण सूं राजस्थानी भाषा रो अध्ययन अर शोध करण आळा शोध-अध्येतावां नें वै सुविधावां ना मिल रही है, जिकी दूजै विषयां रै छात्रां नें मिलै है। अठै आ बतावण जोग बात है कै आज राजस्थान में प्रायः सगळा विश्वविद्यालयां में अेम. अे. स्तर ताई राजस्थानी पढावण री व्यवस्था करीजी है। इण वास्तै विश्वविद्यालय अनुदान आयोग सूं राजस्थान रै किणीं अेक विश्वविद्यालय में राजस्थानी भाषा रै वास्तै 'अेडवांस स्टडी सेंटर' खुलावण रो प्रयास करणो चाहीजै, जिणसूं राजस्थानी भाषा रै शोध-अध्येतावां री अनेक समस्यावां रो समाधान हुय सकै।

राजस्थानी भाषा साहित्य रै शोध नें सरकारी अर गैर-सरकारी प्रोत्साहन ना रै बरोबर मिल रह्यो है। आज जिको विद्यार्थी राजस्थानी विषय लेयनै पी. अेचडी. री डिग्री प्राप्त कर लेवै है, उण सारू नाँकरी ढूँढणी मुश्किल हुय जावै। राजस्थान रै विश्वविद्यालयां अर दूजी शोध-संस्थावां में राजस्थानी भाषा रै शोध सम्बन्धी पदां माथै ई हिन्दी भाषा रा विद्वान ई नियुक्त कर दिया जावै अर राजस्थानी भाषा रा विद्वान टापता

रेंवै। इण वजै सू राजस्थानी भाषा रै शोध-अध्येतायां रै सांमी रोजी-रोटी री समस्या भी वणी रेंवै है। जे राजस्थानी भाषा रै शोध नै प्रोत्साहन देवणो है तो इण पदां माथै राजस्थानी रै विद्वानां नै ई नियुक्त कर्त्ता जावै।

राजस्थानी भाषा रै आधुनिक साहित्य सृ सम्बन्धित शोध-विषय री चयन कर उणनै विश्वविद्यालय सू शोध रै वास्तै स्वीकृत करावणो आसान काम नों है। बापड़ो शोधार्थी अर उण री शोध-विषय विश्वविद्यालया रै प्रोफेसरां रै चक्कर में चढ़ जावै तो वरसां ई शोध-विषय स्वीकृत नों हुवै। दिखावै रै रूप में विषय नै स्वीकृत करण सारू विश्वविद्यालयां में कमेटी बणायोड़ी हुवै पण उणमें समुचित न्याय नों हुवै। इण कारण सू शोधार्थी नूवै राजस्थानी साहित्य नै शोध री विषय नो बणा पावै अर उण री वगत ई बरवाद हुवै।

सिरजण री समस्या

राजस्थानी भाषा री जुड़ाव अवार ताई रोजी-रोटी सू नों हुय सक्यो है। राजस्थानी भाषा पढ़ण आळें नै जद राजस्थान री सरकार ई प्रोत्साहन नों देय रह्यो है तो दूजा प्रदेशां अर केंद्र सरकार सू काई उमेद राख सकां हां ? राजस्थान में राजस्थानी भाषा पढ़ण आळो नौकरी वास्तै भटकतो फिरै। दूजै प्रदेशां में नौकरी वास्तै प्रदेश री भाषा री ज्ञान जरूरी मानीजै पण अठै इण ढंग री काई व्यवस्था नों है। इणसूं राजस्थानी भाषा नै काई पढ़णो नी चावै। इणसू राजस्थानी भाषा में अंक खास तरे री सिरजण तां हुय रह्यो है पण आम लोगां वास्तै सिरजण बन्द पड़्यो है। राज्य सरकार नै चाहीजै कैं टावरां नै बचपन मू ई राजस्थानी भाषा रै माध्यम सू शिक्षा देवणी सरू करै अर अठै री हर स्तर री नौकरी में राजस्थानी भाषा नै महत्त्व देवै। इणसूं राजस्थानी भाषा रै सिरजण में विशेष गति आसी।

राजस्थानी भाषा, साहित्य अर संस्कृति अकादमी (बोकारे) ई सिरजण में यथोचित मदत नों दे पाय रह्यो है। इयां लागै है कैं ई संस्था आपरो धर्म जरूरतमंद लेखका नै आटे में लूण रै बरोबर आर्थिक सहायता देवण, साधकां नै इनाम देवण अर अक पत्रिका निकालण ताई ई मान राख्यो है। कदैई-कदैई सेमिनारां री धूम धड़ाको ई कर लेवै है। इण भाषा रै विगसाव सारू जिका दूजा काम हुवणा चाहीजै, वै नों रै बरोबर है। काई इण अकादमी री औ दायित्व नों है कैं आ राजस्थानी भाषा री मानक व्याकरण अर छात्रोपयोगी शब्दकोश तयार करवावै, राजस्थानी भाषा री अेकरूपता रै वास्तै मानक भाषा री सरूप निर्धारित करै अर साहित्य रै साथै दूजै विषयां में ई सिरजण नै प्रोत्साहन देवै ? जिण भान्त राजस्थान हिन्दी ग्रंथ अकादमी दूजै विषयां री पोथ्यां री हिन्दी में अनुवाद करवावै, उणीं भान्त दूजी भाषावां री श्रेष्ठ पोथ्यां री राजस्थानी में अनुवाद करावतां इण अकादमी नै कुण रोकै है ? जे अैं काम अकादमी सरू कर देवै तो राजस्थानी में सिरजण री कमी नों रेंवै।

राजस्थानी भाषा रै लेखकां रै सांमी आ अक लूँटी समस्या है कैं उणां नै किणी

कानि सूं प्रोत्साहन नीं मिल रह्यो है। राजस्थानी भाषा रो लेखक जं रचना तयार कर लेवें तो प्रकाशक उणनैं सौरै सांस नीं छापै। जे छाप देवै तो उण सारू पाठकां अर ग्राहकां रो अभाव बण्यो रैवै। इण कारण सूं राजस्थानी में सिरजण रो परिमाण जावक ई ओछो रैवै। इण समस्या सूं छुटकारो तद ही मिल सकै है, जद कै राजस्थानी भाषा, साहित्य अर संस्कृति अकादमी राजस्थानी भाषा में पोथी छापण रो जिम्मो आप माथै लेवै।

राजस्थानी भाषा रो 'मानक सरूप' सांमी नीं आवण सूं सिरजण री अेकरूपता नीं आय रही है। इणसूं नूवा लेखकां रै सांमी आ समस्या है कै बै राजस्थानी भाषा रै किण रूप नैं अपणावै ? राजस्थानी भाषा रो मानक रूप तयार करण रा प्रयास ई हुया है, पण फेरू ई औ मामलो आज ताई तय नीं हुय सक्यो है। अेक बात इण वास्तै जरूर कह्यो जाय सकै है कै इण भाषा नैं जन-जन ताई पुगावण वास्तै राजस्थानी भाषा रै तद्भव शब्दां रै साथै तत्सम शब्दां रो प्रयोग समुचित मात्रा में करनै इण रो मानक सरूप तयार कर्यो जावै। इणसूं इण भाषा रै सिरजण में गति आसी।

राजस्थानी भाषा नैं सविधान री आठवीं अनुसूची में स्थान नीं मिलण सूं नूवा लेखक हतोत्साही हुयोड़ा-सा निजर आवै है। इणसूं राजस्थानी भाषा रै सिरजण में अेक ठैराव-सो आयोड़ो है। राजस्थानी भाषा रै भविष्य रै प्रति आशान्वित नीं हुवण सूं लेखक दूजी भाषा में सिरजण नैं बेसी महत्त्व देवण लाग रह्यो है। इण वास्तै जरूरत आ है कै राजस्थानी भाषा नैं मान्यता दिरावण वास्तै ग्राम पंचायत स्तर माथै प्रचार सरू कर्यो जावै। पंचायतां रो सगळो कामकाज राजस्थानी में करण वास्तै पंचायत राज रै जन प्रतिनिधियां नैं समझायो जावै; निशुल्क कक्षा लगायी जावै अर साल रै अन्त में उण ग्राम पंचायत नैं पुरस्कृत करी जावै, जिकी राजस्थानी भाषा में आपरो सगळो काम कर्यो हुवै। औ क्रम पंचायत समिति स्तर तक अपणायो जावै। इण काम नैं अेक संस्था या आदमी नीं कर सकै। इण काम वास्तै इसै उत्साही लोगां री जरूरत है, जिका राजस्थानी भाषा नैं मान्यता दिरावण वास्तै आपरो जीवण लगावणो चावै। राजस्थानी भाषा रो जन-आन्दोलन जद ग्राम-स्तर सूं उठसी तो उणनैं मान्यता देवणी ई पड़सी। जनता आगै सरकार दबती आई है।

राजस्थानी भाषा में देस री दूजी प्रान्तीय भाषावां री भान्त विविध विधावां में सिरजण अजै ई बरोबर नीं हुय रह्यो है। सिरजण अर उणनैं पढण आळै पाठकां री संख्या वधावण सारू राजस्थानी में ई रोचक कहाणियां अर उपन्यासां रो हळको-फुळको, सुबोध अर सरस साहित्य लगोलग छपणो चाहीजै।

राजस्थानी भाषा रो प्रचार माध्यम ई खासा कमजोर है। दूरदर्शन में तो इण भाषा नैं नगण्य स्थान मिल्योड़ो है। रेडियो में जरूर इण भाषा माथै बरोबर ध्यान दियो जावै। पण इत्तो नीं, जित्तो कै दियो जावणो जरूरी है। पत्र-पत्रिकावां ई साहित्यिक है, इण वास्तै बै अेक वर्ग विशेष ताई ई सीमित है। 'माणक' नांव री राजस्थानी मासिक पत्रिका री पकड़ आम पाठकां ताई जरूर है अर उणमें छपण आळी सामग्री ई रुचिकर

हे पण अंकली 'माणक' पत्रिका कांई कर सकै ? इसी रुचिकर पत्रिकावां और भी निकळणी चाहीजै।

राजस्थानी में बाल-साहित्य की रचनायां ई नों ई बरोबर सांमी आय रही है। इण कानी लेखकां रों ध्यान जावणों जरूरी है। जे राजस्थानी भाषा ई सिरजण नें प्रोत्साहन देवणों है तां पाठका रों रुचि अर जरूरत ई अनुरूप साहित्य रों सिरजण हुयणों चाहीजै।

राजस्थानी लोकगाथावां मांय ऐतिहासिक तत्त्व

लोकगाथावां रो परम्परा मोकळी पुराणी है। ऐ गाथावां जातक, पंचतंत्र आद ग्रंथां रै सहारै सू संकलित हुयनै आज ताईं किणीं न किणीं रूप में चालती आ रही है। घणकरी लोकगाथावां मौखिक रूप में प्रचलन में रही, लिपिबद्ध नों हुय सकी। इण कारण सूं समै रै साथै मोकळी गाथावां बणती अर बिगड़ती भी रही। जिकी लोकगाथावां लिपिबद्ध हुयोड़ी मिलै, वै कितीक पुराणी है, ओ बतावण रो आधार नों है। आ बात दूजी है कै ऐतिहासिक लोकगाथावां रो घटनावां रो दूजै इतिहास रै साधनां सूं मेळ चैठावां तो इण बात रो पतो लागै कै ऐ गाथावां कितीक प्रामाणिक है। यूं आज भी दसू गाथावां प्रचलन में है, जिकी अठै रै गांवां में बडै आणन्द सूं सुणी अर सुणार्ई जावै। राजस्थानी जनजीवन में तो ऐ गाथावां इण भान्त रमगी कै आमें जन-साधारण रो पूरो भरोसो बंधयो।

राजस्थान रै इतिहास री संरचना में जितो फारसो अर राजस्थानी ख्यातां रो महत्त्व है, बितो आं लोकगाथावां रो कोनों। पण आज रो इतिहासकार इण विडम्बना नै समझण लाग्यो है। अबै इतिहास में राजनैतिक घटनावां रो समावेश कम अर जन-साधारण री सामाजिक, आर्थिक, धार्मिक स्थिति अर उणरै दुख-दरद री जाणकारी माथै ज्यादा जोर दियो जावण लाग्यो है। इणसू दूजा ऐतिहासिक साधनां रै साथै-साथै जिण जाग्यां रो इतिहास लिख्यो जाणो है, उणरै जनजीवन रो अध्ययन उठै रै लोक-साहित्य रै अध्ययन रै बिना अधूरी ई रैवै। लोकगाथावां लोक-साहित्य रो मुख्य अंग है। गाथावां में देस अर समाज री स्वाभाविक चेतना, लोकविश्वास अर संस्कृति री झलक साफ निजर आवै। समाज री अलग-अलग प्रवृत्तियां अर न्यारै-न्यारै वर्गां रो सही चित्रण जिण रूप में आं गाथावां में मिलै, वो खरो है। समाज री छोटी-छोटी मान्यतावां जीवन-मूल्यां अर धारणावां रो जे गहन अध्ययन करणो हुवै तो लोकगाथावां रै मुकाबलै में दूजो स्रोत नों है। कैवण रो मतलब औ है कै जे राजस्थान रो सही सामाजिक अर आर्थिक इतिहास लिखणो है तो उणमें लोकगाथावां रो महत्त्व नकास्यो नों जा सकै। मध्यकालीन शासन-व्यवस्था, कलात्मक सृजन, साहित्यिक वातावरण, आमोद-प्रमोद, पशुपालन, विणज-व्यापार अर खेती-पांती आद री भरपूर जाणकारी इण गाथावां में मिलै है। अठै आ बात ई बतावण जोग है कै इण गाथावां रो राजस्थान रै राजनैतिक इतिहास में ई महत्त्व कम नों है। मोकळी लोकगाथावां में जाग्यां-जाग्यां ऐतिहासिक विवरण, जुद्ध विशेष में भाग लेवण आळा अर हताहत लोगां री नामावळी ई मिलै है। इणी भान्त कई जाग्यां वंश-परम्परा अर घटनावां रो उल्लेख ई देख्यो जावै है।

राजस्थानी भाषा अर लोकगाथावां रा भर्भज विद्वान डॉ. मनोहर शर्मा राजस्थानी लोकगाथावां रो सांतरो अध्ययन कर्यो है। उणां आं गाथावां रो वर्गीकरण ई कर्यो है।

अठै आं सगळी भान्त री लांकगाथावां रो इतिहास री संरचना में जिको योग हुय सकै उणनै अलग-अलग देवणां संभव नीं है। इण खातर अठै मात्र उण वीर अर अतिहासिक लांकगाथावां रो बखाण कर्यो जायै है जिणां रो इतिहास-संरचना में महत्त्व है। राजस्थान सरू सूँ ई वीरां री धरती रह्यो है। अ वीर अठै जनमिया अर आपरी किणी वीरता या विशिष्टता रै कारण सूँ जन-साधारण री पूजा रा पात्र बणग्या। समय रै साथै-साथै जन-साधारण उण वीरां री स्मृति नै कायम राखण सारू प्रयास कर्यो, जिको आज अतिहासिक गाथावां रै रूप में मिलै है।

गोगाजी, अक इसै वीर री गाथा है, जिका आज जन-साधारण में सांपां रै देवता रै रूप में पूजीजै। उणां रै बारै में आ गाथा प्रचलित है कै जिण किणनै सांप डस लेवै तो उणरै गोगाजी रै नांव रो डोरो (तांती) बांधण सूँ सांप रो जहर उतर जावै। आज रै शोध सूँ गोगाजी अक इतिहास-पुरुष होयग्या है। भारत रा प्रसिद्ध इतिहासकार डॉ. दशरथ शर्मा आपरै शोध-ग्रंथ 'अर्ली चौहान डाइनेस्टीज' में गोगाजी नै दिल्ली रै अंतिम हिन्दू सम्राट पृथ्वीराज चौहान रै वंश में जन्मघोड़ो वीर मान्यो है। गोगै चौहान रो जन्म ददरेवा (जिको आज चूरू जिले री राजगढ़ तहसील सूँ 16 मील दूर है) में हुयो। उणरै बाप रो नांव सूरजपाळ हो। गोगो चौहान गोरखनाथ रै सम्प्रदाय रो अनुयायी हो, इण खातर उणनै मोकळी सिद्धियां प्राप्त हो। वो आपरै जीवण में घणा ई शौर्यपूर्ण अर चमत्कारी काम कर्या। अन्त में जद संवत् 1440 में दिल्ली रो बादशाह फोरोजशाह तुगलक ददरेवै माथे आक्रमण कर्यो तो चौहान कुळ रो गोगो लड़तो थको वीर गति नै प्राप्त हुयो। इण बात सूँ ठा पड़ै कै गोगोजी सम्बन्धी गाथा में इतिहास-संरचना में काम आवण आळी मोकळी सामग्री मौजूद है।

पाबूजी राठौड बड़ा वीर हा। उणारै बारै में आ गाथा प्रचलित है कै बां आपरै वचन री रक्षा वास्तै आपरा प्राण न्योछावर कर दिया। गोरक्षा रै वास्तै वं आपरै ब्यांव री वगत चंवरी मांय सूँ उठनै बाहर चढ्या अर जुद्ध करता थकां वीर गति प्राप्त करी। पाबूजी राठौड़ राजस्थान रा लोकदेवता मानीजै है। गांवां में आज ई उणां री याद में रातिजोगो लागै अर लोकगायक पाबूजी राठौड़ री फड़ गायनै जागण लगावै। अतिहासिक शोध सूँ बेरो पड़ै कै पाबूजी राठौड़ ई इतिहास-पुरुष हा। मारवाड़ मांय आसथान राठौड़ पाली में आपरी सत्ता स्थापित कीवी। आसथान राठौड़ रै आठ बेटां मांय सूँ दो बेटा धूहड़जी अर धांधळजी घणा प्रतापी हुया। धूहड़जी रा वंशज जोधपुर अर बीकानेर रा राठौड़ शासक बण्या। धांधळजी रा दोय बेटा बूडोजी अर पाबूजी हा। पाबूजी घणी लड़ायां लड़ी। सरू में पाबूजी री आना बाघेलै सूँ सात थोरियां नै लेयनै अणबण हुयगी। अ सातू थोरी पैलां आना बाघेलै रा सेवक हा, जिका उणसूँ अणबण रै कारण पाबूजी राठौड़ रै कनै चल्या गया। जद दोनां में लड़ाई हुई तो आनो बाघेलो मार्यो गयो। इणरै पाछै जायल रो जिनराज (जींदराव खीची, जिको देवळदे चारणी री गायां नै आपरै अठै लेयग्यो हो, उणसूँ पाबूजी राठौड़ री गायां छुडावण रै वास्तै लड़ाई

हुयो। पाबूजी राठौड़ गायां छुडावण में तो सफल हुयग्या पण जुद्ध में वीरगति प्राप्त करो। पाबूजी राठौड़ री गाथा सूं जठै उण समै रा जागीरदारां रै आपसी सम्बन्धां री जाणकारी मिलै, बठै ई गोरक्षा रै महत्त्व रो ई बेरो पड़ै।

करणीजी नांव री देवी आपरै चामत्कारिक कामां रै कारण सूं जोधपुर अर बीकानेर रै शासकां में ही नां, जन-साधारण में भी पूजी जावण लागी। औरै बारै में घणी लोकगाथावां प्रचलन में है। औ अेक ऐतिहासिक सत्य है कै विक्रम री पंद्रहवीं सदी रै उत्तरार्ध में अेक चारण कुळ में करणीजी रो जन्म हुयो। करणीजी रा पिता कीनिया खांप रा मेहोजी चारण हा। करणीजी री मां रो नांव देवळ बाई हो। करणीजी रो ब्यांव साठीका गांव रै केळू बीतू रै बेटै देपोजी बीतू रै साथै हुयो। ब्यांव री बगत आपरै बाप सूं दायजै में मिली गायां रै खातर सासरै में पाणी रै अभाव नैं देख'र करणीजी आपरै सासरै नैं त्याग दियो अर गायां नैं लेयनै अेक तळाव कनै डेरो लगायो। थोड़ां दिनां पछै बैसाख शुक्ला दूज, शनिवार, संवत् 1476 में करणीजी देशनोक गांव री नांव राखी। अठै पैलां पंवार क्षत्रियां री सांखला खांप रो आधिपत्य हो। तापछै भाटियां आपरो आधिपत्य जमा लियो। सांखला अर भाटियां रै आपसी झगडै सूं फायदो उठायनै जोधपुर रा राठौड़ां करणीजी री सहायता सूं बीकानेर राज्य री थापना कीवी। बीकानेर रा शासकां देशनोक में करणीजी रो अेक भव्य मन्दिर बणायो अर करणीजी नैं कुळदेवी रै रूप में मान्यता दीवी। बीकानेर राज्य री सत्रहवीं अर अठारवीं सदी री बहियां में इण कुळदेवी रै वंशजां नैं राज्य कानीं सूं दिया गया गांवां रो उल्लेख मिलै। करणीजी री गाथा में ऐतिहासिक तत्वां री कमी नां है, आ बात तो अंकदम स्पष्ट ईज है।

रामदेवजी तंवर दिल्ली रै तोमर-नरेश अनंगपाळ रै वंश में अजमाल रा बेटा हा। रै चमत्कारी कामां रै बारै में जन-साधारण में मोकळी गाथावां प्रचलित है। आज तो बारै रामदेवजी तंवर राजस्थान अर गुजरात में लोकदेवता रै रूप में पूजीजै है। अजमालजी रै दूजै बेटै रो नांव वीरमदेव हो। कह्यो जावै कै अेक दिन खेलता-खेलता दोनूं भाई पोकरण में बाळकनाथजी री कुटिया में पूगय्या। बाळकनाथ सूं रामदेव नैं सिद्धि प्राप्त हुयी। बाळकनाथ रै आशीर्वाद सूं सबसूं पैलां रामदेवजी तंवर पोकरण रै दुष्ट भैरूं नैं मार्यो अर उजड़्योडै पोकरण नैं पाछो बसायो। रामदेवजी रै चमत्कारां सूं हिन्दू अर मुसलमान दोनूं जातियां रा लोग प्रभावित हा। इण खातर रामदेवजी तंवर नैं 'रामसा पोर' ई कह्यो जावै है। संवत् 1515 में रामदेवजी पोकरण सूं आठ मील दूर रूणीचै नांव री जाग्यां में जीवित समाधि ली हो। इतिहास में जद धार्मिक सहिष्णुता रै बारै में लिख्यो जामी तो रामदेवजी तंवर भुलाया नां जाय सकै।

डूंगजी-जवाहरजी रै कामां रो मोकळी गाथावां जन-साधारण में प्रचलित है। डूंगजी अर जवाहरजी राजस्थान रै शेखावाटी छेत्र रा राजपूत सरदार हा। बै अंग्रेजां नैं देस री सम्पदा लूटतां अर प्रजा नैं भूखी मरतां देखनै जनता रा हिमायती बणग्या अर बीं री सहायता सारू धाड़वी रो रूप धारण कर्यो। औ गरीबां री मदत करता, इण कारण

राजस्थान की जनता को तो उणां नै समर्थन हो ई पण राजस्थान रा शासक अर भारत की अंग्रेज सरकार रा नुमाइदा आंरा बैरी बणग्या। आज इंगजी-जवाहरजी नै इतिहासकार स्वतंत्रता सेनानी बतावै है अर आं सूं सम्बन्धित लोकगाथावां की उपयोग करै है।

ऐतिहासिक लोकगाथावां रै अलावा बगड़ावत, निहालदे-सुल्तान, ढोला-मारू, जलालबूबना, नागजी-नागवंती आद इसी लोकगाथावां है, जिणां में समाज रै सगळै अंगां की सांगोपांग वर्णन मिलै। राजस्थानी जनजीवन में प्रचलित परम्परावां जियां पुत्र-जन्म, ब्यांव आद रीतियां की वर्णन ई आं गाथावां में विस्तार सूं मिलै। इणरै साथै राजस्थानी तिंवारां, जियां सावण की तीज की वर्णन ई उल्लेखनीय है। लोकविश्वास तो आं राजस्थानी गाथावां में भर्या पड़्या है। विणज-व्यापार किण भान्त करयो जावतो, व्यापार में काम आवण आळा नांव जियां बिणजारा, मोदी, कोठी, हाट, बिछायत, कतार, जोखम, हुंडी आद की सूचना इण गाथावां की विशेषता है। राजस्थान में पशुधन समाज में श्रेष्ठ धन मानीजै। बेटी की बाप आपरी बेटी नै दायजै में गाय-भैंस अर ऊंठ दिया करतो। दायजै में गाथां अर ऊंठां रा टोळा देवण रा उल्लेख सैकड़ा लोकगाथावां में मिलै। प्रेम-गाथावां में लुगायां की सामाजिक स्थिति की चित्रण है। कैवण की मतलब है कै जीवन की विविध अवस्थावां अर अनुभवां की चित्रण आं गाथावां में मिलै।

अंत में आ बात कैवणी उचित है कै आज की इतिहासकार जे राजस्थान की सांगोपांग सामाजिक अर आर्थिक इतिहास लिखणो चावै तो उणनै राजस्थान में प्रचलित लोकगाथावां अर लोकगीतां की अध्ययन जरूर करणो चाहीजै, पण साथै ई औ ध्यान भी राखणो जरूरी है कै आं गाथावां में वर्णित घटनावां नै ऐतिहासिक स्वीकार करणी अेक अलग बात है।

राजस्थानी भाषा अर इतिहास रो साच

राजस्थान विधानसभा मांय जद-जद राजस्थानी भाषा रो मान्यता सारू आवाज उठाई जावै, तद-तद राजस्थान रा अलग-अलग अंचलां रा विधायक इणरै पख अर विपख मांय आप-आपरो अलाप सारू कर देवै। उण बगत सत्ता पख मांय बैठयोड़ा राजनेता आपरै वोट-बैंक में नुकसाण रै डर सूं मातृभाषा रो मान्यता रो प्रस्ताव पाछो ले लेवै। इण भान्त लारलै पिचपन बरसां सूं राजस्थानी भाषा आपरै वाजिव हक सूं वंचित हुयनै अक निर्वासित जीवण जी रह्यो है।

जद्यपि अठै री साहित्यिक संस्थावां, साहित्यकार अर मारवाड़ी बोली रै प्रभाव आळा छेत्रां रा जन प्रतिनिधि समै-समै पर राजस्थानी भाषा रो मान्यता सारू आपरो आवाज उठावण में पाछ नो राखी। जिका लोग राजस्थानी भाषा रो राजस्थान मांय ई विरोध कर रहा है, उणारै मन मांय शंका रा मोकळा कारण घर कस्योड़ा है। पण मोटा कारण घणा कोनीं। राजस्थान मांय लारलै पचास-साठ बरसां पैली बारै सूं आयनै अठै स्थायी रूप सूं बस्योड़ा लोग, जिणां री मातृभाषा सारू सूं हिन्दी ई रह्योड़ी ही, उणां नै इण बात रो भय है कै जे राजस्थान मांय राजस्थानी भाषा नै मान्यता मिलगी तो उणारै टावरां री मुश्किल बघ जासी। पण इसा लोगां री संख्या ई कम ही है। राजस्थान मांय अठै री अगूणी अर दिखणादी छेत्र री रियासतां मांय जाया-जलम्या उठै रा मूळ निवासी आज इण बात सूं भयभीत है कै अबार जिकी राजस्थानी भाषा विभिन्न माध्यमां सूं बोलण अर लिखण में काम आय रह्यो है, उण माथै मारवाड़ी बोली रो घणो प्रभाव है। औ लोग इणनै आपरै सारू फायदैमंद नो मानै। इण कारण सूं बै राजस्थानी भाषा रो मान्यता रो भी विरोध करता रैवै है। राजस्थानी भाषा रै विरोध रा औ दोनू ई स्वर बिरथा अर लचर है। इण दोनू ई बातां में कोई दम-खम नो है। औ तो अक सही काम में रोड़ो अटकावण आळी बात है। आज राजस्थानी भाषा नै बोलण अर समझण आळा री संख्या दस करोड़ रै अड़ै-गड़ै है। राजस्थानी भाषा रो विरोध करणियां नै इण बात रो ध्यान राखणो चाहीजै कै इणसूं बत्तो विरोध तो गुजराती, मराठी, पंजाबी, असमी आद प्रांतीय भाषावां रो आप आपरै राज्यां मांय हुयो हो। पण औ सगळी भाषावां छाती ठोकनै आपरै राज्यां री मातृभाषा बणगी। राजस्थान मांय ई राजस्थानी भाषा नै देर-सवेर मातृभाषा घोषित करणी ई पड़सी।

राजस्थानी भाषा रो बिरथा विरोध करणिया लोग इण बात सूं भली-भान्त परिचित है कै राजस्थानी भाषा साहित्यिक अर वैज्ञानिक दौठ सूं अक सिमरघ भाषा है अर इणरी अक लांबी ऐतिहासिक परम्परा रह्यो है। पण बै इण बात सूं परिचित नो है कै लारला तीन सौ बरसां सूं राजस्थान रा सगळा रजवाड़ा री प्रशासनिक भाषा भी राजस्थानी ई ही।

राजस्थान राज्य अभिलेखागार रै नांव सूं ओशिया में चावै महकमै में ७५१

राज्य अभिलेखागार सूं लगैतगै साठ ऐतिहासिक दस्तावेजां रो फोटो प्रतिलिपियां भी प्रस्तुत करीजो। आं ऐतिहासिक दस्तावेजां रो चयन करण मांय समिति रा अध्यक्ष अर सदस्यां रै साथै इण आलेख रै लेखक रो ई घणमोलो सहयोग रह्यो।

राजस्थान भर में सन् 1920 सूं रियासतां मांय उत्तरदायी शासन सारू जिका जन आन्दोलन हुया बै सगळा राजस्थानी भाषा रै माध्यम सूं ई लड़्या गया। आं आन्दोलनां रा नेता आपरा भाषण, अपीलां अर पेंम्फलेट राजस्थानी में ई प्रचारित-प्रसारित करता हा। रियासतां रा लोगां रो राजस्थानी नैं टाळ दूजी किणी भाषा सूं कोई सरोकार ई कोनीं हो। राजस्थान राज्य अभिलेखागार में रियासतां रै जन-आन्दोलन सूं सम्बन्धित जिका दस्तावेज सुरक्षित है, उणारै आधार माथै कह्यो जाय सकै है कै अबार रै संयुक्त राजस्थान रो नींवां रो मजबूती मांय राजस्थानी भाषा ई आपरो सांतरो योगदान दियो हो।

छतापण लारला पचपन सालां रै उपरान्त भी राजस्थानी भाषा आपरै खुदरै प्रदेश मांय आपरो उचित स्थान नों पाय सकी, आ अेक भारी विडम्बना है। आपांनैं इण बात माथै भी गौर करणो चाहीजै कै जद सन् 1949 में देसी रियासतां रो अेकीकरण हुयनै राजस्थान रो निर्माण हुयो तो आपणा राजनेता राजस्थानी भाषा नैं उण रो उचित स्थान किण कारण सूं नों दिराय सक्या। इणरी पृष्ठभूमि में कोई प्रशासनिक कारण हो या कोई दूजो। म्हारी दीठ में इण रो अेक कारण राजस्थान में स्वतंत्रता आन्दोलन रै दौरान ही त्पार हुयग्यो हो। राजस्थान रो घणकरी बडी रियासतां रै जन-आन्दोलनां मांय उठै रा मूळ निवासियां रै साथै बडी संख्या में मध्यप्रदेस, उत्तरप्रदेस अर पंजाब आद इलाकां सूं आयोड़ा बुद्धिजीवी भी सक्रिय हुयग्या हा। उणां रो आं आन्दोलनां मांय खासो दबदबो भी हो। घणकरा इसा बुद्धिजीवी हिन्दी भाषी हा। राजस्थान रै निर्माण में ई आं लोगां रो लूँठी भूमिका रह्यो ही। बाद में मंत्री ई आं मांय सूं बण्या। बां हिन्दी भाषा रो पख लियो अर अठै रा मूळ नेता झोड़-झपाट सूं बचण सारू उणां रो बात नैं सहजां स्वीकार कर लेवणो ई उचित मान्यो। इणरै साथै हिन्दी-भाषी नेता जिका केन्द्र मांय सत्ता में बैठयोड़ा हा, बै भी हिन्दी-भाषी राज्यां रो संख्या मांय कमी नों आवण देणी चांवता हा। इण भान्त राजस्थानी भाषा आपरै वाजिब हक सूं वंचित रैयगी। पण अबै राजस्थान में राजस्थानी भाषा रै विरोधियां नैं ऊपर बतायोड़ा ऐतिहासिक तथ्यां रै अध्ययन सूं औ आछी तरै समझ लेवणो चाहीजै कै राजस्थानी भाषा रै साथै जिको अेक सुनियोजित षड्यंत्र रचीज्यो, वो लंबै समै तक टिकण आळो नों है। राजस्थानी नैं उण रो वाजिब हक देवणो ई पड़सी।

हराणै मांय राजस्थानी रो वैवार

बीकानेर राज

पांच सौ बरसां री लूंठी थाती रह्यो है। मारवाड़ रै राठौड़
टा बेटा राव बीका वि. संवत् 1545 मांय इण री नांव
री आपरी लूंठी साख रह्यो है। आ बात न्यारी है कै
बीकानेर राजघराणै री सत नैं ई 'सैंगठ राजस्थान' मांय रळा लीवी। राजस्थानी
राजघराणै रै राव जोधा रा मीरासत मांय मिली। विरासत री इण साख नैं औ घराणो
राखी। तद सूं अवार ताई इहो रो सुफळ औ हुयो कै लारलै पांच सौ बरसां मांय अठै
स्वतंत्रता रै पछै बीकानेर रियानी साहित्य रो सिरजण हुयो अर रियासत रै विलीनीकरण
भाषा बीकानेर राजघराणै नैं अठै रो राजकाज रो भाषा रह्यो। अठै रो आम जन भी
सदैव सवाई बणाई राखी। इहो लिखतो अर पढतो रह्यो है। अठै रा गांव अर स्हर मायड़
अणमीत परिमाण मांय राजस्थिति उगणीसवीं सदी रै छेकड़ ताई चालती रह्यो। अंग्रेजी
रै कीं बरसां पैली राजस्थानी परण लागी। पण तोई, राजस्थानी आपरो बडेरचारो उर्दू,
राजस्थानी भाषा मांय बोलतो न राख्यो।

भाषा में रंग्योड़ा हा। आ स्थितिजघराणो जीवण रै हरेक पख मांय राजस्थानी भाषा रो
तापछै बीकानेर राज मांय वा अठै रा राजावां अर राजवियां रो राजस्थानी साहित्य सूं
हिन्दी अर अंग्रेजी माथै बणाया भी सगळां री राजस्थानी हो। दरबार अर जनता अेक ई

सरू सूं ई बीकानेर रलुगायां ई राजस्थानी साहित्य कांनी घणी रुचि राखती।
उपयोग कर रह्यो हो क्यूंकै सैरै मांय साहित्य सिरजण नैं जितो बधावो दियो बितो ई
खासो हेत हो। रोजीना री भाषा राजस्थानी रो सगळेठ वैवार कर उणनैं घणी-घणी पांघरण
भाषा बोलता। राजघराणै री सूं लेयनै राज मांय नीति निर्धारण करण आळा सैंग लोग
बीकानेर राजघराणै आपरै आ रा राजा साहित्यकारां नैं आसरो देंवता थकां खुदोखुद ई
आपरै सचिवालय स्तर पर राखना करी। कह्यो जावै कै बीकानेर रो थापना करण आळा
रा अवसर दिया। नीचलै स्तर खारी गांव अर चारण चन्नण खिड़िया नैं 'लाख पसाव'
अेक ई भाषा नैं बरतता। अठैठ चौथो तो राव बीका रै बगत रो सिरैनांव कवि हो। उण
सिरै राजस्थानी साहित्य री रनेर में चारणां, संतां अर जैन साधुवां घणमोलो राजस्थानी
राव बीका कवि माधूलाल नैसोक शैली मांय साहित्य सिरजण करयो।

निजर कर सम्मान दियो। बार जैतसी रै बगत चारण कवि सूजो बीटू घणो नांव कमायो।
चगत अर उणरै पछै ई बीकात 'राव जइतसी रठ छंद' डिंगळ साहित्य री अनुपम पोथी
साहित्य रच्यो। संत-महात्मा जैतसी मुगल बादसाह हुमायु रै भाई कामरां सूं जुझनै उण

बीकानेर रा राजा रावरी, उण रो सांगोपांग वर्णन है। इणीं प्रसंग नैं लेयनै कवि
चारी कीरती में बीटू सूजा क काव्य लिख्यो।

मानी जावै। इण पोथी में रावरायसिंघ घणा मानीता लेखक हा। बां 'ज्योतिष-रत्नाकर'
माथै जकी विजय हासल कस्थानी टीका मांडी। बां बारठ शंकर नैं बांरो कविताई माथै
मेहा बीटू ई इणीं नांव सूं अेवर्भेंट करी। रायसिंघ रा भाई पृथ्वीराज राठौड़ तो राजस्थानी

बीकानेर रा ई राजा
नांव रो संस्कृत पोथी रो राज
रीझनै सवा क्रोड़-पसाव रो

साहित्य रा ऊजळा नखत हा। वारी गिणत अकबर रा नव-रत्नां मांय करो जांवती। वारै रच्योडें 'वेलि क्रिसन रुकमणि री' ग्रंथ नें पाचवें वेद री संज्ञा दिरोजी। वै दसरथ रावउत रा दूहा, वसदेव रावउत रा दूहा अर दूहा साहित्य में ई 'गंगाजी रा दूहा' नांव री घणमोली पोथ्यां लिखी। वारै पछै बीकानेर रा महाराजा सुरसिंघ रै बगत अंक चारण कवि 'सूरसिंघजी रो पाघड़ी छंद' रच्यो। बीकानेर नरेशां री पोढी में अनूपसिंघ खुद आछा विद्वान अर साहित्य पारखी हा। बां प्राचीन राजस्थानी साहित्य अर संगीत साहित्य रै विगसाव छेत्र में घणो नांवचीन काम कर्यो। कित्ता ई विद्वानां अर संगीतकारां नें बां आपरै गुणोजन खानै मांय आसरो दियो। वारै बगत में कवि देवीदान वेताळ पच्चीसी, सिंधासण वतीसी अर सूवा बहतरी नांव री लोकचावी पोथ्यां लिखी। उणीं बगत जोसीराय 'दम्पति विनोद' री रचना करो। महाराजा अनूपसिंघ राजस्थानी रा हजारूं दूहां नें भेळा करवायनै 'दूहा रत्नाकर' नांव रो संकलन त्यार करवायो। इण पछै महाराजा सुजाणसिंघजी रै आसरै मांय कवि जोगोदास मथेरण बरसलपुर गढ विजय, सुजाणसिंघ रासो अर राधाकिसनजी रा दूहा सिरैनांव सूं भ्रमर-गीत परम्परा रा छियासी दूहा बणाया।

इणीं भान्त गजसिंघजी रै आसरै रा कवि गोपीनाथ गाडण अंक नामी ग्रंथ 'ग्रंथराज' त्यार कर्यो। महाराजा रो मंत्री भीमसिंघ 'गजनामा' नांव री ख्यात त्यार करवाई। गजसिंघ रै पछै महाराजा रतनसिंघ रै राज मांय बीदू भोमा 'रतन-रूपक', 'रतन-विलास' अर 'रतन जस प्रकास' नांव रा तीन ग्रंथ त्यार कर्या। आरै ई राज में सागरदान 'रतन-रूपक' लिख्यो। महाराजा रतनसिंघ रा भाई लिछमणसिंघ 'मुहता नैणसी' री ख्यात रो पड़त करवाई।

महाराजा रतनसिंघ रै पछै महाराजा सरदारसिंघजी अर डूंगरसिंघ रै राज मांय सिंढायच दयालदास राजस्थानी भाषा में दोनूं रै राजकाज रो लेखो-जोखो तो विस्तार सूं अर पैलड़ी पीढ्यां रो लेखो संक्षेप में लिख्यो। दयालदास रा लिख्योडा ग्रंथ- 'बीकानेर रै राठौड़ां री ख्यात', 'ख्यात देस-दरपण' अर 'आर्य आख्यान कल्पद्रुम' राजस्थानी रा ख्यात ग्रंथां मांय घणा महताऊ जाणीज्या। आं ख्यातां रै अलावा ई दयालदास 'जस-रत्नाकर', 'पंवार वंश दरपण', 'सुजस बावनी', 'उजास इक्कीसी' अर फुटकर डिंगळ गोतां री रचना करो। महाराजा गंगासिंघजी तो राजस्थानी भाषा रा घणा लूँठा हिमायती हा। बां इटली रै विद्वान डॉ. अेल. पी. टैस्सीटोरी सूं बीकानेर रै राज्य पुस्तकालय सूं राजस्थानी ग्रंथां री विवरणात्मक सूचियां त्यार करवाई। इण सूचीकरण सूं शोधार्थियां नें घणो लाभ हुयो। टैस्सीटोरी वेलि क्रिसन रुकमणि री, राव जइतसी रउ छंद अर वचनिका राठौड़ राव रतन महैसदासोत री रो संपादन कर्यो। महाराजा गंगासिंघजी रै ई बगत महाराज जगमालसिंघ पृथ्वीराज रची 'वेलि' री टीका लिखी जिणनै बाद में ठाकर रामसिंघजी अर सूर्यकरण पारीक संपादित कर छपवाई।

महाराजा सार्दुलसिंघजी रै शासन मांय 'सार्दुल राजस्थानी रिसर्च इंस्टीट्यूट' री थापना हुयी। इण संस्था राजस्थानी भाषा रै विगसाव री दीठ सूं कई घणमोला ग्रंथां रो प्रकासण कर्यो। बीकानेर राजघराणो आपरो घरू अर दूजा राज्यां रै राजावां सागै आखो पत्र वैवार राजस्थानी भाषा मांय ई कर्या करतो। बीकानेर रै अभिलेखागार मांय भेळा

करघोड़ा दस्तावेज इण बात रा मूँडै बोलता प्रमाण है। घरू पत्र वैवार रै अलख सगळो लेखो-जोखो ई राजस्थानी माय ई मिलै। जलम सूं लेयनै मृत्यु ताई रा अँ अभिलेख पढियां आपनै अँकै कानी सामाजिक, धार्मिक, आर्थिक स्थितियां री जाणकारी मिलै उठै ई दूजै कानी राज-परिवार री जीवन-शैली री भी ठा पड़ै। बीकानेर रा राजा आपरै बराबर रै दूजै राजा नँ आपरी निजू बात कै दूजी कोई बात लिखता तो उणरी भाषा राजस्थानी ई होवती। हां, आ बात दूजी है कै कई बार आ बात पद्य भाषा मांय ई लिखी जांवती। इण ढंग रा कागदां नँ 'खरीता' नांव सूं जाण्या जांवता। इसा खरीता बीकानेर रै अभिलेखागार मांय मोकळा ई ठावा पड़्या है। अठै अँक बतावण जोग बात आ है कै राजस्थान रै सगळा राजघराणा आपरै पत्र वैवार अर दस्तावेजां रा नांव मुगल शैली रै उणियार ई राख राख्या हा। अठै रा राजा फारसी नों जाणता। इण वास्तै कागद-पत्र राजस्थानी मांय ई मांडता। मुगल बाहसाह कै बाँरै किणी प्रतिनिधि नँ राजस्थानी मांय ई कागद लिखता हा। राजस्थानी भाषा नँ जाणणिया लोग मुगल दरबार मांय होंवता अर बै ई बां कागदां नँ वांचनै सुणाय देंवता। आ बात जगचावी है कै मुगल दरबार मांय राजस्थानी रो बोलबालो हो।

मुगल दरबार री ज्यूं बीकानेर रा राजा ई कागद-पत्र आपरै हाथ सूं कोनी मांडता, जिणसूं आज ई वारी हस्तलिपि री ठाह कोनी पड़ै। सगळो पत्र वैवार बै दूजै लिखारै कनै सूं लिखवाया करता। वीं बगत कागद माथै किणीं राजा-राणी कै राजकुंवर रा दसखत नों मिलै। राजा लोगां कानी सूं कई भान्त रा कागद लिखवाया जांवता। जद बै किणी आदमी माथै घणा मेहरबान होंवता तो उणनै 'खास रुक्को' इनायत करता। बीकानेर राज रा पुराणा सेठ-साहूकारां रै घरां मांय आज ई अँ देखण मांय मिलै। आं रुक्का, परवाना मांय बरतीजी राजस्थानी भाषा आज री राजस्थानी सूं न्यारी नीं है। अभिलेखागार री कई बहियां मांय अँ रुक्का, परवाना ठावा मंड्योड़ा है।

बीकानेर राज रो आखो काम राजस्थानी भाषा मांय हुंवतो। राज री कई प्रशासनिक इकाइयां होंवती, सैगां सूं छोटी इकाई 'गांव' हो। गाव रै राजस्व रो सगळो काम चौधरी री मार्फत होंवतो। इण वास्तै बगत-बगतसर चौधरी नँ राज कानी सूं कई भान्त रा निरदेस अर सल्लावां दिरीजती, बै राजस्थानी मांय होवती अर चौधरियां रा पाछा उथळा ई राजस्थानी मांय होंवता। इणीं भान्त चीरा, परगना रै अधिकारियां सागै ई आ ईज प्रक्रिया अपणाई जांवती, पछै जांवता राज मांय निजामी व्यवस्था कायम हुयी। निजामत रै हेठै तहसीलां बणी, पण भाषा वैवार तो राजस्थानी मांय ई होवता रह्यो। बीकानेर रजवाड़े मांय हरेक स्तर माथै राजस्थानी ई बरतीजती। आज ई न्यारै-न्यारै महकमा री बहियां, चौपड़्यां, पानड़्यां, कागदां सूं औं ठा लागै कै राजस्थानी मांय काम करण सूं अठै रै रजवाड़े नँ घणी सोराई रैवती, क्यूँकै राज अर समाज री अँक ई बोली अर अँक ई भाषा ही। भान्त-भान्त रा अभिलेखां रो जखीरो देख्यां सूं ठा लागै कै राजस्थानी सरू सूं ई किती सिमरघ भाषा रह्यो है। राजस्थानी भाषा रै वैवार रै कारण ई राज रो आखै रजवाड़े माथै दबदबो रह्यो। राजस्थानी भाषा उण बगत जणै-जणै रै काळजै इण भान्त मंड्योड़ी हो कै कोई आ सोच ई नों सकतो कै अँक दिन आजादी

मिल्यां पछै आ भाषा राजनेतावां री ओछी सोच री बळी चढ जावैला।

म्हन्न बीकानेर राज री कोई दो हजार बहियां री विवरणात्मक सूची बणावण रो मौको मिल्यो तद लगातार औ ई सोचतो रह्यो कै जे पैली री भान्त बाद में ई राजस्थानी रो वैवार चालू रैवतो तो निस्चै ई आज राजस्थान री अेक न्यारी ई छिव होवती। अेक भाषा हजार बरसां पैली अठै जलमी, पांगरी बीनैं तो छोड छिटकाय दी अर दूजी भाषा नैं आजादी रै पचास बरसां मांय धिंगाणै अपणावण री चेष्टा करीज रही है। कनै अेक सिमरध भाषा होंवतां थकां ई भाषा रो फोड़ो क्यूं भुगत रह्यो है—औ प्रान्त। बीं बगत राजस्थानी भाषा नैं जाणणिया अर लिखणिया दूजी भाषा नैं जाणता ई कोनीं, इण कारण बांरी भाषा में जिकी सबदावळी काम मांय लिरीजती बा ठेट राजस्थानी री ई मिलै।

बीकानेर राज री बहियां में काम लिरीजी सबदावळी मांय सूं कोई दोय हजार सबदां रा परिभाषावां समेत अरथ त्यार करीज्या है। देस-विदेस रा शोध-खोज करणियां खातर आ सबदावळी घणी महताऊ है। बीकानेर राज रो जिको ई काम-काज होंवतो बो आं बहियां मांय दरज है।

औ सगळी बहियां सतरहवीं सदी सूं लगायनै राजस्थान रै अेकीकरण सूं पैली तक री मिलै है। हर मुख्य सीगै री बही रै साथै सैकडूं सीगै री बहियां मिलै है। हासल बही, लेखा अर जमा खरच री बही, जगात बही, जमीं रै कागदां अर अमल रै चिट्ठा री बही, कूचमुकाम री बही, मरजाद रै कागदां री बही, कमठाणा बही, पट्टा-परवाना बही, ब्याव बही, तलब तैयारी (तलबाणा) बही, चिट्ठा अर खतां री बही आद मुख्य सीगा है। अेकली कागदां री बही मांय सेठ, नाता, फरोही, गुनैगारी, पेसकसी, जमाबंदी, सिरबंदी रा कागद मिलै है।

उगणीसवीं सदी रै सरू मांय बीकानेर राज में उर्दू भाषा रो बोलबालो ई हुयग्यो हो। पण राजस्थानी राजकाज मांय प्रमुख भाषा बणी रही। बीकानेर राज में थापना सूं लगायनै 1956 तक रो दीवानी काम राजस्थानी मांय ई चालतो हो। मालमण्डी रै दस्तावेजां रा सीगा तो उर्दू मांय हा, पण उणांरी मांयली इवारत राजस्थानी भाषा में ई लिख्योदी है। मुतफरकात माल, कुलियात माल, नम्बरी दीवानी, परचा खतोनी, ढाल मंच, मुशाबी, हकमोरूसी, सनदी कागजात, मिसल बन्दोबस्त, कौंसिल रा हुकम, रोकड़, जमा बन्दी अर मोहर छाप रा पट्टा इसा प्रमुख सीगा हा।

अठै फेरू अेक बात बतावण जोग है कै बीकानेर राजा जिण भान्त निजू अर राजकाज मांय राजस्थानी भाषा रो उपयोग करता रह्या है, उणीं भान्त बोलचाल मे ई इणीं भाषा नैं बोलता। आपरी सेना अर प्रजा दोन्यू में आपरी बरसगांठ, दसरवै अर होळी-दीवाळी रै अवसरां अर बगत-बगत माथै राजा अर सरदार लोगां री भाषण देवण री परम्परा कोई नूवी नीं ही। राज्य रा सरू रा राजावां रै भाषण रो उल्लेख तो जरूर मिलै है पण लिख्योडा भाषण देखण में नीं मिलै। पण जद सूं राज्य मांय छापाखानै रो विगसाव हुयो, उण बगत रा राजस्थानी भाषा में दियोडा राजावां रा भाषण ठावा मिलै है। महाराजा गंगासिंघ, महाराजा सार्दुलसिंघ अर आखीर मांय महाराजा डॉ. करणीसिंघजी

रा घणकरा भाषण राजस्थानी भाषा मांय दियोड़ा है। अठै आ फेरूँ अंक विशेपता हो कै बीकानेर रा लोग छेत्र रो दोरो करण नैं जांवता चठै बांरो अभिनंदन राजस्थानी भाषा मांय ई हुया करतो। बीकानेर मांय राजावां नैं जनता कानी सूं जिका राजस्थानी भाषा में अभिनंदन-पत्र भेंट करया जांवता हा, वै आज ई बीकानेर रै जूनागढ़ री दर्शक दीर्घावां मांय ठावा है।

इणीं भान्त जद आपां रजवाड़े मांय राजस्थानी रै वैवार री बात करां तो बीकानेर रै राजा राजस्थानी भाषा रै लोकगीतां नैं कित्तो महत्त्व दियो, उण रो दीठाव उण बगत रा लोकगीतां नैं सुणियां सूं लागै। बीकानेर रा महाराजा गंगासिंध रै बगत दिनुंगे सूं लेयनै सोपो पड़्यां ताई लोक गायिकावां महलां मांय गीत गावतो, वै सगळा गीत राजस्थानी मांय ई हुंवता। खास-खास अवसरं माथै राजस्थानी 'मांड' सुणणो ई राजावां रो खास शौक हो। मेळा-मगरियां रै मौकै ई गीतां रा हिलोर उपड़ता। राज रा वैण्ड ई मारवाड़ी धुनां ई बजांवता। कैवण रो अरंथाव औ कै राजस्थानी भाषा सूं निरवाळी कोई चीज नीं ही।

बियां तो बीकानेर रा सगळा ई राजा अर राणियां राजस्थानी भाषा रा उपासक हा, पण गंगासिंध, सार्दुलसिंध रै जमानै मांय हिन्दी, अंग्रेजी अर उर्दू ई च्यारू कानी बरतीजणी सरू हुयगी ही। पण दोनू ई राजा आपरी राजस्थानी भाषा अर राजस्थानी माठ छोडी कोनीं। स्वतंत्रता रै पछै महाराजा करणीसिंध ई राजस्थानी री जोत नैं जगाई राखी। बां राजस्थानी मांय बोलण रो व्रत लियो अर राजस्थानी भाषा री मानता खातर अणथक प्रयास करया। जद पंजाबी भाषा रै आधार माथै पंजाब राज्य रो गठन हुयो तो 14 मार्च, 1966 नैं लोकसभा मांय राजस्थानी भाषा नैं मान्यता री बात राखी। बां कह्यो— जद कै राजस्थानी दो करोड़ राजस्थानियां री भाषा है, पण इण प्राचीन भाषा नैं सविधान री मान्यता कोनीं। म्हरो आपसूं अनुरोध है कै आप म्हारै विल रो समर्थन करनै राजस्थानी नैं मान्यता दिरावण सारू सहयोग करो।

आगे फेरूँ 16 फरवरी, 1968 नैं बां लोकसभा मांय राजस्थानी भाषा री मान्यता सारू आपरो ऐतिहासिक भाषण देवता कह्यो— हूं राजस्थानी रा दोय करोड़ लोगां कानीं सूं बांरी भावना प्रगट कर रह्यो हूं। राजस्थानी म्हारी मायड़ भाषा है। आ, बा भाषा है जिकी देस नैं जुझारू जोधा दिया है। भाषा शास्त्रियां री दीठ मांय आ अंक सुसंकृत अर सिमरध भाषा है। बगत माथै जनभावना नैं समझणो राजनैतिक समझदारी मानी जावैली। आ मांग राजस्थान रै अंकीकरण रै सागे ई सरू हुयगी ही। राजस्थान री भावनात्मक अंकेता रै वास्तै राजस्थानी नैं संवैधानिक मान्यता जरूरी है। इण विधेयक सूं राष्ट्र री अंकेता माथै कोई आंच नीं आवैला।

सन् 1974 पछै महाराजा करणीसिंधजी संसद सदस्य कोनी रह्या। सन् 1988 में आपरै देवलोक गमन हुयां तक आप राजस्थानी नैं मान्यता दिरावण रा जतन करता रह्या। बांरी धर्मपत्नी राजमाता सुशीला कुमारीजी रो अर बांरै कड़ुबै रा दूजा लोगां रो ई राजस्थानी रै प्रति मोकळो सनेव रह्यो है। राजस्थानी भाषा अर राजस्थानी साहित्य सारू राज-परिवार कानी सूं माली इमदाद ई दी जावै।

बीकानेर रा सेठ-साहूकार

राजस्थान रा सगळा राजपूत राज्यां मांय सेठ लोगां री अेक लंबी परम्परा रह्यो है। जिकां राज्य जित्तो पुराणो है उणमें सेठ लोगां रो वर्ग उत्तो ई पुराणो। सेठ-साहूकारां रो औ वर्ग दो भागां में बंटयोडो हो। पैलडो वर्ग राज-मंत्रियां रो हो, जिण रा घणखरा सदस्य राज्य रा मंत्री, राजदूत या पछै सेनापति जैडा पदां पर लाग्योडा रैवता। सेठ लोगां रो दूजो वर्ग व्यापारियां रो हो। औ वर्ग ई खासो प्रभावशाली रह्यो है। सेठ-साहूकारां रै आं दोनूं वर्ग रा लोगां बगत पडियां आपरै राज्य रा शासकां री आर्थिक सहायता करने खासो ख्याति अर्जित कर चुक्या हा।

बीकानेर राज्य घणो पुराणो नीं हुवण सूं सेठ-साहूकारां री परम्परा ई घणी पुराणो कोनीं। पण राज्य धरपणा री सरूआती सदियां में सेठ लोगां रो पैलडो राज्यमंत्री वर्ग अठै आपरो राजनैतिक अर सैनिक कौशल दिखायनै आपरो मोकळो ही प्रभाव बघायो। बीकानेर री भौगोलिक स्थिति रै कारण उण बगत ताई व्यापारी वर्ग घणो विकसित नीं हो पायो; पण लारली सदियां, खास करनै 19वीं सदी में अर उणरै पछै औ वर्ग इत्तो धन सम्पन्न हुयो कै इण वर्ग रा लोग फगत राज्य मांय ई नीं बल्कै देस रै आर्थिक निरमाण में ई आपरी महताऊ भूमिका निभाई।

राव बीकाजी जद जोधपुर सूं रवाना होया, उण बगत वांरी सेना मांय की मुत्सद्दी अर साहूकार भी हा। आमें मुत्सद्दी रै रूप में ओसवाळ जात रा लाला लाखणसी चैद, चौधमल कोठारी, बरसिंह बच्छावत अर साहूकार रै रूप में माहेश्वरी जात रा सालोजी राठी भी हा। सन् 1874 में जद पाउलेट बीकानेर राज्य रो गजेटियर तयार कियो, उणमें राज्य रो आवादी रै सर्वेक्षण रो बगत नगर में रैवणिया 80 व्यापारी अर 10 मुत्सद्दी घराणां ऊपर उल्लेखित लाला, लाखणसी चैद नैं आपरा पूर्वज मानता। इणरै अलावा पांच व्यापारी घराणा चौधमल कोठारी अर लगै-टगै 150 घराणा सालोजी राठी नैं आपरा पूर्वज मानता। राज्य रा घणखरा ओसवाळ अर माहेश्वरी जात रा लोग ऊपर कथ्योडै घराणां रा वंशज ई है। व्यापारी वर्ग री दूजी जातियां में अग्रव ठ प्रमुख रह्या है। आं अग्रवाळां रा पूर्वज राज्य में ज्यू-ज्यू नूवा गांव अर कस्बा अस्तित्व में आता गया, त्यू-त्यू बीकानेर राज्य रै आसै-पासै आयनै बसता गया।

इणां मांय सूं कई लोग जठै राज्य री धरपणा पछै ऊंचै पदां रा अधिकारी रह्या बठै ई कई लोग राज्य री सेना में जुद्धां रो संचालन करता थकां वीर गति पाई। मुत्सद्दी रै रूप में ओसवाळ घराणै रा मेहता कर्मचन्द बच्छावत, अमरचंद सुराणा अर मेहता हिन्दूमल आद रा नांव उल्लेख जोग है। माहेश्वरियां मांय मोहता बख्तावरसिंह ई दीवाण रै रूप में खासो ख्याति अर्जित करी।

उगणीसवीं सदी में भारत री आर्थिक स्थिति मांय घणी उथळ-पुथळ माची, जिण रो प्रभाव बीकानेर राज्य रा मारवाडी व्यापारियां माथै ई पडियां बिनां नीं रैय

सक्यो अर मजबूर होयनै उणां नै राज्य सू देस रै दूजा भागां में जावणो पड़्यो। आं मांय सू अनेक लोग तो संचार अर आधुनिक सुविधावां रै अभाव सू उपजी आशांकावां रै बिचाळै पलायन कर्यो अर आपरो व्यापारिक सूझ-बूझ रै पाण भारत रै विणज-व्यापार नै अंतरराष्ट्रीय स्तर माथै पुगावण में महताऊ भूमिका निभाई। आगै चालनै आं मांय सू ई कीं लोगां पैलड़ै विश्व-जुद्ध रै पछै भारत रै अेकीकरण में योग देयनै देस रा प्रमुख उद्योगपतियां में आपरो स्थान वणायो। धपाऊ धन हुयां पछै विणज, व्यापार अर उद्योगां मांय लाग्योड़ा आं व्यापारियां आपरै मूळ राज्य बीकानेर समेत आखै देस में जन-कल्याण रा कामां में धन लगावणो सरू कर दियो अर देखता-देखतां ओरै मार्फत चालता जन-कल्याण रा कामां रो समूचै भारत में जाळ-सो बिछग्यो। आं मांय सू अनेक व्यापारियां राज्य रो आर्थिक विगसाव योजना में ई धन लगावण रै साथै-साथै राज्य रै शासकां रो ई घणी सहायता करी। आखिरकार जद 'अंग्रेजी भारत' में आं रै कारोबार में अंग्रेज राज अबखायां पैदा करणो सरू करी तद भी बै दूजा व्यापारियां रै सहयोग सू भारतीय स्वतंत्रता आन्दोलन में छानै-छुपकै ई सहयोग देयनै आपरै कर्तव्य रो भली-भान्ति पाळण करण सू लारै नौ रह्या।

चूरू रा चतुर्भुज पोद्दार लगैटगै 200 बरसां पैली चूरू सू व्यापार करण सरू भटिंडा (पंजाब) पलायन कर्यो। आंरा वंशज देखता-देखतां इता धनवान हुयग्या कै उणां रो छोटकियो बेटो ताराचंद पोद्दार अर बी रा वंशज 'सतपीढिया शाह' कहाया। चतुर्भुज पोद्दार रै पौतै जिंदाराम रो बेटो मिर्जामल पोद्दार बैंकिंग अर विणज-व्यापार में अण्ठी ख्याति अर्जित करी। लगैटगै उणो 'ज वगत में चूरू रा मोहनराय सरावगी खुरजा में जाय बसिया। आगै चालनै आंरा वंशज रानीवाळा रै नांव सू प्रसिद्ध हुया। दोय सौ बरसां पैलां ई राजलदेसर रा हजारीमल दुधेड़िया बगाल रा अजीमगंज में जायनै कपड़ै रो व्यापार करण लागग्या। बीकानेर रा बंशीलाल अबीरचंद डागा अर अमरसी सुजानमल लगैटगै डेढ सौ बरस पैलां अठै सू मध्यप्रदेस अर बनारस मांय आपरा कारोबार खोल चुक्या हा। थोड़ा-घणा लोगां नै ई इण बात रो ठा है कै सन् 1828 में बंगाल सू आसाम जायनै विणज-व्यापार करण वाळा पैला मारवाड़ी व्यापारी बीकानेर राज्य रा नीरंगराय अग्रवाळ हा। आरंभ में उणां तेजपुर में रबड़ रो कारोबार कर्यो। पछै उणां रो ईज बेटो हरविलास तेजपुर अर डिब्रूगढ में दूजी चीजां साथै-साथै चाय-उद्योग में प्रवेस कर्यो। सन् 1868 में उणां द्वारा खरीदचोड़ी चाय रो बगीचो आज ई आसाम में सगळां सू पुराणो बगीचो बाजै।

म्हनै सेठ हरखचंदजी नाहट्य सू ठा लाग्यो कै सन् 1748 में गेरसर रा श्री महासिंघजी अजीमगंज में जगत सेठ री टकसाळ रो प्रबन्ध संभाळ लियो हो। उण परिवार रा सेठ मेघराजजी कोठारी सन् 1812 में आसाम रै ग्वालपाड़ा में पूग्या हा। उणां सन् 1818 में वठै व्यापार थापन कर्यो हो, जको 'बडै गोळे' रै नांव सू आज ई जानीजै है। उणां सन् 1828 में व्यापार घणो फलण सू गोहाटी, तेजपुर अर चारहली में

भी व्यापार ठिकानो बणायो हो। सन् 1830 में सेठ मेघराजजी कोठारी तेजपुर में जैन मंदिर ई बणवायो हो। सन् 1835 में बीकानेर सूं डांडूसर बाळा सेठ उदयचंदजी नाहटा कारोबार खातिर ग्वालपाड़ा पहुँचा अर 'उदयचंद राजरूप' नांव सूं व्यापार थापण कर्यो हो। उणां रै पछै ई छापरा रा श्री हुकमचंदजी नाहटा ई ग्वालपाड़ा में आपरो व्यापार सुरू कर्यो हो। सन् 1839 में सेठ उदयचंदजी नाहटा, सेठ मेघराजजी कोठारी आदि मिल परा ग्वालपाड़ा में जैन मंदिर ई बणवायो हो, जिको आज तक कायम है। सन् 1864 में सेठ मेघराजजी कोठारी नें 'राय बहादुर' री पदवी मिली हो। बाद में उदयचंदजी रै परिवार रा सेठ रांकरदानजी नाहटा आसाम में चापड़ (धुबड़ी), सिलहट, बाबुरियाहाट में पेंढो थापण करो। पछै बंगाल में बोलपुर अर कलकत्ता में गद्दी बणायी हो। भारत रै बंटवारे रै बाद जद सिलहट, बाबुरियाहाट पाकिस्तान में चलो गयो; पछै सिलचर, करोमगंज अर हाथरस में गद्दी धरपनै वठै व्यापार सुरू कर्यो। उणरें बाद परिवार बाळा व्यापार नें कानपुर, अगरतला, मुम्बई, दिल्ली आद घणी जगै फैलायो हो। इयां ई महासिंघ मेघराजजी कोठारी री व्यापार ई गौहाटी, दिल्ली, कलकत्ता अर दूजी जाग्यां में फैल्योड़ो है, जठें सय उणांन 'बडै गोळै बाळा' रै नांव सूं ओळखै। उदयचंदजी नाहटा रै परिवार में ही अगरचंदजी अर भंवरलालजी हुया है, जिका भापा, इतिहास अर साहित्य रै छेत्रां में देस रा घणा मानोजता विद्वान रै रूप में ओळख्योई है।

सन् 1860 में जद दिल्ली अर कलकत्ता बिचाळै रेल मारग बणग्यो, तद तो राज्य रा जोध-जवानां रै साथै-साथै बूढा-बडंरा ई अळघो-अळघी जाग्यां जायनै आपरा डेरा जमावण लाग्या। बीकानेर राज्य रा सेठ रिद्धकरण सुराणा अर गणपतराय खेमका इणी 'ज वगत में कलकत्ता गया अर सन् 1900 में यठै 'मारवाड़ी चैम्बर ऑफ कॉमर्स' री धरपणा करो। सुराणाजी इण रा पैलड़ा मानद सचिव बण्यो। राजा शिववक्स राय बागला अर रायबहादुर भगवानदास बागला बंगाल अर बर्मा जायनै चावळ, जमींदारी अर काठ री घंघो करनै खासो धन कमायो। सेठ भगवानदास बागला नें तो मारवाड़ियां मांय पैला करोड़पति बणण री गौरव मिल्यो। आगे चलनै बागला परिवार रा सेठ रामनिवास बागला तो 'कंसरी हिन्द' बण्यो। सेठ खेमराज बजाज बम्बई जायनै मारवाड़ियां में छपाई रै काम सारू पैलपोत स्टीम प्रेस लगायो अर 'वंकटेश्वर-समाचार' नांव सूं पैलड़ो दैनिक अखबार निकाल्यो। बीकानेर रा ई सेठ बलदेवदास नाथाणी कलकत्ता जायनै पैलै 'कलकत्ता स्टॉक एक्सचेंज एसोसियेशन' री धरपणा करो। सरदारशहर रा सेठ चैनरूप दुग्गड़ ई कलकत्ता जायनै 'चैनरूप-सम्पतराम' नांव री फर्म थापित करी, जिणमें बैंकिंग रै कामां रै साथै-साथै इंग्लैंड सूं सीधो कपड़ा आयात करीजतो। सेठ रुक्माचंद बहिचंद, सेठ उदयमल वैद, सेठ नरसिंहदास मूंधड़ा, सेठ खड़गसिंह, सेठ माणकचंद वैद अर सेठ सदासुख कोठारी री 'सदासुख-गंभीरचंद' नांव री फर्मा ठगणीसवीं सदी रै आखरी दसक में कलकत्ता मांय धरपीज चुकी हो। इण फर्मा में कपड़ा अर बैंकिंग री काम मुख रूप सूं हुंवतो। सेठ सदासुख कोठारी तो सन्

1902 में कलकत्ता माय 'सदासुख-कटळा' रो निर्माण करवाय दियो, जिको आज ई बडा बाजार, कलकत्ता रो सिरै व्यापारी केन्द्र हे। सन् 1883 में बहादुरमल रामपुरिया कलकत्ता माय 'हजारीमल हीरालाल' नांव री कपड़ा फर्म थापित करी। इणीं वगत मे सेठ अगरचंद सेठिया, चिमनलाल गनेड़ीवाल ई कलकत्ता में आपरा व्यापारी प्रतिष्ठान थरपित कर चुक्या हा। बिहार में राज्य रा राजगढ़िया परिवार अभ्रक रो कारोबार करनै अग्रणी व्यापारी बण चुक्या हा। सन् 1900 रै पछै तो बीकानेर राज्य रा सैकड़ा व्यापारी अठै सूं पलायन करनै देस रै विभिन्न भागां मांय आपरा व्यापार थरप चुक्या हा।

मारवाड़ी व्यापारियां री भान्त ही बीकानेर राज्य रा व्यापारी ई जिण किणो छेत्र में गया, बठै री जरूरतां नैं ध्यान मे राखनै आपरो कारोबार आरंभ कर्यो। वीकिंग रा कामां सूं जुड़चोड़ा लोग उण छेत्रां रै ग्रामीण अंचळां ताई प्रवेश करनै उठै रा करसां नैं अँडी नगदी फसल उपजावण सारू धन देवणो आरंभ कर्यो जिणरी अंग्रेजां सारू घणी माग हुवती। बंगाल अर आसाम री ब्रह्मपुत्र घाटी मांय पूगनै बीकानेर रा सेठ-साहूकार आयात-निर्यात रो काम अंगेज रै उठै रा सिरै व्यापारी बणग्या। जका सेठ लोग महाराष्ट्र अर मध्यप्रदेस सांमी गया वै अफीम अर कपास रो धंधो अपणाय मराठां रा बंकर अर सेना नैं रसद सप्लाई करणिया ठेकेदार बणग्या। इणीं ज भान्त जिका व्यापारी गंगा-जमुना घाटी छेत्र सांमी गया उणां खुरजा, हापुड़, हाथरस, फिरोजाबाद, कानपुर अर मिर्जापुर में गल्लै रो काम अपणायो। धौरै-धौरै बीकानेर राज्य रा कीं सेठ-साहूकार लोग दूजा मारवाडिया री देखादेख आपरै छेत्रां में जमींदारी अर सट्टा लगावणा ई सरू कर दिया हा।

पैलडै विश्व-जुद्ध रै पछै आं मांय सूं घणकरा लोगां उद्योगां में प्रवेश पाय लियो। उद्योगां री थरपणा करण वाळा बीकानेर राज्य रा प्रमुख लोगां में सूरजमल नागरमल जालान रो नांव उल्लेख जोग है। इण फर्म सन् 1927-28 में बंगाल माय अेक जूट री मिल थापित करी। पछै इणीं ज फर्म रा मालकां 'डेवनपोर्ट' अर 'मालियोड्स' रा 'राइट' खरीदनै जूट री मिलां नैं औरूं बधायो। उण बगत में ई बीकानेर रै कनोई घराणो 'अेडरसन' रा राइट खरीदनै पटसन अर हेसियन रै निर्यात छेत्र में प्रवेश कर्यो। बीकानेर राज्य रा ई अेक दूजा सेठ भीखमचंद मोहता मध्यप्रदेस रा हिंगनघाट मे सूती कपड़ै री मिल थरपित करी। अठै ईज बीकानेर राज्य रा बंशीलाल अब्दरचद डागा री फर्म लगोलग हिंगनघाट, नागपुर अर बदनरा आद में सूती कपड़ा री मिलां चालू करी अर कोयलां री छह खानां ठैकै माथै ली। सन् 1930 में बीकानेर राज्य रा सेठ गणपत राजगढ़िया बिहार में ई अेक जूट मिल थरपी। सन् 1933 में सेठ गंगाधर बैद्यनाथ बागला कानपुर में अेक जणा रै भेळप में अेक जूट मिल खोली। लगैतगै इणीं वगत में 'हजारीमल हीरालाल रामपुरिया' नांव री फर्म कलकत्ता में कपड़ा री मिल खोली। अठै अेक दूजी फर्म 'अगरचंद भैरूदान सेठिया' रंग बणावण रो कारखानो खोल्यो। 'सेठ रामगोपाळ शिवरतन मोहता' कराची मे हरमन री हिस्सेदारी में वॉल

वियरिंग बणावण रो कारखाना खाल्या। बीकानेर छेत्र रा जी. डी. कोठारी, अम. कं. मेहता, माधोदास मूधड़ा, डूंगरमल सेठिया इत्याद उद्योग धंधा में नांव कमा चुक्या है।

अठे आ बात ई उल्लेख जांग है कैं बीकानेर रै औद्योगिककरण में ई आं सेठ-साहूकारां आपरो महताऊ योग दियो हो अर आज लग देय रह्या है। आजादी सूं पैलां बीकानेर में सन् 1929 में सेठ चांदमल चद्दा 'वूल वरिंग' फैक्टरी खोली। गंगानगर रा सेठ शिवचंद झावक अर सेठ ईसरदास चौपड़ा ऊन साफ करण अर कॉटन जीनिंग फैक्टरी धरपो। आजादी रै पछै तो बीकानेर नगर, नोखा, चूरू, लूणकरणसर, नापासर अर गंगानगर में मोकळा सेठ-साहूकारां भान्त-भान्त रा उद्योग थापित करया। आं सगळां रो वर्णन करणो संभव नीं, क्यूँकें आंरी सूची खासी लांबी है।

बीकानेर जैड़ा मरुस्थळ राज्य रै सारू फगत राज्य रा संसाधनां रै बूतै विकास रा कामां सारू धन जुटावणो आसान कोनीं हो। राज्य रा सेठ-साहूकारां सैकड़ां वरस पैलां सूं राज्य में कुआ, बावड़ियां, ताळाव, चांग-वगीचा अर बीड़ आद बणावता रह्या पण 19वीं सदी रै छेकड़लै दसक सूं लेंयनै भारत रो आजादी ताईं आं लोगां जन-कल्याण रै कामां में अणूतो धन खरच करयो। राज्य में पाणी रो समस्या रै समाधान सारू राज्य रो कोई कस्बो कैं गांव लारै नीं रह्यो जतै सेठ लोगां कुओ नीं बणवायो हुवै। संस्कृत शिक्षा अर आयुर्वेद चिकित्सा नैं प्रोत्साहन देवण सारू जाग्यां-जाग्यां संस्कृत पाठशालावां अर आयुर्वेद औषधालय खुलवाया। अनेक सेठ-साहूकारां अंलोपेधिक अस्पताळ, डिस्पेसरी अर प्रसूतिगृह रा निर्माण करायनै आपरो महताऊ योग दियो।

बीकानेर राज्य मांय काळ पड़णो तो साधारण बात ही। सन् 1899-1900 अर उणरै पछै पड़्या भीषण काळां रो वगत अै ही सेठ-साहूकार जन-धन नैं बचावण सारू पाणी रै परवाण रुपिया खरच करण में ई संकोच नीं करयो। इत्तो ई नीं, महाराजा गंगासिंहजी रै शासन-काल में रेल-लाइन रै विस्तार अर सिंचाई सारू गंगानहर रै निर्माण रो अवसर आयां, आं सेठ-साहूकारां राज्य सूं जारी लाखूं रुपिया रा बोंड खरीदया। सन् 1903 में जद बीकानेर में रेल परियोजना रो विस्तार करीज्यो, उण वगत सेठ कस्तूरचंद डागा इण काम पेटै 3,46,000 रुपिया सरकार नैं दिया। इणरै अलावा गंगानहर रै निर्माण कार्य में धन लगावण वाळां में हजारीमल हीरालाल रामपुरिया 5 लाख रुपिया, सेठ दानचंद चौपड़ा 20 लाख 50 हजार रुपिया अर सेठ बालचंद आसकरण 50 हजार रुपियां रा बोंड खरीदया। राज्य में स्कूलां खुलावण वाळां में बीकानेर रो रामपुरिया परिवार बीकानेर में रामपुरिया कॉलेज, सेठ चम्पालाल बांठिया भीनासर में जवाहर हाई स्कूल, सेठ कन्हैयालाल लोहिया 'चूरू में लोहिया कॉलेज, अर सेठ जब्बरमल दुग्गड़ सरदारशहर में सेठ बुद्धमल दुग्गड़ विद्यालय' रो थरपणा करो। आजादी आयां पछै तो आं सेठ लोगां बीकानेर रियासत रा छोटा-मोटा अनेक कस्बां में स्कूल अर कॉलेजां खुलवाय दी।

राज्य रा इसा सेठ-साहूकारां रो संख्या हजारों मे है, जिणां बीकानेर राज्य सूं बारै

जायनै आपरो विणज-व्यापार अर उद्योग-धधे में वधेपो करनै देस रै जन-कल्याणकारी कामां अर आर्थिक विगसाव में आपरो जथा योग दियो। ऊपरै आया नांवां रै अन्वावा बीकानेर राज्य रा कीं प्रमुख सेठ-साहूकारां रा नांव इण भान्त है- सेठ विश्वंसर दास डागा, सेठ भैरूदान भंसाळी, सेठ खुशालचंद डागा, सेठ नरसिंहदास डागा, रामनाथ डागा, सेठ गणपतराय फतैपुरिया, सेठ बजरगदास, सेठ शिवप्रसाद टोकमाणी, सेठ निहालचंद सरावगी, सेठ हजारीमल दूधवैवाळा, सेठ थानमल मुहणोत, सेठ प्रेमचंद खजांची, सेठ राधाकृष्ण मेहता, सेठ भैरूदान दुगड़, सेठ चिरंजीलाल बाजोरिया, सेठ ईशरचंद चौपड़ा, सेठ मदनगोपाळ दम्माणी, सेठ वैजनाथ जालान, सेठ मथुरादास मोहता, सेठ जवाहरमल खेमका, सेठ मूळचंद कोठारी, सेठ जगन्नाथ बजाज, सेठ गणेशदास गधैया, सेठ गंगाधर बगड़िया, सेठ मूळचंद मीमाणी, सेठ फूसराज दुगड़, सेठ कन्हैयालाल दुग्गड़, सेठ भैरूमल कोठारी, सेठ शिवदास मोहता, सेठ रामगोपाळ मोहता, सेठ दिलसुखराम लोहारीवाळा, सेठ गोविंदराम पेंडीवाळ, सेठ रामेश्वरलाल गनेड़ीवाळा, सेठ नौरंगराय अजितसरिया, सेठ रामरतनदास बागड़ी, सेठ मंगूराम तापड़िया, सेठ सूरजमल मोहता, सेठ मूलचंद वाघेरा, सेठ सूरजरतन दम्माणी, सेठ मालचंद भादाणी, सेठ आशाराम झंवर, सेठ गजानंद लेवर, सेठ चम्पालाल बांठिया, सेठ विलासराय केंडिया, सेठ मथुरादास बागड़ी, सेठ नरसिंहदास विन्नाणी, सेठ रामचन्द्र मंत्री, हनुमान प्रसाद कनोई, सेठ गिरधरदास मूधड़ा, सेठ पूनमचंद सावणसुखा, सेठ गिरधारीलाल बिहाणी, सेठ रामनारायण राठी अर सेठ मांगीलाल बागड़ी आद रा नांव उल्लेखजोग है। विणज-व्यापार नैं टाळनै राजनैतिक हलकां में बीकानेर रो नांव रोशन करण आळां में गांव काळू रा श्री रूपचन्द नाहटा रो नांव खास करनै उल्लेखण जोग है। नेपाली क्रान्ति में आंरो अजसजोग योगदान रह्यो।

आं सेठ-साहूकारां मांय सूं सेठ जयदयाल गोयनका, सेठ हनुमानप्रसाद पौदार, सेठ अगरचंद नाहटा, श्री कन्हैयालाल सेठिया अर साहित्य महोपाध्याय माणकचन्द रामपुरिया आद सिरै साहित्यकार हुया है जिणां बीकानेर रो नांव साहित्य जगत मांय उज्ज्वळ कृत्यो है। पण आज तो अठै रा सैकड़ू धनीमानी सेठ-साहूकार देस रै विभिन्न अंचळां मांय साहित्य अर शोध रै प्रति समर्पित हुय रह्या है।

अंत मांय म्हारो मानणो है कै बीकानेर सरीखै मरुथळ में पर्यावरण सन्तुलन बणावण माय सांगोपांग योगदान देवण आळी सेठ-साहूकारां रो आ बिरादरी भारत रै विभिन्न छोट-मोट अंचळा मांय राजस्थान रो संस्कृति रो अंवेर मे आपरो सातिरो अवदान दियो है।

बीकानेर नगर रो विकास-क्रम

बीकानेर नगर रो स्थापना नै लेयनै इतिहासकारां में कोई मतभेद नीं है। उणां मुजब जोधपुर रै शासक जोधा रो पुत्र राव बीको 30 सितम्बर, 1465 ई. नैं आपरै काकै कांधळ अर जांगळू रै अधिपति नापै सांखलै रै साथै जोधपुर सूं नूवो इलाको जीतण सारू व्हीर हुया। इणरै पछै बीको लगैटगै बीस बरसां ताई वर्तमान बीकानेर नगर रै आसै-पासै रैवण आळा शासकां अर प्रमुख जातियां रै साथै जुद्ध, सौंध अर विवाह सम्बन्ध स्थापित करनै थोड़ो विसराम करयो अर रातीघाटी में ठावी जाग्यां देखनै आखाबीज रै दिन वि. संवत् 1545 (सन् 1488) में नगर (गढ) री नींव राखी। पांच सौ सूं बेसी बरसां रो लम्बो बगत इण नगर वास्तै हालांकै राजनैतिक दीठ सूं तो मोकळी उठा-पटक रो रह्यो, पण इण नगर रो क्रमिक-विकास नीं रुक्यो।

जद इण नगर रै विकास-क्रम रो अध्ययन करां तो पतो लागै कै लारलै पांच सौ बरसां सूं लगायनै आज ताई इण नगर रो चौफेरी विकास हुयो है। पण औ दुरभाग है कै जयपुर, जोधपुर अर उदयपुर नगरां रै विकास-क्रम री जाणकारी देवण आळी पुरालेख शोध-सामग्री री भान्त बीकानेर नगर री थरपणा री पैली दो सदियां री जाणकारी देवण आळी शोध-सामग्री उपलब्ध नीं है। पण साथै ई सौभाग री बात आ है कै उणरै बाद री जाणकारी सारू शिलालेख, जैन-उपासरां री अभिलेख सामग्री, व्यापारी घराणां री बहियां, मुत्सद्दी घराणां रा कागजात अर सरकारी नै गैर सरकारी अभिलेखागारां री अभिलेख सामग्री आज ई सुरक्षित है। जैन उपासरां में तो बीकानेर-नगर रा सचित्र विज्ञप्ति-पत्र (100 फुट लम्बा) भी है, जिणां में बीकानेर नगर रा बाजार, मारग, मिंदर अर दूजा मुख्य स्थानां नैं चित्रां रै रूप में दर्साया गया है। इणरै साथै जैन कवियां री लिख्योड़ी गजलां आद सूं बीकानेर नगर रै क्रमिक-विकास रै सम्बन्ध में महताऊ जाणकारी मिलै है।

राव बीको जिण गढ री नगर रूप में नींव राखी हो, उण रा अवशेष वर्तमान में लक्ष्मीनाथजी रै मिंदर रै सांमी बताया जावै है। राव बीकै रो समय जुद्ध रै दौरां में गुजर्यो हो। इण खातर उणरै साथै जोधपुर सूं आयोड़ा भाई-परसंगी अर दूजी जात-बिरादरी रा कामगार आपरो रैवास गढ या उणरै आसै-पासै ताई ई सीमित राख्यो।

मध्यकालीन नगर-व्यवस्था मुजब राव बीको ई नगर नैं व्यवस्थित ढंग सूं बसावणै री परिकल्पना करी हुसी। पण जल्दी ई स्वर्गवास हुय जावण सूं बी नगर-नियोजन री कल्पना नैं साकार रूप नीं दे सक्यो। इणरै वावजूद आपां कल्पना तो कर ही सकां हां कै राव बीकै अेक शासक रै रूप मे नगर री प्राथमिक आवश्यकता तो पूरी करी है। राव बीकै रै पछै उण रा उत्तराधिकारी शासकां बीकानेर नगर रै विकास में आपरो योग दियो। इण समै तक बीकानेर रै आसै-पासै रा लोग रुजगार वास्तै नगर में आवणा सारू हुयग्या हा। पण उण बगत ताई नगर में तरतीब सूं बसणै री व्यवस्था

कायम नों हुय सकी ही।

राजा रायसिंह जद सन् 1574 में बीकानेर रो गद्दी बैठ्यो तो चींरो ध्यान बीकानेर नगर नें व्यवस्थित ढंग सूं बसावण कानी गयो। जेन उपासरे सूं प्राप्त वच्छावत वंशावली सूं जाणकारी मिलै है कै राजा रायसिंह रै प्रधानमंत्री करमचन्द वच्छावत पुराणै ढंग सूं बीकानेर नगर नें फेरूं बसायो अर जाति विशेष अर उणरै गोत्र मुजब नूवा मोहल्ला वणाया, जिका आज ई बीकानेर रै मांयलै भाग में कम-बेसी रूप में देख्या जाय सकै है। राजा रायसिंह रै शासन-काल में नगर रो सीमा रो विस्तार कर्घो गयो अर 30 जनवरी, 1589 ई. में नगर रै बारलै पासै नूवै गढ रो नीव राखीजी। इण नूवै गढ नें आज जूनागढ रै नांव सूं जाण्यो जावै है। इण रो निर्माण ई रायसिंह रै प्रधानमंत्री करमचन्द वच्छावत रो देखरेख में ई हुयो। इणरै शासनकाल में मोकळो साहित्य रच्यो गयो अर बारै सूं विद्वानां नें बुलायनै भरपूर संरक्षण दियो गयो। राजा रायसिंह रा भाई पृथ्वीराज 'वेलि क्रिसन रुकमणि रो' नांव रो प्रसिद्ध रचना इणों बगत में लिखनै बीकानेर रो नांव अमर कर दियो।

महाराजा रायसिंह रो मृत्यु रै पछै ई नगर रो बरोबर विकास हुंवतो रह्यो अर महाराजा सुजानसिंह रै शासनकाल तक तो बीकानेर नगर में आधुनिक सुविधावां रो सांतरो विकास हुय चुक्यो हो। महाराजा सुजानसिंह रै समै में कवि उदयचन्द सवत् 1765 में आपरी 'बीकानेर गजल' नांव रो पोथी में बीकानेर नगर रा तत्कालीन बजारों, व्यवसायां, तळावां, कुआं-घावड़ियां, मिंदरां अर उण बगत रै रहण-सहन रो सांतरो वर्णन प्रस्तुत कर्घो है। उणरै मुजब अठै व्यवस्थित बजार हो, जिनरै बिचाळै अेक चौक हो। अलग-अलग व्यवसाय रा व्यापारी अलग-अलग बजारों में बैठता। साहूकार, बजाज, तम्बोळी, सर्राफ, गांधी, फड़िया, ठंठेरा, तेली, पटुआ, चूड़ीगर, छींपा, रंगरेज, कुम्हार, माळाकार, मोची, दरजी, मणिहार आपरी अलग-अलग दुकानां में कारोबार करता। बजार में हुण्डी रो ई प्रचलन हो। इणरै साथै नाई, वैद्य ई बजार में बैठता। उदयचन्द कवि बीकानेर रै बजार रै बारै में ओ ई बतावै कै नगर में लोगां रै घरां पर जाळियां, गोखा अर कौरणी रो काम हुयोडो हो। उस्ता लोग चित्रकारी में संलग्न हा। नगर मे धर्मशाळा अर भांडाशाह, लक्ष्मीनाथ, नीलकंठ, नेमनाथ, गोगा पीर रो दरगाह, शीतळा, आदिनाथ, चिंतामणि, भैरव, महेश्वर, नागणेशजी, मदनमोहन, महादेव अर महावीर रा मिंदर बण्योडा हा। नगर में पीवण रै पाणी सारू अनूप सागर कुओ, आचार्यों रो कुओ, धवळागिर कुओ, नत्थूसर कुओ अर तळाबां में सूरसागर, जसवंतसर, सीसेळाव, हर्षोळाव तळाव विद्यमान हा। अठै पणिहारियां पाणी भरघा करती। इणीं भान्त गढ रो गहरी खाई अर इणरै मायलै महला रो वर्णन है। नगर रो इतरो सजीव वर्णन मात्र अेक गजल में दूजी ठौड़ मिलणो मुश्किल है।

महाराजा सुजानसिंह रो मृत्यु रै बाद बीकानेर नगर में अेक बदळाव आयो अर नगर रै च्यारू कानी परकोटै रो पुख्ता इन्तजाम कर्घो गयो। 18वीं सदी में महाराजा

गजसिंह रै शासन-काल में राजाशाही रोड़ा सूं, जिणां नैं भवाली नाव सूं ई पुकार्यो जावतो हो, नगर रो नूवो परकोटो बणायो गयो। इण परकोटै री भीत रो छह फुट चौड़ो औसार राख्यो गयो। ठौड़-ठौड़ दरवाजा अर बारियां राखीजो। आमें घणकरां रा नांव लोकदेवां रै नांवां पर राखीज्या। जिंयां गोगो दरवाजो, पावू बारी, शीतळा दरवाजो आद। समै-समै पर इण परकोटै री भीत में बदळाव अर परिवर्धन ई कर्यो गयो। सन् 1899-1900 में महाराजा गंगासिंह उत्तरी-पूर्वी परकोटै री नूवी भीत बणवाई उणमें लाल पत्थर रो उपयोग करवायो अर भीत रो औसार ई तीन फुट करीज्यो।

आज जूनागढ रो जिको वर्तमान रूप दोखै है, उणमें क्रमशः महाराजा सूरसिंह, कर्णसिंह, अनूपसिंह अर महाराजा गंगासिंह रो नूवो निर्माण-कार्य उल्लेखनीय है। अठै आ बतावण जोग बात है कै महाराजा गंगासिंहजी जद इण किलै में नूवो निर्माण सरू करायो, उण बगत गढ में सदियां सूं रैवण आळा लोग, जिका राजघराणें में हा, उणां नैं गढ सूं बारी बसा दिया। गढ रै च्यारूंमेर आज जिका बड़ा-बड़ा मोहल्ला बस्योड़ा है, बै उणीं लोगां रै परिवारां रा है।

बीकानेर रा शासकां अठै री स्थापत्य-कला अर चित्रकला रै विकास में ई कम योगदान नीं कर्यो। बीकानेर रै राजस्थान राज्य अभिलेखागार में उपलब्ध बड़ै कमठाणै री बहियां, जिकी 17वीं सदी सूं 20वीं सदी रै मध्य समै तक लगोलग मिलै है, इण बात नैं पुष्ट करै। बीकानेर शासक ई राजस्थान रै दूजै राज्यां रै शासकां री भान्त, मुगल सेवा में लम्बै समै तक रह्या हा। इण कारण सूं बीकानेर में ई मुख्य रूप सूं जूनागढ रै निर्माण में मुगल अर राजस्थान री मूळ स्थापत्य कला रो सम्मिलित रूप निजर आवै। महाराजा सूरसिंह (1613-31 ई.) सूरसागर तळाव अर सूर-मन्दिर उणीं शैली में निर्मित करवायो। महाराजा करणसिंह (1631-69 ई.) द्वारा देवीकुण्ड सागर में बणायोड़ी छत्री फतहपुर सीकरी री मुगल-शैली रो अेक नायाव नमूनो है। महाराजा अनूपसिंह (1669-98 ई.) मुगल बाहशाह शाहजहां री शैली रै अनुरूप जूनागढ में सफेद संगमरमर रो उपयोग कर्यो। इणसूं पैलां महाराजा सूरसिंह अर करणसिंह गढ मे ई कमरां रै आगै दो मोजिला महारावदार संगमरमर रा खंभां रो निर्माण ई मुगल-शैली रै प्रभाव सूं ई करवायो हो। कमठाणां री बहियां सूं जाणकारी मिलै है कै महाराजा करणसिंह अर अनूपसिंह रै समै में बीकानेर रै गढ में मुगल-शैली रा उस्ताद उस्ता अर हिन्दू शैली रा जयपुरिया अर मथेरण चित्रकारां मिलनै चित्रकला में बीकानेर-शैली नैं जन्म दियो।

महाराजा गंगासिंह तो बीकानेर नगर नैं पश्चिमी प्रभाव सूं प्रभावित हुयनै अेक नूवो रूप देय इणनै आधुनिक नगर बणाय दियो। सन् 1902 में लालगढ महल अर सन् 1937 तक आप नगर में आलीशान सड़कां, विविध महकमा रा आधुनिक भवन, सिनेमा हॉल, अस्पताळ, असेम्बली भवन, पब्लिक पार्क आद रो विकास कर दियो, जिणनै आज ई देख्यो जाय सकै है।

राज रै साथै-साथै बीकानेर नगर रो श्रेष्ठी-वर्ग ई बीकानेर रो स्थापत्य अर चित्रकला में आपरो भरपूर योग दियो, जिको उणां रो हवेल्यां रै रूप में आज ई देख्यो जाय सकै। आ ई अठै बतावण जोग बात है कै महाराजा गंगासिंह सूं पैला सन् 1886 में महाराजा डूंगरसिंह बीकानेर नगर में सबसूं पैलां बिजळी लाया हा। पण आ बिजळी जूनागढ रै मांय तक ई सीमित हो।

किणी ई नगर रो विकास शिक्षा अर संस्कृति रै अभाव में अधूरो ई मानीजै। उगणीसवीं सदी में अठै रै श्रेष्ठी-वर्ग बाणिका पढावणै रो माडजा (मार्जा) पद्धति रो पोसाळां, संस्कृत पाठशाळावां अर प्राथमिक शिक्षा रै प्रचार-प्रसार में आपरो कम योगदान नीं दियो। राज रै कानीं सूं ई नगर में बीसवीं सदी में अनेक स्कूलां खोलीजी। उच्च शिक्षा रै वास्तै अेक कॉलेज खोलनै नगर रो शिक्षा नैं विस्तार दिरीज्यो।

आजादी मिल्यां पछै तो इण नगर रो इत्ती तेज गति सूं चौफेरी विकास हुयो है कै आज औ बीकानेर नगर हर दोठ सूं राजस्थान रै अग्रणी नगरां रो गिणती में आयग्यो है अर उन्नति-पथ पर लगोलग अग्रसर है।

बीकानेर नगर की भित्ति-चित्र परम्परा

बीकानेर नगर की भित्ति-चित्र परम्परा में लेयनै लारलै तीन दसकां में कई विद्वानां खासो काम कृत्यो है। आमें अगरचन्द भंवरलाल नाहटा, मोतीचन्द खजांची, रामदयाल लाटा, नवलकृष्ण, कृष्णचन्द्र शर्मा आद प्रमुख नांव है। औरै अलावा पत्र-पत्रिकावां रै मार्फत कई दूजा लेखकां ई आपरी लेखनी रै पाण बीकानेर नगर की भित्ति-चित्र कला पर कलम चलाई है।

लगैठै तीस बरसां पैली म्है बीकानेर की चित्रकला, विशेष रूप सँ भित्ति-चित्रकला सँ सम्बन्धित मोकळै आयामां रा स्रोत 'बीकानेर के बड़े कमठाणे की बहियां' अर 'संभाळा बहियां' पर विस्तार सँ टिप्पणियां प्रस्तुत करी हो। बाद में अ ईज टिप्पणियां सूची रै रूप में ई छापीजी। ऊपरला सगळा विद्वानां मांय सँ घणकरा आपरै आलेखा अर शोध-कार्या में इण सामग्री रो ढबसर उपयोग कृत्यो है। इण आलेख में राजस्थान अभिलेखागार में उपलब्ध अभिलेख-सामग्री रै साथै आं विद्वानां रै विचारां नै स्थान दिरोज्यो है।

बीकानेर की चित्रकला रो इतिहास घणो पुराणो कोनी। इण की सरुआत 17वीं सदी रै बिचाळै (मुगलकाल सँ) मानीजै। उण बगत तक राजस्थान रै दूजा राज्यां रा शासकां की भान्त बीकानेर रा शासक राजा रायसिंह ई मुगल दरबार में खासी प्रतिष्ठा हासल कर चुक्यो हो। बां ई दूजा शासकां की देखादंखी आपरै दरबार में मुगल दरबार रै चित्रकारां नै न्युंतनै ओपतो आवकारो दियो। अ चित्रकार आपरै साथै मुगल-शैली रै प्रभाव नै तो लेयनै आया ई हा, साथै ई उणां स्थानीय प्रभाव रै तहत काम करनै अक अैड़ी शैली नै जन्म दियो जिकी 'राजपूत-मुगल शैली' रै रूप में लोकप्रिय हुयी।

17वीं सदी रै मध्य में चित्रकला रै इण रूप नै 'बीकानेर-शैली' रै रूप में जाणीज्यो। राजा रायसिंह मुगल दरबार रै बां बंजोड़ कलाकारां नै लाया जका सोनै रा उभारदार काम, अनूठी मीनाकारी, बेल-बूँटी अर फूलां की उम्दा कोरणी में उस्ताद हा। बाद में इणो चित्रकारां नै बीकानेर में 'उस्ता' नांव सँ घणी ख्याति मिली।

राजा रायसिंह रै पछै महाराजा कर्णसिंह नै चित्र कोरावण में खास रुचि ही। उणां आपरी पसन्द रा चितराम बणवाया पण महाराजा अनूपसिंह की तो बात ई न्यारी हो। उणां सन् 1765 में चित्रकला में बीकानेर शैली नै अक खास रुतबो दिरवायो। उणां दिल्ली अर लाहौर रा चावा चित्रकारां नै बुलायनै आपरी राजसभा में बांनै ओपतो आवकारो दियो। महाराजा अनूपसिंह आपरी अभिरुचि अर विषय-वस्तु मुजब चित्र बणवाया। मुगल-शैली रा उण चित्रकारां आपरी भावपूर्ण तूलिका सँ 'नवीन बीकानेर-शैली' रो श्रीगणेश कृत्यो अर रसिकप्रिया, रागमाळा, वारह मासा, नायिका भेद, शिकारगाहो अर लोकगाथावां ढोला-मारू आद रै चित्रां नै घणी बारीकी अर चतराई सँ उकेर्या।

राजस्थान राज्य अभिलेखागार, बीकानेर की 17वीं सदी की 'संभाळा बही' में इण

रो उल्लेख मिलै। इण बही सूं बीकानेर शैली रै सरुआती चित्रकारां में रुकुनुद्दीन, उस्ताद नुरुद्दीन, उस्ताद हसन, उस्ताद अहमद मुराद, उस्ताद हसन रजाक आद चावा चित्रकारां रो नांव मिलै। इण चित्रकारां पर शाहजहां कालीन मुगल शैली रो प्रभाव हो।

बगत परवाण जका नूवा चित्रकार आया उणां बीकानेर शैली रै चित्रां में गोळाकार धोळै बादळां री छटा, रेत रा धोरां रा दरसाव अर इरानी शैली री पहाड़ियां आद नैं ई आपरै चित्रां मे स्थान दियो। आं चित्रकारां में उस्ताद कायम, उस्ताद कासिम, उस्ताद अबुहमीद, उस्ताद शाह मोहम्मद अर उस्ताद अबुरसा आद रा नांव उल्लेख जोग है। आं चित्रकारां भित्ति-चित्रां रो आलेखन ई बखूबी कर्यो। इण आलेखन में उणां रो साथ दियो अठै रा मथेरणां, जयपुर सूं आया जयपुरिया अर दिखणाद सूं आया दिखणादी चित्रकारां। आं रो घणमोलो सैयोग उगणीसवीं सदी रै छेकड़ ताई बीकानेर नगर री अनेकू जाग्यां पर उकेरीज्या भित्ति-चित्रां में देख्यो जाय सकै।

बीकानेर नगर मे भित्ति-चित्रां रो आलेखन मुख्य रूप सूं राजप्रसाद, मिंदरां, मिरतु-स्मारकां (छत्रियां), सेठ-साहूकार अर मोटै ठिकाणीदारां रै ठिकाणां अर उणां बणायोड़ी धर्मशाळावां में हुयो है। बीकानेर में भित्ति-चित्रांकन नैं क्रमबद्ध दीठ सूं देखां तो अठै रै जूनागढ राजप्रसाद रा भित्ति-चित्र सबसूं पुराणा है। बाकी जाग्यां बण्योड़ा भित्ति-चित्र इणरै बाद रा ई है। सगळां सूं पैलां अठै रा मिंदरां में मंड्योड़ा भित्ति-चित्रां री चरचा जरूरी है।

बीकानेर नगर में जैन समाज रा सेठ-साहूकारां री तरफ सूं बण्योड़ै त्रैलोक्य दीपक-प्रसाद (भांडासर जैन मिंदर) चितामणी मिंदर, जैन श्वेताम्बर आदिनाथ मिंदर अर चादकुंवरी जैन मिंदर भित्ति-चित्रां री दीठ सूं घणा सिमरध है। आं-मांय सूं पैलड़ा दो मिंदर तो बीकानेर नगर री थापना रै आसै-पासै रा ईज है। आ सगळां जैन मिंदरां में मथेरण अर उस्ता कलाकारां समै-समै पर भित्ति-चित्रां रो सांगोपांग अकन कर्यो है।

सगळा जैन मिंदरां में जैन कथा-साहित्य माथै आधारित चित्रावळियां री मोकळायत है। भांडासर जैन मिंदर में मंड्योड़ा सरुआती चित्र किणीं हस्थीमल रै उकेर्योड़ा है। उणरै बाद रा चित्र मुरादबख्श रा बणायोड़ा है। मुरादबख्श तो लगेतार चार बरसा लग अर उणरै पछै ई जैन कथा-साहित्य सूं सम्बन्धित चित्रां अर सोनै री मनोती रो काम करनै इण जिनालय रै सभा-मण्डप रा गुम्बज रो मांयलो पासो इण ढंग सूं सजाय दियो कै औ मिंदर जैन कथा-साहित्य रो संग्रहालय वाजण लाग्यो। आं भित्ति-चित्रां में पाटलीपुत्र रै राजा नन्द री बगत स्थूलिभद्र स्वामी री दीक्षा सम्बन्धी चित्र घणा मनमोवणा है।

इणरै बाद रा चित्रां में आधूणो प्रभाव ई दृष्टिगोचर हुवै। इण रो अदाजो उण पंख-युक्त टावर (ऐंजिल) सूं लागै जिणनै फूलां अर उणरी पांखड़्यां री बेल्यां में उडतो दरसाइज्यो है। इणीं भान्त चिंतामणि मिंदर में ई जैन कथानकां रै साथै गुम्बद रै मायलै पासै पुष्प-बिरखा करता वैमानिक देवां नैं बादळां बिचाळै आभै में विचरण

करता थकां आलेखित करीज्या है। वि. संवत् 1662 में जिनचन्द्र सूरिजी द्वारा प्रतिष्ठित पुराणै श्री जैन श्वेताम्बर आदिनाथ मंदिर रै गुम्बददार मंडप री छत माथै रंगां रो सांतरो संयोजन करनै घणी बारीकी सूं बेल-बूट्यां अर दूजी आकृतियां मांडोजी है। गुम्बद री गोळाई री पूर्णता पर सपाट रूप लेवती भीतां पर सुनहरी अर दूजै रंगां सूं च्यारूं कानी देहरियां उकरोजी है, जिणां में चौबीस तीर्थकरां रा चित्र बण्योड़ा है। इणरै बीच-बीच में काच ई जड़योड़ा है। सभा-मण्डप रै गुम्बद रै हेठै श्री जिनचन्द्र सूरि नैं बादशाह अकबर नैं उपदेश देतां थकां चित्रित करीज्या है। अेक दूजै चांदकुंवरी जैन महावीर मंदिर रै निज मंदिर में उस्ता कलाकारां द्वारा भगवान महावीर रै 27 भव रा भित्ति-चित्र मंडयोड़ा है। अठै अंकित दूजा चित्र ई जैन कथानकां सूं सम्बन्धित है।

जैन मंदिरा री भान्त नगर रा दूजा मंदिरां में ई भित्ति-चित्रां रो आलेखन हुयो है। डेढसै दोयसै बरस पुराणै मदनमोहन अर मरुनायक मंदिरां में मथेरण अर जयपुरिया कलाकारां हिन्दू देवी-देवतावां रै चित्रां नैं घणी जीवटता सूं चित्रित करिया है। इणी मंदिर में जयपुरिया चित्रकार गोपाळ अर मंदिर बणावणिया मोहता सेठां रो अेक ग्रुप चित्र ई कोर्योड़ा है। महाराजा डूंगरसिंह री बगत में बण्योड़ै लालेश्वर महादेव रा शिववाड़ी स्थित मंदिर में जयपुरिया, उस्ता, मथेरण आद चित्रकारां री कलम री कोरणी सूं मंदिर रै मांयलै पासी बेल- बूट्या, पंखेरुआं अर देवतावां रा चित्र मंडयोड़ा है। इणीं भान्त मोहता परिवार री धर्मशाळा में बण्योड़ै गणेश मंदिर में ई हिन्दू देवी-देवतावां रै अवतारां रो चित्रांकन कर्योड़ा है।

मंदिरा रै ज्यू नगर रा पुराणा व्यापारी घराणां री हवेलियां में ई भित्ति-चित्रां रो घणो बारीक काम देखण नै मिलै। बगतसर सार-संभाळ नों हुवण सूं कई हवेलियां में मंडयोड़ा अे चित्र अबै मगसा पड़ण लागग्या है। इण तरै री हवेलियां में डागा, बागड़ी, कोठारी, मोहता, दम्माणी, रामपुरिया अर ढढ्ढा आद परिवारां री हवेलियां उल्लेख जोग है। आं हवेलियां में ई उस्ता अर मथेरण आद चित्रकारां रो ई योगदान है। सेठां री हवेलियां री भान्त नगर रा पुराणै ठिकानैदारां रै रैवास-स्थान में ई भित्ति-चित्र अंकित है। महाराज मानदातासिंह रा रैवास इण दीठ सूं विशेष रूप सूं उल्लेखनीय है।

नगर में सेठ-साहूकारां अर राज-परिवार सूं सम्बन्धित मृत्यु-स्मारकां (छत्रियां) रै मांयलै पासी मनमोवणा भित्ति-चित्र देखण नै मिलै। बीकानेर-शासकां री अे छत्रियां देवीकुण्ड सागर में अेक ई जाग्यां बण्योड़ी है। उगणीसवीं सदी रै मध्य में बण्योड़ी महाराजा रतनसिंह री छत्री रै गुम्बद मांय नीली अर सुनहरी कलम सूं देवी-देवतावां रा मनहरणा चित्र उकरोजी है। इणीं भान्त महाराजा डूंगरसिंह री छत्री में कृष्ण-लीला रो चित्रण है। सेठ-साहूकारां री कीं पुराणी छत्रियां में ई मगसा पड़योड़ा चित्र आज ई निगै आवै।

बीकानेर नगर में जूनागढ रै राजप्रसादां में उकरोयोड़ा भित्ति-चित्र पौराणिक दीठ सूं बेजोड़ है। आं भित्ति-चित्रां री आ खासियत है कै आरै आलेखन रै सम्बन्ध में

सरकारी दस्तावेजों में ई थोड़ी-घणो जाणकारी मिलै। औ सरकारी दस्तावेज बीकानेर राज्य री 'बड़ा कमठाणा' री बहियां रै रूप में मिलै। आंमें भित्ति-चित्रां रै निर्माण, चित्रकारां रै नांव, उणां री दिहाड़ी अर मासिक पगार, चित्रांकन सू काम में लिरोज्या रंग अर दूजी सामग्री री चिक्कण मिलै, पण आं बहियां रै मार्फत भित्ति-चित्रां री सही विश्लेषण करणो घणो दोरो काम है।

बीकानेर नगर रै जूनागढ़ री मूळ निर्माण राजा रायसिंह रै आदेस सू सन् 1589 सू सरू होयनै सन् 1594 ताई चाल्यो। उणरै बाद इणमें बीकानेर रा राठौड़ शासकां आपरो जरूरत मुजब नूवो निर्माण करवायो। औ क्रम बीसवीं सदी में बीकानेर महाराजा गंगासिंह रै शासन रा सरूआती दसकां तक जारी रह्यो।

आज ई जूनागढ़ रा कई महलां में ढाई सौ सू तीन सौ बरसां रै बिचाळै बण्योड़ा भित्ति-चित्र देखण नै मिलै। राजा रायसिंह रै बणायोड़ै हर-मिंदर, सूर-मिंदर, चौबारा अर रायनिवास तो आज ई मूळ रूप में धिर ऊभा है। जद्यपि राजा रायसिंह रा उत्तराधिकारियां रायनिवास में फूलमहल, चन्द्रमहल, गज-मिंदर आद बणवाय दिया हा। आंमें चन्द्रमहल अर फूलमहल (निवास) भित्ति-चित्रां री दीठ सू खासा सिमरध है। आं महलां में चूनै रै प्लास्टर री घिसाई इत्ती ज्यादा करीजी है कौ आज वो संगमरमर रा पत्थरां रै उणमान दीखै। इण माथै सोनै री उभारदार रेखावां, फूलां रा गुच्छां अर जळपात्रां रै रूप में चित्रित भित्ति-चित्रां नै अक-दूजै सू निरवाळी करती दरसाईजी है। चन्द्रमहल रै अक कक्ष में छव इंच चौड़ी पट्टी पर घणी बारीकी सू शिकार रा दरसाव, हाथी-घोड़ां रै साथै शाही लवाजमो, मोन-कन्यावां (पाणी में उछळ-कूद करती), राधा-कृष्ण री अनेक लीलावां री चित्रण हुयोड़ो है। छत माथै बादळां री घटाटोप सू घिरयोड़ै आभै में नागण री दाई बीजळ-रेखावां अर अप्सरावां ई मांडीजी है। इणां भान्त महल रै आंगणै सू की ऊपर भान्त-भान्त री फूल-पत्तियां अर टंडळा आळी बेलड़्यां रा रंग-बिरंगा चित्राम उकरोज्या है। आं दोनू महलां रै माय-बारै दरवाजां पर राधा-कृष्ण अर फूल-पत्तियां चित्रित है। इणमें उस्तां अर जयपुरिया, दोनू वर्ग रै चित्रकारां आपरो कौशल दिखायो है।

जूनागढ़ री जूनौ महल कर्ण-महल है। औ आगरा रै किलै रा खासमहल अर दिल्ली रै लालकिला रा दीवाने-खास, रंगमहल अर मुमताज-महल री लघु अनुकृति मानोजै। इण री निर्माण सन् 1690 में महाराजा अनूपसिंह, आपरै पिता कर्णसिंह री स्मृति में करवायो हो। इण महल रै डागळै री भीतां पर जका चित्र है, बै अवै मगसा पड़ण लाग्या है, पण इणरै बरामदै री छत पर सोनै री धरातळ अर उण माथै फूल, बारीक डंठळ री बेलड़्यां अर तीखी पत्तियां री सांगोपाग अंकन हुयो है। इणां भित्ति चित्रां रै हेठै छोटी-बड़ी हरी पत्तियां अर लाल फूलां री मोवणो चित्रण करीज्यो है। इणरै अलावा इण महल रै सगळा खंभां ई सुन्दर अलंकरणां सू आच्छादित है। औ गढ़ री पैलो महल है, जिको मुगल बादशाह जहांगीर रै काल रा उत्तरार्ध में विकसित

भिजात्य अर अलंकृत मुगल शैली माथे आधारित है।

कर्णमहल रै कनै अनूप-महल है। उणनै दरवार-खास भी कह्यो जावै। ओं इण र्ण रो सिरै कला-महल है। इणरी छतां, भीतां अर खंभां सोनै सूं जड़योड़ा है। इण महल रै मांयलै पासो लाल रंग रो पृष्ठभूमि में सुनहरी आलंकारित फूल, पत्तियां अर ठिठ्ठ चित्रित करीज्या है। रेखावां में लय अर गति रो आभास सहजां ई हुवै अर कों गाय्यां तो सागर-उर्मियां-सो दरसाव दीखै। इण महल रै खंभा पर भी राधा-कृष्ण अर गोपियां नै फूलां रै गाछां में गुम्फित करीज्यो है। सिन्दूरियां पृष्ठतळ माथे सगळा चित्र लास्टर सूं उभारनै सुनहरी रंग में आच्छादित करीज्या है। बीच-बीच में गहरै हरछै रंग जंगळां रो दरसाव है। इण महल रै मांयलै दरवाजां माथे भी राधा-कृष्ण अर गोपियां के चित्रांकन खासो मनोहारी है।

महाराजा अनूपसिंह रै पछै इण दुर्ग में सगळां सूं बेसी निर्माण कार्य महाराजा जसिंह करवायो हो। उणां रो बगल रै महलां में गज-मिंदर रो आपरो न्यारो-निरवाळो स्थान है। इण महल में दरपणां नै उभारदार स्वर्ण-रेखावां रै बिचाळै सजायनै बिड़ीज्या है। ओ उभारदार स्वर्ण-रेखा बेल रै रूप में आलंकारिक ढग सूं बण्योड़ी है। इणमें फूल अर पत्तियां रो आलेखन ई हुयो है। कठै-कठैई पुष्प-गुच्छ अर फळपात्रां नै ई संयोजित करीज्या है। अंधारै में अंक दीपक रै उजास सूं ई स्वर्ण-रेखावां रै बिचाळै जड़योड़ा दरपणां में पड़बिम्बां रै कारण दीपमाळा जिसो आभास हुवै। इण महल रै अंक छोटै-से भाग में अनमोल पत्थर मुनहरी लतावां अर फूलां रो पांखड़्यां सूं अलंकृत है। इण महल रो मुख्य छत सिंदूरिया वर्ण छटा रो सुनहरी उभार खायोड़ी रेखावां सूं अलंकृत है। ओं अलंकृत रेखावां रै बिचाळै डेगन, शेर अर अप्सरावां रो ई चित्रण हुयो है। इणों भान्त इण छत रा किनारा फूल-पत्तियां रो अलंकृत लतावां सूं दरसाईजी है। गज-मिंदर रै दरवाजा पर सुनहरी, लाल, नीली, हरी फूल-पत्तियां रै साथै राधा-कृष्ण रा चित्र ई बण्योड़ा है। इण महल रै अंक कक्ष मे ब्ल्यू पोर्टरी ज्यू चित्र ई अंकित है, जिणां रै बारै में कह्यो जावै कौं ओ चित्र दिखणादी चित्रकारां रै बणायोड़ा है।

बादळ-महल अर डूंगर-निवास, दोनू महलां में लगैटगै अंक सरीखा भित्ति-चित्रां रो आलेखन हुयो है। बादळ-महल में आभै में काळा-धोळा बादळा रा चित्र मंड्योड़ा है। इणों महल में अरावत माथे आरूढ देवराज इन्द्र नै दरसाईज्यो है। डूंगर निवास में ई अंक कक्ष रो छत माथे आभै अर बादळां नै चित्रित करीज्या है, साथै ई इन्द्र रै चारुमेर अप्सरावां अर हंसां नै ई दरसायो गयो है। इणरै साथै ई इण महल रो धोळी भीता पर फूल, पत्तियां रा आलंकारिक रूपां रै बिचाळै कठै-कठैई पखेरू ई मांडीज्या है। डूंगर-निवास रै साथै ई लाल-निवास रो छत माथे सुनहरो काम अर महल रै माय च्यारू कानीं फूल-पत्तियां रो अंकन हुयो है।

जूनागढ में सगळां सूं ऊंचो छत्र-महल है। इणरी छत अर भीतां माथे कृष्ण नै रासलीला करता थकां दिखाईज्या है। साथै ई फूल, पौधा अर बादळां रो आलेखन हुयो

है। इणा आंळ में देवीद्वारें रो उल्लेख करणो ई लाजमी है। इण कक्ष रो आ खासियत है इण रो पूरो आलेखन बीकानेर रा मथेरण चित्रकारां करघो है। उणां इणमें कई देव-देवतावां रा चित्र हिन्दू अवतारवाद रै आधार पर बणाया है।

किलै में कर्ण-महल रा कोर्टयार्ड में अेक चौबारा है, जिणमें महाराजा गंगासिंह रो जन्म हुयो हो। उणरें वारै आधूणी सैली में डबल रेलगाडी, पाणी में चालती नाव अर हाथी सूं जुड़ी गाडी रो मनहरणो चित्रांकन हुयो है। नीलै रंग रो औ नयनाभिराम चित्रांकन उगणीसवीं सदी रै आखरी दसकां रो प्रतीत हुवै। अठै आ बात ई उल्लेख जोग है कै महाराजा गंगासिंह इण गढ में निर्माण कार्य तो मोकळो करवायो, पण इण नूवा महलां में भित्ति-चित्रां री ठौड़ पत्थर री कोरणी रो काम ई हुयो है। बावजूद इणरें बीकानेर नगर री भित्ति-चित्र परम्परा घणी सिमरघ रह्यो है।

बीकानेर रियासत में दिरीजी लुगाई नें फांसी

आज तो लुगायां नें फांसी देवण री बात साधारण-सी लागै पण बीकानेर रियासत रै इतिहास में सन् 1935 सूं पैली सैकड़ बरसां में किणी अपराध सारू कोई लुगाई नें फांसी देवण री जाणकारी नों मिलै। पण बीकानेर हाई कोर्ट री डबल बेंच आपरै 19 नवम्बर, 1934 रै फँसलै में अंक हत्या रै मुकदमै में अंक लुगाई नें फांसी री सजा दी अर उणरै मुताबिक 2 मार्च, 1935 रै दिन बीकानेर री सेंट्रल जेल में रामेती नांव री अंक बेवा ब्राह्मणी नें आपरै प्रेमी अमरसिंह रै साथै फांसी माथै चढ़णो पड़्यो। उण बगल इण घटना री बीकानेर राज में भोकळा दिनां ताई चरचा रही। औ महाराजा गंगासिंहजी री जमानो हो।

रामेती अर अमरसिंह माथै औ आरोप हो कै उणां दोनूं मिलनै अमरसिंह री लुगाई चंद्रावळी (उमर 22 बरस) री हत्या करी है। मुकदमै में जिकी गवाहियां हुई अर कोर्ट नें जिका हालात निजर आया, उण मुजब हत्या री घटना इण भान्त ही—

अमरसिंह (उमर 32 बरस) बीकानेर राज रै टीवी परगनै में अंक विस्वेदार हो। पैलड़ी लुगाई मर जावण सूं उणरो दूजो ब्यांव चंद्रावळ सागै हुयो। कह्यो जावै कै इण दूजै ब्यांव सूं पैली ई अमरसिंह रा नाजायज सम्बन्ध इण रामेती नांव री बेवा ब्राह्मणी सागै होयग्या। ब्यांव हुयां पछै ई औ सम्बन्ध कायम रह्या। इण कारण रामेती अर चंद्रावळी में खटपट हुवणी सुभाविक ही। 12 मार्च, 1933 रै दिन या दोनूं रै बिचाळै खासो झोड़ हुयग्यो। रामेती, चंद्रावळी नें मारी-कूटी अर घरै आयां अमरसिंह रा कान भर्या। तापछै दोनूं जणां चंद्रावळी नें मारण री तेवड़ली। बै उणनै अंक कोठड़ी में लेयग्या अर कटार नें लाठी सूं वार करनै मार न्हाखी। अमरसिंह लाठी सूं 16 चोटों करी अर रामेती कटार सूं च्यार वार कर्या। कोठड़ी खून सूं भरीजगी, सो उणनै लीप पोतनै लास नें दूजो ठोड़ लेयग्या। दिन उग्यां अमरसिंह आपरै कुटुम्बियां री मदत सूं लास नें बाळण री त्यारी करली। अमरसिंह रै पाड़ोंस में अंक-दो आदम्यां नें इण बात री ठा पड़गी हो। इण वास्तै उणां झांझरकै ई जायनै पुलिस थाणै में इतला कर दी। पुलिस बगल माथै मसाणां में पूगगी अर लास आपरै कब्जै करली। पोस्टमार्टम हुयां पुलिस अमरसिंह अर रामेती नें गिरफ्तार कर लिया।

सरूपोत में इण दोनूं माथै बीकानेर रै सेशन कोर्ट में मुकदमो चाल्यो अर अदालत आपरै दिनांक 12.9.33 रै फँसलै में अमरसिंह अर रामेती नें उमर-कैद री सजा दी। पण राज री अपील माथै हाईकोर्ट री डबल बेंच आं दोनां नें मिल्योड़ी उमर-कैद री सजा नें मौत री सजा में बदल न्हाखी। ज्यूडिशियल कमेटी ई इण दोनूं नें मिल्योड़ी मौत री सजा नें कायम राखी। रामेती हाईकोर्ट रै फँसलै रै खिलाफ महाराजा गंगासिंहजी सूं शाही माफी बख्सणै री अपील करी। इणमें उण लिख्यो कै बीकानेर

रियासत रै इतिहास में आज दिन ताई कोई लुगाई नैं फांसी री सजा नैं मिली अर वा लुगाई हुवण रै साथै अेक ब्राह्मण कन्या ई है।

महाराजा गंगासिंहजी रामेती नैं आपरै कनै बुलायनै साची बात केवण रो कह्यो। रामेती आपरो अपराध कबूल करता थकां माफी देवण रो मांग करी। महाराजा गंगासिंहजी आपरै फैसलै में लिख्यो—

“म्हन्नै लागै कै बीकानेर रा लोगां में आ धारणा है के जे कोई लुगाई अर वा ई ब्राह्मणी कोई जघन्य अपराध ई कर देवै तो उणनैं राज में फासी री सजा नैं दी जावै। म्हन्नै जनता रा इण भरम नैं तोड़णी चावूं। बीकानेर रियासत में नैं तो पैली इसो कानून हो अर नैं आज ई है, जिको किणी अपराधी लुगाई नैं फांसी चढावण सूं रोक सकै। रामेती रो अपराध जघन्य है। म्हन्नै ज्यूडिशियल कमेटी रै निरणै सूं पूरी तर्यां सहमत हूं अर रामेती नैं मिल्योड़ी मौत री सजा नैं सहमति देवूं।”

इण भान्त 2 मार्च, 1935 रै दिन अमरसिंह अर रामेती दोनूं नैं फांसी दिरीजी।

बीकानेर-जोधपुर री लड़ाई रो अनाम जोधो : नोगजो पीर

राजस्थान रै इतिहास में इसी-इसी विभूतियां हुई हैं, जिको आपरी जान दयनै दूजां री जान बचायी है। आं मांय सूं मोकळी विभूतियां नै इतिहास में उचित स्थान नो मिल्यो। आंमें नोगजो पीर ई अेक अैड़ी ई विभूति हो। बीकानेर नगर रै माय कोट-दरवाजै सूं सीधै दाऊजी मंदिर कानी जावां जद मंदिर सूं थोड़ो पैली दुकानां रै आगै अेक कब्र बण्योड़ी है। इण कब्र माथै भिन्नत मांगण आळा लोगां रो तांतो लाग्यो रैवै है। अठै मुसळमानां रै साथै हिन्दू लोग ई आवता-जावता निगै आवै। आ अेक विडम्बना ई है कै आज नोगजै पीर जिसै इतिहास निर्माता पुरुष रै वारै में कोई की नौं जाणे। इतिहास री इण अछूती घटना नै सुधी पाठकां रै सांमी राखण रो अठै प्रयास कत्यो जाय रह्यो है।

जयसोम विरचित 'कर्मचंद्र वंशात्कीर्तनकं काव्यम्' में उल्लेख मिलै है कै ईस्वी सन् 1541 में जोधपुर रै राजा मालदेव बीकानेर माथै आपरो अधिकार करण सारू कूपा महाराजोत अर पंचायण करमसिंघोत री अध्यक्षता में अेक लूंठी सेना बीकानेर भेजी। जोधपुर अर बीकानेर बीच जुद्ध हुयो अर दूजा लोगां रै साथै बीकानेर रा शासक राव जैतसी ई खेत रह्या। इण जुद्ध में जैतसी री हार रै लारै ख्यातां रै माय अेक घटना रो उल्लेख मिलै है, जिणनै प्रसिद्ध इतिहासविद पं गौरीशंकर हीराचंद ओझा आपरै ग्रंथ बीकानेर का इतिहास में उल्लेख ई कर्यो है। आ घटना इण भान्त है—

आपरै सिरदारां कूपा महाराजोत अर पंचायण करमसिंघोत नै साथै लेयनै मालदेव रै बीकानेर चढ आवण सूं बीकानेर रा राव जैतसी सेना रै साथै मुकाबलो करण सारू आगै बध्या' अर गांव सोहवा में डेरो दियो। सांखला महंसदास अर रूपावत भोजराज नै नगर अर गढ री रक्षा सारू बीकानेर मे ई छोड दिया। राव जैतसी पैली किणी बगत पठाणां सूं घोड़ां री खरीद करी ही, जिण रा दाम कामदारां चुकाया कोनी हा। इण कारण सूं वै पठाण दाम वसूल करण वास्तै सोहवा पूया। राव जैतसी उण बगत किणी रो करजो राखणो ठीक नौं जाण्यो अर इण खातर उणां आपरै सेवकां नै औ आदेस देयनै कै जद ताई म्हें पाछो नौं आऊं, औ भेद किणीं नै बतायो नी जावै कै म्है बीकानेर गयो हूं, उणी बगत पठाणां रै साथै बीकानेर वहीर हुयग्या। वठै पूगनै उणां आपरै कामदारां नै करडो ओळमों दियो अर पठाणां नै रकम चुकावण रो हुकम दियो। पण संकट री इण घड़ी में पठाणां रुपिया लेवण सूं इनकार कर दियो। आं वातां रै कारण राव जैतसी नै सोहवा पाछो पूगण मे अेक पहर लागग्यो। इण बीच सोहवा में राव जैतसी रै बीकानेर जावण री खबर सगळी सेना में फैलगी अर घणकरा सिरदार आप आपरी सेना लेयनै पाछा वावड़ग्या। दूजी कानी ज्यूं ई मालदेव नै जैतसी रै पाछै आवण री खबर मिली त्यूं ई उण बां पर हमलो बोल दियो। राव जैतसी बच्योड़ा डेढ

सौ राजपूता रै साथै मालदेव री सेना रो सामनो कर्यो। पण राजा मालदेव री भारी सेना रै सामी टिक नौ सक्या अर आपरी फौज रै साथै वैं काम आयग्या।

इण घटना में जिका पठाणां रो उल्लेख हुयो है, उणां में नोगजा पीर ई अेक हो। जद राव जैतसी पाछा सोहवा जावण लाग्या तो पठाण नोगजो पीर ई उणांरै सागै हुयग्यो। जद राव जैतसी आपरै राजपूतां रै साथै जोधपुर री सेना माथै टूट पड़्या, तो नोगजो पीर ई बांरी तरफ सूं लड़ाई लड़ी। इण लड़ाई मे राव जैतसी रै साथै नोगजो पीर ई काम आयो।

नोगजै पीर री बहादुरी अर सकट री घड़ी में बीकानेर रै शासक री मदत करण वास्तै, उणरै शव नैं बीकानेर लायनै दफनायो गयो। बीकानेर में जिकी जाग्यां उणरी लाश दफणाइजी उठै ई आज नोगजा पीर री कब्र बण्योड़ी है। बीकानेर रा शासक नोगजा पीर री कब्र नैं सम्मान प्रदान करता रह्या है। स्वर्गीय महाराजा गंगासिंह तो राज रै खरचै सूं कब्र री देखभाळ सारू आर्थिक सहायता ई दी ही।

इतिहास रा साक्षी डॉ. टैस्सीटोरी

सन् 1917 रै मांय पौळीयंगा अर काळीयंगा में दूढ्योड़ी पुरातात्त्विक सामग्री सूं ई सन् 1920-21 मांय काळीयंगा मांय हड़प्पा अर मोहनजोदड़ोकोलीन सभ्यता रो उत्खनन संभव हुय सक्यो हो। उण बगत डॉ. टैस्सीटोरी आ बात नों जाणता हा कै आगै जायनै उणां री दूढ्योड़ी विविध रूपां री ठीकर्यां राजस्थान अर भारत री अेक महान सभ्यता हड़प्पा-मोहनजोदड़ो रो अेक केन्द्र बिन्दु बणावण रो गौरव दिरासी।

इटली री फ्लोरेंस युनिवर्सिटी सूं अंग्रेजी साहित्य में अेम. अे. पास कर्यां पछे रामचरितमानस माथै निबन्ध लिखनै पीअेच. डी. री डिग्री लेवण आळा डॉ. टैस्सीटोरी अंग्रेजी, लेटिन, संस्कृत, प्राकृत, जूनी गुजराती, नूवी गुजराती, अपभ्रंश, उर्दू अर ब्रज भाषा रै साथै-साथै राजस्थानी, विरोप रूप सूं मारवाड़ी भाषा रा विद्वान हा। राजस्थानी भाषा रै इण विरोप ज्ञान रै कारण बांनै राजस्थान रै इतिहास में घणी रुचि ही। अठै अेक बात खास तौर सूं ध्यान देवण रो है कै राजस्थानी भाषा में लिख्योड़ी जूनी सामग्री राजस्थान रै इतिहास रो ई मोटो आधार है। कैवण रो मतलब ओ कै राजस्थान रो इतिहास अर राजस्थानी भाषा दांनूं अेक-दूजै रा पूरक है। भाषाविज्ञ श्री ग्रियर्सन रै प्रयत्नां सूं डॉ. टैस्सीटोरी कलकर्त री 'अेशियाटिक सोसाइटी ऑफ बंगाल' में 'बार्डिक अेण्ड हिस्टोरिकल सर्वे ऑफ राजपूताना' रै अधीक्षक रो पद संभाळण रै कोई तीन महीनां पछे 22 जुलाई, 1914 नैं राजस्थान आयग्या हा। सबसूं पैलां बां जोधपुर में सर्वेक्षण रो काम कर्यो अर बाद में दिसम्बर, 1915 में राजस्थानी भाषा अर उणरी लिपियां रै विशेषज्ञ रै रूप में बीकानेर सरकार आपनै आपरै अठै बुलवाय लियो। अठै वै चार बरसां ताई रह्या। बीकानेर में रैवता थकां बां इतिहास सूं सम्यन्धित हस्तलिखित पाण्डुलिपियां अर बिड़द गाथावां रो व्यापक सर्वेक्षण कर्यो। अठै मूं अप्रैल 1915 नैं डॉ. टैस्सीटोरी छह महीनां री छुट्टी माथै यूरोप चल्या गया। पण छुट्टी पूरी कर पाछा बीकानेर बावड़ण रै तीन हफ्तां रै मांय बीमार पड़नै 22 नवम्बर, 1919 नैं देवलोक हुयग्या।

डॉ. टैस्सीटोरी आपरै जीवणकाल में मारवाड़ी अर गुजराती भाषा नैं आधार बणायनै बांरा कोश अर व्याकरण तयार कर्या, गंभीर शोध लेख लिख्या, जैन प्राकृत ग्रंथां रो इटालियन भाषा में अनुवाद कर्यो अर साथै ई घणकरी पाण्डुलिपियां नैं व्यवस्थित करनै उणां रो सम्पादन कर्यो। डॉ. टैस्सीटोरी रै आं सगळां कामां री सूचना, उणरै सर्वेक्षण कार्य री प्रगति रिपोर्टां राजस्थान भारती रै विशेषांक में विस्तार सूं मिलै है। अठै राजस्थान राज्य अभिलेखागार में उपलब्ध सामग्री अर डॉ. टैस्सीटोरी री राजस्थानी अर डिंगल भाषा री आज उणीं'ज सामग्री रो उल्लेख कर्यो जा रह्यो है जिकी नैं डॉ. टैस्सीटोरी उजास में लाया। इणमें राजस्थान रै इतिहास री थोड़ी-घणी जाणकारी ई मिलै है।

अठे आ यतावण जोग यात हं के राजस्थान में डॉ. टैस्सीटोरी रै आवण सूं पैलां चारण-साहित्य रै सर्वेक्षण रो खासो काम हुय चुक्यो हो। इण योजना सूं जुड़योड़ा महामहोपाध्याय हरप्रसाद शास्त्री सन् 1908 सूं इण काम ने अठे सुरू करा दियो हो। उणारै प्रयत्नां सूं जोधपुर में 200 सूं ज्यादा चारण-साहित्य सूं सम्बन्धित पाण्डुलिपियां रो कंटेलाँग त्यार हुयग्यो हो। बीकानेर में ई महाराजा गंगासिंह आपरै होम मैम्बर कामताप्रसाद नैं पैली सूं सुरक्षित चारण-साहित्य री पाण्डुलिपियां रो कंटेलाँग बणावण रो आदेस दे दियो हो। जोधपुर अर बीकानेर, दांनूं जाग्यां रा दोवानां री अध्यक्षता में सर्वेक्षण कमेटी ई बणाती गयी हो। रामकरण आसोपा अर मरारीदान जोधपुर में तो डिगळ भाषा री व्याकरण तक त्यार करली ही। इण सबसू डॉ. टैस्सीटोरी नैं राजस्थान में चारण-साहित्य नैं समझण में खासो सहारो मिल्यो हो।

बंगाल ऐशियाटिक सोसाइटी अर भारत रो शिक्षा विभाग डॉ. टैस्सीटोरी नैं पांच बरसां रो अेक कार्यक्रम बणायनै दियो। इणमें जोधपुर, बीकानेर, कोटा-चून्दी, उदयपुर अर जैसळमेर में बिखरयोडै चारण-शैली रै डिगळ अर संस्कृत साहित्य रो सर्वेक्षण करण रो काम भेळो हो। पण बै जोधपुर अर बीकानेर में ई आपरो काम कर सक्या। अठे औ ई उल्लेखनीय हं कै जोधपुर में उठै रा शासक री छोटी अवस्था हुवण सूं उठै सत्ता री देखभाळ करण आळां डॉ. टैस्सीटोरी रो समन्वय कोनीं वण सक्यो। इण कारण सूं बै लगैतगै डेढ बरस में ई जोधपुर रो काम बीच में ई छोडनै बीकानेर आयग्या।

आपरै जोधपुर प्रवास में डॉ. टैस्सीटोरी 129 शिलालेखां रो अवगाहन कर्यो अर 100 रै अँडै-गँडै ग्रंथा रो सर्वेक्षण कर्यो। आं सगळी पाण्डुलिपियां री नकलां आज राजस्थान राज्य अभिलेखागार में सुरक्षित है। आं ग्रंथां में कीं महताऊ ग्रंथां रा नांव इण भान्त है— चन्द्रकुंवर री बात, राठौड़ रतनसिंह री वचनिका, उदैपुर री गजल, दूदोड़ रा चांपावता री तवारीख, छंद रत्नावली, महाराजा अभयसिंहजी रा कवित्त, ओसवाळां री उत्पत्ति, रतना हमीर री बात, नाथचन्द्रिका, अचलदास खीची री वचनिका, जगदे पंवार री बात, पन्ना री बात, सूरज-प्रकाश कविया करणीदान रो कह्यो, वीरमायण ढाढी बहादर री कही, जोधपुर राजा चारणां नूं सासण दिया तेरी विगत, पाबूजी रा दूहा, खावड़िया राठौड़ां री बात, राठौड़ां री खांपां री पीढियां, अचलदास खीची री बात, जोधपुर रै राठौड़ां री ख्यात, पदमणि चौपई।

शिलालेखां में वि. संवत् 1236 रो फळोदी, वि. संवत् 1219 रो चौहाण गजसिंहदे अर वि. संवत् 1227 केलहण दे रै झंवर रै दो शिलालेख रै साथै वि संवत् 15वीं, 16वीं अर 17वीं सदी रा शिलालेखां रो सविस्तार विवरण आपरी रिपोर्ट में प्रस्तुत कर्यो है।

इणीं भान्त बीकानेर प्रवास में तो डॉ. टैस्सीटोरी खाली सर्वेक्षण कार्य ईज नीं कर्यो बल्कै अेक इतिहास लेखक अर पुरातत्त्वविद रै रूप में ई खुद नैं प्रस्तुत कर्यो। उणारै ढूँढ्योड़ा अर सम्पादित कर्योड़ा ऐतिहासिक ग्रंथ घणा महताऊ है। डॉ. टैस्सीटोरी अनूप संस्कृत पुस्तकालय में 81 फरमानां नैं व्यवस्थित करनै बीकानेर रै

इतिहास सारू उपलब्ध करावण में आपरो योग दियो। अँ फरमान मुगल बादशाह बगत-बगत माथे बाँकानेर र शासकां नें लिउया हा। इणो भान्त बाँकानेर र राठौड़ा रो छ्यात सिंदायच दयालदाम कृत, राठौड़ा रो वंशावळी अर पीढिया रो फुटकर बातां, बाँकानेर र राठौड़ा रो छ्यात देम-दरपण, पट्टे र गांवा रो विगत, बाँकानेर र राठौड़ा रो बात अर वंशावळी, बाँकानेर रो छ्यात महाराजा सुजानमिंहजी सूं महाराजा गजसिंहजी ताँई, नागौर र मामल रो बात, राजा करणीसिंघजी र कंचरां रो बात अर नापे सांखल रो बात, जन्मपत्रियां, फुटकर बातां आद ग्रंथां नें व्यवस्थित करवायने आंरो कंटलॉग त्पार करवायो। इसा ग्रंथां में बाँकानेर रा कवित्त, राव जैतसो रो पागडी-छन्द, छन्द ब्रोटक पावू जियाराउ बाँटू मेहा रउ कहियो, सोढी नाथो रो कवित्त, ढोला-भारू रा दूहा, पावूजी रा छन्द, वेलि क्रिसन रुक्मणि रो, करणीजी रा दो कवित्त आद ई उल्लेख जांग है। इतिहास जगत में डॉ. टैस्सोटोरी नें जिकी मान्यता मिली, बा 'वेलि क्रिसन रुक्मणि रो', जगै खिड़िये रो 'वचनिका राठौड़ रतनसिंहजी रो' अर बाँठे सूजै रो 'छन्द राव जइतसो रउ' जिसा महताऊ अतिहासिक ग्रंथां र सम्पादन र कारण ई संभव हुयो। लारला दो ग्रंथ तो मुगल इतिहास रो महताऊ लड़ाइयां, घरमत रो जुद्ध अर हुमायूं र बाँटे कामरां र सार्थ बाँकानेर र शासक राव जइतसो र जुद्ध रो जाणकारी रा अलभ्य ग्रंथ बणाया है। इणर माथे 'क्रानोलाजी ऑफ बाँकानेर 1887-1916 अेडी' अर 'हिस्ट्री ऑफ बाँकानेर' ई राजस्थान र इतिहास में डॉ. टैस्सोटोरी रो रुचि रो नमूनो मान्यो जाय सकै। सन् 1950 सूं 1850 ई. तक रा उण रा दूढ्यांड़ा बाँकानेर राज्य रा शिलालेख आज ताँई महताऊ शोध अर संदर्भ सामग्री र रूप में सुरक्षित है।

पुरालेख सामग्री र उद्धार र सार्थ-सार्थ डॉ. टैस्सोटोरी पुरातात्विक सामग्री रो ई भारी संग्रह करयो हो। आज बड़ी-बड़ी रकमां नें लेवण आळा अर सुविधा प्राप्त इतिहासकार इत्तो अथाह सामग्री रो संग्रह नों कर सकै, जित्तो पांच बरसां रो अवधि में डॉ. टैस्सोटोरी कड़की में करग्या। सरकारी पत्र-व्यवहार सूं ठा पड़े कै डॉ. टैस्सोटोरी रो आर्थिक स्थिति ठीक नों हो। राजस्थान र प्रारंभिक काल मे आर्थिक स्थिति ठीक नों हुवण सूं बाँनें जाग्यां-जाग्यां सूं पईसा मांगणा पड़ता हा। जैनाचार्य जिनविजयधर्म सूरिजी, जिणारे चरणां में बैठने बां प्राचीन हस्तलिखित ग्रंथां रो अध्ययन करयो हो, उणां सूं ई डॉ. टैस्सोटोरी नें सभे-सभे पर आर्थिक सहायता मिल्या करती हो। डॉ. टैस्सोटोरी बाँकानेर र सैकड़ां गांवां में घूम फिरने 729 शिलालेखां रो संग्रह करयो। इण भान्त कई तरै रो मृणमयी मूर्तियां अर दूजी पुरातात्विक सामग्री बडोपळ, सूरतगढ, भूडा तहसील हनुमानगढ, धूलिया तहसील भादरा, कालीरो थेड़ी, मानक थेड़ी, रंगमहल, सरदारगढ तहसील अर सियाणा आद सूं भेळी करी। इण पुरातात्विक सामग्री में शामिल कुल वस्तुआं रो संख्या 982 है। आ जाणकारी पैलां उजास में नों आय सकी हो। डॉ. टैस्सोटोरी र सरकारी पत्र-व्यवहार सूं पतो लागै है कै डॉ. टैस्सोटोरी नें इण सामग्री नें प्राप्त करण में मोकळी अबखायां रो सामनो करणो पड़यो हो। आ सामग्री घणकरी तो गांवां र किसानां अर चौधर्यां र घरां र आळां, दहलीजां अर पगोथियां में

साधारण पत्थर के रूप में मजबूत सारू लाग्योड़ी हो। इन्हें प्राप्त करण खातर डॉ. टैम्सोटोरी ने राज के अधिकारियों तक से सहयोग लेवणो पड़्यो अर कठे-कठई सूं उणने आ सामग्री मोल ई खरीदणी पड़ी।

डॉ. टैम्सोटोरी से सोध्योंड़ी गोरधनधारी कृष्ण 229 वि. सं., दानलीला कृष्ण 227 वि. सं., उमा-माहेरवार, अंक मुख शिवालिंग अर जैन सरस्वती से मूर्तियां तो आज जगचावो पुरातात्विक सामग्री में गिणी जावै। आज इतिहास के लेखन के संदर्भ में जिकी अंक माथे मोकळो जोर दियो जा रह्यो है वा आ है के इतिहास में प्रदेश के जन-साधारण के जीवन से सोधी जाणकारी दी जावै। डॉ. टैम्सोटोरी जिकी पुरालेख अर पुरातात्विक सामग्री से संकलन अर संग्रह कर्यो, वा इण दोठ सूं मोकळे महत्त्व से हुयगो है। हालांकि आ अंक विडम्वना ई है के इतिहासवेत्ता राजपूत इतिहास के वास्तु फारसी तवारीख में तो ठोस प्रमाण माने हैं अर चारण-साहित्य में कपोल कल्पित मानने अमान्य सिद्ध कर देवै है जदके चारण-साहित्य के आधार माथे लारलें तीन-चार दसकों में इतिहास में व्याप्त कई प्रातियां से निराकरण हुयो है। डॉ. दशरथ शर्मा से 'राजस्थान धू द एजेज' जिणसे के देस-विदेस के नामो इतिहासकारां भूरि-भूरि प्रशंसा करी है, के अध्ययन सूं ठा पड़े के डॉ. टैम्सोटोरी द्वारा संग्रहीत सामग्री से उण पोंधी में कितो महताऊ उपयोग हुयो है।

डॉ. टैम्सोटोरी फगत इतिहास से सामग्री से संकलन अर संग्रहकर्ता ई कोनो हा चल्के वै खुद इतिहासकार अर संग्रहालय अध्यक्ष ई हा। बीकानेर सरकार धांन बीकानेर से इतिहास लिखण से काम सूंघ्यो हो, जकां आधो-अधूरो ई रैयग्यो। डॉ. टैम्सोटोरी आपरें बीकानेर के इण इतिहास में बीकानेर के संस्थापक राव बीकें ने राव जोधे से सबसूं मोटो चेटो प्रमाणित कर्यो है। इतिहासकार इण विषय पर मौन ई रह्या हा। डॉ. टैम्सोटोरी के इण अधलिख्ये इतिहास ने आधार बणायने पछे रा इतिहासकारां ई इतिहास लिख्यो है। डॉ. टैम्सोटोरी से खंज्योंड़ी पुरातात्विक सामग्री आज बीकानेर संग्रहालय में थोड़ी मात्रा में ई दीखै है। इतिहास के प्रति उण से कितो रुझान हो, इण से बेरो उणां के निधन के पछे बारें सामान (जिको नीलाम हुयो) में बाकी बची पोथ्या सूं लागै। आ पोथ्या में इतिहास से वै घणमोली पोथ्या ई हो, जिणां ने आज से शोध-अध्येता आपरें शोध-प्रबंधां सारू जोवता फिरै है। डॉ. टैम्सोटोरी से सगळी पोथ्यां ऐसियाटिक सोसाइटी बंगाल भेज दी गयी है। आ पोथ्या से सूची राजस्थान राज्य अभिलेखागार में आज ई देखण सारू उपलब्ध है।

इतिहासवेत्ता डॉ. टैम्सोटोरी राजस्थान मांय वैज्ञानिक दोठ सूं इतिहास-लेखन से जिकी दिशा दी, वा ई सदा स्मरणीय रैसी। अठे अंक बतावण जोग बात आ भी है के राजस्थानी भाषा, साहित्य अवं संस्कृति अकादमी आपरें शैशवकाल में जद डॉ. टैम्सोटोरी आसन भाषण-माळा सारू म्हारै सूं जिको व्याख्यान दिरायो हो, वो ईज इण आलेख रूप में प्रस्तुत हुयो है। पण वर्तमान मांय डॉ. टैम्सोटोरी माथे खासो शोध हुय चुक्यो है, उण से उल्लेख इण आलेख में नो हुय सक्यो है।

डॉ. टैस्सीटोरी बाबत कीं नूवी जाणकारी

डॉ. अेल. पी. टैस्सीटोरी रो बीकानेर-प्रवास च्यार बरसा रो रह्यो। अठै ई उणां रो देहावसान हुयो। इण आलेख में डॉ. टैस्सीटोरी रै फगत बीकानेर-प्रवास रो जाणकारी दिरोज रह्यो है। डॉ. टैस्सीटोरी बीकानेर में मारवाड़ी भाषा विशेषज्ञ रै रूप में आया हा। दिसम्बर 1915 में भारत सरकार सूं उणारी सेवावां उधार लिरीजी ही। डॉ. टैस्सीटोरी अठै च्यार बरस काम कस्यो अर सन् 1919 रै अप्रैल महीनै में वै छव महीनै रो छुट्टियां बितावण सारू बोरप गया। उठै सूं आवण रै तीन हफ्तां पछै बीकानेर में वै बीमार पड़ग्या अर 22 नवम्बर, 1919 नैं देवलोक हुयग्या। बीकानेर में उणांनैं फिललोजिकल अर इतिहास सम्बन्धी काम ई सूंप्यो गयो हो। अठै उणां बीकानेर रो स्टेट लाइब्रेरी में चारण-साहित्य रा गीत अर बातां सम्बन्धी साहित्यिक अर ऐतिहासिक सामग्री रो आलीशान कंटलॉग तयार करियो अर राजस्थानी भाषा रो कई महत्वपूर्ण रचनावां रो बेजोड़ सम्पादन करनै उणांनैं छपवायी। अठै आ बतावण जोग बात है कै उणारै ऐतिहासिक ज्ञान नैं देखनै बानें बीकानेर राज्य रो इतिहास लिखणै अर राज्य सारू अेक संग्रहालय तयार करण रो काम ई सूंप्यो गयो। पण दांनूं ही काम उणां रै असामयिक निधन रै कारण अधबिचाळै ई रैग्या।

डॉ. टैस्सीटोरी नैं बीकानेर साढी सात बरसां ताई काम करण सारू बुलाया हा अर उणां रो अठै रो कार्यकाल सन् 1924 रै अक्टूबर महीनै में पूरो हुवणो हो। इणरी जाणकारी राजपूतानै रा गवर्नर-जनरल रै अँजेंट रै उण कागद में मिलै है जिको उण कलकत्तै में अेकाउंटेंट जनरल नैं लिख्यो हो। टैस्सीटोरी रो बहन एलन टैस्सीटोरी 28 दिसम्बर, 1919 नैं उदीनै (इटली) सूं लिंगविस्टिक सर्वे ऑफ इण्डिया रै सुपरिन्टेंडेंट नैं अेक कागद में लिख्यो, 'उणरै परिवार नैं डॉ. टैस्सीटोरी रै निधन रो सूचना इटली में छाईस (26) दिनां बाद मिली है अर बा ई पूरी कोनों। इण खातर सगळो परिवार परेशान है अर चावै है कै टैस्सीटोरी रै शव नैं इटली भेज्यो जावै। डॉ. टैस्सीटोरी रो बाप अर बहन धापनै गरीब हे, इण खातर उणारी मदत करी जावै।'

डॉ. टैस्सीटोरी रै शव नैं बीकानेर रो कब्र सूं काढनै इटली भेजण सारू उच्च-स्तर माथै मांकळा प्रयास हुया पण कामयाब नों हुय सक्या। बम्बई सहित इटली रै एक्टिंग कौंसल श्री लुईजी सेग्री बीकानेर रै अधिकारी श्री जी. डी. रडकिन नैं लिख्यो, 'बम्बई रै नगरपालिका नियमां रै मुजब बूर्योड़ी लाश अट्ठारै महीनां पछै ई निकाळी जाय सकै है, जे थै टैस्सीटोरी रो लाश बंगी निकळवा सको तो विशेष स्टीमर रै जरियै इणनै इटली भेजण रो प्रबंध कस्यो जाय सकै है।' पण राज्य में इसा कोई नियम नों हुवण उण उथळै माथै कोई कार्रवाई नों हुय सकी। डॉ. टैस्सीटोरी रा कपड़ां रा दो बक्सा जरूर सन् 1920 में इटली भिजवाया जाय सक्या हा। टैस्सीटोरी रो मौत रै बाद रा कागदां नैं देखण सूं बेरो पड़ै कै उणरै कोपिन बणावण माथै 73 रुपिया, 3

आना अर 9 पईसा ग खरचो आयो हो। इणो 'ज भान्त उणारी कत्र माधे अंक क्रास लगायो गयो हो जिणरी उण बगत 7 रुपिया 15 आना 3 पईसां रो खरचो आयो। अट आ फेरू चत्तावण जोग बात है कैं डॉ. टैस्सीटोरी रो कत्र माधे टोम्ब चणावण रो काम उणारै परिवार रा लोगां पर ई छोड दियो गयो हो।

डॉ. टैस्सीटोरी रै निधन रै पछै उणारो निजू पुस्तकालय कलकत्ते रो असियाटिक सोसायटी बंगाल नैं सूप दियो गयो हो। इण पुस्तकालय रो पोथियां रो विगत इण पोथी रै अंक दूजै आलेख में दिरोजी हे। डॉ. टैस्सीटोरी रै घर रो सामान बीकानेर में ई नीलाम कर दियो गयो हो। कई इच्छुक अध्यंतावां रो जाणकारी मुजब खास-खास सामान नीलामो में कुण-कुण लियो उणरी विगत इण भान्त है— सेठ बहादुरमल रामपुरिया डॉ. टैस्सीटोरी रा च्यार आसण, दो तलवार, अंक ढाल अर डार्क-रूम लैम्प; सेठ छगनलाल बागड़ी दो टेबल लैम्प; पं. विश्वेश्वरनाथ चाय रा बरतण, वाशिंग मशीन अर पाकिट नाइफ; लाला वृजलाल पालिस सैट; सेठ वृजरतन कोठारी 13 चमचा; रावत मिस्त्री तोलण रो मशीन; सेठ वृजरतन डागा दो तस्तस्थां, तेल स्टोव, साल्ट बोटल; ललताप्रसाद अग्निहोत्री फाउटन पेन, रैजर अर काम्बळ; मेजर हेनसन लाल तस्तगी अर अलमिरा वाक्स; सेठ चुर्नीलाल चौपड़ा लैम्प स्टैण्ड सहित, पीतळ लैम्प स्टैण्ड सहित, फोदुआ; सेठ नरसिंहदास डागा ब्रास लैम्प, काम्बळ, पिस्तौल, सेविंग सैट, होलडोल; सेठ कंदारनाथ डागा चार सैट्स पेंग अर आवल ट्रे; राजकुमार भेरूसिंह घोड़ा काठी अर छोटे लैम्प; डब्ल्यू अंच. जेम्स पाणो रो बोटल, अंक काम्बळ, नौ चाकू अर पाच कांटा। आं लोगां रै अलावा धनराज ट्रेजरार, विक्टोरिया मेमोरियल क्लब, हजारीमल मोदी, कुशल मोदी, महावीर सिंह, सरदार हरनामसिंह, फते मोहम्मद, सिकंदर अली अर अब्दुल लतीफ आद ई मुतफरकात सामान खरीदचो।

डॉ. टैस्सीटोरी रै सुरग सिधायें पछै उणां रा पिताजी उणारै हस्तलिखित ग्रंथां रै बारे में घणा चितित हा। इणरी जाणकरी 28 दिसम्बर, 1919 नैं उदीनै (इटली) सूं बम्बई में विजयधर्म सूरिजी नैं लिख्योईं वारै अंक कागद सूं मिलै। अंक दूजै कागद सूं औ ठा पड़ै कै डॉ. टैस्सीटोरी रो मौत पछै उणां रा संग्रहीत मेनुस्क्रिप्ट बडल बणायनै बीकानेर सूं क्रमशः काळू गाव रै गणेशीलाल ब्राह्मण, फळोदी रै महाजन जोरमल, जोधपुर रै चारण किशोरदान, हनुमानगढ रै जति गणेशीलाल अर बम्बई रा विजयधर्म सूरिजी नैं भेज्या गया हा।

सुरसती अर लिछमी रो मेळ घणो ओखो है, आ बात डॉ. टैस्सीटोरी रै साथै ई ही। डॉ. टैस्सीटोरी जद योरप सूं छुट्टियां बितायनै पाछा बीकानेर आवै हा तद उणां 3 दिसम्बर, 1919 नैं बम्बई में विजयधर्म सूरिजी नैं बतायो कै उणांनै आपरै पिताजी नैं भेजण सारू दो हजार रुपियां रो जरूरत है। इण वास्तै बां दो हजार रुपिया उधारा दिरावण रो अरज करी। आ अंक विडम्बना ई है कै डॉ. टैस्सीटोरी रो 22 नवम्बर नैं मौत हुयगी अर रुपिया दो दिना पछै बीकानेर पूग्या। पण इण मांय सूं अंक हजार रुपिया

बम्बई रै संठ जयपाल पानाचन्द भेज्या हा। आ भी अेक विडम्बना ई है कै उणांरी मौत पछै आं रुपियां नैं पाछा लेवण वास्तै 9 फरवरी, 1920 नैं बम्बई सुं हाईकोर्ट रै वकील रो अेक नोटिस आयो। पण बाद में बीकानेर राज्य अै रुपिया पाछा कर दिया तो मामलो रफा-दफा हुयग्यो।

अठै अेक बात बतावणी जरूरी है कै कौं बरसां पैलां म्हैं बंगाल ओसियाटिक सोसाइटी रै कलकत्तै स्थित कार्यालय में गयो हो अर बठै डॉ. टैस्सीटोरी द्वारा संग्रहीत सामग्री ई देखी ही। औ जाणनै घणो दुख हुयो कै राजस्थानी भाषा सारू काम करण वास्तै धन हुंवतां थकां ई कोई राजस्थानी साहित्यकार या अध्येता डॉ. टैस्सीटोरी री संग्रहीत सामग्री माथै आगै काम करण नैं हाल ताईं नीं पूग्यो। उम्मीद करणी चाइजै कै भविस में राजस्थानी अकादमी कै कोई दूजी गैर सरकारी साहित्यिक या शोध संस्थावां इण सामग्री पर शोध करण अर छपावण री पहल करसी।

राजस्थान मांय डॉ. टैस्सीटोरी रा शोध-सैयोगी

डॉ. टैस्सीटोरी जद सन् 1914 में राजस्थान में सर्वेक्षण रा काम में लाग्योड़ा हा, तद उणांनै राजस्थानी भाषा रो कामचलाऊ अर सामान्य ज्ञान ई हो, पण दो-तीन बरसां पछै उणां राजस्थानी भाषा रो घणकरी बोलियां रो गहन अध्ययन ई नौं कर्चो बल्कै डिंगळ भाषा रा अनेक ग्रंथां रो सम्पादन, पाठ-भेद, टिप्पणी, भाषान्तर जैड़ा अवखा काम ई पार घाल दिया। इणरी पृष्ठभूमि में जोधपुर अर बीकानेर प्रवास में उणांनै जिका लोणां रो सैयोग मिल्यो, वो कम महताऊ नौं हो। डॉ. टैस्सीटोरी खुद इण बात नै आपरै पत्रां में स्वीकारी है। इण आलेख नै तयार करण सारू म्हें राजस्थान राज्य अभिलेखागार में उपलब्ध फोरेन पोलिटिकल डिपार्टमेंट, बीकानेर स्टेट री पत्रावळियां रै साथै बंगाल ऐसियाटिक सोसाइटी री बरसाऊ कारवाई रिपोर्ट अर डॉ. टैस्सीटोरी रै चारण जाति रा सैयोगियां रा वंशजां सूं लियोड़ा साक्षात्कारां रो भी उपयोग कर्चो है।

बंगाल ऐसियाटिक सोसायटी में चारणी स्रोतां रै सर्वेक्षक रै रूप में नियुक्ति रै साथै ई डॉ. टैस्सीटोरी पूर्व सर्वेक्षक डॉ. हरप्रसाद शास्त्री री मारवाड़ सम्बन्धी सर्वेक्षण रिपोर्ट (1909) रो अध्ययन कर्चो। उणमें दिरीज्या दिशा-निर्देशां रो पाळण करता थकां डॉ. टैस्सीटोरी सन् 1914 में जोधपुर आयनै आपरो कार्य सुरू कर्चो। अठै उणां नै दो अैड़ा मान्य विद्वानां रो सान्निध्य मिल्यो, जिका आप-आपरै विषय रा अधिकृत विद्वान हा। आं मांय सूं अेक स्टेट जोधपुर (महकमा-तवारीख) इतिहास कार्यालय में कार्यरत रामकरण आसोपा हा अर दूजा किशोरदानजी चारण। अठै औ ई उल्लेख जोग है कै पैलां सन् 1910 में जद महोपाध्याय डॉ. हरप्रसाद शास्त्री आपरै सर्वेक्षण कार्य रै दौरान जोधपुर आया तो अठै उण कार्य नै सुचारू रूप सूं चलावण सारू अेक कारवाई दळ रो निर्माण करीज्यो। इण दळ रो संयोजक पण्डित रामकरण आसोपा नै बणायो गयो अर संग्रहकर्ता अर गवेषकां रै रूप में बारठ जेतदान, किशोरदान अर देथा चारण जुगतीदान अर ब्रह्मभट्ट नानूराम नै नियुक्त करीज्या। आ समितित मारवाड़ छेत्र रै डिंगळ भाषा रा अनेक ग्रंथां रो सर्वेक्षण करनै उणां रो संग्रह कर्चो अर हरेक ग्रंथ रो दो प्रतिलिपियां तयार करी। आं मांय सूं अेक-अेक प्रति ऐसियाटिक सोसाइटी नै भेजीजी अर दूजी प्रति जोधपुर तवारीख कार्यालय में सुरक्षित राखीजी। इण भान्त रै ग्रंथां रो संख्या 50 ही। डॉ. टैस्सीटोरी रै जोधपुर आयां पं. रामकरण आसोपा नै उणां आपरो पैलो सैयोगी नियुक्त कर्चो। अठै औ ई उल्लेख जोग है कै राज्य सरकार द्वारा देय पगार रै अलावा डॉ. टैस्सीटोरी श्री आसोपा नै डिंगळ भाषा रो ज्ञान प्राप्त करण सारू अलग सूं 50 रुपिया हर महीनै देवता हा। 55 बरसां रा पं. रामकरण आसोपा उण बगत तक भारत रै प्रमुख शिलालेख-विशेषज्ञां रो श्रेणी में आय चुक्या हा। डॉ. टैस्सीटोरी रै सम्पादित 'वचनिका राठौड़ रतनसिंघजी री खिड़िया री जगा री कही' रै सम्पादन में पं. आसोपा रो महताऊ योगदान रह्यो। अैड़ा विद्वान आदमी रो सान्निध्य मिलण सूं डॉ. टैस्सीटोरी रो काम खासो सरल हुयग्यो हो। किशोरदान चारण नै डॉ. टैस्सीटोरी रो दूजो सैयोगी बणाइज्यो। बां सारू

कहो जावै कै डिंगळ भाषा रा बै इत्ता लूठा विद्वान हा कै दूर-दूर सूं लोग उणां सूं परामर्श लेवण सारू आवता हा। डॉ. टैस्सीटोरी अेक जाग्यां खुद लिख्यो है कै आखें मारवाड़ अंचल में बारठ किशोरदान जिसो डिंगळ भाषा रो विद्वान दूजो जोयां ई नों लाधै। आपरै जोधपुर प्रवास में डॉ. टैस्सीटोरी डिंगळ रै घणकरा महताऊ ग्रंथां रो सर्वेक्षण कार्य औरै माध्यम सूं ई पूरो कर्त्थो हो। लोळावास (जोधपुर) गांव रा 40 बरसां रा किशोरदानजी डॉ. टैस्सीटोरी सारू अेक जरूरत बण चुक्या हा। इणरो पतो जोधपुर अर बीकानेर सरकार रै विचाळै हुयै पत्र-व्यवहार सूं लागै, जिणमें डॉ. टैस्सीटोरी रै बीकानेर आगमन पछै उणांरो इच्छा मुजब किणीं तरै अेक वेळा बारठ किशोरदान नें थोड़ै दिनां सारू बीकानेर में डेपुटेशन माथै भेजण रो आग्रह कर्त्थो हो, पण जोधपुर सरकार बीकानेर राज रै इण आग्रह नें ठुकरा दियो। इणरै चावजूद बारठ किशोरदान आपरो निजू हैसियत सूं 1918 तक बीकानेर आयनै डिंगळ ग्रंथां रै सम्पादन में डॉ. टैस्सीटोरी रै सामी आयी अबखायां रो निस्तारण करता रह्या। जोधपुर प्रवास में सर्वेक्षण कार्य में उणारै दूजै सैयोगियां में श्री पन्नालाल, भट्ट नानूराम, चन्द्रभान पुष्करणा अर ऊजळां रामदयालजी भेळा हा। अै लोग जात्रा अभिकर्ता, गवेषक अर प्रतिलिपिकार रै रूप में लाग्योडा हा।

आं तथ्यां सूं स्पष्ट है कै जोधपुर प्रवास में 'वार्डिक अेण्ड हिस्टोरिकल सर्वे ऑफ राजस्थान' योजना रै तहत हुयै सर्वेक्षण में डॉ. टैस्सीटोरी रो भूमिका अेक अधिकारी अर संयोजक रै रूप में ईज ज्यादा हो। आ अलग बात है कै जोधपुर सरकार सूं मतभेद हुय जावण सूं उणांनै जोधपुर रो काम विचाळै ई छोडणो पड़्यो। पण महाराजा गंगासिंह उणांनै तत्काल बीकानेर बुला लिया। जोधपुर प्रवास में उणां सैकड़ां शिलालेख अर डिंगळ रा हस्तलिखित ग्रंथां रो संग्रह कर्त्थो। इण सारू उणां नें गांव-गांव जावणो पड़्यो। बीकानेर मांय सर्वेक्षण कार्य सरू कर्त्थो तो उणां नें कीं अबखायां झेलणी पड़ी। पण उणां रा चारण-सैयोगी आं अबखायां नें खासी हद ताई मिटा दी। बीकानेर में आपरो काम सरू करण सूं पैलां डॉ. टैस्सीटोरी राज्य सरकार रै सामी अेक योजना बणायनै प्रस्तुत करी। इणमें उणां लिख्यो कै म्हारै सहायक रै रूप में चारण जाति रै लोगां नें राख्यो जावै। इणरी पृष्ठभूमि में उणां कारण लिख्यो कै चारण जाति रा लोग ई म्हनै डिंगळ कवितावां अर अैतिहासिक अर साख रा गोतां रो शुद्ध व्याख्या करनै समझाय सकै है। इणरै साथै ई वै मारवाड़ी लिपि में लिख्योड़ी ख्यातां रै कठिन सबदां रो सही ढंग सूं अध्ययन करनै अर्थ बताय सकै। तीजै कारण में उणां लिख्यो कै घणकरै चारण-साहित्य रो पाण्डुलिपियां चारण जाति रै घरानां में ई मिलै, इण सारू चारण जाति रो आदमी ई पाण्डुलिपियां राखणिया लोगां सूं सम्पर्क करनै आं पाण्डुलिपियां नें उपलब्ध करवाय सकै।

इणरै अलावा डॉ. टैस्सीटोरी बीकानेर में आपरै सर्वेक्षण कार्य रो 121 रुपियां रै मासिक खर्च रो योजना ई प्रस्तुत करी जिणमें उणां खर्च रो हिसाब इण भान्त बतायो— अेक सहायक नें 25 रुपिया माहवार, अेक प्रतिलिपिकार नें 20 रुपिया माहवार, अेक जात्रा अभिकर्ता (ट्रेवलिंग अेजेंट) नें 25 रुपिया प्रतिमाह (अर 25 रुपिया अन्य)। राज्य सरकार उणां रो इण योजना नें तुरन्त मंजूरी देय दी। इण योजना

रो स्वीकृति रै पछै उणां औ आग्रह भी कस्यो कै म्हारो कार्यालय म्हारै निवास-स्थान में ईज रैसी अर म्हारा सहायक, प्रतिलिपिकार अर जात्रा अभिकर्ता म्हारै साथै ई रैसी, ताकै उणां सूं किणो भी बगत विचार-विमर्श कस्यो जाय सकै। राज्य सरकार उणांर इण आग्रह नै ई स्वीकार कर लियो।

सरकारी दस्तावेजां सूं डॉ. टैस्सीटोरी रो सर्वेक्षण प्रणाली पूरी तस्यां उजासित हुवै है। इणरै त्हेत जात्रा अभिकर्ता रो औ दायित्व हो कै वो राज्य रा अँड़ा गांवां रो पतो लगावै जठै कोई ग्रंथ या शिलालेख उपलब्ध हुय सकै है। पछै वै उण गगाव या कस्वै रो जात्रा करनै सम्बन्धित पाण्डुलिपि या शिलालेख रो अध्ययन करनै उणरै काल अर विषय रो निर्धारण करता हा। उणरै कीं भाग रो नकल भी वै आपरी डायरी में उतार लिया करता हा। वै आपरै कनै अँक डायरी राखता जिणमें उण गांव में आपरी हाजरी दरसावण सारू दस्तखत करवा लिया करता हा। वै जिको काम करता हा, उण रो इन्द्राज ई कर लेंता हा। उणरै पछै उण डायरी नै बीकानेर में लायनै डॉ. टैस्सीटोरी नै दिखावता अर जे डॉ. टैस्सीटोरी सम्बन्धित सामग्री रो कोई महत्त्व समझता तो उणनै देखण सारू वै खुद ई गांव रो जात्रा कर लिया करता हा। जे जात्रा अभिकर्ता खुद आपरै निज प्रभाव सूं पाण्डुलिपि बीकानेर लाय सकतो, तो लेय आवतो हो।

डॉ. टैस्सीटोरी नै जद कदैई सर्वेक्षण जात्रा पर जावणो हुंवतो तो उणां रो कार्यक्रम पैलां सूं तयार कर लियो जावतो हो अर सुख-सुविधा सारू सम्बन्धित छेत्र रा तहसीलदारां अर चौधरियां नै आदेस देय दियो जावतो हो। बीकानेर में जात्रा अभिकर्ता अर खोजकर्ता रै रूप में सन् 1916 में सीधळ निवासी बीदू सीताराम नै नियुक्त करीज्यो। वै डिंगळ रा आछा विद्वान हा। उणारी रचना 'कविकुल कण्ठाभरण' आचार्य केशव रो रचना रो भांत लक्षण-ग्रंथ मानी जावै। इणरी प्रति उणां रै वंशजां कनै सुरक्षित है। उणां बीकानेर छेत्र रा अनेक शिलालेखां अर चारण-साहित्य रा ग्रंथां रो पतो लगायनै डॉ. टैस्सीटोरी नै उणरी जाणकारी दी। पण बाद में सर्वेक्षण कार्यप्रणाली सूं सम्बन्धित मतभेद हुवण रै कारण डॉ. टैस्सीटोरी उणां रो सेवा लेवण सूं मना कर दियो। इण पर राज्य सरकार उणारी सेवा समाप्त कर दी। तापछै डॉ. टैस्सीटोरी रै सैयोग सारू दो दूजा चारण नियुक्त करीज्या। इणांमें पैला बीकासर रा सांधु जोरदान अर दूजा मथाणिया रा देवकरण बारठ हा। सन् 1910 में जोरदान सांधु जगात थाणेदार नियुक्त हुया हा पण डिंगळ साहित्य रो उणां रो ज्ञान उच्च कोटि रो हुवण सूं आपनै डॉ. टैस्सीटोरी कनै खोजकर्ता रै रूप में लगा दियो गयो। अँ दोनू आदमी डॉ. टैस्सीटोरी रै साथै उणांरै बंगलै में ईज रह्या करता हा अर बांरो घणकरो बगत डॉ. टैस्सीटोरी रै साथै ई बीततो हो। डॉ. टैस्सीटोरी 6 दिसम्बर, 1918 सूं 31 दिसम्बर, 1918 ताई आं दोनू चारणां नै सर्वेक्षण कार्य रो प्रशिक्षण दियो अर पछै उणां नै गांवां अर कस्वां में सर्वेक्षण कार्य सारू भेज्या। अँ लोग डॉ. टैस्सीटोरी रै निधन तक सर्वेक्षण कार्य में सैयोग करता रह्या। आँर दूढ्योड़ा सैकड़ां ग्रंथ आज ई अनूप संस्कृत लाइब्रेरी अर बंगाल ऐसियाटिक सोसायटी में सुरक्षित है।

जैन-साहित्य रै प्रति डॉ. टैस्सीटोरी रो लगाव

उगणीसवीं सदी रै मध्य में आखै यूरोप में बठै रा विद्वानां अर अध्येतावां मांय भारत री प्राच्य-विद्या बाबत ज्यादा सूं ज्यादा जाणकारी लेवण री लाळसा जागृत हुयी हो। इण उद्देश्य नैं पूरण सारू आधूण रा अनेक विद्वानां भारत रै विभिन्न छेत्रां में सृजित प्राचीन-साहित्य री भाषा अर उणरी लिपि रै साथै-साथै ग्रंथां अर पाण्डुलिपियां री विषय-वस्तु रो गहरो अध्ययन करयो। अठै रा इण महताऊ साहित्य रो कीं हिस्सो खरीदनै बै आपरै साथै ई लेयग्या। बीसवीं सदी री सरूआत तक यूरोप रा कई विद्वान भारत री विभिन्न भाषावां अर धर्मां रो साहित्य आपरै अठै लेजायनै प्राच्य-विधावां सूं सम्बन्धित यूरोप रा पुस्तकालयां अर अभिलेखां नैं सिमरध कर चुक्या हा।

इसा विद्वानां में जर्मनी, फ्रांस रै साथै इटली रा विद्वान ई भेळा हा। सन् 1885-86 में इटली रो एंजिलो डी गुबरनाटिस भारत रै सूरत अर बम्बई सूं बडी संख्या में विभिन्न धर्मावलंबियां द्वारा रचित पाण्डुलिपियां खरीदनै आपरै देस में लेयग्यो। आंमें 350 पाण्डुलिपियां तो फगत जैन धर्म रै विभिन्न सम्प्रदायां सूं सम्बन्धित ही। उण आंरो अेक केटलॉग ई तयार करवा लियो हो। इणीं बीच पुलि नांव रो विद्वान जद 1903 मे भारत सूं पाछो इटली पूगो तो कई नूवो पाण्डुलिपियां सूं इण संग्रह नैं ओरूं सिमरध कर दियो। औ संग्रह इटली रै प्रमुख शिक्षा-केन्द्र फ्लोरेंस में राखीज्यो हो, इण वास्तै भविष्य में औ फ्लोरेंस संग्रह रै रूप में ई जाणीजण लागग्यो हो। बाद बालीनी अर पावोलिनी सरीखा उठै रा विद्वानां फ्लोरेंस रै इण संग्रह मांय जैन-साहित्य सूं सम्बन्धित कई पाण्डुलिपियां रो अध्ययन करनै उणां माथै आपरा शोध-पत्र लिख्या। इणसूं आं पाण्डुलिपियां रो महत्त्व शोध-जगत रै सांमी आयो। तापछै संस्कृत, प्राकृत, अपभ्रंश में लिख्योड़ी आं पाण्डुलिपियां रै अध्ययन सारू इटली रा कई युवा शोधकर्ता आकर्षित हुया। आंमें टैस्सीटोरी नांव रो युवक ई भेळो हो। टैस्सीटोरी नैं प्रो. पावोलिनी जिसा विद्वान रो विद्यार्थी हुवण रो सौभाग मिल्यो।

उण बगत तक जर्मन विद्वान प्रो. एच. जेकोबी, मूलर, मैक्समूलर अर इटली रा डॉ. अेच. हर्टल, डॉ. अे. गुयरीनोट जिसा विद्वान भारत में संस्कृत अर प्राकृत भाषा री पाण्डुलिपियां अर अठै रा धार्मिक सम्प्रदायां रै गुरुआं अर संतां बाबत समूचै यूरोप नैं जाणकारी देय चुक्या हा। इटली ई इणसूं अछूतो नीं रह्यो। फळसरूप टैस्सीटोरी, फ्लोरेंस में आपरै अध्ययनकाल में भारत सूं लायोड़ी पाण्डुलिपियां रो अवगाहन करनै कई पाण्डुलिपियां रो भाषागत अध्ययन करयो। रामचरितमानस पर आपरै शोधकार्य रै दौरान उणांनै अवधी भाषा रै अध्ययन रो अवसर तो पैलां ई मिल चुक्यो हो। बाद में आं पाण्डुलिपियां रै अध्ययन सूं उणां गुजराती अर पश्चिमी राजस्थानी भाषा, लिपि अर उणरै व्याकरण माथै ई शोध करयो।

अठै सूं ई उणां रो जैन-साहित्य रै प्रति जुड़ाव बधतो गयो। इण साहित्य रै अध्ययन सूं उणांनै भारत रै छेत्र विशेष रा भूगोल अर अठै रा रैवासियां रै आचार-विचार, भाषा अर लिपि नैं जाणण-समझण रो मौको मिल्यो। जार्ज ग्रियर्सन जद डॉ. टैस्सीटोरी नैं राजपूताना में चारण-साहित्य अर ऐतिहासिक साहित्य रै सर्वेक्षण रो काम सूंयो तो उणां ई प्रस्ताव नैं सहजां स्वीकार लियो। इण रो मूळ कारण इण विषय पर उणां रो पूर्व में प्राप्त ज्ञान ई हो।

अठै औ ई उल्लेखनीय है कै प्रो. पावेलिनी रै सान्निध्य में डॉ. टैस्सीटोरी फ्लोरेंस रै जैन, प्राकृत संग्रह मांय सूं वैराग्य-शतक (Bhaviragya-sataka) 'उपदेश-माला' (Uvaesamala) अर 'इन्द्रिय-पराजय-सवैया' (Indriya parajaya-sayaya) नामक गुजराती पाण्डुलिपियां रो सन् 1913 में सम्पादन कर दियो हो। लगैटगै इणां बगत जैन-साहित्य री दूजी रचना 'करकण्डु की कथा', जिकी जयपुर छेत्र री अंक दिगम्बर जैन पाण्डुलिपि ही, रै साथै मारवाड़ी भाषा री 'नासकंता री कथा' छप चुकी ही। घणकरो जैन-साहित्य अपभ्रंश में रच्योड़ो हुवण सूं उणांनै इण रो ई गहरो अध्ययन करणो पड़्यो। औ अध्ययन भारत प्रवास रै दौरान उणां सारू खासो उपयोगी साबित हुयो। उणां आपरै अध्ययनकाल में ई अंक भाषा वैज्ञानिक रै रूप में Notes on the grammar of the old western Rajasthani with special reference to Apabhranasa and to Gujrati and Marwari. तयार करनै प्रतिष्ठा प्राप्त करली हो। जद्यपि इणनै उणां सन् 1914-15 में छपवायी हो। इणमें उणां शोरसेनी अपभ्रंश नैं गुजराती अर मारवाड़ी भाषा री जननी मानी हो। साथै ई बांरो मानणो हो कै यूं तो अपभ्रंश भारत रै असम, महाराष्ट्र, बंगाल अर आंध्रप्रदेश में भी प्रचलन में हो पण इणरी उत्पत्ति आथूणै भारत में ई हुयो हो अर उण रो सगळां सूं बेसी प्रभावित छेत्र गुजरात, राजस्थान अर विदर्भ में विद्यमान हो। चारण जाति रा कवियां अपभ्रंश री सरलता रै कारण उणनै आपरै डिगळ गीतां री अभिव्यक्ति रो माध्यम बणायो।

उण बगत तक डॉ. टैस्सीटोरी रो जैन-साहित्य सूं अणूतो लगाव हुयग्यो हो। उणां भारत आयां सूं पैलां ई गुजराती अर राजस्थान री ढूँढाड़ी बोली में "Story of Solomon judgement" री कहाणी सूं मिलती-जुलती जैन व्याख्यावां पर आधारित कहाणियां री पाण्डुलिपियां नैं ई सम्पादित कर छोड़ी हो।

आं सूचनावां रै आधार माथै औ मान्यो जाय सकै है कै डॉ. अेल. पी. टैस्सीटोरी रै सन् 1914 में भारत आगमन सूं पैलां ई जैन-साहित्य सूं बांरो लगाव हुयग्यो हो। पण सन् 1915 सूं लेयनै 1919 में उणारै निधन तक जोधपुर अर पछै बोकानेर में चारण-साहित्य, राजपूतां रै इतिहास, पुरातात्विक अवशेषां री खोज अर सर्वेक्षण रा कामां में पूरी तरयां व्यस्त हुय जावण रै उपरांत भी उणांरो जैन-धर्म रै प्रति औ लगाव कम नैं हुयो हो। बै राजपूताना, गुजरात अर दूजी किर्णी जाग्यां आपरै सर्वेक्षण कार्य सूं

जावता अर उठै उणांनं जे कोई जैन उपासरो हुवण रो ठा पड़ जावतो तो वणतो कोशिश वै उणां में ठैरता। वै उठै जैन साधुवां अर श्रमणियां रो दैनिक दिनचर्या रो बारीकी सूं अध्ययन करता। अठै ईज उणांनं जैन-साहित्य नं नैडै सूं देखण-समझण रो मौको मिल्यो।

मध्यप्रदेस रै शिवपुरी में निवास कर रह्या जैन सम्प्रदाय रा श्वेताम्बर मूर्तिपूजक जैन सन्त विजयधर्म सूरि रो धर्म अर साहित्य रा लूंठा विद्वान हा। बां रो विद्वता रै कारण उणोसवां सदी रै आखरी दसकां में भारत रो प्राच्य-विद्या रा यूरोपियन विद्वान उणां सूं घणा प्रभावित हा। सन् 1910-11 तक विजयधर्म सूरि पूरै यूरोप में प्रसिद्धि प्राप्त कर चुक्या हा अर उणांरो प्रमुख रचना 'श्री यशोविजय ग्रंथमाळा' नं ओपतो आवकारो मिल्यो। जर्मनी अर इटली रा विद्वान आंरै खासा नैड़ा-आयग्या हा। आं मांय प्रो. एच. जेकोबी, डॉ. अंच. हर्टल अर डॉ. अ. गुयरीनोट आद भेळा हा। डॉ. विंटरनिट्स ई उणांरै सम्पर्क में आयग्या हा। जैन धर्म रो क्लिष्ट बातां रो सरल व्याख्या करण आळा आं जैन मुनि नं भारत रो ऐसियाटिक सोसाइटी सहित इटली अर जर्मनी रो ऐसियाटिक सोसायटी अर ओरियंटल सोसाइटी ई आपरा मानद सदस्य बणाय राख्या हा। इण कारण डॉ. टैस्सीटोरो आपरै अध्ययनकाल में ई आं जैन मुनि सूं परिचित हा। वर्तमान में आचार्य विजयधर्म सूरि अर डॉ. अंल. पी. टैस्सीटोरो रै बीच अंक सुदीर्घ पत्र-व्यवहार उजास में आय चुक्यो है। भारत में आपरै प्रवास में डॉ. टैस्सीटोरो आचार्य विजयधर्म सूरि सूं तीन-चार बार ही मिल्या हा। औ अंक संजोग ई हो कै डॉ. टैस्सीटोरो रो निधन तो सन् 1919 में हुयग्यो अर आचार्य विजयधर्म सूरि रो देहावसान सन् 1922 में हुयो।

आचार्य विजयधर्म सूरि अर उणांरा शिष्य इन्द्रविजय सूरि डॉ. टैस्सीटोरो रो घणी सहायता करी हो। उणांरै भारत आगमन रै साथै ई राजस्थान रै पाली कस्बे में अर काठियावाड़ छेत्र रा तालजा कस्बे में आचार्य रा शिष्यां डॉ. टैस्सीटोरो रै काम में घणी मदत करी। इतो ई नां, डॉ. टैस्सीटोरो आचार्य विजयधर्म सूरि नं आपरो गुरु माननै उणांरै सम्मान में सन् 1917 में बांरो जीवनी छपवायो। 'विजय धर्म सूरि; अे जैन आचार्य ऑफ द प्रेजेण्ट डे' नांव रो इण पोथी में आचार्य विजयधर्म सूरि रै सम्बन्ध में विस्तार सूं चर्चा करी है।

भारत प्रवास रै दौरान डॉ. टैस्सीटोरो चारण-साहित्य अर पुरातात्विक सामग्री रै सर्वेक्षण करती वगत आपरै सारू कीं पाण्डुलिपियां रो खरीद ई करली हो। अठै औ भी उल्लेखनीय है कै उण वगत यूरोपीय विद्वानां में अंक चलन हो कै भारत में उपलब्ध प्राच्य-विद्या सूं सम्बन्धित ग्रंथां नं खरीदनै आपरै देस में ले जायो जावै ताकै बठै रा पुस्तकालय सिमरघ हुय सकै अर शोधार्थी घणमोलो ज्ञान हासल कर सकै। इण ओळ में प्रो. अंच. जेकोबी द्वारा सन् 1874 में जैसळमेर सूं अनेक संस्कृत पाण्डुलिपियां अर जैन-साहित्य नं खरीदनै आपरै देस में ले जावण रो उल्लेख मिलै। इणीं भान्त जर्मन विद्वान मेक्समूलर ई महाराष्ट्र छेत्र रो कई संस्कृत पाण्डुलिपियां प्रो. कीलहार्न रो मदत सूं

खरोदने उणानें जर्मनी पुगायदी हो। मेक्समूलर अठे 1863 सून 1880 तक रह्यो हो। अक दूजा जर्मन विद्वान भूलर तो भारत रै जैन-साहित्य री नकलां या मूळ रूप, जिणमें आगम कथावां नै पद्य आद उल्लेख जोग हो, नै रोयल लाइब्रेरी बर्लिन लेजावण आळा विद्वानां में प्रमुख हा। इण लोभ सून डॉ. अेल. पी. टैस्सीटोरी ई बच नों सक्या। इणरी जाणकारी सन् 1923 में उणारै परिवार द्वारा फ्लोरेंस पुस्तकालय नै संपीज्यै 'डॉ. टैस्सीटोरी ग्रंथ संग्रह' सून हुवै। इणमें कुल 250 पाण्डुलिपियां अर बाकी छप्योड़ी पोथ्यां हो। इण संग्रह में जैन-साहित्य रै रूप में धर्म, दर्शन सून सम्बन्धित सामग्री उल्लेखनीय हो। साथै ई जैन साधु-संतां री विभिन्न रचनावां, जिणां में कां टीकावां रै साथै सिद्धान्त अर आगम री पाण्डुलिपियां भी हो। आंमें जैन सन्त हेमविजय री साहित्य ई भेळो हो। इण संग्रह री घणकरी फोटो प्रतियां भारत में भी उपलब्ध है। अठे इण संग्रह री सामग्री पर भी थोड़ी चर्चा लाजमी है। इणसून आपांनै डॉ. टैस्सीटोरी रै जैन-साहित्य रै प्रति असीम अनुराग री जाणकारी ई मिलसी।

इण संग्रह में जैन साधु व्याकरणाचार्य सुन्दर द्वारा 16वीं सदी में विरचित 'उक्ति-रत्नाकर' नांव री संस्कृत पाण्डुलिपि घणी महताऊ हो। इणरै महत्त्व नै समझनै ई डॉ. टैस्सीटोरी इणरी दो दूजो प्रतियां नै आधार बणायनै इण री सम्पादन कर दियो हो। मारवाड़ी भाषा री व्युत्पत्ति नै लेयनै सात खंडां में छप्योड़ी आ पाण्डुलिपि डॉ. टैस्सीटोरी री भूमिका अर आखिर में दिरीजी सयदावळी रै पाण शोध-जगत सारू घणी महताऊ बणगी है।

जैन-साहित्य री दूजो पाण्डुलिपियां में 18वीं सदी रा चावा-ठावा जैन टीकाकार देवेन्द्र सूरि री प्राकृत में लिख्योड़ी (Siddhi damdik avacurhi) सिद्धि दामदिक अवचूरी, कर्मग्रंथ री पाण्डुलिपियां आद उल्लेखनीय है। आं कृतियां रै अलावा टैस्सीटोरी रै उक्त संग्रह में प्राकृत अर अर्धमागधी में गोतमकुलम (प्राकृत भाषा), गोतम स्वामी गोतम् (प्राचीन मारवाड़ी) आद पाण्डुलिपियां जैन-साहित्य सून ई सम्बन्धित हो।

इणीं भान्त शान्तिसूरि की टीकाएं, अभयदेव सूरि की टीकाएं, देवेन्द्र सूरि की टीकाएं, कल्याण-मंदिर स्त्रोतम्, सिद्धसेन दिवाकर अर हेमचन्द्र री अभिधान चिंतामणि नाम माला, अभिधान चिंतामणि कोश, त्रिशष्टिशालाका पुरषचरित्र, हेमविजय नै समर्पित कथामहोदधि (संस्कृत) आद उल्लेखनीय जैन-साहित्य रचनावां हो।

छेकड़ जातां आपां कैय सकां हां कै डॉ. अेल. पी. टैस्सीटोरी री जित्तो लगाव राजपूत संस्कृति सून हो, उता ई बै जैन-संस्कृति सून भी प्रभावित हा। इण आलेख नै तयार करण में म्हनै जैतै राजस्थान राज्य अभिलेखागार रै टैस्सीटोरी सम्बन्धी संग्रह सून सहायता मिली, बठै ई बीकानेर में 21 सून 23 फरवरी, 1996 में डॉ. टैस्सीटोरी री स्मृति में हुयी इंटरनेशनल कांफ्रेंस में पढीज्या शोध-पत्रां सून भी कई नूवी जाणकारियां मिली।

राजस्थानी अभिलेखां में शिवाजी : आख्यां देखी विगत

आ बात कम लोग ई जाणै कै शिवाजी बाबत राजस्थानी भाषा में लिख्योड़ी मोकळी सामग्री है। सन् 1939 में जयपुर राज रै मेहकमा खास रेकर्ड ऑफिस में करीब 68 इसा कागद-पत्र हाथ लाग्या जिणां में शिवाजी री आगरा जात्रा अर बीं रै लारली घटनावां रो सांगोपांग वर्णन मिलै। अे कागद आगरै में जयपुर नरेश सवाई जयसिंह प्रथम रै कुंवर रामसिंह रै डरै सूं जयपुर रै वकील परकालदास जयपुर रै दीवान कल्याणदास नें लिख्या हा। आं मांय सूं अेक कागद बानगी सरूप प्रस्तुत है। इण पत्र सूं ठां पड़ै कै शिवाजी बाबत राजस्थानी रै कागदां में कितरी झीणी अर प्रमाणिक सामग्री मिलै। इण कागद में जिकी लोकरुचि री बातां है फगत वै ई अठै उल्लेखित है।

शिवाजी जिसो बादशाह ओरंगजेब रो कट्टर विरोधी, जयपुर नरेश रै समझावण सूं जद बादशाह रै दरवार में आगरै पूगो तो आ अेक अतिहासिक घटना ही। सगळो देस इण घटना नें घणो उत्सुकता सूं देखै हां। सगळा इण बात री सही जाणकारी चावै हा के आ घटना साची है कै गप्पोड़ो है। कारण कै आम आदमी रै दिमाग में आ बात दौरी वैठै हो कै शिवाजी आगरै जायनै बादशाह रै दरवार में हाजरी देय सकै। बांरी निजरां में तो शिवाजी अेक अपराजित हीरो हो। वो आगरै दरवार में जायनै हाजरी देवै, आ बात लोगां री कल्पना सूं परै हो।

पण जिका लोग इण बात सूं वाकव हा, बांरै मन में भान्त-भान्त री जिज्ञासावां ही। वै जाणणी चावै हा कै शिवाजी री कद-काठी अर शक्ल-सूरत किसीक है ? आगरै में वो किसीक त्यारी साथै आयो ? दरवार में वो किण भान्त हाजर हुयो ? बादशाह उणरै सांगै किसोक बरताव कथ्यो अर किण भान्त पडूत्तर दियो ? इसी मोकळी जिज्ञासावां जयपुर रै दीवान कल्याणदास रै मन में ई ही। उण यांरी जाणकारी सारू वकील परकालदास नें आगरै कागद लिख्यो। परकालदास इण कागद रो पडूत्तर 29 मई, 1666 रै दिन दियो। इण कागद में शिवाजी बाबत दूजी बातां रै साथै उणरै डील-डौल बाबत ई खासी जाणकारी मिलै। अठै आ बात उल्लेख जोग है कै इण कागद रै पैली शिवाजी रै डील-डौल बाबत लोगां नें इतरी जाणकारी नों ही।

परकालदास इण कागद में लिखै कै शिवाजी आगरै में आपरै दो-ढाई सौ सवारां साथै आया। शिवाजी अर बांरा अधिकारी पालक्यां में सवार हा। शिवाजी रो झंडो नारंगी रंग रो हों शरीर पतळो अर कद घणो डींगो नों हो। बांरो रंग गोरो निछोर हो अर बै दोसता ई राजवी ज्यू हा। शिवाजी री हिम्मत अर मरदानगी देखतां ई बणै आवै ही। शिवाजी रै डाढी राख्योड़ी है। बांरै साथै बांरो नव बरस रो बेटो ई हो। वो फूटरो अर गोरो हो। यूं तो लोगां शिवाजी री मरदानगी बाबत सुण्यो ई हां पण आगरै आयनै ई उणां बादशाह सूं करड़ा सवाल-जवाब कथ्या, इणसूं लोग बांरी मरदानगी री सरावणा करै हा।

वकील परकालदास रो औ मूळ कागद कोई तीन सौ सवा तीन सौ बरसां जूनो। इणी तरै रा 68 कागद तो शिवाजी माथै आज ई मौजूद लाधै। आं रो भाषा घणी सिमरध है। शिवाजी रो नांव वीं वगत सिवो या सेवाजी लिखिजतो हो। आपां आज राजस्थानां भाषा बाबत सतरै वातां करां अर इणरो सिमरधता अर भाषा हुवण माथै ई आंगळो उठावां पण उण जमाना में ई इण भाषा रो आ छटा हो। सगळी लिखा-पढी अर राज-काज इण भाषा में मजै सू चालता। ढूंढाड़ सू लगायनै भारवाड़ अर मेवाड़ ताई सगळै राजपूतानै रा लोग इणनै समझता, लिखता, चांचता अर मामूली फरक-फार साथै धड़ल्लै सू आपरो काम चलावता।

मूळ कागद

॥ श्री रामजी ॥

सिद्धि श्री सरबोपमा विराजमान दीवानजी श्री कल्याणदासजी जोग्य लिखत आग्याकारी परकालदास कंनै सेवा मुजरो अवधारजो।और इनायतनामो एक बलुसाहजी का कासिद हाथ आयो। बहुत खुशहाली हुई जी। श्री राज लिखो थो जु सेवा कांटे रे केतोके साथ छो, किसानक तुजुक सू आन मिलो सु बोरो लिखजो। सु साहिब सेवो छड़ो सो ही साथी ओठो आयो जी। असवार सौ दोई अधवा अढाई सौ सगळा छै जी। त्यां में असवार सौ एक खुद असपां बाकी बारगीर का पावा बाळा। और सेवो पालकी असवार होई तब तुरकां की सौ रवस पयादा खड़ोत सा मोढा आगे बहुत चालो जी। सेवाजी के नारंजी सौ दरयायी का निसान सुनहरी छापा का छाप्पां चोळो छै जी। ऊंट सेवा की सरकार में थोड़ा बार बरदारी ने बोल ही बहोत लदो छो जी। विणजारा को सो ठाठो। और सेवा का चाकरां को बड़ा आदम्यां को पालकी असवारी सगळां को सु पालकीयां के बहुत। अर सेवोजी डील तो हकीर छोठो सो ही देखता दिसजी। अर सुरती बहुत अजाइब। गौरो रंग अपुछो राजबो दीसोजी। हिम्मत मरदानगी ने देखतां ही इसो दिसो जु बहुत मरदानो हिम्मतबुलंद आदमी छो। सेवाजी के डाढ़ी छै। और सेवाजी को बेटो बरस 9 को छ, सु भी बहुत अजाइब सुरती छै जी गौरो रंगो। और सेवाजी आयो सु जमीअती तो थोड़ी ही थो पनी भला तुजक अदाई सो आयो जी। हाथी मोढा आगे धर्या, त्यां उपरी नीशान। घोड़ा को तील मोंढा आगे बहुत ही अहतमाम तुजक करता असी भान्त आयाजी। हथणी-हथणी होदा की पुठी पाछै। सुखपाल मूँदा आगे, ज्यां सुखपाल का वास रूपा सो मंड्या और सुखपाल का सगळा फूँदा को रूपां का बड़ा-बड़ा झाबा। पालकी सगळो ठो रूपा का पत्रां सो मंडी, रूपा की ही पालकी पाया व खूँटी सोना का पत्रां सो मंड्या जी। असी भाँति आयो। आगे तो सेवाजी की मरदानगी न हीमती ने खलक सराही थी। अर अब ओठो पातशाह जी की हजुरी भी आई। सखती करी करड़ा जबाब कह्या, तींथे खलक सेवाजी की मरदानगी ने बहुत सराहो जी।....।

पं. नेहरू रो निजू कागद पालीवाळजी रै नांव

17 जुलाई, 1955 में प्रधानमंत्री निवास, नई दिल्ली सूं लिख्योड़ो औ कागद पं. नेहरू राजस्थान रा तत्कालीन मंत्री श्री टीकाराम पालीवाळ नैं लिख्यो। पं. नेहरू रा हस्ताक्षर कर्योड़ो दो पेज रो अंग्रेजी में लिख्योड़ो औ कागद निजू अर गोपनीय है। पण आज औ कागद राज्य अभिलेखागार में शोध अध्येतावां वास्तै उपलब्ध है। इण कागद रो घणकरो भाग तो टंकित है पण अंत में दो लाईनां नेहरूजी आपरै हाथ सूं लिखी है। कागद रो मूळ विषय शेख अब्दुल्ला रो बेटो फारूख अब्दुल्ला है। शेख अब्दुल्ला उण बगत जेळ में हा अर बारै बंटै फारूख अब्दुल्ला नैं जयपुर मेडिकल कॉलेज में जिकी अबखायां भुगतणी पड़ रह्यो हो वानें मिटावण वास्तै लिख्योड़ो औ कागद यूं तो साधारण सो लागै, पण इण कागद रै अध्ययन सूं पं. नेहरू रो दरिया-दिली रो ठा पड़ै। इण महताऊ कागद रा भाव इण भान्त है—

पं. नेहरू श्री पालीवाळ नैं लिख्यो, 'म्हनें इण बात रो घणी प्रसन्नता है कै छेवट फारूख अब्दुल्ला नैं जयपुर मेडिकल कॉलेज में दाखिलो मिलग्यो। कई लोग आ बात गळत रूप सूं सोचै कै म्हा रा शेख अब्दुल्ला साथै सम्बन्ध आछा नों है इण कारण बारै बंटै अर परिवार सांगे आछो वैवार नों हुय रह्यो है। पण बात इणसूं उल्टी है। आज जद शेख अब्दुल्ला जेळ में है तो म्हें उणां रै टावरां रो ध्यान राखण रो म्हारी विशेष जिम्मेवारी समझूं।

थोड़ाक दिन पैली फारूख अब्दुल्ला म्हासूं मिल्यो। पैली ई बो कई बार लिख चुक्यो है कै जयपुर मेडिकल कॉलेज रा कीं छात्र उणनें देसद्रोही कैयनै अपमानित करै। आ बात सुणनै म्हनें घणो दुख हुवै। म्हें आ बात ई जाणूं कै लड़कां नैं रोकणा घणा दौरा है, पण आपां कोशिश करनै इस्यो वातावरण जरूर बणाय सकां जिणसूं इसी बातों रोकी जाय सकै। म्हनें आ जानै प्रसन्नता है कै मेडिकल कॉलेज रा प्रिंसिपल डा. कासलीवाळ फारूख अब्दुल्ला रो ध्यान राखनै उणमें रुचि लेय रह्यो है। श्री हीरालाल शास्त्री ई फारूख अब्दुल्ला रो ध्यान राखण रो वादो कर्यो है।

अेक काम म्हें थानें (टीकाराम पालीवाळ नैं) सूपणी चावूं कै जे संभव हुवै तो फारूख अब्दुल्ला नैं सिनेमाघर रै कनला होस्टल सूं हटायनै मेडिकल कॉलेजरै हत्थे में बण्योड़ै होस्टल में राख दियो जावै। कमरो नैनी हुवै तो ई कोई बात नों पण हुवणो स्वतंत्र चाहीजै। जिको सहपाठी छात्र उणनें नों चावै अर उणरी मजाक करै, संभव है बीं रै वैवार सूं कई अबखायां पैदा हुय जावै। पाछला दोय अेक बरसां सूं फारूख बडै कठण दौर सूं गुजर रह्यो है। इण नैनी उमर में उणरै मन में किणी तरै री हीन भावनावां (कॉम्प्लेक्स) नों आय जावै। जे उणनें रैवण नैं आछी जाग्यां अर चोखा मित्र मिल

जावै तो उणरै मन माथै आछो प्रभाव पड़सी। म्हैं धानैं औ काम व्यक्तिगत रूप सूं सूप रह्यो हूं। थै इण मामलै में प्रिंसिपल कासलीवाळ सूं ई सम्पर्क करजो। फारूख नैं ई कहीजो कै उणनैं कोई शिकायत हुवै के कोई जरूरत हुवै तो थांसूं मिलै।'

कागद रै अंत में पं. नेहरू श्री पालीवाळ नैं लिखै कै बै फारूख अब्दुल्ला री ओळखाण जयपुर में कोई प्रतिष्ठित मुस्लिम परिवार सूं कराय सकै तो घणो आछो रहसी।

बियां तो आज औ कागद दिल्ली सूं प्रकाशित पण्डित जवाहरलाल नेहरू रा पत्रां में छप भी चुक्यो हैं। पण फेरूं भी राजस्थान मांय इण कागद रो आपरो अलग ही महत्त्व रैवैला।

घणी तपस्या कीधी थी घणा दान किया जदां श्री साहेब जी सरीसा खावन्द पाया ढोलिया री चाकर उपर सुब नीजर रखाईजै मारै तो आधार श्री खावन्दा रो हे राज रा चरणा लपटी हूं श्री साहेब जी सा दुहो देव नदी धीया खड़ी कीम कर आऊं हजूर मुजरो मारो मानजोजी नीत ऊगते सूर श्री जी सा आपरी तपस्या भारी ने आपनै श्री जळंधरनाथ जी साय कीवी नै राजसथान मैं धीन धीन किया श्री नाथ जी आपरै किले सांमो जोये जीण नै श्री नाथ जी भसम कर देवै आपरी फतै हुई न आप गढ़ा पधारिया जीण री खुशी रो पार लिख्यो जावे नहीं हरख होया में मावे नहीं हीरा मोतियां रो मैहे उठो श्री जी सा मैं तो खानजादा नै ई दरसण दोराईजै नै श्रीनाथ जी रा दरसण कराई नै भेंट कराईजै आप नै राज श्री जळंधरनाथ जी दियो श्री जी सा अेक वार तो फुरमास सुणाई हुती आप री मरजी तो चाकर माथै रखाईजो ई जे आप री फुरमास सुणी नहीं जिण सू चीन्ता हुवै है श्री जी सा चूक तो मोकळो पड़ेयो है पण आप रो बीरद बीचार नै फुरमास सुणइजे श्री जी सा अरजी में दसकत हुवो वो लीखायो हुवै तो गुनो माफ करावसी हु कांही जाणु नहीं राज छै चतुर परवीण।'

अटै आ बात भी बतावण जोग है कै अभिलेखागार में जयपुर राज्य री सैकड़ पातरियां अर पासवानां रा राजी-खुशी रा पत्र संग्रहीत हैं। पण किणी व्यक्ति विशेष वास्तै इत्ता विशेषण अर उपमावां सू लड़ालूव पत्र देखण मांय नीं आवै।

सांकेतिक लिपि में राजस्थानी रा दो कागद

सांकेतिक लिपि में समाचार भेजण रो परम्परा मोकळी पुराणी है। प्राचीन भारत में लिख्योड़ा इसा कागद तो आज उपलब्ध कोनी पण मध्यकाल अर अंग्रेजा रो वगत में प्रशासकां अर अधिकारियां रै हाथ सूं सांकेतिक लिपि में लिख्योड़ा इसा गोपनीय कागद आज ई भारत रै अभिलेखागारां में मिलै। आं कागदां में इसा समाचार रैवता जिका नैं सुरक्षा रो दीठ सूं गोपनीय राखणो जरूरी हुंवतो। इण भांत कदाच अ कागद गैर आदमी रै हाथ पड़ जावता तो ई वो आरो अरथ समझ नों सकतो। संकेत लिपि में लिखणवाळा अर बांचण वाळां कनै संकेतां रो कुंजी तयार रैवतो। राजस्थान राज अभिलेखागार, वोकानेर में जयपुर राज में मध्यकाल में काम आवणवाळी सांकेतिक लिपि रो सांतरी कुंजी मिलै। राजस्थान में शोध अध्येतावां सांकेतिक लिपि में आप आपरै ढंग सूं मोकळो काम कर्यो है। सांकेतिक लिपि में लिख्योड़ा राजस्थानी भाषा रा दो कागद इण भान्त है—

मध्यकाल में राजस्थान रै रजवाड़ां में घणी भांत रो सांकेतिक लिपियां रो उपयोग हुंवतो। सगळी सांकेतिक लिपियां रो वर्णन अठै संभव कोनी। इण वास्तै अंकात्मक लिपि, जिकी आज ताई गुप्त समाचार भेजण सारू काम में लिरीजै, वीं रो वर्णन करूं। मध्यकाल में इण लिपि में लिख्योड़ा कागदां नैं बांधणी कागद कँवता। अ बांधणी कागद इण कारण कँवोजता कै लिपि नैं अंकां में वंधाय दी ही। दूजी विधियां में भी लिपि में आखर रो ठाँड़ अंक निर्धारित करनै लिखीजता। जयपुर राज में महाराजा सवाई जयसिंह जयपुर रै वगत में अंकात्मक सांकेतिक लिपि रा तै शुदा अंक इण भांत हा, जिणां नैं आधार बणायनै समाचार भेजीजतो।

अ ई उ क ख ग घ च छ ज झ ट ठ ड ढ ण

५ ६ ७ ९ १० ११ १२ १३ १४ १५ १६ १७ १८ १९ २० २१

ड त थ द ध न प फ ब भ म य र ल व

८ २२ २३ २४ ४ १ २५ २६ २७ २८ २ २९ ३० ३१ ३२

स ह

३ ३३

स्वरां नैं इण भांत लिखता हा—

अ आ इ ई उ ऊ ए ऐ ओ औ अं अः

५) ५१) ६) ६) ७) ७) ५) ५) ५०) ६०) ५) ५ः)

मात्रा रै साथै व्यंजनां नैं लिखणै रो तरीको इण भांत हो —

क का कि की कु कू के कै को कौ कं कः

९) ११) ११ ११ ९ ९ ९ ९ १० १० ९ ९ः

ख खा खि खी खु खू खे खँ खो खौ खं खः
 १०) १०।) १ि० १ी १ु १ू १े १ँ १ो १ौ १ं १ः

ग गा गि गी गु गू गे गँ गो गौ गं गः
 ११ ११। १ि१ १ी १ु १ू १े १ँ १ो १ौ १ं १ः
 ऊपर लिख्योड़ी अंक लिपि माथै आधारित अंक कागद इण भांत लिख्योड़ी मिलै—
 ५।) ३०) ३) २४) १०।) १) २६) ३०) २१) २१) २४ ३) ३१।)
 १०) ३०) २५) २१) २५) ३) २४।) ३३) २) ११) १५)
 ३०।) २२) ११) ३) २७।) २३) २) १) २४) २२) ३३)
 इण कागद रो अरथ इण भांत है—

“ओरू सइद खां नै फरमायो दस लाख रुपयो पेंसकस दो हमां गुजरात का सूबा तुम को देते हैं”

इणीं भांत अंक दूजो कागद ओरू मिलै, जिणमें ऊपरलै कागद दाई अंकां रै साथै अंक अक ओर बधाय दियो गयो है। पण इण बधायोड़ै अंक री कोई सार्थकता नीं हो। औ कागद इण भांत लिख्योड़ी मिलै।

२१) ३३०।) ३०५।) १५४।) ३१३।) २५) २ि२५) ३०१।) १५३।)
 १५६) ३१।) २२१) ३१) १२३) १३।) ५३) ३०) २१।) १३२।) ३०१)
 ५३) २७१) १५३) २३।) ३३९) ५१।) ११८।) १४५) २२३।) १३।) ११)
 ३३५।) १२) २३।) १३) ५१) २७०) २२२।) ३०१।) १५२) ३०)
 १२३) ११।) २७।) १७२।) ३०१) २२५) १२) ५१) ३०२) १३।)
 २३५) ३०१) १०२।) ३१) १५३) ३२।) २२५) ३२) १२५)
 ११२) ११३) २७५) ११३) ३३५) ११३) २१३।)

इण कागद रो अरथ इण भांत है—

“महाराजा सलामति राजा जसोत संघ का अे समाचार अब जु मौ (मुं) ह आग छै त्यां को कहो न मानै अब तो राजसंघ रा बेटा रतन अर नाहर खां सो सजोत संघ गडबड है गयो।”

•

